



ლადო ავალიანი



ახალი პორტოენცი

რეჟისორი



სახელმწიფო გამომცემ
19 თბილისი

სამი წლის ბიჭუნას მარცხენა ხელი დედის კაბის აცეცილ კალთისათვის ჩაეველო, მარჯვენათი კი საპნის ქაფზე მოსეულ თევზების დაჭერას ლამობდა; პაწაწინა ხელს ხან ფრთხილად ჩააპარებდა წყალში, ხანაც უცებ ჩაჰყოფდა; თვითონაც უნებლიეთ ნახევრად ჩაიჩოქებდა თუ არა, ნაპირებდასველებული პერანგი მის გარშემო ბუშტივით იბერებოდა. ბავშვის ხელის ყოველ მოძრაობაზე თევზები სწრაფად ქრებოდნენ. ბიჭუნა დამუშტული ხელის წყლიდან ამოდების უმალ თითებს გაშლიდა... გულდაწყვეტილი და გაკვირვებულა, ჯერ დედას შეხედავდა, მერე ისევ გაშლილ ხელისგულს დააცქერდებოდა და თევზის სისწრაფით და მიუკარებლობით გულმოსული, ერთი წუთის შემდეგ უფრო მეტის გულმოდგინებით ეპარებოდა ხელახლა ჯგროდ მოსეულ ლიფსიტებს. დროდადრო ზოგი მათგანი წყლის სიდრმეში ისე მარჯვედ, თვალის მომჭრელად გაიფლევებდა, რომ ბავშვს გული

„შეუფანცქალდებოდა ხოლმე; რაც უფრო მეტად ცდილობდა თუნდაც ერთი მათგანის ხელში მოგდებას, თევზები მით უფრო მიუკარებელი და ლამაზი ეჩვენებოდა.

მაიას ბავშვისათვის არ ეცალა, დინჯად, გულმოდგინედ რეცხავდა ქმრის ტანსაცმელს — ქეანახშირის მტვერით გაშავებულ და ალაგ-ალაგ ლაფიო დალაქავებულ ბრეზენტის პიჯაკსა და შარვალს; ხანდახან თუ შენიშნავდა ხოლმე ბავშვს, როცა იგი ღონივრად დასწევდა კაბის კალთას — „გადი, გია, ნაპირზეო“ — მაგრამ გიას წყალში დგომა ეხალისებოდა, თანაც თევზების დაჭერის სურვილი არ ასვენებდა. ბოლოს, იმედგაცრუებული ბავშვი, თითქო სიძულვილს უცხადებდსო, როგორც კი თევზები გამოჩნდებოდნენ, უმალ ფეხით წყალს აადგაფუნებდა და თან რალაც გაუგებარს გაჰყვიროდა. მიეშხეფებოდა თუ არა სახეზე და გულმკერდზე წყალი მაიას, გულმოსული მოუბრუნდებოდა ბიჭსა და სველ ხელს მსუბუქად სტკიცავდა ტუჩებზე, ან ღაქღაქა ლოყაზე; ბავშვი ალმაცერად გახედავდა დედას, გაბუტულივით წაიშვერდა წინ ტუჩებს, და ლოყასაც მალულად შეიმშრალებდა დამუშტული ხელით, მერე ისევ შეუტევდა საპნის ქაფზე კვლავ თამამად მოსეულ თევზებს. ალბათ დიდხანს გაგრძელდებოდა ასე, მაიას რომ მწყურალად არ შეეცნა ბავშვისათვის — „ბიჭო, გაჩერდი, წყალს ნუ მიმღვრევო...“

წყალს თითქო ერთ წამში მართლაც შესამჩნე-

ვად ეცვალა ფერი, გამუქებულყო. ახლა შორეულმა უჩვეულო შმაშურმაც, წყლის დინების ჩვეულებრივ ხმას რომ არ ჩამოჰგავდა, უნებლიეთ მიიქცია მაიას ყურადღება. ვიდრე მდინარეს აღმა გახედავდა, შარვალი წურვით ამოზიდა და ახლა უკვე ნათლად შენიშნა, რომ ერთი წუთის წინ ანკარა წყალი, რომლის ფსკერზე რიყის ქვებიც და აქა-იქ მუქმწვანედ ალივლივებული ხავსიც კი მკაფიოდ მოჩანდა, ახლა ისე ამღვრეულიყო, მის სიღრმეში აღარაფრის გარჩევა არ შეიძლებოდა. მაიას, ცოტა არ იყოს, ეუცხოვა ეს ამბავი; სველი შარვალი მუხლებს შუა მოიგდო, ტოტების ბოლოდან კი მის გრეხას შეუდგა; სახელდახელოდ გასწურა პიჯაკიც, ორივე ნაჭერი მხარზე გადაიკიდა და წამოდგა. ბავშვსაც უკვე აღარ აინტერესებდა ამღვრეულ წყალში დგომა; აღარც თევზები ჩანდნენ და წყალიც უფერულად მოედინებოდა. გია დედას ცალ ხელს ხან მუხლს ზემოთ მოხვევდა, ხან კალთაზე ეჭიდებოდა და ნაპირზე გაყვანას სთხოვდა. მაიამ მდინარეს რომ აღმა გახედა, თითქო დანახულმა გააოცაო, თვალები დაახამხამა, სახეზე შიში აღებეჭდა; ბავშვი მარჯვედ აიტაცა და ნაპირს მიაშურა. ნაპირზე, კუნძის ფესვებზე გადაფენილი ნაჭრები მოაგროვა, ბრეზენტის გაწურულ-დაგრეხილ პიჯაკ-შარვალთან ერთად წნულ ჩელტში ჩაყარა, ჩაჩოქილს წამოდგომა ახლა წელანდელზე უფრო გაუჭირდა, ბავშვის და სარეცხის სიმძიმით ხელებგაკავებულმა ღონით რომ ვერ სძლია, არ გაკვირვებია.

ჟეცარ შიშს მისთვის მუხლიც მოეკვეთა. გულის დაშოშმინებისა და ღონის მოკრების დრო არ იყო. ერთი პირობა, მაიამ იფიქრა კიდევ — ჩელტისა და სარეცხისათვის თავი დაენებებინა, ტვირთი შეემსუბუქებინა, ბავშვისა და თავის თავის შველაზე ეფიქრა, მაგრამ, თითქო ამ განზრახვამ გამოაფხიზლაო, გუნებაში უმაღლესად დაცინვით შეესიტყვა თავის თავს — „რამ შეგაშინა ქალო, ჯერ ხომ ისეთი არაფერია!..“ ერთხელაც რომ გახედა მდინარეს და ერთი წუთის წინ რიყით მოფენილ ვრცელ ნაპირს, წელანდელზე უფრო გაოცდა. ალაგ-ალაგ ჩაღრმავებულ ადგილებში მღვრია ნაკადი უკვე შემოჭრილიყო და სწრაფად მატულობდა, მთელ ნაპირს ეღებოდა; ორმოები და ნაპრალები უკვე ამოევსო. რაც კი ნაპირზე ხმელი ფიჩხის ნამტვრევები, ნაფოტები და კონსერვის ცარიელი ქანგიანი კოლოფები იყო, კუჭყიან ქაფში სულ წყლის ზედაპირზე ტივტივებდა და დინების მიხედვით ზოგან სწრაფად მიექანებოდა, ზოგან ერთ ადგილზე ბრუნავდა. ის ადგილი ნაპირზე, სადაც მაია გამოვიდა, შედარებით ამაღლებული იყო, პატარა ბორცვივით ჩანდა და წყალი ჯერ ვერ სწვდებოდა. ქალი გულს იმშვიდებდა — ვიდრე იმ ორმოციოდენ ნაბიჯს გაივლიდა და სამშვიდობო აღმართს—გორაკის ფერდობს მიაღწევდა, წყალი ისე ვერ მოიმატებდა, რომ გზა მოეჭრა; მაგრამ გადადგა თუ არა მაიამ რამდენიმე ნაბიჯი, დაინახა, რომ ვარაუდშა ტყუევდებოდა. წყალი სწრაფად მატულობდა, თუმცა

მის ნაკადს ნაპირზე იმდენი სისწრაფე და ძალა
ჯერ კიდევ არა ჰქონდა, რამდენიც კალაპოტში.

სიჩქარეში მაიამ ერთი-ორჯერ წაიბორძიკა. ახლა
წყლით დაფარულ რიყეზე ძალიან სჭირდა ფეხის
ისე დაბიჯება, რომ წონასწორობა შეგენარჩუნებინ-
ნათ. გორაკის ფერდობს რომ უახლოვდებოდა, უეც-
რად ერთგან ისე ღონივრად ჩაბუქნა, ეგონა ვიღუ-
პეზიო; წყალი წელამდე შემოსწვდა. ინსტინქტიუ-
რად მკლავი კიდევ უფრო მაგრად მოხვია ბავშვს
და დაიკივლა, მაგრამ მის ძახილს არავინ გამოხმა-
ურებია. ირგვლივ მდინარის მოღონიერებულ ტალ-
ღების ტლაშუნის მეტი არა ისმოდა-რა. ქალი მი-
ხვდა, რომ ორმოში ჩაუვარდა ფეხი, და ეს მარცხი
არც თუ ისე საბედისწერო იყო. ის ახლა ცდილობ-
და შვილის გამხნევებას, დაუსრულებლად იმეო-
რებდა „ნუ გეშინიაო“, რითაც ბავშვს უფრო მე-
ტად აშინებდა. ბავშვი მაგრად ჩაკვროდა დედას,
მკლავები მისი კისრისათვის შემოეჭდო, ყელით
მხარზე დაბჯენოდა, ხოლო ფეხები ისე მარჯვედ
შემოესალტა წელზე, რომ ქალს თავისუფლად მოძ-
რობასა და სუნთქვას უშლიდა. მაიას სწორედ იმ
მხარეს ჩაუვარდა ფეხი უხილავ ორმოში, საითაც
ჩელტით სარეცხი ეჭირა, ჩელტი წყლის ზედაპირს
დაენარცხა და ქალი წაქცევისაგან იხსნა. წელან გა-
დაგდებას რომ აპირებდა, ახლა უფრო მაგრად
უჭერდა ხელს თეძოზე მიბჯენილ ჩელტს და
გულისფანცქალით თვლიდა გუნებაში, კიდევ რამ-
დენი ნაბიჯი უნდა გადაედგა, რომ სამშვიდობო

გასულიყო. ამ ფიქრებში, პირველი მარცხისაგან
ჯერ კიდევ გონდაბნეულმა ქალმა უცებ ხმამაღლა
შეჰკივლა და ტუჩზედაც ისე იკბინა, თითქო ტკი-
ვილის შემსუბუქებას, ტკივილითვე ლამობდა. არც
გაუგია, ჩელტს როგორ უშვა ხელი; ცალი ნაპირით
დაყირავეებული ჩელტი ერთხანს კიდევ ჩანდა
წყლის ზედაპირზე, შემდეგ სწრაფად ჩაიძირა.
ქალს ახლა ბავშვის გადარჩენის მეტი აღარაფერი
ახსოვდა. კიდევ გადადგა გაჭირვებით რამდენიმე
ნაბიჯი და სამშვიდობოს გავიდა. ნაპირზე კოჭლო-
ბით გაიარა თუ არა მცირე მანძილი, მახლობელ
ღობის ძირას დასვა ბავშვი, და თვითონაც ულო-
ნოდ დაეცა მიწაზე. თმაგაწეწილს, გაფითრებულს,
კიდევ არა სჯეროდა, რომ სტიქიას თავი დააღწია
და სამშვიდობოს იყო გამოსული; უნდოდა, მდი-
ნარისაკენ ზურგი შეექცია, სულაც რომ არ ეხილა
ლაღად მონავარდე, უამრავ ფაფარივით აშლილი
ქაფიანი ტალღები. ტკივილმა კვლავ მიიქცია მისი
ყურადღება. ფეხზე რომ დაიხედა, მიხვდა, ტერფი
რაღაც ბასრ საგანზე გაეფატრა. სისხლი უხვად
მოდიოდა ქრილობიდან და გაბანილ ტერფს წით-
ლად ღებავდა. ქალმა სველი ხელებით თმები გადა-
ივარცხნა და თავისდაუნებურად მდინარესაც გადა-
ხედა თუ არა, იმ შიშისა და განსაცდელის შემ-
დეგ, რაც გამოიარა, ახლა უჩვეულო სიხარულმა
გაუბრწყინა თვალები; უცებ ბავშვს სტაცა ხელი,
გადაჰკოცნა, გულში ჩაიკრა. ბავშვი ხმას არ იღებ-
და, გაბუტულივით შუბლს ქვემოდან სულ ერთ-

თავად მდინარისაკენ იცქირებოდა. მას ჯერ კიდევ ვერ გაეგო, რა მოხდა. ასე უეცრად მოზღვავებულ წყალს პირველად ხედავდა და ეს სანახაობა ახლა უფრო აოცებდა, ვიდრე აშინებდა.

სულიკომ მატარებელშივე შეიტყო, რომ შახტების უბანი სადგურიდან ხუთი კილომეტრითაა დაშორებული. ისიც უთხრეს, ამ გზაზე სპეციალური ავტობუსი დადისო. „სპეციალური ავტობუსის“ ვაგონებზე ერთ-ერთმა მგზავრმა ისე გაიღიმა, სულიკო უმალ მიხვდა, არც ისე იყო საქმე, როგორც ზოგი არწმუნებდა. მართლაც, გადმოვიდა თუ არა ხალხი სადგურზე, იმ ადგილას, სადაც ავტობუსი უნდა მოსულიყო, მართო ორი-სამი მგზავრი გაჩერდა თავისი ბარგიით. მათ ვერ შეატყობდით, რომ ავტობუსს ელოდებოდნენ. ოდნავაც არ ამჟღავნებდნენ მოლოდინით აღძრულ მოუსვენრობას. არც იჯით იცქირებოდნენ ხშირ-ხშირად, ამ შემთხვევაში მგზავრისათვის დამახასიათებელი ცნობისმოყვარეობით, საიდანაც, მოასფალტებულ გზატკეცილზე ავტობუსი უნდა გამოჩენილიყო.

ვაგონებიდან გადმოსული ხალხი ერთხანს სადგურის ბაჟანსა და უკანა მოედანზე რომ ფუსფუსებდა, რამდენიმე წუთის განმავლობაში შეუმჩნევლად მიმოიფანტა. როგორც ეტყობოდა, ვისაც ეჩქა-

რებოდა ყველა ფეხით მიეშურებოდა ან, შემთხვე-
ვით შემოხვედრილ საბარგო მანქანის ძარაში
სხდებოდნენ გზადაგზა. ავტობუსის მოსაცდელთან
მხოლოდ „მოცილილებს“ მოეყარათ თავი. ამ მოცი-
ლილთა მცირე ჯგუფს შეუერთდნენ სულიკო და
მისი და მეგი. სულიკომ ჩემოდნების ტარება ოცი-
ოდე ნაბიჯზედაც არ იკადრა; პატარა ბიჭს წამო-
აღებინა ისინი და ხის ქვეშ, ჩრდილში დაფენილ
გაზეთის ნახევზე დააწყობინა.

მეგიც და სულიკოც ახლა ისე უცხოდ გამოიყუ-
რებოდნენ, ყველა გამვლელი ძალაუნებურად აქ-
ცევდა ყურადღებას. მეგისაც და სულიკოსაც ფარ-
თო ფარფლიანი სწაფხულო ქუდი ეხურა. სული-
კოს ქუდს სპილოს ძვლისფერი გადაჰკრავდა, მეგის
გაკრახმალებული. ქუდი კი თოვლივით თვალისმომ-
ქრელად ქათქათებდა. თავისუფლად ბოლოებგაშვე-
ბული შავი ლენტი კიდევ უფრო მეტად უსვამდა
ხაზს ქუდის სითეთრეს. როგორც მეგის, ისე სული-
კოს ქუდის ფარფლის წინა პირი კობტად იყო მოხ-
რილი და მათი სახის ზედანახევარს ჩრდილს ჰფენ-
და. სულიკო მოუსვენრად იცქირებოდა აქეთ-იქით,
მარცხენა ხელსაც განზე სწრაფად გაიქნევდა ხოლ-
მე და უკან წამოცურებულ სახელოს ადგილას, მა-
ჯაზე ოქროს საათს თვალს შეავლებდა თავმომწონე
ყმაწვილის მედიდურობით. ამ გაურკვეველ მოლო-
დინში კაცს უფრო მეტად აღინიანებდა საბარგო
მანქანების გაბმული ზუზუნნი და რახრახნი. თითქო
აუცილებელიაო, გზატკეცილიდან მანქანები უსა-

თუოდ სადგურის მოედნისაკენ ჩამოუხვევდნენ, ერთი წუთით შეჩერდებოდნენ, შემდეგ მოედანს შემოუვლიდნენ და კვლავ გზატკეცილისაკენ გაიკრებოდნენ. ზოგი მანქანა ცარიელი ჩანდა, უმეტესობა კი დატვირთული იყო კირით, ქვიშით, ხეტყით, რკინეულობით. საბარგო მანქანების შოფრებმა იცოდნენ—რა ავტობუსის ამბავი, მგზავრებს უსიტყვოდ სთავაზობდნენ თავიანთ მანქანას, მაგრამ სადგურის ბაქანზე ამჟამად ისეთი არავინ ჩანდა, რომ საბარგო მანქანით მგზავრობაზე დათანხმებულიყო.

უცებ სულიკოს სახე გაებადრა, მეგის ხმადაბლა გადაულაპარაკა — ახლავე დავბრუნდებიო და ჩქარი ნაბიჯით სადგურის შენობისაკენ გაემართა.

სულიკო მართლაც რამდენიმე წუთში დაბრუნდა. წარმატებას ის საერთოდ ვერასოდეს ვერ ფარავდა და ახლაც სახეზე კმაყოფილების აშკარად გამომხატველი ღიმილი უთამაშებდა. გაოცებული მეგის ყოველ გამეორებით შეკითხვაზე — რა გიხარიანო? — სულიკო ცალი წარბის მედიდური შეტოკებით პასუხობდა. მეგის გული მოუვიდა. ძმას ზურგი შეაქცია, განწრახ მის ჩემოდანზე ჩამოჯდა. მოწყენით მიწას გაუშტერა თვალი. წამით მეგიკიდევ გაიტაცა ხის ძირას მიყრილ ლელვის კანებსა და მწიფე მსხლის ნათლებზე მისეულ ფუტკრების გულმოდგინე ბზუილმა და გარჯამ.

ასე დაჰყვეს ხუთმეტეოდე წუთი.

მეგი ძალოან გაოცდა, როდესაც სულიკომ შორი-

ახლოს შეჩერებულ „M—1-“ზე ანიშნა და უთხრა: ჩავსხდეთო. შოფერი სწრაფად გადმოვიდა, ჩემოდნებს ხელი დაავლო და მანქანაში ფრთხილად, თანაც ისე მოათავსა, რომ მგზავრები არ შეევიწროვებინა.

ერთი წუთის შემდეგ მეგი და სულიკო გზატკეცილით რაიკომისაკენ მიჰქროდნენ.

მაიას თავისი უფროსი ვაჟი — გურამი ჯერ კიდევ მაშინ მოაგონდა, წყალმა რომ ამღვრევა და მატება იწყო. მაია რომ მდინარეში სარეცხს რეცხავდა, გურამი ტოლებთან ერთად წითურთმიანი ამხანაგის ეზოში თამაშობდა. რახან გურამი ახლომახლო არსად ჩანდა, მაიამ იფიქრა, შინ თუ დაბრუნდა, ან იქნებ სადმე ახლოს კვლავ ტოლებთან თამაშობსო. მერე პერანგის ჩამონახევით შეიხვია თუ არა ფეხი, კვლავ გაახსენდა გურამი და, ისე ჯეცრად, თანაც გულუბრყვილოდ წამოიძახა: „ნეტავი ის ბიჭი სად უნდა იყოს“, ვერ გაიგებდით, გვერდით, ლობესთან ატუზულ პატარა გიას ეკითხებოდა, თუ თავისთავს. მაია წამოდგა, ხელი შუბლზე მოიჩრდილა და მდინარეს ერთხელ კიდევ გახედა. ყრეოლის მომგვრელი და თავბრუდამხვევი იყო ახლა ამოდენა სივრცეზე ლაღად მიმავალი, ტალღებატოტებული მდინარის ჰვრეტა.

წყლის მოდიდებამდე, სადაც რიყით მოფენილი მდინარის ნაპირი იწყებოდა, ძველი არხის, მიწით ნახევრად ამოვსებული კალაპოტი ჩანდა: არხის გაღმა ნაპირს წყვეტილად გასდევდა პატარა გორაკისებური მიწაყრილი. მიწაყრილიდან ოციოდე ნაბიჯის დაშორებით რამდენიმე ხე იდგა. არხის გაყვანის დროს, ვისი ეზოს ბოლოც მდინარის ძველ ნაპირს ებჯინებოდა, ნაწილი ჩამოექრა და თავისი ხეხილით არხის გადაღმა მოექცა. ეზოს პატრონები ხეხილს მაინც თავისად თვლიდნენ და პირველ ხანებში გულმოდგინედაც იცავდნენ მეზობლების გათამამებული ბავშვებისაგან. განსაკუთრებით გულმოდგინედ დარაჯობდა პატრონი არხის გადაღმა დარჩენილ შავ ლელვის ხეს. რადგან ლელვის ხის პატრონი ახირებული მეზობელი იყო, მშობლები ბავშვებს ყოველთვის აფრთხილებდნენ, რომ მაქსიმელას ლელვს არ გაკარებოდნენ, მაგრამ რაწამს თავის ეზოს გასცდებოდნენ, ბავშვებს მშობლების დარიგება ავიწყდებოდათ. სიმწიფის დროს, შავი ლელვის დანახვის უმაღლეს ხომ, ხეზე ასვლის ცდუნება ერთიორად მატულობდა მათში. მაგრამ საკვირველი ის იყო, თითქო პატრონის გასალიზიანებლად ამ ხეს სხვა დროსაც რომ ეტანებოდნენ; ლელვის ხეზე ასვლა გამირობად მიაჩნდათ და თუ გამბედაობაში ერთმანეთის გამოცდა უნდოდათ, პირველად იმას წამოიძახებდნენ — „თუ ბიჭი ხარ, მაქსიმელას ლელვზე ადიო“.

გურამი ახლა სწორედ ამ ლელვის ხეზე იჯდა და

ტოტებსა და ფოთლებს ისე მარჯვედ ეფარებოდა, რომ ნაპირიდან თითქმის შეუძლებელი იყო მისი დანახვა. დედის ძახილზე ბავშვი ხმას არ იღებდა, ელოდა მშობლის წასვლას; მაია კი ფეხს არ იცვლიდა ნაპირიდან, მოჯადოებულებით, ერთთავად სულ მდინარისაკენ, ხეებისაკენ იცქირებოდა. ერთი შეხედვით ისე მოგეჩვენებოდათ, თითქო ხეები წყალში ამოსულანო. მდინარემ უკვე გადმოლახა არხის მიწით გადასწორებულ-მოტკეპნილი სათავე ჯერ ნელი შმაშურით იკვლევდა გზას მის კალაპოტში, შემდეგ, როცა ძალა მოემატა, შხუილით წამოვიდა და სწრაფად იწყო მატება. რამდენიმე წუთში არხის კალაპოტი ნახევრად წყლით გაივსო. მაია გაფაციცებით აკვირდებოდა არხში შემოჭრილ წყალს, ის ახლა ისე იყო დაშინებული, რომ არხში წყლის გამოჩენის უმალ ადგილი მოინაცვლა, საურმე გზაზე გავიდა; მალე წყალი მდინარის პირას მობინადრეთა ეზოების ღობესაც მისწვდა, სარები უკან მოიტოვა და ბოსტნის კვლებს მოედო.

უცებ ბავშვების ყვირილი ატყდა, ისინი მდინარისაკენ იცქირებოდნენ, თან ხელებს იქნევდნენ და რაც ძალი და ღონე ჰქონდათ გასჭყვივოდნენ — „ნუ გეშინია, ნუ გეშინიაო“.

მაიამ გოცვებით გაიხედა იმ მხარეს, საიდანაც ბავშვების ხმა ისმოდა. ჯერ ეგონა წყალში ვინმე შენიშნეს და ამხნევებენო, მაგრამ მდინარის ვერც გაღმა, ვერც გამოღმა ნაპირის გასწვრივ, რომ ვერავინ შენიშნა, გაუკვირდა. ვერ გაეგო, რას ნიშნავდა

„ნუ გეშინია“-ს ძახილი. მოულოდნელად ხუთიოდე ზიქი, ერთმანეთის მიყოლებით გამოძვრა ლობეში; მაიას დანახვაზე თავიანთი ჯოხის ცხენებით ისე მოკურცხლეს, თითქოს ერთმანეთს სირბილში ეჯიბრებიანო. სწრაფად აირბინეს გორაკისაკენ, საურმე გზაზე. მაიას კითხვა — გურამი სადღააო, — თითქო არც კი გაუგონიათ. ისინი დროდადრო თუთის ხის გრძელი წკეპლის მათრახებს ხან ხის ცხენს უჭირებდნენ, ხანაც ეზოებიდან წამოწვდილ ხეხილის ტოტებსა და ფოთლებზე გაატკაცუნებდნენ; დაკუწული ფოთლები მტვრიან მიწაზე იფანტებოდა, თუ ნაყოფიც ჩამოვარდებოდა, უმალ აიტაცებდნენ „ცხენოსნები“ და ისევ ჭენებით განაგრძობდნენ გზას; პირველ მოსახვევთან გზა მოკლედ მოქრეს, ერთი მოსახლის ეზოდან მეორე მოსახლის ხელისგულისოდენა სიმიდის ყანაში გაიშლიგინეს, გახვითქული მხედრები რამდენიმე წუთში უკვე გორაკის თავზე გაჩნდნენ, მათი ურიაშული ჭერ კიდევ ესმოდა ქვემოთ მაიას.

მირბოდნენ ბიჭები და თან, ვინც შემოხვდებოდათ, ყველას ამცნობდნენ — მოდიდებულმა წყალმა მაქსიმელას ლელვის ხეზე ზიბზიბაძის გურამი მოიმწყვდია და მიეშველეთო. მაიამ ამასობაში ერთხელ კიდევ გახედა მდინარეს, მერე გიას ხელი წამოავლო და, საურმე გზით კი არ გაეშურა სახლისაკენ, იქვე მეზობლის ეზოში გადავიდა, მდინარეს ნაპირ-ნაპირ აჰყვა. წყალში მდგარ ხეებზე ღუმც ვერავის ამჩნევდა, გული მაინც ვერ უთმენ-

და დროდადრო იქითაც რომ არ გაეხედა. თან ისე მწყრალად, შეშფოთებით და ხმამალლა გასძახებდა ხოლმე — „გურამ-ო“, თითქოს ბავშვი იქვე სადმე მიმალული ეგულებოდა.

ასე ჩაუარა მაიამ რამდენიმე მოსახლის ეზოს. ბოლოს, ერთგან, ჰის ცაში აწვდილი ოწინარი შენიშნა და იქით გაეშურა. გია რახანია გაიძახოდა— მწყურიაო.

გასცილდნენ თუ არა სადგურის მოედანს, აქამდე ლოდინით შეწუხებულ მეგისა და სულიკოს უმალ გუნებაც გაუხალისდათ. ისინი ახლა კმაყოფილი და უდარდელი ადამიანის თვალით გასცქეროდნენ თვალწინ გადაშლილ სანახაობას. ეს სანახაობა, მართალია, მათთვის მთლად უცხო არ იყო, მაგრამ შეჩვეული თვალისათვისაც ისევე მომხიბლავი ჩანდა აქაურობა, როგორც შეუჩვეველისათვის.

თუ გზის გასწვრივ გაიხედავდით, უეჭველად გააკვირვებდათ ის ცვლილება, რაც აქ უკანასკნელი წლების მანძილზე მომხდარიყო. მეგი და სულიკო აქეთ ათი წლის წინათ იყვნენ ნამყოფი და ახლა დროდადრო ეჭვიც კი ებადებოდათ, სხვაგან ხომ არ ჩამოვხტით, გზა ხომ არ შეგვეშალაო. მანქანების წარამარა ქროლვით გასიპული ასფალტი მზეზე

ალაგ-ალაგ შავად ლაპლაპებდა. გზის მარცხნივ და მარჯვნივ დროდადრო შემოგხვდებოდათ ახლახან დასრულებული, თუ ჯერ კიდევ ხარაჩოების ტყეში შიშვლად ამართული აგურის კედლები, უკარფანჯროდ და უსახურავოდ. ახლომახლო, მარცხნივ, თუ მარჯვნივ გორაკებსაც ეცვალათ სახე. თუ წინათ გორაკების ფერდობთა ერთადერთი მშველება — ქოჩორა ტყეები იყო და მარტო აქა-იქ, ხელისგულისოდენა, გამოკაფულ ადგილზე იქნებ სიმინდის ყანაც შეგენიშნათ, ახლა სიმწიფეში შესულ სიმინდის ყანების გარდა აქ ჩაის პლანტაციების მწკრივებით, თუ ხეხილის ბაღების ფერებით მოხატულ-აჭრელებული ფერდობები უნებლიეთ თვალს მოგტაცებდათ.

გზის მესამედიც არ ექნებოდათ გავლილი, რომ მოულოდნელად მანქანა ორსართულიან ქვის შენობის წინ გააჩერა შოფერმა.

— აქ არის რაიკომი?! — გაკვირვებით იკითხა სულიკომ.

— აქ გახლავთ! — დინჯად მიუგო გულგადაღელილმა და მკლავებდაკაპიწებულმა შოფერმა. მანქანიდან ის პირველი გადმოვიდა, მეგის მხარეს კარი გააღო, მერე სულიკოსაც მიუბრუნდა, — ბარგი აქ იყოს?

— ბარგიც აქ იყოს, ჩემი დაც! — ღიმილით უპასუხა სულიკომ.

შოფერმა ცნობისმოყვარეობით გადახედა მეგის. აქამდე მეგი და სულიკო მას ცოლ-ქმარი ეგონა.

წელან, დანახვის უმალ, აკი გაოცებით გაიფიქრა—
ასე შესაფერისნი როგორ შეხვდნენ ერთმანეთს,
თითქო ჰგვანან კიდევ... ღმერთმანი, ერთი დედ-
მამის შვილები გეგონებათო.

აქამდე მხიარული და თავისი უბრალოებით მო-
მხიბლავი სულიკო, მანქანიდან გადმოსვლის უმალ
ერთბაშად შეიცვალა, მამალ ინდაურივით გაიფხო-
რა. სიტყვაშიაც, მოძრაობაშიაც მეტი სიღინჯე და-
ეტყო. „განსაკუთრებული შემთხვევებისათვის“
ხელუხლებლად შემონახული ძვირფასი პაპიროსის
კოლოფიც გახსნა, უჩვეულოდ გრძელდეროიანი პა-
პიროსი ისე დაიჭირა, ვერ შეატყობდით, რომ მწე-
ველი არ იყო. ასე ეჭირა პაპიროსი ყოველთვის, სა-
ნამ ვინმე უცხოთაგანი მოწიწებით ასანთს არ შეს-
თავაზებდა, ან მოკიდებულ პაპიროსს არ გაუწო-
დებდა. სულიკო ახლა, გამართული, ამაყად მიაბი-
ჯებდა ვიწრო საფეხურებიან ცემენტის კიბეზე. ეს
კიბე საკმაოდ უგემურად იყო მიდგმული შენობა-
ზე და ისედაც მარტივ ფასადს მთლად აუშნო-
ვებდა.

ნაცრისფერი კოსტუმი, რომლის დაჭმუჭვნისა
ასე ეშინოდა სულიკოს მანქანაში ჯდომის დროს,
მის ტანზე ახლა ისე კოხტად ჩანდა, მეგიც კი გა-
კვირვებული იყო. საცერივით ნაქსოვი აბრეშუმის
პერანგის საყელოც მოხდენილად ჰქონდა გადმო-
კეცილი პიჯაკის ბორტებზე. გაწაფული ხელით გა-
მოსკვნილი ნაცრისფერივე ფართო ყელსაბამის და
ლოსის ტყავის საზაფხულო ფეხსაცმელის ხილვაზე

ხომ უნებლიეთ დაინტერესდებოდით ამ ქაბუკის
ვინაობით, რაგინდ გულგრილიც არ უნდა ყოფი-
ლიყავით კოხტად ჩაცმა-დახურვის საკითხისადმი.

რაიკომის მდივნის თანაშემწე ისეთის ხალისით
შეეგება მოსაცდელი ოთახის კარებში გამოჩენილ
სულიკოს, თითქო დიდი ხნის უნახავი მეგობრები
ყოფილიყვნენ. თუმცა ისიც შეიძლება ითქვას,
რომ ამგვარ შეხვედრას უსათუოდ ჰქონდა თავისი
მიზეზი. როდესაც სულიკომ სადგურიდან რაიკომში
დარეკა, პირველად სწორედ ამ გოგონასთან მო-
უხდა გამოლაპარაკება. როგორც სულიკოს გარე-
გნობა უცხო თვალისათვის, ისე მისი ხმის პირ-
ველად გაგონება, მზამზარეული კომპლიმენტები,
ყურისათვის მუდამ საამო მოსასმენი, და საკმა-
რისი ცნობისმოყვარეობის აღმძვრელი იყო.

სულიკოს რაიკომის პირველი მდივნის ნახვა
ეწადა, მაგრამ რახან ბეგლარი ქალაქკომში იყო წა-
სული, თანაშემწემ ხვალამდე ლოდინს მეორე
მდივნის ნახვა ურჩია. x

სულიკომ წყენით შეავლო თვალი პირველი
მდივნის კაბინეტის კარს, უცებ კვლავ გოგონას
შეხედა, მერე მზერა დინჯად მეორე მდივნის კაბი-
ნეტის კარისაკენ მიმართა, თან ხმადაბლა შენიშნა:

— მოახსენეთ!

მდივნის თანაშემწე სწრაფად შევიდა მეორე
მდივნის კაბინეტში. ერთი წუთის შემდეგ, ყოლო
დახშული, შავი ლიდერინით აკრული კარი ერთბა-
შად გაიღო. თავის მოძრაობით გოგონამ ანიშნა

სულიკოს — შებრძანდითო. ის საზეიმო ელფერა და გაჯგიმულობა, რითაც აქამდე გამოირჩეოდა სულიკო, ფართოდ გაღებულ კარის ზღურბლზე გადაბიჯების უმაღლეს ჩამოსცილდა. რაიკომის მეორე მდივანი ტანძორჩილი, გამხდარი ყმაწვილი იყო. როგორც ჩაცმაში, ისე იერში და კილოშიაც კი, მისი ხაზგასმული უბრალოება სულიკოსთანაა ქაბუკებს შეხვედრის უმაღლეს უკარგავდა ყალბი თავმომწონეობით გატაცების ხალისს.

რაიკომის მეორე მდივანი, მაგიდასთან მოახლოვების უმაღლეს წამოუდგა სულიკოს, ხელი დინჯად გაუწოდა, ღიმილით ჩამოართვა და სანამ თვითონ დაჯდებოდა, სტუმარს სავარძელზე ანიშნა.

მართალია, იგი მეტად ყმაწვილი ჩანდა, მაგრამ ფართო შუბლის ერთადერთი, ნახმლევივით ღრმა ნაოჭი და დაკვირვებული, ერთი შეხედვით, გამომწვევი მზერა ამხელდა მის ნებისყოფასაც და ცხოვრებაში შექენილ საკმაო გამოცდილების ევალსაც.

სულიკო ის იყო გაეცნო, დასხდნენ, თავისი ჩამოსვლის მიზანზე სიტყვაც წამოიწყო, მაგრამ ამ დროს მოულოდნელად დარეკა ტელეფონმა.

რაიკომის მდივანსა და იმ კაცს შორის, ვინც დაურეკა, საქმიანი დიალოგი გაიმართა. როგორც სულიკო მიხვდა, რაიკომის მდივანი ერთ-ერთი შახტის უფროსს უსაყვედურებდა — ამასწინათ გამართულ საწარმოო-სამეურნეო თათბირზე მუშაობის ახლებურად გარდაქმნისათვის დასახულ ღონის-

ძიებათა სუსტად შესრულებით უნდა აიხსნას თქვენი წარუმატებლობაო. შახტის უფროსი, ეტყობოდა, სხვადასხვა ამბების მომიზეზებით ცდილობდა თავის გამართლებას. რაიკომის მდივანმა გადაჭრით მოახსენა, რომ დასახულ ღონისძიებათა შესრულება მხოლოდ იმ გზით იყო შესაძლებელი, როგორც ეს უკვე ითქვაო. მე დაუყოვნებლივ მოვახსენებ ყოველივეს ამხანაგ ბეგლარს და ვფიქრობ, რომ იგი გადამჭრელ ზომებს მიიღებსო. პირველი ტელეფონის მილაკი ორკაპზე ჯერ კიდევ არ დაედო მას, რომ ახლა მეორემ დარეკა. რაიკომის მდივანს სიხარულით აცნობეს ტრესტიდან, რომ ჩამოვიდა სამთო-სამრეწველო სკოლადამთავრებული ათი ახალგაზრდა მუშაო. როცა მდივანი რამდენიმე წუთი ამ საკითხზე ეთათბირა ტრესტის მმართველს და მილაკი დასდო, სულიკომ კვლავ წამოიწყო:

— მე დავალებული მაქვსო...

და უცებ ისევ ტელეფონის ზარის წკრიალმა გააწყვეტინა სიტყვა.

რაიკომის მდივანს ახლა წყალდიდობის დაწყების შესახებ ურეკავდნენ. მან დაწვრილებით გამოკითხა — თუ რა საფრთხე მოელოდა მოსახლეობას, რა დახმარებას საჭიროებდნენ მდინარის პირას მცხოვრებნი.

დასდო თუ არა მდივანმა მილაკი, სულიკომ იმის შიშით, რომ ისევ ტელეფონის ზარი გააწყვეტინებდა სიტყვას, სწრაფად მოახსენა მეშახტეთა ქალაქში თავისი ჩამოსვლის მიზანი, რომ დავალებუ-

ლი აქვს კლუბის მთავარი ფასადისათვის დიდი ბარელიეფის გამოძერწვა მეშახტეთა გმირული შრომის თემაზე, რომ ამის შესახებ რაიკომის პირველმა მდივანმა უკვე იცის, და ახლა საჭიროა ადგილობრივ ამხანაგებისათვის ამ საქმის უფრო დეტალურად გაცნობა და პრინციპული თანხმობის შემთხვევაში სამუშაოს დაწყება, ტექნიკური საკითხების დაზუსტება.

რაიკომის მეორე მდივანი კმაყოფილებით შეხვდა ამ ამბავს. ისიც უთხრა სულიკოს, რაიკომი ყოველმხრივ დაგეხმარებათ ამ საქმეშიო. თან გამომშვიდობების წინ სთხოვა — რახან დღეს ამხანაგი ბეგლარი აქ არ იმყოფება, კარგი იქნება თუ ტრესტის მმართველს ინახულებთ, მასაც გააცნობთ თქვენი ჩამოსვლის მიზანს და მუშაობის გეგმას, ხვალ კი ამხანაგ ბეგლართან ერთად ამ საკითხზე საბოლოოდ მოვილაპარაკებთო.

სულიკოს წასვლის წინ, რაიკომის მდივანი ელაპარაკა ტრესტის მმართველს. მათ საუბარში სულიკო მხოლოდ იმან გააოცა, რომ ბინის გამონახვაზე სიტყვა გაუგრძელდათ.

სულიკომ, რა თქმა უნდა, არ იცოდა, რომ ძველ, პაწაწინა სასტუმროში უკვე მუშები ჩაესახლებინათ, ახალი შენდებოდა. ამიტომაც ჩამოსულთათვის ბინის გამონახვა თავსატეხ საკითხად იქცა.

„მაშ ცისქვეშ ხომ არ დაგვეტოვებენო“ — გაიფიქრა სულიკომ, როცა რაიკომის მდივნის და ტრესტის მმართველის საუბარს უსმენდა.

გამომშვიდობების წინ რაიკომის მდივანმა შენიშნა: — თქვენ ამ საუბარმა არ დაგაღონოთ, ყველგფერი მოგვარდება, მუშაობაში ხელი არ შეგეშლებათო და, გამოსამშვიდობებლად ხელი ისე გაუწოდა, როგორც ახლობელს.

პირველ ცვლას მუშაობა ახალი დამთავრებულჰქონდა. ცენტრალური შტოლნიდან თითო-თითოდ თუ ჯგუფ-ჯგუფად, განუწყვეტლივ მოედინებოდნენ მეშახტეები. მათი გარეგნობა ახლა ძალაუნებურად იქცევდა ყურადღებას. ხელის გადასმისაგან ფართე ლაქებით დასერილ ოფლიან სახეზე მარტო თვალის გარსი უჩანდათ თეთრად; გაღიმების დროს კი კბილები ისე უელავდათ, გეგონებოდათ ანათებენო. გაშავებული სახე, გაშავებული სპეცსამოსი ისეთ შთაბეჭდილებას სტოვებდა, თითქო ეს ადამიანები თავად ნახშირის ფენიდან იყვნენ გამოკვეთილნი. საკვირველი ეს იყო, რომ ხელები თითქმის ყველას თეთრი უჩანდა. ეს შეუსაბამობა არც ისე ძხელი მისახვედრი გახლდათ; ზოგ მეშახტეს ცალ ხელზე ჯერაც ეკეთა ბრეზენტის ხელთათმანი. მეშახტის ქუდი, ნათურით და უნათუროდ, ყველას მჭიდროდ ეხურა თავზე. ბრეზენტის შარვალი ზოგს წავ-ლაფმიმხმარ რეზინის ჩექმაში ჰქონდა ჩატანებული, ზოგს ზემოდან გადმოშვებული. მართალია,

დადლილი იყვნენ, მაგრამ მაინც ჩქარი ნაბიჯით მიეშურებოდნენ, რათა დროზე გათავისუფლებულიყვნენ ლამპისა, მეშახტის ქუდისა, ბრეზენტის გამურულ სპეცსამოსისა, რეზინის ჩექმებისა და ქუჭყისაგან. შახტიდან გამოსული მეშახტის პირველი მცნება სალამფეში აკუმულატორულ ნათურის ჩაბარებაა; ამის გარეშე ის ისე ითვლება, როგორც ხიფათშემთხვეული და დაგვიანების შემთხვევაში დაუყოვნებლივ იწყება მისი ძებნა.

კაკო ზიბზიბაძის კომკავშირულ ბრიგადის წევრებში, რომლებიც ახლა ერთად მიეშურებოდნენ სალამფესაკენ, მარტო ერთი მიაბიჯებდა მღუმაჯედ. შტოლნიდან სალამფემდე ამხანაგების ოხუნჯობაზე მას ხმამაღლა ერთხელაც არ გაუცინია. ღიმილში, ოღნავ, ბაგის კუთხე თუ შეუტოკდებოდა ხოლმე. შესამჩნევი სიღინჯე და ლაპარაკის დროს აუღელვებელი კილო, ყოველი სიტყვის თითქმის ჩურჩულით, მაგრამ ბეჯითად და მკაფიოდ გამოთქმა, საგრძნობლად არჩევდა ამხანაგებისაგან, რომლებიც ხმამაღლა ლაპარაკსა და სიცილს იყვნენ ჩვეულნი. ისიც შესამჩნევი იყო, რომ ამხანაგები გადაჭარბებული ყურადღებით ეპყრობოდნენ; მის სიტყვას ბოლომდე და მოთმინებით ისმენდნენ, შეკითხვაზედაც მყის პასუხობდნენ. თვითონ ეს ახალგაზრდა — შატბია არაბიძე თავისი გარეგნობით, თუ მდგომარეობით სულაც არ იმსახურებდა ასეთ ყურადღებას და პატივისცემას. ისიც სხვებსავეთ გამურული, ივრშეცვლილი გამოიყურებოდა; ტან-

საცმელიც დანარჩენებივით შავი მტვერით და ლაფით დალაქავებული, თუმცა შედარებით ახალი, ეცვა. რეზინის ჩექმების ყელის შავი ლაფით დაუფარავი ზედა ნაწილი ამქლავებდა, რომ ისინი ახალი მიღებული ჰქონდა საწყობიდან. მაგრამ, ცხადია, არც სპეცსამოსის და რეზინის ჩექმების სიახლე იყო მისდამი ამხანაგების თავაზიანი მოპყრობის მიზეზი. მეშახტეთა სახელოვან ოჯახში მას ყველა ჩინებულად იცნობდა და საყვარელ სტუმრად თვლიდა. მართალია, ის ახლა შახტში მუშაობდა, მაგრამ თავი მეშახტედ მაინც არ მიაჩნდა. თუ იგი თავის ძალღონეს არ იშურებდა და უნარსაც იჩენდა ამ საქმეში, არა იმიტომ, რომ სახელი მოეხვეჭა, არამედ — ჯერ-ერთი, ზიბზიბაძის ბრიგადის სახელმძღვანელო წევრები, ხოლო მეორე მხრივ, თავისა მამა — ძველი მეშახტე — არ შეერცხვინა.

ვიდრე სალამფემდე მიაღწევდნენ, მეშახტეებს გზაში ბავშვები შემოეფეთნენ. ისინი თუმცა ერთმანეთს არ აცლიდნენ ლაპარაკს, მაგრამ მათს ყივიყივში მაინც შეიძლებოდა კაცს შეეტყო, რომ — მდინარე მოდიდებულა. ბავშვების გარშემო მოგროვილმა მეშახტეებმა ერთ წამში წრე შეკრეს. წრის შიგნით მყოფნი ამაოდ ლამობდნენ ამბის უფრო დაწვრილებით შეტყობას.

წრედშეკრულ, ამხანაგებს ჯგუფიდან განზე მდგარმა კაკო ზიბზიბაძემ ხმამაღლა დაიძახა:

— არაფერია, როგორც მოდიდებულა, ისევე დაიკლებს!

მის შენიშვნაზე ზოგს გაეცინა, ზოგმა კი უფრო შეიკრა შუბლი. კაკომ გამარჯვებულის მედიდურებით შეაქცია ზურგი ბავშვების გარშემო თავმოყრილ მეშახტეებს და, ის იყო სალამფესაკენ უნდა: განეგრძო გზა, რომ უცებ სახედაჭორფლილი, წითურთმიანი ბავშვის ძახილი მოესმა.

— კაკო ბიძია, კაკო ბიძია!..

კაკო მობრუნდა, ბავშვს მოჩვენებით მწყურალად გადახედა.

— რა იყო, ბიჭო?

— გურამი წყალმა მოიმწყვდია, ხეზე დარჩა, მაქსიმელას ლელვის ხეზე.

კაკომ ერთი კი გადახედა მეშახტეთა ჯგუფს და უცებ ისე დაიძახა „არიქა, ბიჭებო“, — თითქოს თვითონ ჩაეარდნილიყო განსაცდელში. ის უმაღ შატბიას მივარდა, აკუმულატორული ნათურა ხელიდან გამოსტაცა და თავის ნათურასთან ერთად სირბილაძეს მიაჩეჩა სალამფეში ჩასაბარებლად.

თითქო წელანდელი გულგრილი შენიშვნა უნდა მოაგონოსო, ისე შეხედა შატბიამ კაკოს, მერე სწრაფად წაიძრო რეზინის ჩექმები და ფეხსახვევი, გაიხადა ბრეზენტის პიჯაკიც. ბავშვებს ერთი ძიძგილი და ცილობა შეექმნათ შატბიას ტანსაცმელის დასაკუთრებაზე. მისი ქუდის, პიჯაკის, თუ ჩექმის ტარება ბავშვებისათვის დიდი სასახლო საქმე იყო.

მეშახტეები, რომლებიც ახლა ბავშვის გადასარჩენად ეშურებოდნენ, თავად ძლივს გადაურჩნენ

ხიფათს; გზატკეცილზე, მოსახვევთან მოულოდნელად შემოეფეთათ მსუბუქი ავტო. გამაფრთხილებელ ნიშანზე მათ ძლივს მოასწრეს მანქანისათვის გვერდის აქცევა; ოდელიამ და შატბიამ ყველაზე ადრე და ყველაზე მარჯვედ ისკუპეს თხრილისაკენ. ისინი ახლა მარტო „ჰეი-ს“ერთი შეძახებით არ დაკმაყოფილდებოდნენ, ნაცნობი შოფრის გვერდით მჯდომ უცხო ქალიშვილისა და უკანა სავარძლის საზურგეზე ნებივრად გადაწოლილ უცხო ვაჟის ხათრი რომ არ შეენახათ. ამ მხარეში, მართალია, ნაირ-ნაირი სტუმარი ხშირია, მაგრამ ამ ქალ-ვაჟმა მაინც გამოჩენის უმალ მოსტაცა თვალი ახალგაზრდა მეშახტეებს.

ოდელია, როგორც გამოირკვა, არც თუ ისე მარჯვედ გადამხტარიყო თხრილში, ცალი ფეხი სტენოდდა და, ახლა თავს ძალას ატანდა, რომ ამხანაგებს დასწეოდა. როცა დაეწია, შატბიას მკლავში ხელი სტაცა და ხმადებლა, ისე, რომ კაკოს არ გაეგონა, ხუმრობით ჰკითხა:

— შატბია, რომ ეთქვათ, ის გოგონა შენთან მოდისო, დაბრუნდებოდნი?

შატბიამ ხმა არ გასცა, სამაგიეროდ ხელი გააშვებინა.

— უყურეთ?! ისე შეიფერა ჩემი ნათქვამი, ვითომ ის გოგონა მართლა ამის სტუმარი იყოს და დაბრუნებისას შინ დახვდება!

შატბია ძლივს იკავებდა თავს, ოდელიას შენიშვნებზე რომ არ ეპასუხნა.

— ერთი იმ გოგონას გაქათქათებულ შლიაპის ნაპირზე ეს ჩემი მურიანი თითები შემახებია და მერე თუ გინდა... მომკლა! ...რას იტყვი, შატბია! ამაზედაც თანახმა ხარ?

შატბიას ხმა არც ახლა გაუღია.

გზადაგზა ვინც კი ხვდებოდათ, ყველა წყალდიდობაზე და კაკოს ბიჭზე ლაპარაკობდა. ზოგიერთებმა კაკო, მართალია, გაამხნევეს—გურამს არაფერი გაუჭირდებაო, ერთმანეთში კი მწუხარებით გაიძახოდნენ — ძალიან საეჭვოა კაკო ზიბზიბაძემ თავისი ბიჭი ცოცხალი იხილოსო... წყალი იმ ხეს აქამდე ხუთჯერ მოთხრიდაო...

რამდენიმე ახალგაზრდა მეშახტე, რომლებსაც უკვე მოესწროთ ნათურის ჩაბარება, შუაგზაზე დაეწიენ შატბიას და მის „ამალას“. აქამდე კაკო ზიბზიბაძე სულმოუთქმელად რომ გარბოდა აღმართზე, მოულოდნელად, წამით შესდგა, ამხანაგებს თვალი გადაავლო და შენიშნა:

— დღეს სწორედ გურამის დაბადების დღე უნდა გადამხედა... თუ მშვიდობა იქნა... სალამოს ყველანი მეწვიეთ!

— ბიჭო! აქამდე სად იყავი?!—იყვირა ოდელიამ და სირბილით განაგრძო გზა, აქამდე რომ უკან რჩებოდა, ახლა ყველას წინ გაუსწრო.

— მშვიდობა იქნება, მშვიდობა!— დაიძახა ხორხომელიძემ, — სალამოს ისე შემოვძახოთ, რომ წენი ჭერის საღებავი სულ თავზე გვაცვიოდეს!

ტრესტის მმართველის კაბინეტიდან ისეთი ყვირილი ისმოდა, უცხოს ეგონებოდა — ჩხუბიაო. ამგვარი „ჩხუბი“ დღეში რამდენჯერმე იმართებოდა, როცა ტრესტის მმართველი რაიონს ან თბილისში ქვანახშირის კომბინატს ელაპარაკებოდა ტელეფონით.

მოსაცდელ ოთახში, მმართველის კაბინეტის კართან რამდენიმე კაცი იდგა, მაგრამ ისინი, თითქო არც შეენიშნოს, ნიკო არაბიძე შემოსვლის უმალეცა კარს, რახან ყვირილის ნაცნობი ხმაც მოესმა, მდივნისთვისაც არაფერი უკითხავს, ისე შევიდა კაბინეტში.

მდივნის თანაშემწემ მარტო მაშინ ანება თავი მანქანაზე ბეჭდვას, როცა კარის გაღების უმალ, კაბინეტიდან ყვირილი უფრო მკაფიოდ მოისმა. „ნუ შეხვალთო“ — უნდოდა დაეძახნა, მაგრამ ჯერ ერთი, უკვე გვიანლა იყო, ამასობაში კარიც მოიხურა, მეორეც, რახან შესული ნიკო არაბიძე იყო, ამ ამბავს აღარ გამოჰკიდებია. მან მკაფიოდ გაიგონა ერთი-ორი, გულისწყრომის გამომხატველი შენიშვნა. კართან შეჯგუფებულთაგან ზოგი უკმაყოფილო ჩანდა ნიკოს ურიგოდ შესვლით, მაგრამ არც ამ შენიშვნებისათვის მიუცია მდივანს დიდი მნიშვნელობა.

ნიკო, მართალია, რიგს ვერ დაელოდებოდა, შინაური იყო, შესვლაზე მდივნისაგან ნებართვასაც არ საჭიროებდა, მაგრამ არ ყოფილა შემთხვევა, ვიდრე შევიდოდა, ზინასთვის არ ეკითხოს — მმართ-

ველი ხომ კაბინეტშია, ან, თუ სცალიაო. ზინა გრძნობდა, რომ ასეთი მიმართვა მხოლოდ თავაზიანობის გამოხატულება იყო და, ღღეს მით უფრო ეოცა, რომ ნიკომ ამ თავაზიანობას გადაუხვია. ხედავდა-რა, როგორის პატივისცემით ეპყრობოდნენ, ახსენებდნენ უფროსებიც, უმცროსებიც, ძველ მეშახტეს, ზინა საკუთარი მამის მიმართაც არ იჩენდა იმდენ მოწიწებას, რამდენსაც ამ ადამიანის სასახლო შრომაში მოპოვებულ სახელის წინაშე. ნიკოც გრძნობდა-რა ზინას პატივისცემით მოპყრობას, ამ ულამაზო გოგონას თვითონაც მუდამ მოფერებით მიმართავდა, ზინას მაგივრად ნაზოს ეძახდა. ერთი შეხედვით თითქო ბევრი არაფერი იცვლებოდა, მაგრამ... როცა ზინას ეძახდნენ, გოგონას თავი მაშინ სულ სხვაგვარად ჰყავდა წარმოდგენილი, როცა ნაზოს გაიგონებდა მაშინ კი ეგონა, რომ მართლა ნაზი და სათნო ვყოფილვარ, მხოლოდ ამას ზოგიერთები ვერ ამჩნევენო.

ნიკომ მოხერხებულად იცოდა ადამიანის გულის მოგება: უბრალო სიტყვით და საერთოდ თავისი უბრალოებით ის მუდამ მოწონებას და ნდობას იმსახურებდა ზოგჯერ სრულიად უცნობი, ბუნებით ეჭვიანი და უნდო ადამიანის გულშიაც კი. ნიკოს მხოლოდ ერთი შემთხვევა ახსოვდა თავის ცხოვრებაში, რომ ადამიანის გულის მოგების ცდამ ამაოდ ჩაუარა...

კაბინეტში შესვლის უმალ ნიკო მმართველმა

თავისთან მოიხბო, მერე ხელითვე მუნჯურად ანიშნა — დაჯექიო.

ვიდრე მმართველი ტელეფონით ლაპარაკობდა, ნიკო მოთმინებით ელოდა, თან, ხან ერთ ბროშურას გადაფურცლავდა, ხან მეორეს. ბროშურები დასტად ეწყო მაგიდის წინა კუთხეში.

მოათავა თუ არა მმართველმა ტელეფონით ლაპარაკი, მილაკი ჯერ კიდევ არ დაედო ორკაპზე, ისე ეცა ნიკოს:

— კაცო, ასე ყველაფერზე ახირება გაგონილა?!

— მე მეუბნები, ამხანაგო მალხაზ? — ნიკო გოცებით შეაცქერდა მმართველს.

— გამაგებინე ერთი, თუ კაცი ხარ, — ახლა უფრო ხმადაბლა და თავაზიანი კილოთი მიმართა მალხაზმა ნიკოს, — შენს უბანს რაღა გაძლიერება სჭირდება?! სამთო სკოლა დამთავრებული ბიჭები არა სჯობია ჩამორჩენილებს მივაშველოთ?

ნიკო ერთ წუთს დუმდა, ისევ, ხელში შერჩენილ ბროშურას ფურცლავდა, მერე მმართველს თვალი გამომწვევად გაუსწორა.

— ამხანაგო მალხაზ, აქაო-და ნიკო არაბიძის უბანი გეგმას გადაქარბებით ასრულებსო, ხომ არ ფიქრობთ, რომ ეს ჩვენთვის საკმარისი იყოს?

— რა თქმა უნდა არა. — მმართველმა ხელები მალლა შემართა.

— რაც უფრო უზრუნველყოფილი ვიქნებით მანქანებით და მუშახელით, წარმატებაც უფრო მეტი არ გვექნება?

— ესეც მართალია.

რბილი სავარძლის საზურგეზე მიწოლილმა მალხაზმა მაგიდის ნაპირს მიბჯენილი ხელის თითები მოუსვენრად აათამაშა რომელიღაც მოტივის ტაქტზე.

— მაგრამ... ჯერ საერთო აღმავლობას უნდა მივალწიოთ, თორემ რასა გავს — შენ გეგმის შესრულებაში ას სამოც პროცენტს გადააჭარბე, ქარქაშაძის უბანი კი ასამდეც ვერ ასულა!

— ჩემი ბრალია? ჩამორჩენილების „ხათრისათვის“ წინწასულებს ხომ ვერ შევაჩერებდით!? სადაცაა მეორე კვარტალს დავასრულებთ... რაც უნდა გააძლიეროთ, სხვები ჩემს უბანს მაინც ხომ ველარ დაეწევიან? რად გინდათ, დამაკარგვინოთ გარდამავალი დროშა და პრემია?.. ჰო, რის მეორე კვარტალი! სწორედ ახლა ივნისში არა წყდება ნახევარწლის გეგმის შესრულების ბედიც? ახლა გვმართებს სიმარჯვე! ამხანაგო მალხაზ, უნდა დამეხმაროთ, ახალშოსულები ისე განაწილდეს, რომ...

— სულ ათი ყმაწვილია. ოთხი რომ შენს უბანში, გავამწესოთ, ამით დიდ სასწაულს ვერ მოახდენ, ქარქაშაძის უბნისთვის კი ერთი კაცის შემატებაც საგრძნობი იქნება.

ნიკოს მოთმინება აღარ ეყო.

— ამხანაგო მალხაზ, თქვენ ფიქრობთ, რომ... ქარქაშაძის უბნის ჩამორჩენა მარტო მუშახელის ნაკლებობით აიხსნება?

— ეს მთავარია!

— მთავარი... მე სხვა მგონია! ხილხი იმას ჩემზე მეტი ჰყავს... მაგრამ...

ნიკომ სიტყვა აღარ დაასრულა. კაბინეტში შემოვიდა შახტის უფროსი.

— სწორედ რომ საჭირო იყო, ლუკა, შენი მოსვლა!

ლუკამ ცალყბად გაიღიმა, მალხაზს ხელი ჩამოართვა და ნიკოს პირდაპირ, მეორე მხრიდან მიუჯდა მაგიდას.

— რა დავა ატეხილა?.. სამთოსკოლელები არა მგ უნდა წავიყვანო, არა მეო!

ლუკამ პაპიროსის ერთი-ორი გაბოლების შემდეგ უკმაყოფილო თვალთ გადახედა ნიკოს, შემდეგ დინჯად მიუგო მალხაზს.

— ამხანაგ ნიკოს ზოგჯერ ავიწყდება, რომ შახტში რამოდენიმე საექსპლოატაციო უბანია და, როგორც კომბინატი, ისე ტრესტი დაინტერესებულია — ყველა უბანი წარმატებით ასრულებდეს გეგმას!

— მე მგონია, — ლუკა ახლა ნიკოს მიუბრუნდა, — ერთი რომელიმე უბანი ისე ვერ დაწინაურდება, რომ დანარჩენი ხუთის ჩამორჩენა დაფაროს!.. რომელი უბნის უფროსი შეგვპირდება, გეგმას ექვესასი პროცენტით შევასრულებო?

— ჯერჯერობით, ვერც ერთი! — მოკლედ მოუჭრა სიტყვა მალხაზმა შახტის უფროსს. — მაშასადამე... შენ იმ აზრს ემხრობი, რომ ათივე ყმაწვილი ქარქაშაძეს მივაშველოთ!

— ვემხრობი, მაგრამ... მერე რა?

— რაღა-რა? უთხარი და შესრულდებენ!

— საქმეც ის არის, აგრე იოლად რომ არ შესრულდება! თუ ნიკო გვემუდარება ახალგაზრდების ერთი ჯგუფი მე მომაშველეთო, ქარქაშაძე უარზეა დანარჩენები თავის უბანში წაიყვანოს. ისედაც ჩამორჩენილი ვარ და ეს გამოუცდელი ხალხი ხომ სულ მიწაზე დამანარცხებსო... სად შემოდის მაგათი პატრონობა და ლოლიაობა, ახლა მე გამოცდილი მუშები მჭირდება!

ნიკოს ხმამაღლა გაეცინა.

მალხაზი კი ქარქაშაძის „მოსაზრებამ“ სერიოზულად გააბრაზა.

— ჭკუაზე ხომ არ შეშლილა?.. მაგასაც რა კარგ დროს აშლია არჩევანის საღერდელი! ამ დღეებში ნახევარი წლის გეგმის შესრულების ბედი უნდა გადაწყდეს, ეგ კი...

წუთით იყუჩეს, მერე ისევ მალხაზმა იკითხა:

— პარტკომი რას ამბობს?

— ელიზბარი... შვებულებაშია. ის რომ აქ იყოს... — სინანულით შენიშნა ნიკომ.

— თანაშემწე ხომ აქ არის...

— თანაშემწე, რაღა თქმა უნდა... ელიზბარიც აქ არის... ხვალ მიემგზავრება. — დარწმუნებით მიუგო მალხაზს შახტის უფროსმა, — ახლა, როცა ახალგაზრდების განაწილების საკითხი რეალურად დგება... ისინი სულ რამდენიმე საათია, რაც ჩამო-

ვიდნენ... პარტორგანიზაციაც რეალურად ჩაე-
რევა...

— ეს გუშინაც რეალური იყო...

ზარის წკარუნზე ყველამ ტელეფონისაკენ გაი-
ხედა. მმართველმა აცალა, სანამ სამჭერ გაიწკარუ-
ნებდა ზარი, მერე მილაკი აიღო და თავისი ბოხა,
მკლერი ხმით ჩასძახა — გისმენთო.

მალხაზი ჯერ უსიტყვოდ უსმენდა, ვინც ელაპა-
რაკებოდა, მერე უცებ გაკვირვებით შენიშნა —
მართლამო?.. პირველად მესმის... არავის დაუ-
რეკია... რას ამბობ... თუ გაჭირდეს სამთო მაშველ
რაზმსაც დაუძახეთ, ადამიანი არ დალუპოთო...

დასდო თუ არა ტელეფონის მილაკი ყველამ
ერთხმად ჰკითხა მალხაზს:

— რა მოხდა, ვინმე დამარცხდა?..

— ჩამოინგრა?..

— არა, კაცო! წყალი მოვარდნილა... რიყეზე,
არხს გადაღმა რომ ხეებია, ერთზე ბავშვი მოუ-
მწყვდევია...

— ის მაქსიმელას ხეები სულ ძირფესვიანად
ამოსაგდებია!.. ეს მეორე შემთხვევაა! — აღელვე-
ბით შენიშნა შახტის უფროსმა.

შარშანდელი წყალდიდობის დროს სწორედ მისი
ბავშვი დარჩა მაქსიმელას ხეზე და, ახლა ლუკას
გულისწყრომა იქ მყოფთათვის გასაგები იყო.

— ვისი ბავშვია! — იკითხა ნიკომ.

— არ უთქვამთ. — მოკლედ მოუჭრა მალხაზმა.

— მერე, უშველეს თუ არა? — კვლავ გულ-
შემატკივრის კილოთი იკითხა ნიკომ.

— წასულან მარჯვე-მარჯვე ბიჭები! უშველიან,
რალა თქმა უნდა!

— თუ შველაა, დროზე უნდა მიეშველონ, —
ნიკოს სიტყვა არ დაესრულებინა, რომ ისევ გაი-
წკარუნა ტელეფონის ზარმა.

— ეს ტელეფონი შემოჩენილი ხომ არ არის?
დავიწყებ თუ არა სიტყვას, მაშინვე... — ნიკომ
გაკვირვებით მოღიმარი თვალები იქ მყოფთ მო-
ავლო.

მმართველმა მილაკი აიღო.

— მალხაზი ვარ:

მან ერთხანს მოთმინებით უსმინა, მერე მოკლედ
და აჩქარებით მოუჭრა, — ძალიან კარგია და
მილაკი დასდო.

მალხაზმა თავიდანვე შეამჩნია, რომ ნიკოს და
ლუკას ყური ტელეფონისაკენ ჰქონდათ მიპყრო-
ბილი, სახეზედაც ცნობისმოყვარეობა აღბეჭდო-
დათ.

— კაცო, რალა სწორედ კვარტალის ბოლოს
მოიცლის ხოლმე ჩვენთვის ყველაფერი... სამთო-
სკოლელები ჩამოვიდნენო! — პირველ რიგში —
ბინა! წედან კიდევ თბილისიდან ერთი ახალგაზრდა
მოქანდაკე გვეწვია, პირველ რიგში — ბინა! წაი-
კომიდანაც დამირეკეს — ხელი შეუწყეთო. ჩვენი
კლუბისათვის ქანდაკების გაკეთება დაუფალე-
ბიათ... ერთი საათი მელაპარაკა მოქანდაკე —

საინტერესოდ აქვს მოფიქრებული, შეიძლება თქვენც კი გამოგსახოთ მის ბარელიეფში.

შახტის უფროსი სულ ღიმილით შესცქეროდა თვალებში მალხაზს, როცა ის ამ ამბავს ჰყვებოდა, ნიკო კი ისე გამოიყურებოდა, თითქო მოქანდაკის ჩამოსვლა არ სიამოვნებდაო.

— ამხანაგო მალხაზ, ხედავ, თურმე რა საქმეს აკეთებდა ის ბუჩუნტო სასტუმრო!? ტყუილუბრალოდ შევასახლეთ ხალხი ახალ სასტუმროს დამთავრებამდე.

— ტყუილუბრალოდ არ შეგვისახლებია, ისიც კარგი საქმეა, მაგრამ რა მეგონა, თუ ახალს ამ თვეშიაც ვერ მოვათავებდით.

— არა უშავს, — ჩაერიო ლუკა, — ცოტა ხანიც გაგვიჭირდება და სამაგიეროდ ისეთი სასტუმრო გვექნება!..

— ამხანაგო მალხაზ, ახალჩამოსულ ყმაწვილ ბუშებზე რა 'თქვა ბასარიამ? — იკითხა ნიკომ.

— დაუბინავებიათ... ახლა სწორედ ორივენი: ლიდაც, ბასარიაც რიგრიგობით შელაპარაკნენ.

მალხაზმა მაგიდაზე ქაღალდები მიალაგ-მოალაგა და წამოდგა.

— ასე არ შეიძლება, ამხანაგებო! საკითხი ამ საღამოსვე უნდა გადაწყდეს. სამთოსკოლელები შეიძლებოდა ხვალდანაც... ჩაგებათ მუშაობაში, რომ...

რაკი მალხაზი აღარ დაჯდა და მაგიდის გასწვრივ ბოლთასა სცემდა, ნიკო და ლუკაც წამოდგნენ.

მალხაზი ფანჯარასთან მივიდა, სივრცეს გახედა; როცა შემობრუნდა, სიტყვა განაგრძო:

— რახან არ წასულა, ელიზბარსაც დაურეკეთ. შეიკრიბეთ ამ საღამოსვე მესამე ცვლის გასტუმრების შემდეგ და მოითათბირეთ. მართალია, ნიკოს ერთი სურს, ქარქაშაძეს მეორე, მაგრამ სხვა გამოცდილი ამხანაგების აზრსაც ხომ უნდა დავუგდოთ ყური და გავუწიოთ ანგარიში!

— როგორც გენებოთ! ეს კია, რომ თავი ჯერ მარტო ჩემი უბნის წარმატებით გესახელებათ და...

ამ სიტყვებზე ნიკოს ბუნებრივად ფერმკრთალ სახეზე ვარდისფერმა გადაუარა. თითქოს შერცხვო ამ ხნის კაცს, თავისი გულისნადები რომ იქ მყოფთ გაანდო. ეს სიტყვები, შეიძლებოდა ტრაბახად ჩამოერთმიათ, თუმცა ნათქვამი სრული სიმართლე იყო.

მმართველი აღარ დაელოდა მათთან საქმეზე მოლაპარაკების დასრულებას, ზარი დარეკა და მდივანს სთხოვა, ვინც ელოდებოდა რეგრიგობით შემოეშვა.

წყალდიდობის შეტყობის პირველ წუთებში მდინარის პირას მარტო იმათ მოეყარათ თავი, ვინც ახლომახლო ცხოვრობდა; ესენი უმეტესად

მოხუცი დიასახლისები იყვნენ, რომლებიც, ჩვეულებრივ, შინ საქმიანობდნენ და ეზოს გარეთ იშვიათად უხდებოდათ გასვლა.

ისინი ახლა იმაზე დარდობდნენ და ვიშვიშებდნენ, რომ წყალი ბოსტნებს წალეკავსო. ერთმა თქვა — ბოსტნებს ჩივი, თუ სახლში არ შემოგვივარდაო. მათ ახლა უკვე შეშფოთებით იწყეს ცქერა აქეთ-იქით — წყალი, ვინ იცის, მართლა როგორ მოიმატებს და, ვაითუ შველა დაგვჭირდესო.

თამარელას დანახვაზე მათ ცოტა გული მოეცათ, იფიქრეს — ეტყობა ხალხსაც უკვე შეუტყვია ჩვენი გასაჭირიო.

თამარელა სირბილით, გულამოხეთქილი მოიჭრანაპირთან. ბავშვები მას გზაში შეხვედროდნენ და, თუ წელან მაიას ვერ გაუმხილეს საფრთხეში ჩავარდნილი გურამის ამბავი, თამარელასათვის ყველაფერი დაწვრილებით ემცნოთ.

ქალები სწორედ რომ გააოცა თამარელას, ერთი შეხედვით, უმიზეზო შეშფოთებამ, მაგრამ რაწამს ამის ნაბაბი შეიტყვეს, ისე შეიცხადეს, ისეთი ვიშვიში ასტეხეს, თითქო თვითონ ჰქონოდათ საშველად საქმე. თამარელამ კი იფიქრა — რა ღმერთი გამიწყრა, რომ გავამხილე, ბავშვს სხვა თუ არაფერი, მარტო ამათი კივილი გადარევესო. ბევრი აცხრო და აშოშმინა ისინი, მაგრამ ვერაფერი გააწყო. ბოლოს ისიც ურჩია, შორს მაინც წადით და იქ იკივლეთ, იქნებ ხალხმა დროზე შეიტყოსო. ამ ფუტქ ალიაქოთში განსაკუთრებით თავი გამოედო

ბრაჭულის ცოლს პლანეტას. თამარელა მას ერთი-ორჯერ კინალამ თმებში სწვდა, მაგრამ პლანეტას ბედი, რომ თამარელას ახლა საამისოდ არ ეცალა.

თამარელა თვალმოუცილებლად სულ იმ ხისაკენ იცქირებოდა, სადაც დისწული ეგულებოდა. ხეს ისე დასტრიალებდნენ აფოფრილი, ქაფიანი ტალღები, თითქო მისი დიდი რამ ჭავრი სჭირთო.

ამ სანახაობამ, ცალკე, ნაპირის სიახლოვესაც ტალღების გამალებით სრბოლამ, ტლაშუნმა და იდუმალმა ხმაურმა თამარელა მწარედ დააფიქრა. —

აქ მე ვერას გავხდებიო, — გაიფიქრა სინანულით და ისე მიიხედ-მოიხედა, თითქო თავის თავზე უფრო გაბედულს და მარჯვეს ეძებსო; თანაც უფრო ცხადად წარმოიდგინა-რა, საფრთხეში მყოფი დისწულის მდგომარეობა, ვედარ გაუძლო, გულში თავისდაუნებურად ჩაირტყა ორივე დამუშტული ხელი და სასოწარკვეთილების გამომხატველ ამოკვნესასთან ერთად თვალებიდანაც ცრემლები ღვარივით გადმოსკდა. „საწყალი... საწყალი...“ — უსიტყვოდ, თავისთვის გულის სიღრმეში იმეორებდა თამარელა და მდინარის ნაპირის გასწვრივ ჩამწკრივებულ ხალხს მუდარის გამომხატველ მზერას აპყრობდა დროდა-დრო...

თამარელას ჯერ ეგონა — მეჩვენებაო, მაგრამ რაკი გამეორდა, დარწმუნდა კიდევ, რომ გურამი ეძახდა...

მართლაც, წყლის მომატებამ თუ უფრო მეტად

შეაშინა გურამი, თამარელას უეცარმა გამოჩენამ ერთბაშად გაამხნევა და ნაპირზე ჩქარა გაყვანის იმედიც მისცა.

ერთხელ კიდევ გაიგონა თუ არა თამარელამ ხის ფოთლებიდან თავგამოყოფილ გურამის ძახილი — „დეიდა თამარელაო,“ თითქო ამ ხმამ საბოლოოდ გამოათხიზლა და მიახვედრა რაც უნდა გააკეთოს, როგორც უნდა მოიქცესო; თამარელა მყის დაფაცურდა, ლობეს ეცა, ერთი სარი თვალისდახამხამებაში ამოაძრო და მდინარეს მიაშურა.

თუ წელან შეცხადებით უშლიდა, ახლა წინგადადგომით სცადა პლანეტამ თამარელასათვის ხელის შეშლა, მაგრამ გოგონამ ისეთი გაშმაგებით მოუღერა ვებერთელა სარი, რომ პლანეტამ უმალ იკადრა უკან დახევა. შიშისაგან ახლა ის ველარც ხმას იღებდა, ველარც იძროდა. თუ პლანეტამ ასე იოლად უტია, თამარელას სხვები უფრო გაუძალიანდნენ, გაბედულად მიესივნენ, არ გაგიშვებთო, ჩასწიოდნენ ყურებში, მაგრამ თამარელამ ერთხელაც ისე გაიბრძოლა; ქალები დარწმუნდნენ — ამ ნაზი ქალწულის დაჭერა ახლა კაცებსაც გაუჭირდებოდათო. თამარელას ერთი სიტყვაც არ დასცდენია. მან მხოლოდ თვალი გადაავლო შეშინებულ დიასახლისებს და, ქალებმაც უმალ ამოიკითხეს თამარელას მზერაში — არა გრცხვენიათო... თქვენ ვერაფრით გიშველნიათ ბავშვისათვის და სხვასაც ხელს უშლით, აბა ერთი რომელიმე თქვენგანის იყოს ის ბავშვი, ან თქვენ თვი-

თონ იყოთ იმ დღეშიო... და პირველი ნაბიჯი ანგარიშმიუცემლად შედგა მღვრია წყალში.

ქალების შიში მშობელივით თავგანწირულ გოგონასათვის ახლა გაუგებარია იყო.

ტრესტიდან ნიკო და შახტის უფროსი მანქანით ერთად წამოვიდნენ. გზაში ნიკომ აიჩემა — თუ არ დავხედე, როგორ დააბინავეს ჩვენი ყმაწვილები, არ შემიძლიაო. იგი ახალგაზრდა მეშახტეთა ოთხსართულიან საერთო საცხოვრებელთან ჩამოხტა მანქანიდან, ლუკამ კი გზა განაგრძო შახტისაკენ.

კომენდანტის ოთახი ნიკოს დაკეტილი დაუხვდა. მორიგემ უთხრა — ეს წუთია აქ ტრიალებდნენ ლიდა და ბასარია... არ ვიცი საით წავიდნენ... მოუცადეთ, ან ერთი გაჩნდება, ან მეორეო. ნიკომაც გადასწყვიტა დაეცადა. დრო რომ შეუმჩნეველად გასულიყო, იქვე, სამკითხველოში გაზეთებს თვალი გადაავლო, მერე კლუბის დარბაზში შეიხედა. მომღერალ-მოცეკვავეთა ანსამბლს მომავალ, საქალაქო ოლიმპიადისათვის ამზადებდნენ. ერთ სიმღერას ბოლომდე მოუსმინა, დარბაზიდან ფეხაკრეფით გამოვიდა. ახლა დერეფანში მორიგეც აღარსად ჩანდა, რომ ეკითხა, მოვიდნენ თუ არაო. ისევ კომენდანტის გამოკეტილ ოთახისაკენ გაეშურა, კარის სახელური რამდენჯერმე მაგრად

შეანჯღრია. ხმაურზე, მეორე სართულიდან ვილაცამ ჩამოსძახა — მანდ ვინ არისო. ნიკომ ხმაზე იცნობასარია — საბინაო საქმეთა მმართველი. ბასარიასთან ახლდა ლიდაც — საერთო საცხოვრებლის კომენდანტი — მამაკაცივით შეუპოვარი, დაბალი ქალი. ლიდა სწრაფად ჩამოეგება ნიკოს, ოთახის კარი გააღო და შინ შეიწვია იგი. საბინაო საქმეთა მმართველი კი, ისიც დაბალი, თავმომწონედ, ცხვირაწევით რომ იცოდა სიარული — ახლა, კიბეზე ისეთი დინჯი ნაბიჯით ჩამოდიოდა, ერთი მხრივ, თუ მისი ხელოვნური სიღინჯე ღიმილს მოგვევლიდათ, მეორე მხრივ შეიძლება გულიც მოგვევლიდათ და გეფიქრათ — ნეტავი რა სჭირს ასე გასაბღენძიო. ის სულ მთლად ქერა იყო, წარბები არც კი აჩნდა, თმა უკან გადაეეარცხნა და ორად გაეყო. წარამარა თავზე ხელს ისე გადაისვამდა ხოლმე, თითქო ეჩვენებოდა, რომ თმები აშლოდა.

ოთახში შესვლის უმაღლ, ამღერებულის ხმით, ნიკოს ისე შეეგება, თითქო გულში უნდა ჩაიკრასო.

— რა ამბავია, რამ შეგაწუხა, ამხანაგო ნიკო?

ნიკომ პირი ლიდასკენ იბრუნა, ცნობისმოყვარეობით იკითხა:

— როგორ დააბინავე დილას ჩამოსული ყმაწვილები?

— რომელი ყმაწვილები? —

— სამთოსკოლელები, ამხანაგო ლიდა!

— მაგაზე მე თვითონ ვიზრუნე! — ჩაერია ბასარია.

— დამახედეთ ერთი, სად არიან... რა თქმა უნდა, ქანდარაზე აიყვანდი!

— პირიქით. პირველ სართულზე... მყუდრო და თბილ ადგილას, სამზარეულოს მეზობლად!

— რა გიქნია, ბიჭო! არ დამიხოცო ის ხალხი! — იყვირა ნიკომ. — ამ ზაფხულში მაინც და მაინც არ იყო საჭირო სითბოზე ზრუნვა, — ხმადაბლა, დაცინვით დაუმატა ნათქვამს ძველმა მეზახტემ, — ლიდა! ამ ლაპარაკს, არა სჯობია, ვნახო იქაურობა?

— ამხანაგო ნიკო! ყველაფერი უკვე ნახული და გასინჯულია! თუ არ გვენდობი, მაშინ, ჰო...

— სარევიზიო ჯერჯერობით არაფერი გვეჭირს... ბიჭები კარგად დავაბინავეთ! — მიეშველა ბასარიას ლიდაც.

— კაცო, გაგონილა?! დამახედეთ ერთი იმ ბიჭებს! წელან, თქვენ არ იცით, რა დავა მქონდა, ჯერ კომბინატში, ლუკასთან, მერე ტრესტში. რამდენიმე კაცი ჩემს უბანში უნდა გაამწესოთ-მეთქი და... იქნებ ბრდღვნად არც კი ღირან, ა?

ბასარიამ უკმაყოფილოდ ახედა ნიკოს, მერე ხელები ჯიბეში ჩაიწყო და გაიარ-გამოიარა. უცებ გადასძახა ლიდას:

— აჩვენე.

ლიდა, თავდახრილი, წინ გაუძღვა ნიკოს.

რამდენიმე წუთის შემდეგ ორივენი კვლავ საკო-

მენდატოში დაბრუნდნენ. ნიკო ისე შეიჭრა ოთახში, თითქოს რაიმე უბედურება შემთხვევოდეს. ბასარიას მის ხილვაზე წარბიც არ შეუხრია. თავს ლალად და ბედნიერად მაშინ გრძნობდა, თუ რითიმე აყალმაყალს გამოიწვევდა; ახლაც იყნოსა რა ასეთი ამბის მოახლოება, თავი კიდევ უფრო ასწია მაღლა.

— ეს რა გიქნია, ბიჭო?! კომბოსტოს და კარტოფილის ნოტიო საწყობში რა სინდისმა შეგასახლება ყმაწვილები?! იცი, ვინ არიან ეგენი?!

— შე კაცო, დღეს ჩამოსულებს ასე უცებ როგორ გავიცნობდი!?!.. მაინც... ვინ არიან?

ნიკოს უნდოდა ეთქვა — ჩვენი მომავალი და ჩვენი სიამაყეო, მაგრამ გადაიფიქრა — ვინც უნდა იყვნენ, ბასარიასთვის ეს ალბათ სულერთიაო.

ბასარიას კი ეგონა, ნიკოს გულისწყრომა იოლად დაეძლიეო, რახან ძველმა მეშახტემ დამცინავ პასუხზე ხმა აღარ გასცა.

— თუ ისინი ახლავე საუკეთესო ბინაში არ გადაგიყვანია, იცოდე..! — ნიკომ გამომწვევად გადახედა ბასარიას. ხმას, მართალია დაუწია, მაგრამ უფრო ბეჯითად დაუმატა ნათქვამს — იცოდე. ჩვენი შერიგება აღარ მოხერხდება!

— მოხერხება... ჩემზედ იყოს! — დამცინავი ღიმილით მიუგო ბასარიამ.

ამ ყოვლის გამაბიაბრუებელ პასუხზე ნიკოსაც კინადამ გაეცინა. უნდოდა შეეხედნა, — ერთი ვნახო, რა თვალეზით მიცქერისო, მაგრამ გადა-

ფიქრა, — მელასავით უციმციმებს თვალები... რომ შევხედო გამეცინება და ხომ დავიღუპეო.

ნიკო ახლა ფანჯარაში იცქირებოდა, თან ლაპარაკის დროს მაგიდაზე მუშტს ისე სცემდა, თითქო მისი ნალაპარაკევი იწერება და თვითონ ზედ ბეჭედს ასვამსო.

— ბასარია, იცოდე, უსამართლოდ ახირება არა მწვევია, მაგრამ თუ აგიხირდი, ველარც გაიხარებ!

— კაცო, რაც არა ხარ, როგორ დავიჯერო, ის როდისმე იქნები!.. ახირება — ახირებულის საქმეა!

— ბასარია! — მწყრალად დაიძახა ნიკომ და ფანჯარას მოშორდა, — ამდენი, წვეულებაში თამაღობის დროს არ მილაპარაკნია... მითხარი — გადაგყავს თუ არა ის ყმაწვილები უკეთეს...

ბასარიამ იყვირა:

— ნიკო, როგორ ლაპარაკობ?! ვითომ, შენ მაგათი მამა ხარ და მე მამინაცვალი, თუ რა?

— ამხანაგო ნიკო! ამ საერთო საცხოვრებელში უკეთესი, თავისუფალი ოთახი არ მოგვეპოვება და, რა ვქნათ? არ არის ბატონო, არა! — კვლავ მიეშველა ბასარიას ლიდა.

— არის! — გადაჰკრიო თქვა ნიკომ.

— სად?

— სად?

ერთხმად, ყეფისდაგვარად მიაძახეს ნიკოს ლიდა და ბასარიამ.

— მეორე სართულზე! — მშვიდად მიუგო ნიკომ.

ბასარიას სახეზე გაკვირება — უმაღლესი კმაყოფილების ღიმილმა შესცვალა.

— იყო, მაგრამ, — ლიდას გადახედა, გაუცინა, — აღარ არის. ასეთია სინამდვილე! — მეტიმეტი კმაყოფილებისაგან ბასარიამ თმაზე ხელი თავმომწონედ გადაისვა.

ნიკოს გაელიმა. იფიქრა — მატყუებენო და უეცრად იკითხა:

— ასე მალე ვინ ჩაასახლეთ?

— თბილისელი მოქანდაკე!

— მოქანდაკე?!

მოქანდაკის გაგონებაზე ნიკომ კვლავ შეიკმუხნა შუბლი.

— მოქანდაკეს აქ არ გამოგიგზავნიდნენ, ბიძია, სხვაგანაც გამონახავდნენ მისთვის ბინას!

— რაზეა ვითომ დასაწუნი ჩვენი საერთო საცხოვრებელი, — თავმომწონედ იკითხა ლიდამ. — პირიქით, ქალბატონმა განაცხადა, ოთახიც კულტურულად არის გაფორმებული და გადასახედიც მომხიბლავიაო!

— ვინ ქალბატონმა? — ეჭვით იკითხა ნიკომ.

— მოქანდაკეს რომ ახლავს! — თავმომწონედ შენიშნა ბასარიამ, — ნიკო! შენ რაც გინდა თქვი და... ის ქალიშვილი იკითხონ მობრძანებულიყო კი არა, მარტო იმისი ქუდი რომ მოეტანათ, მაშინაც იძულებული ვიქნებოდით, ის საუკეთესო ოთახი, მეორე სართულზე, იმ ქუდისათვის დამეთმო, მარტო ის დამედო შუა ოთახში მაგიდაზე და მეცქირა!

— რაა, ბიჭო, ასეთი? — ნიკომ გამომწვევად ჩაი-
ცინა. მერე უცებ შეიკრა შუბლი. — არა, შენ რა-
ღაც ზღაპრებს მიყვები! დარწმუნებული ვარ,
ოთახი თავისუფალია...

ბასარიამ და ლიდამ ხმაშეწყობით გაიცინეს.

— იქნებ მოელი? რა ვუყოთ...

ბასარიამ და ლიდამ ახლა უფრო ხმამაღლა გაი-
ცინეს.

— მთელი ქვეყანა, ბიძია, — განაგრძო ნიკომ
აუღელვებლად, — ჩვენ შემოგვცქერის, აბა რამ-
დენ ტონა ქვანახშირს მისცემენ სამშობლოსო! შენ
კი... მუშებს — ხვალ რომ საბრძოლო დავალება
უნდა მივცე — კარტოფილის საწყობში აბინავებ!

ბასარიამ აღმაცერად ახედა ნიკოს, თანაც თავზე
ისე გადაისვა ხელი, თითქოს ფრთხილობდა თმებს
არ შეახოსო.

— ნეტავი იცოდნენ მაინც იმ ბიჭებმა, რა
მზრუნველი გამოუჩნდი!

ნიკომ ერთი ავის თვალით დახედა ზემოდან
ბასარიას და ოთახიდან გავიდა. ლიდა კარებამდე
მიჰყვა, მერე უცებ შემობრუნდა და ბასარიას შეშ-
ფოთებით აუწყა:

— მაღლა ადის.

— როგორც ავა, ისე ჩამოვა! — დაცინვით, გულ-
გრილად შენიშნა ბასარიამ.

რამდენიმე წუთის შემდეგ მეორე სართულის
დერეფნიდან საკომენდანტოში საეჭვო ხმაური და-
ყვირილი ჩამოესმათ. ლიდამ არ დააყოვნა, მკვირ-

ცხლად აირბინა კიბეზე; ერთი შეჰკივლა ხმა-
დაბლა, თმებშიაც ხელი იტაცა და ასე ფეთე-
ბით ჩამოიჭრა კიბეზე, გეგონებოდათ — ხანძარი
გაჩენილაო.

— ბასარია! — იყვირა ლიდამ ოთახში შესულის
უმალ, — ახლავე დარეკე რაიკომში... ნიკო არა-
ბიძე გადარეულა... თბილისელებს თავის ბარგია-
ნად გარეთ გამოყრას. უპირებს... ჩემოდნეში
უკვე დერეფანში გამოუწყვია!

ბასარიამ მარცხენა ხელი სწრაფად გადაისვა
თმებზე, მარჯვენა კი ტელეფონის მილაკს სტავა,
მაგრამ... ლიდას ნაკარნახევის შესრულება სწრაფა-
დვე გადაიფიქრა, ოთახიდან მოსხლეტით გაეარდა,
თბილისელების საშველად მეორე სართულს მია-
შურა.

ხალხს უკვე შეეტყო მდინარის მოდიდება; ახლა
დიდი თუ პატარა იქით ეშურებოდა. შახტის
უბანსა და მდინარეს შუა ყოფდა მაღალი ქედის
ვერტიკალური შტო — გორაკების წყება. მათ
ფერდობებზე უსწორმასწოროდ იყო შეფენილი
თითო, ორ-ორ სართულიანი, ქვისა თუ ხის ძველ-
მოღური სახლები, ფართო აივნით, ვიწრო ფანჯ-
რებით და ყავრის სახურავით.

გზადაგზა შემომხვდარი ნაცნობები გამამხნევე-

ბელი შეძახილებით ეგებებოდნენ და აცილებდნენ შატბიას, კაკოს, მის ამხანაგებს. შატბიას ჯერ კიდევ არა ჰქონდა შეტყობილი მდინარის მოდიდებისა და საფრთხეში ჩაყარდნილი ბავშვის ამბავი, რომ მდინარის ნაპირის გასწვრივ და ეზოებში შეგროვილ ხალხში ხმა უკვე დარხეულიყო.—საშველად შატბიაც მოდისო.

შატბაა გორაკზედ რომ ავიდა და ერთის წამით შესვენებულმა თვალი გადაავლო ხეობას, იქაურობა ველარც კი იცნო. ჩვეულებრივ, საკმაოდ ვიწრო, ოციოდე მეტრის სიგანე კალაპოტში ზანტად მიმავალი მდინარე ახლა, გაღმა-გამოდმა ვრცელ ნაპირებზედაც ზღვასავით ასე გაბოტებულიყო თითქო ცისა და ქვეყნის წალეკვას ლამობდა. ჩვეულებრივ ეს მყუდრო, ვრცელი ხეობა ახლა საოცარ, იღუმალ გუგუნს მოეცვა. გაღმა, ნაპირის გასწვრივ, ერთგან, მოცურავეებსავით გამოიყურებოდნენ ხეები. ტალღების ძალა ტოტებს დინებისაკენ ზნექავდა, მაგრამ ტოტები ისევ სწორდებოდნენ; ეს ისე სწრაფად ხდებოდა და დაუსრულებლად მეორდებოდა, გეგონებოდათ, ხეებს მკლავები გამოსხმია და ცურავენო.

ფერდობის საცალფეხო ბილიკზე ახლა თავქვე სწრაფად მიმავალ შატბიას უკვე ესმოდა მდინარის ნაპირის გასწვრივ გაფანტული ხალხის ყაყანი, შეძახილები.

წყალს უკვე ნაპირის ახლო მოსახლეთა ეზოების შუამდე მოეტანებინა და კვლავაც ზემოთ მოი-

წევდა. ბოსტნებში წინა კვლები აღარ ჩანდა, აქა-
იქ მხოლოდ პრასას და აყვავილებულ ქინძს ამო-
ეყო თავი მღვრია წყლის ქაფიან ტბორიდან.

მოდიდებული მდინარე შატბიას ბევრჯერ უნა-
ხავს, მაგრამ ასეთ წყალდიდობას ჯერ არ მოსწრე-
ბია. ამ ამბავმა, ცოტა არ იყოს, შეაფიქრინა,
მაგრამ ფიქრს თავი მაინც არ მისცა, კვლავ მხნედ
განაგრძო გზა.

უკან მომავალთ შატბია უცებ გაუქრა თვალი-
დან. სწრაფად გადაუხვია ერთი მოსახლის ყანაში,
შემდეგ მესრის ღობეც უკან მოიტოვა და ბილიკზე
გავიდა. მისი „ამალა“ ჯერ დაიბნა; მაგრამ მერე
ძალაუნებურად განაგრძო აღებული გეზი — სა-
ურმე გზით თავქვე დაეშვა. ხალხი კი, შატბიასაც
საურმე გზით რომ ელოდა, უცებ ის ზემოთ,
კარგა შორს გამოჩნდა, დიდ ლოდზე, რომელიც
კონცხივით ჩანდა ახლა წყალში შექრილი. შატბია
ფრთხილად, მაგრამ მარჯვედ ჩასრიალდა ლოდის
შვეულ ნაპირზე და მის ირგვლივ აღუდებულივით
ახვარხვალეებულ-აქაფებულ წყალში ჩაეშვა. წყალი
ჯერ თეძომდე სწვდებოდა, შემდეგ უცებ იმატა
სიღრმემ. გაშლილ მკლავებს შატბია წონასწორო-
ბისათვის ბეჭების მოძრაობის მიხედვით ნელა
იწნევდა წყლის ზედაპირზე. როცა წყალში იდლიე-
ბამდე შევიდა და ტანი აუმჩატდა, კოხტად გაწვა
და მარჯვედ იწყო ტალღების კვეთა. მისი თეთრი
მკლავები და ბეჭები უცებ ხან გამოჩნდებოდა
ზედაპირზე, ხან ისევ მღვრია ტალღებში ქრებოდა.

შატბიამ კარგად აუღო ალლო წყლის სიჩქარეს და ტალღების ძალას; მიზანს ზემოდან უსწორა. ყველაზე ძნელი ახლა ცურვა და ტალღებთან ჭიდილი კი არა, არამედ იმ კუნძების, მორების, ფიცრების, თუ მოდიდებულ წყლის მიერ გზადაგზა დანგრეული სახლის ნაწილების თავიდან აცილება იყო, რომლებიც გახელებულ მდინარეს ასე უხვად მოჰქონდა. შატბია მარჯვედ აუქცევდა ხოლმე გვერდს, ან ხელის კვრით გეზს შეუცვლიდა გამოქანებულ მორს, თუ ფიცარს. ნაპირიდან მოთვალთვალეთა გაოცებას და სიხარულს საზღვარი არა ჰქონდა. ხალხი, დიდი თუ პატარა, ისე იყო მოხიბლული მისი სიმარდით და მოსაზრებულობით, ბევრი გულის სიღრმეში კიდევ ნატრობდა ახლა შატბიას არც თუ ისე სახარბიელო მდგომარეობას. შორიდან მისი გარჯა ლამაზი საცქერი იყო და ხალხიც ისე ერთობოდა, როგორც სანაწაობით, მაგრამ შატბიასათვის ეს დიდი თავგანწირვა და მძიმე ჯაფა იყო მხოლოდ.

შატბია მარტო მაშინ შეკრთა და მკლავიც თითქო მოუღუნდა, როცა ხეს დაუახლოვდა. პირველად მისი მზერა ხის ტანზე მკლავებმოხვეულ თამარელას თვალებს შეეფეთა.

შატბია აქ მარტო გურამთან შეხვედრას ელოდა. ახლა, თამარელას უეცარი ხილვით გაკვირვებული ვაჟი წამით დაიბნა. შატბიას მხოლოდ გურამის ამბავი აუწყეს, თამარელას თავგანწირვის შესახებ კი არაფერი სმენია...

როცა სარმომარჯვებულმა თამარელამ მდინარეს ზიაშურა, თან ის იფიქრა — თუ ვერ ვუშველი, ჩემი სიახლოვით მაინც გავამხნევებ პატარა დის-წულს, ვიდრე ნამდვილი მშველელი გაჩნდებოდესო. ყოველი, მარჯვედ გადადგმული ნაბიჯი ერთსა და იმავე დროს სიხარულსაც ჰგვრიდა, შიშსაც. რაც უფრო უახლოვდებოდა ლედვის ხეს, მით უფრო ეხატებოდა სახეზე სიხარული, მაგრამ რაც უფრო შორდებოდა ნაპირს, რაც უფრო ღრმად იჭრებოდა წყალში, გული ფარული შიშით მით უფრო გამალებით უძგერდა.

თამარელას ცხოვრებაში ეს პირველი შემთხვევა იყო, საკუთარ სიცოცხლეს რომ საფრთხეში აგდებდა, მაგრამ საერთოდ ხშირადაც სმენია და თვითონაც ყოფილა მოწმე სხვათა თავგანწირვისა; და თუ ერთი მხრივ, თავისი ნაბიჯი გაკვირვებას არ იწვევდა, მეორე მხრივ, გულის სიღრმეში კმაყოფილებასაც კი გრძნობდა, რომ მოულოდნელად ბედმა ასეთი გამოცდა მასაც არგუნა წილად. ახლა თამარელა, თითქო უხილავ მეტოქეს ეჭიბრებო, განსაკუთრებით ცდილობდა, რადაც უნდა დაჯდომოდა, იმ ლედვის ხემდე მიეღწია; რაც ერთის შეხედვით სხვას შეუძლებლად ეჩვენებოდა, თვითონაც დარწმუნებულიყო და სხვაც დაერწმუნებინა, რომ შეუძლებელი არაფერია რწმენით და გამბედაობით აღჭურვილ ადამიანისათვის.

თამარელას წყალი უკვე წელამდე შემოსწვდომოდა. ყოველი ნაბიჯის გადადგმას რამდენიმე

წუთი უნდებოდა; წყალი ისე ღონივრად უტევდა, ისე მსუბუქად ეწეოდა მაღლა, თანაც ფსკერზე ფეხის დაბიჯებას არც კი აცლიდა, ღრმა ნაკადის ძალა ქვიშასაც სტაცებდა, მოზრდილ ქვებსაც და ფეხსაც. სარი რომ არა, თამარელას ბევრჯერ მოიტაცებდა წყალი.

იმის მიხედვით, წყალი სადამდე შემოსწვდებოდა, წამით ფსკერს მოსწყვეტდა და აატივტივებდა, გულიც აღმა შეუქანდებოდა, ხანაც ისეთი გრძნობა იპყრობდა, თითქო დაბლა ეზიდებოდა რამე; ეგონა, უფსკრულისაკენ მივექანებო, მაგრამ ეწით წამში კვლავ გონს მოდიოდა და გათამამებული, განსაცდელს რომ სძლია, უფრო მეტის შეუპოვრობით განაგრძობდა სვლას...

...როცა ხესთან მიახლოვებულმა შატბიამ მეორედ შეავლო თვალი თამარელას, დაინახა — იგი თუმცა ილიმებოდა, მაგრამ ეს უფრო იმ შიშის და სიმწრის ღიმილს ჰგავდა, რაც მის მდგომარეობაში კაცს შეიძლება ძვალრბილში გასდგომოდა. ილიმებოდა, მაგრამ თანაც ისე შემკრთალი გამოიყურებოდა, შეგებრალეობდათ. საკვირველი ახლა მართო ის იყო, რომ ამ ყოფაში, შატბიას თამარელა უფრო მიმზიდველი მოეჩვენა.

— ბიჭო, გურამ, ჩამოდი, მხსნელი მოვიდა, —

შესძახა თამარელამ მადლა, ორ ტოტს შუა საიძვე-
ლოდ ჩამქდარ, ფოთლებში შეფარულ დისწულს.

— ჩამოდი! — კიდევ ასძახა მწყარალად თამარე-
ლამ გურამს და ტოტზე მეორე ხელის წავლების
უმალ მსუბუქად აიწია მადლა; შორიახლოს შეჩე-
რებულმა, ცალი ხელით ტოტს მოჭიდებულმა
შატბიამ, აქამდე მარტო თამარელას თავს და
წყალში გაშლილ-ატივტივებულ ნაწნავებს რომ
ხედავდა, უცებ კაბაშემოტმასნილ მკერდს და
წელის დანახვაზე; მორიდების მაგივრად თვალი
უფრო გაუშტერა; თამარელამ შენიშნა თუ არა
ვაჟის გაშტერებული მზერა, ისევ ჩაიმალა წყალში.
დახრილ ტოტს მოჭიდებული შატბია მოთმინებით
ელოდა, ვიდრე თამარელას ძახილზე ბავშვი ქვე-
მოთ ჩამოვიდოდა.

თამარელას სიტყვამ ვერ გასჭრა, შატბიამ კი
უხმო თუ არა გურამს, ის ნელა ჩამოცოცდა ქვე-
მოთ და შატბიას მადლა აწვდილ ხელისგულს და-
ეყრდნო მკერდით. ცალი ფეხი კი ბექზე დააბიჯა.
ბავშვი აქამდე, მართალია, შეშინებული ჩანდა,
მაგრამ შატბიას დანახვაზე, ეტყობოდა, ცოტა გამ-
ხნევდა; როგორც შატბია უკარნახებდა, სწორედ
ისე იქცეოდა და, ახლა, თითქო უხაროდა კიდევ,
შატბიასთან ერთად რომ გადაცურავდა ვეშაპის
ზურგივით შავად მოლაპლაპე, აზვირთებულ მდი-
ნარეს.

ვიდრე შატბია გურამითურთ ნაპირს მიაშურებ-

და, თამარელას ისე შეხედა, ყველაფერი გასაგებში იყო. ჯერ ბავშვი უნდა გაეყვანა.

შატბია რომ ნაპირს უახლოვდებოდა, მაიაც სწორედ მაშინ მოვარდა, შეშლილივით დაფეთებული, თმაგაწეწილი, დაუფიქრებლად შეიჭრა წყალში. მას სხვებიც მიჰყვნენ და სიხარულისაგან ცრემლმორეულნი, ხელების ქნევით და შეძახილებით მდინარეში მუხლამდე შესულნი შეეგებნენ შატბიას. კაკომ მაიას დაასწრო, თავის ბიჭს პირველმა სტაცა ხელი, მხარზე შეისვა და ნაპირს მიაშურა. სიხარულისგან მას ახლა ისიც კი დავიწყებოდა, რომ ბავშვის მხსნელისათვის გამარჯვებაც მაელოცა და მადლობაც ეთქვა. მაიამ ნაპირზე გასვლა არც კი აცალა, შატბიას შეგებების ადგილზევე გადაეხვია და გაშმაგებული კოცნით შუბლი და ლოყები აუჭრელა. დანარჩენებიც, დიდი პატარა: ყრვლანი გამარჯვებას ულოცავდნენ, თან სწილ ბეჭებზე ხელს ისე უტყაპუნებდნენ, თითქო კუნთების სიმკვრივეს უსინჯავნო.

შატბია გამალებით სუნთქავდა, თან სველ, ნახევარ რკალეზად შუბლზე ჩამოშლილ თმებს წამდაუწუმ ისწორებდა.

წედან სტიქიასთან ჭიდილში შეუპოვარი, მარდი და გაბედული ჭაბუკი, ახლა ისე დაჰყოლოდა მაიას ნებას, თვითონვე უკვირდა, რა მემარტებე, რატომ არ ვუძალიანდებო. მაგრამ მაიას უთვალავ კოცნას, გულის სიღრმეში თვითონაც დამსა-

ხურებულად სთვლიდა და როგორც დამსწრეთა საერთო აღტაცება და გამომეტყველება ადასტურებდა, ჯილდოს არც გაცემა და არც მიღება სირცხვილი არ უნდა ყოფილიყო.

კაკო ზიბზიბაძე თავის ექვსი წლის ბიჭუნასთან — გურამთან ერთად ნაპირიდან უცქეროდა ამ სანახაობას, და სხვა დროს უსაზღვროდ ეჭვიანი, ახლა მაიას სიხარულის გამოხატულებაზე გულწრფელად ეღიმებოდა და შატბიასადმი მიძღვნილ უთვალავ კოცნას თვითონაც დამსახურებულად სთვლიდა.

ეს აღტაცება და ალიაქოთი რომ ცოტათი მიწვდებოდა, შატბიამ უმალ იხელთა დრო და თამარელასაკენ იწყო ცქერა; მართალია, შატბია სიტყვით არ შეპირებია, მაგრამ ისე შეხედა წელან, თითქო ეუბნებოდა — „შენც მალე გამოგიყვანო“, ახლა კი გუნებაში ნატრობდა — „ნეტავი ვინმემ იფიქროს მისი გამოყვანაო“. — ერთი შეხედვით ეს უცნაური და ჭაბუკისათვის არაბუნებრივი წადილი შატბიას მოწიწებას უფრო ნიშნავდა, ვიდრე თამარელასადმი გულგრილობას. მას ვერ წარმოედგინა, როგორ უნდა ჩაეგლო ხელი ქალიშვილისათვის...

ამასობაში, თითქო მისი ყოყმანის მიზეზი გამოეცნოთ, ორი ჭაბუკი — მეშახტე — ანთაძე და ბერიძე სწრაფად შედგაფუნდა წყალში. ისინი ყველგან და ყველაფერში ეჯიბრებოდნენ ერთმანეთს და აქაც... არ დააყოვნეს... გასცდნენ თუ არა

არხის კალაპოტს, გადაეშენენ კიდეც ზვირთებში.
ერთხანს მარჯვედ კვეთდნენ ტალღებს, თუმცა
შატბიასავით თავისუფლად და მოხდენილად ვერ
ხმარობდნენ მკლავს. მათი მოძრაობა ზედმეტად
სწრაფი და უფრო მომქანცველი იყო. ანთაძე და
ბერიძე თუმცა, გულმოდგინედ მიიწევდნენ
წინ, მაგრამ რახან თავიდანვე გეზი სწორად ვერ
აიღეს, ახლა დიდი ენერჯის დახარჯვა უხდებო-
დათ, რომ წყალი აღმა ეჭრათ, რათა ხისათვის
ესწორებინათ; მაგრამ, ვიდრე ამას შესძლებდნენ,
თავიანთ შეცდომას გამოასწორებდნენ, მთელი
ძალ-ღონე ფუჭად შეაღიეს წყლის აღმა კვეთას და
ახლა ისე იყო საქმე, რომ თავის გადარჩენაზე და
უკან მშვიდობით გამობრუნებაზე უნდა ეფიქრათ;
ისინი ასე მალე უფრო იმიტომაც მოიქანცნენ,
რომ მდინარის წამოღებულ ხე-ტყეს გვერდს
ფხიზლად და მარჯვედ კი არ უქცევდნენ, არამედ
მათს თავიდან ასაცილებლად წამდაუწუმ ყვინთავ-
დნენ და, ვიდრე ამოტივტივებულნი გონს მოვი-
დოდნენ, აღმოჩნდებოდა, რომ წინსვლის მაგივ-
რად, ისინი რამდენიმე მეტრით გაეტაცნა დინებას.
ამ ვაი-ვაგლახში, დაკარგული მანძილის ხელახლა
გაცურვაში საკმაო დრო გავიდა. როცა ბოლოს,
ძლივს მისწვდნენ ლედვის ხეს, ჯერ ანთაძემ, მერე
ბერიძემ მაგრად ჩასჭიდეს ხელი მდინარის ზედა-
პირზე გაწოლილ ტოტებს და შესვენება სცადეს;
მაგრამ, ეტყობოდა, აქამდე ისედაც ძირგამორე-
ცხილ-გამოთხრილი ხე უეცრად შექანდა და დაი-

ქრა ფოსოდან, წყლის დინების ძალამ და სისწრაფემ მყის გაიტაცა იგი, თამარელა იღბლად ზემოთ მოეჭტა, რახან გრჯლის ორკაბთან ხელჩაჭიდებული აღმოჩნდა, ანთაძისა და ბერიძისათვის კი ეს ამბავი ისე მოულოდნელი იყო, ხელის გაშვება ვერც მოიფიქრეს, ვერც მოასწრეს, ისე, ქვემოთ მოქცეულ ტოტებთან ერთად ჩაიყურყუმელავეს წყალში. როცა ტალღებში კვლავ ამოჰყვეს თავი, დაინახეს, რომ ხეს რამდენიმე მეტრის დაშორებით მიაქანებდა წყალი. ერთი პირობა კვალდაკვალ სდიეს ცურვით, მაგრამ რახან დარწმუნდნენ, ველარაფერს გააწყობდნენ, თავი ანებეს და დინების მიმართულეებით ნაპირს მიაშურეს, თან წამდაუწუმ აქეთიქით აცეცებდნენ თვალს — ანაზღად წამაწვეულ მორს რომ არაფერი ევნო მათთვის.

შატბია თავიდანვე გაფაციცებით უთვალთვალეზდა იმ ორი კაბუჯის წყალში გარჯას, მაგრამ, როგორც კი მათი „დახმარებით“ წყალმა ლედვის ხე მოთხარა და გაიტაცა, შატბია ისე მარდად მოსწყდა ადგილიდან, რომ ყველანი სახტად დარჩნენ. ის ერთხანს სირბილით მიჰყვებოდა მდინარეს ნაპირ-ნაპირ, მერე საკმაო მანძილით გაუსწრო რა მდინარის მიერ გატაცებულ ხეს, რომელსაც თამარელა ებლაუჭებოდა, უმალ წყალში გადახტა და ისე მოუსვა, ისე მარჯვედ აჰყვა-დაჰყვა ზვირთებს, გეგონებოდათ, კი არ მიცურავს, მიფრინავსო.

შატბიას მაგალითით გამხნევებული და ცნობის-მოყვარეობით შეპყრობილი ხალხიც ნაპირ-ნაპირ:

ყიჟინით მისდევდა მდინარეს, არავინ იცოდა, რით გათავდებოდა შატბიას თავგანწირვა; ის ახლა ძალღონეს არ ზოგავდა, ვიდრე წყალი ხის ჩატარებას მოასწრებდა, თვითონ შეგებებოდა და გეზი ეცვალნა მისთვის. მაგრამ ვარაუდში მოტყუვდა. ხე, სწორედ, როგორც იტყვიან, მის ცხვირწინ ჩაატარა წყალმა. შატბია უკან გამოენთო; ის ახლა კარგად ხედავდა თამარელას. თამარელა ორივე ხელით ჩაფრენოდა ტოტებს და ყოველ ღონეს ხმარობდა არ ჩაეყურყუმელავებინა, როცა ტალღა ხის ხან თავს შეისროდა მაღლა, ხან ბოლოს. თამარელა დაღლილი და შემკრთალი ჩანდა. სჯელი. დაშლილი ნაწნავები ხან წყლის ზედაპირზე შავად მიიკლაკნებოდა, ხან მისი გაწეწილი ბოლოები პატრონს კისერზე და მკერდზე დასთამაშებდა. თამარელას კაბის გულისპირი და პერანგი წყალთან ჰიდილში ტოტს ჩაეხია, სიშიშვლეს მარტო მღვრია ტალღა თუ დაუფარავდა ხოლმე; სხვა დროს დიდ რამედ რომ მოეჩვენებოდა, ახლა, ლავიწიდან მარჯვენა ძუძუს გასწვრივ წითელ ზოლად დარჩენილი ნაკაწრი, თუმც ეწვოდა, მაგრამ არაფრად არ აგდებდა.

ამასობაში შატბიამ ხეს თავი დაუარა, ყველაზე გრძელ, განზე გაწვდილ ტოტსა სწვდა და რაც კი შეეძლო მოზიდა, სცადა ხისათვის გეზი ეცვალნა, ნაპირისაკენ გაეცურებინა.

შატბია ახლა უფრო გააფთრებით ებრძოდა ცალკე ტალღებს, რათა ხე ნაპირისაკენ დაეთრია,

ცალკე ფიცრებსა და კუნძებს, რომელთა დაჯახებისაგან წამდაუწუმ უხდებოდა თავის არიდება. თამარელა ხედავდა რა შატბიას თავგანწირვას და სიმარჯვეს, ცოტა გული მოეცა, ამ მძიმე და შეუპოვარ ბრძოლაში ჭაბუკს დროდადრო ვეებერთელა ტალღა ხან თავზე გადაუვლიდა და წამით შთანთქმავდა, ხანაც ისე მსუბუქად შეისროდა მაღლა, თითქო შატბია საქანელას ფიცარზე მჯდარიყოს.

შატბიამ, როგორც იყო, დიდის ჯაფით ხე მდინარის შუაგულს გამოსტაცა და ახლა უკვე ნაკადის ძალაც, წყლის წინააღმდეგობაც უფრო ნაკლები იყო, შატბიას იმდენი მეცადინეობა აღარ სჭირდებოდა, და თვითონაც, ეტყობოდა, სტიქიას წინანდებურის მხნეობით აღარ შეეძლო გამკლავებოდა. როცა შატბიამ დრო იხელთა და ნაპირი მოათვალიერა, ეოცა, არ მოელოდა, თუ წყალი მათ ასე შორს გამოიტაცებდა. ახლა კი დროც იყო და ადგილიც სწორედ ხელსაყრელი, რომ ჭაბუკს უკანასკნელი ძალ-ღონე მოეკრიბა და ხე მოტაცებულ ასულითურთ მდინარისათვის წაერთმია. ფართო მოსახვევთან, სადაც წყალი შედარებით უფრო ნელა მოედინებოდა, ხეს ადვილად აცვლევინა გეზი, წყალი პირდაპირ გაჭრა და ხე ახლა უკვე ნაპირიდან ხუთიოდე მეტრზე ტოკავდა, ტივტივებდა. შატბიამ უმაღლეს მდინარე წყლის სიღრმე და უწია თუ არა ფეხი ფსკერს, აქამდე წარბშეკრულმა ჭაბუკმა უმაღლეს თამარელას გადახედა, გაუღიმა და მიესალმა — „გამარჯობაო“.

თამარელამაც გაუღიმა, სიხარულისაგან გული ახლა მასაც ისე უცემდა, რომ ხმის გაღება ვერ მოეხერხებინა.

შატბიას ეგონა, რახან სამშვიდობოს გამოვიყვანე, თამარელა ახლოს აღარ მიმიკარებს, ამ მცარე მანძილზე დახმარებისათვის ხელის შეთავაზებას იუკადრისებსო და კვლავ შორიახლოდან გასცქეროდა ღიმილით.

თამარელას ახლა კი, ცხადია, დაუხმარებლად შეეძლო ნაპირზე გასვლა, მაგრამ რატომღაც ადგილიდან არ იძვროდა, ისევ ისე ჩაფრენოდა ხის ტოტებს გრჯლის შუა მოქცეული და თავის მხრივ გამომწვევად მოღიმარი თვალით გასცქეროდა შატბიას. როცა მას შატბიამ ხელი გაუწოდა, თამარელამ ცალი ხელით ჩახეულ საკინძეს ნაპირები მობლუჯა, მეორე კი შატბიას მაჯაში ჩაავლო, ამასობაში ფსკერზე ფეხის დაბიჯებაც რომ სცადა, უცებ შეჰკივლა და უმაღლეს წყალში ჩაყვინთა; ერთი ხელით რომ აქამდე შატბიას მაჯა ეჭირა, ჩაძირულმა მეორე ხელი უმწეოდ მოასავსავა წყალში, შატბიამაც ერთი ნაბიჯით წინ წაიწია, თამარელა რომ სწრაფად ამოესროლა მალღა; შატბიას მეორე, შეგებებულ მკლავს თამარელამ ღონივრად ჩაავლო თავისუფალი ხელი. როცა წყლიდან თავი ამოჰყო და თვალიც გაახილა, ერთბაშად გაოცდა. ვერ მიმხვდარიყო, როგორ მოხდა, რომ შატბიასათვის ცალი მკლავი კისერზე მოეხვია და მკერდზე

მიკვროდა. თამარელამ, ვაჟს კისერზე მოხვეულ ხელით უმაღლ მხარზე უბიძგა, მისი მაჯისათვის კი მეორე ხელი მაინც არ გაუშვია, ეშინოდა, ისევ არ ჩაეყვინთო.

შატბიას სიამოვნებისა და იღუმალის სიხარულის გამომხატველი ღიმილი უთამაშებდა სახეზე. ის ახლა თამარელას არც გამომეტყველებას გაუკვირვებია და არც მხარზე ხელის კერას. შატბიას კარგად ესმოდა, რომ ეს ყველაფერი თამარელას სიმარცხვეს უფრო გამოხატავდა, ვიდრე უმაღლრობას.

როცა შატბიამ ანიშნა, დროა ნაპირზე გავიდეთო, აქამდე გაბუტულივით მზირალ, წარბშეკრულ თამარელას კვლავ გაეღიმა, შატბიას მეორე ხელიც გაუწოდა და, რომ კვლავ არ ჩაეყვინთა, ფეხებიც ისე აამოძრავა, როგორც შატბიამ აუხსნა.

თამარელა აქამდე არა გრძნობდა, მაგრამ ნაპირზე რომ გავიდნენ, სირცხვილით დაიწვა. კაბა ისე შემოტმასნოდა ტანზე, შიშველი გეგონებოდათ. შიშველი მკერდი კი როგორც იყო, გაწეწილ ნაწნავებით დაიფარა, მაგრამ ქვედაწელს ვერაფერი მოუხერხა; ისე ლაპლაპებდა სველი კაბა, ისე მკაფიოდ აჩენდა მისი სისველე ნაკეთებს, ძალაუნებურად იქცევდა ყურადღებას. შატბიაც, თითქო თამარელას ჯიბრზე, იქვე პატარა ბორცვზე ჩამოჯდა და დროდადრო ღიმილით იცქირებოდა მისკენ.

ხალხმა დაინახა რა, შატბია და თამარელა ნაპირზე გამოვიდნენ, სირბილს უკლო და ახლა ჩქარი ნაბიჯით მოეშურებოდა მათკენ. ბავშვები დაწინაურებულიყვნენ. ისინი რა ხანია დაულალავად გაჰყვიროდნენ — „შენია, შენიაო“. დროდადრო, ძახილში უფროსებიც ბაძავდნენ ბავშვებს. იყო ერთი ყაყანი, ალიაქოთი, სიცილი. ამ იღუმალ — „შენიას“ წამოძახება უჩვეულო ხმაურს და სიცილს იწვევდა ხალხში. დაწინაურებულ ბავშვთაგან ზოგს შატბიას ქუდი, რეზინის ჩექმები თუ ხალათი რომ ეჭირა ხელში, ცეკვა-ბტუნვით ყველაზე წინ მირბოდნენ და ყველაზე თავგამოდებით გაჰყიოდნენ ამოჩემებულ — „შენია“-ს. რა იყო, ვის ეხებოდა, რას გამოხატავდა ეს ძახილი, შატბია და თამარელა ჯერ კიდევ ვერ მიმხვდარიყვნენ.

როცა შატბიას და თამარელას ბავშვები შემოესივნენ, მერე კაკო ზიბზიბაძეც მიეჭრა, უმალ მაგარი კოცნა უთავაზა დაწვზე შატბიას, სველ ბეჭზე კი მისმა ხელმა ტლაშანი მოადინა; კაკომ ამ სახელდახელო მილოცვით გული იჯერა თუ არა, მოახლოვებულ ხალხსაც გახედა, შატბიას კვლავ მოესმა რა — „შენია“, უმალ გაოცებით გადახედა კაკოს. კაკო მიხვდა, ეშმაკურად გაუღიმა და ხელი, რომლითაც აქამდე ნიკაპი ეჭირა, არ შეურხევია, ისე, ცერით ანიშნა თამარელასაკენ, სიტყვიერადაც განუმარტა — „შენია!“.

— უსირცხვილო! — მოულოდნელად დაიყვირა

თამარელამ, ერთი ნაბიჯი წინ წადგა და ხელი კაკოს მუქარით მოუღერა.

კაკოს თითქო ახლა შეენიშნოს თამარელა, უცებ გაკვირვებით უკან დაიხია, წელშიც ნახევრად მოიხარა და შუბლზე ხელმოჩრდილებულმა გაოცებათ იკითხა — „რომელი ხარ შენ?!.“ თანაც თავით ფეხამდე ისე ახედ-დახედა, თითქო მისა ცნობა მართლა გასკირვებიაო.

ეს ყველაფერი თვალის დახამხამებაში მოხდა; კაკომ უცებ ხუმრობას თავი ანება, ბრეზენტის პიჯაკი გადაიძრო და თამარელას გაუწოდა. თამარელას თუძეც გუნებაში დიდად ესიამოვნა და მოეწონა სიძის მოსაზრება, მაგრამ შუბლი მაინც არ გაუხსნია. კუშტად მზირალმა, თითქმის წასტაცა ხელიდან, შეთავაზებული პიჯაკი და მოიხურა; კალთის კუთხეებში ხელი ჩაავლო და სცადა ტანზე მოერგო, შემოეხვია. იმდენხანს წყალში ნამყოფს ისე შესცივნოდა, მთელი ტანით ძაგძაგებდა.

მათ გარშემო თანდათან შემოკრებილი ხალხი რიგრიგობით. — თამარელას გადარჩენას ულოცავდა, შატბიას — გამარჯვებას. პატარები კი შორიახლოს ისევ დახტოდნენ, ბზრიალებდნენ და ახლა უფრო თამამად გაჰყვიროდნენ — „შენია, შენია“-ო.

თამარელამ ერთი-ორჯერ კი გადახედა ბავშვებს, მაგრამ ვერაფერი უთხრა — სხვების ყურადღებაც რომ არ მიექცია ამ გარემოებისათვის. იმათგან,

ვინც ყველაზე სმამალა გაჰყოდა — „შენია“-ო, ერთს შატბიას ხალათი ეკირა ხელში, მეორეს პერანგი, მესამეს ქუდი და ცალი ფეხსაცმელი... ბავშვები ჰაერში იქნევდნენ შატბიას ნივთებს; ახლა, მათი, ეს ახირებული — „შენია, შენია“ ვისაც როგორ უნდოდა, ისე შეექლო გაეგო. ვერ დატუქსავდი, ვერ დაუშლიდი...

თამარელა რამდენიმე ამხანაგითურთ დაწინაურდა, შინისაკენ გაეშურა ტანსაცმელის გამოსაცვლელად.

უკან რომ ბრუნდებოდნენ, კაკო დრო და დრო შატბიას ქების ნიშნად ბეჭზე ხელს სცემდა და ამხნევებდა.

ახალგაზრდები, რომლებიც მხარმარცხნივ და მხარმარჯვნივ მისდევდნენ შატბიას, კაკოს სიტყვებს წინასწარ მოლაპარაკებულივით იმეორებდნენ. ყველა ცდილობდა შატბიას ყურადღება მიექცია; შატბია კი, თითქო ეს შენიშვნები და ქათინაურები მას არ ეხებო, სულ წინ იყურებოდა, ბეჯითად მიაბიჯებდა თავის ამაღასთან ერთად მდინარის პირველი მოვარდნის დროს წყლით დაფარულ ეზოების და ბოსტნის კვლების ნაპირნაპირ. ზოგან წვივი ნახევრამდე ეფლობოდა ფხვიერ, თანაც წყლით გაღვივებულ მიწაში... დაინახვდნენ თუ არა ბოსტნის პატრონები ერთად მომავილ ამოდენა ხალხს, უმაღლ მოჰყვებოდნენ მოთქმისებურ წუწუნს — „უი, უი, უი-ო!“ შატბია და მისი ანხანაგები სიცილით უქნევდნენ ხელს მეზობ-

ლებს, თითქო ამხნევებდნენ და თანაც უსაყვედურებდნენ, ნუთუ ჩვენი თავგანწირვა ორიოდღე ღერი პრასისა და ქინძის გადაჯეგვად არა ღირსო, მით უმეტეს, რომ ამას განზრახ არ სჩადიოდნენ. სხვა გზა არ იყო, წყალს ხმელეთთან ზღვარი ახლა აქ დაედო.

თითქო შატბიასთვის მიუბაძავთო, ახალგაზრდებს დახნიერებსაც კი—ყველას პერანგი გაეხადა. შარვალი მუხლებს ზემოთ აეკარწახებინათ, ერთმანეთზე ზონარით გადაბმული ფეხსაცმელები კი მხარზე გადაეკიდათ ხურჩინივით.

გზადაგზა ნაპირის გასწვრივ გამწკრივებული ხალხი, ქალი, თუ კაცი, შატბიას დანახვაზე უძალანებებდა თავს მდინარეს, შატბიას შეეგებებოდა და როგორც შეეძლო თავისი გულწრფელი სურკლის გამოხატვა, ისე ულოცავდა. ზოგი ხელს ართმევდა, ზოგი მხარზე ეკიდებოდა, თითქო დონეს უსინჯავსო, ზოგიც მოურიდებლად ჰკოცნიდა შუბლსა და ლაწვებზე. ის კი, თითქო აქ არაფერიო, თავის ოდნავ დაქნევით თუ ხელის ჩამორთმევით უხდიდა მადლობას ყველას, ვინც კი მის ვაჟკაცობას მოეხიბლა.

ვისაც ამ დროს შახტში მუშაობა არ უწევდა, სულ აქ მოეყარათ თავი: დიდი, პატარა, ქალი, კაცი ერთმანეთში ირეოდა. ეს სიჭრელე, ყაყანი და ფუსფუსი კაცს საკვირაო ბაზრობას აგონებდა.

წელან შატბიას გულისყური მარტო გურამისა და თამარელას გადარჩენისაკენ იყო მიპყრობილი,

არც შეუმჩნევია, მეშახტე ჭაბუკების რამდენიმე ჯგუფი რა მარჯვედ ისროდა წყალში თოჯზე გამობმულ ჩანგლებს. ჩანგლების უმრავლესობა მიზანში ხვდებოდა. ამ ხერხით ჭაბუკებს იმდენი ფიცარი და მორი, იმდენი ხე-ტყე გამოეზიდათ წყლადან, შახტში სამ ცვლას ეყოფოდა.

ახლა, როცა შატბია უკან ბრუნდებოდა, მისი ამხანაგები, მეშახტე ჭაბუკები კვლავ მორებთან ჭიდილით იყვნენ გართულნი. ნაპირთან მორეკილი ხე-ტყის გამოტანაში და საიმედო ადგილზე გადაზიდვაში მამაკაცებს ქალებიც ეხმარებოდნენ. ისეთი მუშაობა იყო გაჩაღებული, ისეთის ხალისით ასრულებდა ყველა ამ საქმეს, ძალიანაც რომ გლომებოდათ, გული ვერ გაგიძლებდათ, ვერ მოგიტმენდათ, — ხელდაკრეფილი გეცქირათ ამ სახალხო სანახაობისა და შრომისათვის. ძალაუნებურად მიგიზიდავდათ და რაკი ერთხელ ჩაებმებოდით, თავიც დაგავიწყდებოდათ.

წამით შესვენებული, დონიჯშემოყრილი შატბია ერთხანს გატაცებით უცქერდა, მუხლამდე, წყალში შესულ ამხანაგებს.

შატბიას ამასობაში ბავშვებმა ტანსაცმელი მიურბენინეს, მანაც ერთ გორგლად შეჰკრა ყველაფერი, ილღიაში ამოიღო, იქვე მახლობლად, მეზობლის ჭისაკენ გაემართა. ჭის წყლით კარგად რომ გაიბანა წვივები და ტერფები, კვლავ დაიხვია ფეხსახვევები, ჩაიცვა რეზინის ჩექმები და მერე სახეზედაც შეისხა წყალი. თავით ფეხამდე

რომ გამოეწყო, ბავშვებს სათითაოდ ჩამოართვა ხელი, მადლობაც უთხრა, თანაც სთხოვა, უკან აღარ ასდევნებოდნენ, რადგან საქმეზე მიეჩქარებოდა და მათთვის აღარ ეცალა.

ახლა შატბია, მართალია, არ იმჩნევდა, მაგრამ ნაბიჯზედაც ეტყობოდა და იერზედაც, რომ საკმაოდ დაქანცული იყო. ნელა, ხანდაზმული ნაბიჯით მიეშურებოდა იგი ზემოთ, სახლისაკენ; საურმე გზა, ნოხივით ჭრელ ფერდობს წყვეტილ არშიასავით ასდევდა ბოლომდე. ქვემოდან რომ შეგეხედნათ, გორაკი ხუთჯერ ერთმანეთის პარალელურად იყო გადასერილი ამ წყვეტილი საურმე გზით, რომელიც ზოგან მკაფიოდ ჩანდა, ზოგან კი ხეხილის ფოთლებს იყო შეფარებული. ამ ხუთივე პარალელის ზემოთ და ქვემოთ ფერდობი სხვადასხვა დროს, სხვადასხვა გეგმით, გემოვნებით და მასალით ნაშენი სახლებით იყო აჭრელებული; ეზოებში, ტრადიციული — საჩრდილობელი ხეების — ცაცხვის, მუხის და მათს შორიახლოს, ხეხილის სიხშირეში, ზაფხულობით არა თუ საურმე გზა და ბილიკები, სახლებიც კი არა ჩანდა რიგინად. ამ უხვ სიმწვანეში, ნიგვზის ფოთლებს რომ თავისი ელფერი გადაჰკრავდა, მუხისას თავისი და, თხილისას, თუ ვაშლისას თავისი; მარტო აქა-იქლა

მოჰკრავდით თვალს მზის შუქზე თითქო უფრო მეტად აღვივებულ წითელ ლაქას, ახალი კრამიტით დახურული, თუ განახლებული სახლის საბურავის მცირედ ნაწილს, რომელიც ასე მკაფიოდ ჩანდა მწვანე ფონზე.

ახლა შატბია წინააღმდეგ ჩვეულებისა, ნელა რომ მიაბიჯებდა ორლობეში, არა თუ დაკვირვებით, ზოგ რამეს გაკვირვებითაც კი შეჰყურებდა. გზის ორივე მხარეზე, ღობეების გასწვრივ ჩარჩობილი — მსხლის, ვაშლის, თუ ალუჩის ხეები ახლა ერთფერად გამოიყურებოდნენ. მარტო ნიკო არაბიძის ეზოს ის მხარე, რომელიც გზას გასდევდა, ახალისებდა თვალსა და გულს. იგი უნაბისა და ბროწეულის ხეების მჭიდრო მწკრივს შეადგენდა. ბროწეულის, ჯერ სულ ღიაფერის მომწვანო, პაწაწინა ფოთლებში აქა-იქ თვალის მომპრელად ღვიოდა წითელი ყვავილი. უფრო ლამაზი სანახავი წლის ამ დროს ბუნებაში აღარაფერი შეიძლებოდა ყოფილიყო. ბავშვები ძალიან ემტერებოდნენ ბროწეულის ყვავილებს. უყვარდათ მისი წვრილ ჯობზე წამოცმა და ყალიონივით პირში გარჭობა. მაგრამ რა დიდიც უნდა ყოფილიყო მათი ცდუნება, ნიკო არაბიძის ბროწეულს ხელის ხლებას მაინც ვერ გაუბედავდნენ. მას ერთხელ და სამუდამოდ ყავდა ბავშვები გაფრთხილებული... ამ ადამიანს უცხოს ხელით, დაუკითხავად, ათი მწიფე ბროწეულის მოწყვეტა ისე არ დასწყვეტდა გულს, როგორც ერთი ყვავილისა. რაღაც უცნაური სიყვა-

რულით უკუვარდა ნიკოს ბროწეულის ყვავილები და, ლაპარაკში, შემთხვევით, სიტყვა თუ მოატანდა, რამდენჯერ უთქვამს — ჩემს საფლავზე თუ რომელიმე ხის დარგვა მოისურვოთ, უსათუოდ ბროწეული იყოსო. ნიკოს, რომელიმე ქალიშვილის ქება რომ დასჭირდებოდა საზოგადოებაში, ან ცალკე ერთ-ორ კაცთან, მისი ქება უფრო შორს აღარ წავიდოდა, თუ იტყოდა — ბროწეულის ყვავილს ჰგავსო. შატბიასაც ბავშვობიდანვე ესმოდა — რა გარეგნულად ესოდენ უფერული ნაყოფის კომწია ყვავილის ქება, მის ცნობიერებაშიაც ისე აღბეჭდილიყო ამ ყვავილის სახეც და სიმშვენიერეც, რომ თვითონაც უყოყმანოდ იზიარებდა მამის შეხედულებას და გემოვნებას.

შატბიამ ახლაც სიამოვნებით გააყოლა თვალი თავისი ეზოს მშვენიებას — აყვავებულ ბროწეულებს ხშირ მწკრივს და დღეს ეს ყვავილი გამარჯვებულ ჭაბუკს განსაკუთრებით მიმზიდველი ეჩვენა.

ჭიშკარში რომ შევიდა, შატბია ჯერ კიდევ დღევანდელი ამბების, თამარელას თიანების და ამ ყვავილების ფერის ეშხით იყო გაბრუებული. არც კი შეიუნიშნავს, ეზოში, მუხის ძირას გაფენილ ნოხზე მსხლომნი. მაგრამ მიახლოვებულმა, ერთბაშად შენიშნა თუ არა ისინი, ისე შედგა, თითქო ამ სანახაობამ კიდევ გააოცა, კიდევ შეიკრთო. ახლა უცხოს არავის მოელოდა, არც მომზადებული იყო საამისოდ. ასე, მეშახტის უხეში და გამურული, ბრეზენტის ტანსაცმლით, ნაპირებმონაო-

ჭებული ქუდით, რეზინის გალაფულ ჩექმებით უცხოებთან შეგებება არც სასიამოვნო იყო და არც ხელსაყრელი ცხრამეტი წლის თავმომწონე ჭაბუკისათვის; თუმცა ის თავმომწონეობას ამ სამოსშიაც საკმაოდ ამქდავნიებდა; შეიძლება ითქვას — თავი სწორედ ყველაზე უფრო ამ უხეშ სამოსში მოსწონდა შატბიას.

ხის ძირას, ნოხზე ნახევარ წრედ ისხდნენ შატბიას მამა — ნიკო, მეზობლის ქალიშვილი ლელა და უცხო ქალ-ვაჟი; ამ უკანასკნელთ გარეგნობაზედაც ეტყობოდათ და პირველ შეხედვისთანავეც მიხვდებოდით, რომ დედაქალაქიდან უნდა ყოფილიყვნენ ჩამოსულნი. შატბიას მიახლოებებისთანავე უცხო ვაჟი ჯერ ცალ მუხლზე წამოდგა, მერე, თითქო ყოყმანობსო, ისე წამოიშარათა და ცნობის მოყვარე ადამიანის ღიმილით შეაცქერდა მოახლოებულს. შატბია, ეტყობოდა, ჯერ კიდევ დიდ ყოყმანში იყო. ვერ გადაეწყვიტა საით აეღო გეზი — სტუმრებს ხლებოდა, თუ ჩქარი ნაბიჯით შორიახლოს ჩაეგლო და თავისი მორთულობა წესრიგში მოეყვანა. ღირსეული ოჯახის შვილი, ვალდებული იყო უცხოებთან ღირსეულად წარმდგარიყო. ამ მოსაზრებათა რჩევაში და ყოყმანში მოულოდნელად ნიკოს ხმა მოესმა.

— რამ გაგაშეშა, ბიჭო!..

ლელას და უცხო ვაჟს ხმამაღლა გაეცინათ, უცხო ქალიშვილის სახეზე კი წამით გაკრთა ღიმილი, მერე ისევ მშვიდი, ოდნავ თითქო მწყურალი

ფერი მიიღო. ქალიშვილი ხარბად, თამამად უმზერდა შატბიას, თითქო მის გამხნეებას ლამობსო.

მამის „უხერხულ და უადგილო“ შენიშვნაზე შატბიასაც გაელიმა უნებლიე ღიმილით. რალა ექნა, თავი ჯიუტად დახარა, შუბლს ქვემოდან ერთი კი ახედა დამხვდურთ, მერე ისევ ამაყად ასწია თავი და დინჯი ნაბიჯით გაემართა მათკენ. ეს ისე სწრაფად მოხდა, მათი ყოველი მოძრაობა ისე ბუნებრივი იყო, გეგონებოდათ — წინასწარ ჰქონდათ ყველაფერი აწონილ-დაწონილიო.

უცნობმა ვაჟმა რამდენიმე ნაბიჯი გადადგა შატბიასაკენ, უცნობი ქალიშვილი კი მსუბუქად, თითქო ჰაერის უხილავმა ტალღამ აიტაცაო, წამოდგა და შესაგებებლად მოემზადა. ფერმკრთალ სახეზე მას ცნობისმოყვარეობის გამომხატველი იერი აღბეჭვდოდა. ზედა ქუთუთოები ნახევრად დაბლა დაეხარა, გრძელი წამწამების მუქ ჩრდილქვეშ შავ-შავი თვალები მიმზიდველად უციმციმებდა, ღიმილში ოდნავ შერხეულ, ვარდის ნაზ, თანაც მკრთალ ფურცლისფერ ბაგეთა შორის კბილების ლამაზი, ელვარე მწკრივი უჩნდა; შეუძლებელი იყო, ყურადღება არ მიუქცია მისი ცალი წარბის ოდნავ შესამჩნევ, მაგრამ საოცრად მეტყველ მოძრაობასაც. ქალიშვილს ვაჟის მოლოდინში თავი განზე გადაეხარა, თითქო განგებ გაჩეჩილი, თუ ქარისაგან აწეწილი თმის ნაწილი შუბლს ზემოთ თხემზე ლამაზ ბოლქვივით ედო, აქეთ-

იქით კი საფეთქლების გასწვრივ თმა მსუბუქად ეშვებოდა, ბურბუშელასავით ბოლოებჩახვეული მხრებს ქვემოთ, ბეჭის შუამდე ეფინა. შატბიას კარგად არც შეუთვალეირებია უცნობი ქალიშვილი, მხოლოდ ბუნდოვნად მოჰკრა თვალი მის სახეს, აზიდულ ყელს, წელს ზემოთ შიფონის, თოვლივით ქათქათა, ნაზ, გამჟვირვალე ქსოვილში მკრთალად გამოსახულ მკლავებს და წელზე შემოსხებილ შავი კრეპსატინის კაბას, და გაოცდა, გაახსენდა წელან, გზაზე უეცრად შემოფეთებულ ავტოში რომ ქალ-ვაჟი იჯდა... ახლა იცნო... მოაგონდა რაც ხუმრობით ოდელიამ უთხრა ამ გოგონაზე.

მართალია, შატბიამ ხელი ჩამოართვა პირველად შემოგებებულ უცნობ ვაჟს, ყურში თუმცა გაურკვეველი ბგერა ჩაესმა, ალბათ ვაჟმა თავისი სახელი უთხრა, მაგრამ ამისათვის ახლა მას ყური არ უთხოვებია, ოდელვებულმა, მყის უცნობ ქალიშვილს მიაშურა; შატბიამ უმალ ვერ გაბედა მისთვის თვალეებში შეეხედნა, რადგან ქალიშვილი ახლა ისე გამომწვევად, თანაც კეკლუცად უღიმოდა.

როცა მეგის გამოწვდილ ხელს თავისი გაცივებული ხელი შეახო, ერთ წამს კი იდგნენ მონუსხულივით, მერე შატბიამ თავისუფალი ხელით ნოხზე მიუთითა და თავაზიანად, მილეულის ხმით შენიშნა:

— დაბრძანდით,

მეგიმაც თავაზიანადვე გიდაუხადა მადლობა, ოდნავ უკან დაიხია და ცალი მუხლით ნახევრად ჩაიჩოქა. აქამდე არც შატბიას უშვია მისთვის ხელი და არც მეგის უცდია გათავისუფლება. იგი ისევე მოხდენილად დაჯდა, როგორც წელან წამოღგა; კრეპსატინის კაბის კალთა მიმზიდველად ლაპლაპებდა მისი ნაკვთების გასწვრივ.

იმ, თითქმის ერთი წუთის განმავლობაში, რაც შატბიასა და მეგის გაცნობას, ხელის ჩამორთმევას მოუხდა, დანარჩენები ღიმილით შესცქეროდნენ მათ. ნიკოს, ამ შემთხვევაში, მამისა და მამაკაციისათვის ადვილად ასახსნელი სიამაყის გრძნობით უძგერდა გული და თანაც უკვირდა, ახლა უცხო თვალისთვის ასე არასახარბიელოდ მორთულმა შატბიამ ეუუუნა და კენარი გოგონას ყურადღება რომ მიიპყრო. ლელას კი თუმც სახეზე ღიმილი არ შორდებოდა, გულის სიღრმეში, უცნობი ქალიშვილის მიმართ, იღუმალ უკვე აღძროდა შური, რადგან ასეთი ყურადღების ღირსი გამხდარიყო იგი.

ნიკომ თავსწამომდგარ შატბიას ახედა.

— ამათ უკვე გავაცანი შენი თავი...

— ნეტა როგორ გააცანი?.. — შატბიამ სტუმრებს გაუღიმა.

— ნუ გეშინია! რომ მოგესმინა, გუნებაში ალბათ შენც მოგეწონებოდა. სიტყვით ისე გამოგძერწე, შენ რომ...

შატბიამ უცებ მამას თვალი უყო, გაჩერდით. ნიკომაც სათქმელი აღარ დაასრულა, რითაც

დაიწყო, ისევ იმ ამბავს დაუბრუნდა, — ბიჭო, შენ
კი არ იცნობ ამათ? არ გახსოვს სულიკო? მეგი...
მაშინ სულ პატარა იყო.

შატბიას ძალიან ბუნდოვანად ახსოვდა ისინი,
თითქმის დავიწყებულიც ჰყავდა; მაგრამ ხათრისათ-
ვის, მაინც მოკრძალებულის ყოყმანით შენაშენა —
მახსოვსო და, კვლავ გაუღიმა სტუმრებს.

სულიკო და მეგი ნიკოს ერთი ძმაკაცის შვილები
იყვნენ, რომელიც დიდი ხნის წინათ მეშახტეთა
ქალაქში მსახურობდა. მეგი, სულიკო და შატბიაც
მაშინ სულ პატარები იყვნენ. მერე ის ლელაქალაქში
სამუშაოდ გადავიდა და ბავშვობის მეგობრებიც
დიდი ხნით დაშორდნენ ერთმანეთს.

— ახლა არ იკითხავ, — კვლავ შატბიას მიუ-
ბრუნდა ნიკო, — რა უცნაური იყო ჩვენი შეხვედ-
რა?!

ნიკომ მოკლედ უამბო შატბიას, ბასარიას მიერ
სამთოსკოლელების დაბინავების ამბავი.

— ბასარიას ყური აღარ დაუჭგდე, მე თვითონ
წავედი შესამოწმებლად, ის ოთახი მართლა უკვე
დაეკავებინათ თუ არა თბილისელ სტუმრებს.
რომ დავაკაკუნე, კარი მეგიმ გამიღო, უცებ ვერ
ვიცანი, ბოდიში-მეთქი, — კინალამ წამომცდა, ვი-
ფიქრე თავს ისე მოგაჩვენებ. ვითომ სხვაგან უნდა
დამეკაკუნებინა და შეცდომით მომიხდა უცხოთა
შეწუხება, მაგრამ ამ დროს სულიკოსაც მოვკარი
თვალი ღია კარიდან და იმხელა ვიყვირე — ბიჭო,
შენ აქ რა გინდა-მეთქი, ალბათ, ყველა სართულზე

გაიგონეს ჩემი ხმა. გადავეხვიე ჩვენს სულიკოს და კოცნით სულ გადავატყავე ლოყები! ჩემს სიცოცხლეში ისე არაფერი გამხარებია, როგორც ამათმა დანახვამ გამახარა!.. ვთქვათ, სხვა მოქანდაკე ყოფილიყო ჩამოსული... მაშინ რა უნდა მექნა? ხომ დამირჩებოდნენ ბიჭები იმ კომბოსტოს საწყობში... თუმც ვინ იცის... შევეურიგდებოდი? მისალმება რომ დასრულდა, — საზეიმო კილოთი განაგრძო ნიკომ, — მერე დავსტაცე ამათ ბარგს ხელი და ერთ წუთში პატრონიანად გარეთ გამოვუძახე!.. ამასობაში ბასარიაც ამოვარდა, ბზიკივით მეცა, მაგრამ... რაღას დამაკლებდა... სამთოსკოლელები მაშინვე ერთი ყრიაშულით მეორე სართულზე დავაბინავებინე, მეგი და სულიკო კი ჩემთან წამოვიყვანე! — ნიკომ სახეზე ოფლი შეიმშრალა, მცირე ღუმილის შემდეგ, ნაამბობს კმაყოფილებით დაუმატა — დიდი სეირი იყო, დიდი.

მისი ბოლო სიტყვები ახლა ისე გაისმა, თითქო თავისთავს ეუბნებოდა ძველი მეშახტე — ყოჩაღ ნიკო, ყოჩაღო!

მეგის თუმცა სულ უნდოდა შატბიასთვის ეცქირა, მაგრამ გრძნობდა რა, სამი ადამიანის ცნობის-მოყვარე მზერას, თავს ძალას ატანდა, ცდილობდა შატბიასაკენ აღარ გაეხედა, თუკი ის რამეს არ შეეკითხებოდა, ან საამისოდ განსაკუთრებული ხელსაყრელი წამი არ დაუდგებოდა.

დაჯდა თუ არა მკვი, შატბიამაც უმაღ უკან დაიხია, ნოხის ნაპირთან ბალახზე მოიკეცა, მაგრამ

ვერასგზით ვერ მოუნახა თავის სხეულს ისეთი ხელსაყრელი მდგომარეობა, თავისუფლად რომ ეგრძნო ახლა თავი. სულ ეჩვენებოდა — როგორ დასცინოდა უცხო ქალიშვილი გუნებაში, ასე უშნოდ ფეხებმოკეცილ და ცალი ხელით მიწას დაყრდნობილ, ბეჭამოგდებულებით მჯდომ ვაჟს.

— ნოხზე რატომ არ დაჯდებით?! არ გაცივდეთი — გაკვირვებით, თანაც მზრუნველის კილოზე შენიშნა მეგიმ.

მეგის შენიშვნაზე ნიკოს ხმამაღლა გაეცინა, ლელამაც გადაიკისკისა. უცხო ვაჟმა, რომლის სახის წინ პაპიროსის კვამლის ბოლქვები ირეოდა, თავდაპირველად გაიღიმა და ალმაცერად გადახედა დას, რომელიც მიმხვდარიყო რა თავისი შენიშვნას უსაფუძვლობას, ახლა ცოტა დარცხვენით გამოიყურებოდა.

— გაცივებით რა გამაცივებს, მაგრამ... — თითქოს ბოდიშს იხდისო ისე, თავაზიანი ღიმილით შენიშნა შატბიამ, თავიც ასწია, და ახლა პირველად გაუბედა ქალიშვილს ახლოდან თვალის გასწორება. გათამამებულ ვაჟს უცებ მეგიმაც ისე შემოსცინა, თითქო მისი პასუხი მოეწონაო.

შატბიამ კვლავ დახარა თავი. მარცხენა ხელით ბალახი მობლუჯა, მოგლიჯა და რამდენიმე ღერი დინჯად, გულმოდგინედ, ნოხზე ერთი მარტივი სახის შავზოლებს გააყოლა, შეუხამა... მეგის ყურადღება ძალაუვნებურად მიიპყრო შატბიას ხელის

მოდრაობამ. ერთხანს გატაცებით აღევნებდით ვალს, შემდეგ მოთმინება არ ეყო, თავისი გაკვირება რომ სიტყვითაც არ გამოეხატა.

— თქვენ ნამდვილი მხატვრის გემოვნება გქონათ!

შატბიამ უმალ ყური ცქვიტა. ეტყობოდა, მეგის შენიშვნა მოეწონა და მით უფრო გაოცდა, რამდენადაც არ ელოდა, რასაც თვითონ გრძნობდა, მას თუ სხვა ვინმე შენიშნავდა, გაუგებდა და მოუწონებდა კიდევ.

— მხატვარი ბრძანდებით?! — უცებ ისე გაუსწორა თვალი და ისე თამამად ჰკითხა შატბიამ მეგის, რომ ერთი წუთის წინ დარცხვენით მზირალ და გაუბედავად მოსაუბრე ვაჟისაგან არავინ მოელოდა ასეთ უეცარ გარდაქმნას და გათამამებას.

გასაკვირველი არ იყო, რომ ყველაზე ადრე ნიკო მიხვდა ამის მიზეზს.

— ჰო, როგორ გამოცოცხლდა და გაყოჩაღდა, მხატვრობაზე რომ სიტყვა ჩამოვარდა! — დინჯად შენიშნა ძველმა მეშახტემ.

— უყვარს, არა? — ისე მკვირცხლად გამოეხმაურა ნიკოს შენიშვნას მეგი, ეტყობოდა ამ მხილებამ დიდად გაახარა. თითქო გული ვედარ უთმენსო, წამოიწია, კრეპსატინის მოზიმზიმე კაბის კალთისქვეშ ცალი ფეხი ოდნავ შეარხია. წელან თუ ერთი ხელით ნოხს ეყრდნობოდა, ახლა წელში გაიმართა, ყელიც მოიღერა, ხელები კი კალთაში ჩაიწყო კოხტად.

— უყვარსო?! მაგ ხელობისთვის დნება, სული ეღვევა!.. — ისე დასძინა ნიკომ, თითქო ამით გული უნდა მოიოხოსო.

ამ სიტყვების გაგონებაზე მეგიმ კიდევ უფრო მეტის გატაცებით დაუწყო ცქერა შატბიას. ახლა მისთვის არც შატბიას მოურიდებია თვალი. ქალიშვილის სიხარულს და გაცემას საზღვარი არა ჰქონდა. წელან, გუნებაში რარიგ ნატრობდა, რომ ეს ვაჟი სულიერად მისი ახლობელი ყოფილიყო და.... აუხდა კიდევ.

— რას ლაპარაკობს მამაჩემი!..

ისე ჩაილაპარაკა შატბიამ, ვერ მიხვდებოდით, გაცემას გამოხატავდა, თუ უსაყვედურებდა ნიკოს. მაგრამ სიტყვით თუ აზრს ბუნდოვნად გამოთქვამდა, გამომეტყველება მის იღუმალ სიხარულსაც და გულის წადილსაც აშკარად ამჟღავნებდა. შატბია უსაზღვრო კმაყოფილი იყო ახლა მამისა, რადგან თავისი დაუოკებელი მისწრაფების შესახებ ასე დროულად ჩამოაგდო სიტყვა სტუმარ ქალ-ვაჟთან, რომელთაც, ეტყობოდა, ხელოვნება არა მარტო უყვარდათ, ესმოდათ კიდევ.

ახლა, თვალს რაც უფრო აჩვევდა, აკვირდებოდი შატბია ამ ქალიშვილს, იგი მით უფრო მიმზიდველიც ეჩვენებოდა და ახლობელიც.

— რა სასიამოვნო საყურებელი შენა ხარ, ასე ჩაცმულ-დახურული რომ ჩამოგვიჯექი წადი, ერთი, შენებურად, კოხტად გამოეწყვე!.. — შატბიამ გაიცინა და მყის წამოხტა ზეზე, მამის უეცარა

შენიშვნა გულზე მოხვდა. მართალია, თვითონაც გრძობდა ამას, მაგრამ ცდილობდა ყურადღება არ მიექციათ, — ბიჭო! — კვლავ მიუბრუნდა ნიკო, — თითქო გაბანილს გავხარ, მაგრამ, მგონია, ღღეს რაღაც წაგიხალტურებია! ცხელს, მოულოდნელად ცივი შხაპი ხომ არ მოჰყვა?.. სუფთა ხალათ-შარვალი ხომ არ დაგიკარგავს?!

— როდის დაკარგულა, რომ ახლა დამკარგოდა?!

— აბა რა მოგეჩვენა, ამ ბრეზენტის კოსტუმს რაღაზე იცვამდი, თუ იბანავე?..

— ვიბანავე, მაგრამ... — შატბიამ ყოყმანით, ირიბად გადახედა სტუმრებს.

— ერთი შეხედეთ, ჰგავს ახლა ეს ბიჭი აბანოში ნამყოფს?!

— რას ჩამაცივდი მამაჩემო? რა საინტერესოა სტუმრებთან ამ ამბავზე ლაპარაკი!.. თუ მართალია გინდა, აბანოში არ ვყოფილვარ, მაგრამ... ამდენი ჯერ ჩემს სიცოცხლეში არ მიბანავია... წყალდიდობის შესახებ არაფერი გაგიგია?.. დაგვიძახეს, ხალხი გადავარჩინეთ...

— ვინ ხალხი, ბიჭო! — თითქო ემუქრებაო, ისე შესძახა ნიკომ და წამოიწია, მაგრამ კვლავ დაჯდა, დაბრუნებული ცალი ფეხი მუხლში ხელით გაშალა და მოწყვეტილივით დასდო ბალახზე. — შენ ის მითხარი, წყალს რომ მაქსიმელას ხეზე ბავშვი მოუმწყვდევია, ვისი იყო, თუ იცი?... გადაარჩინეს?...

შატბიას გაეცინა.

— ზიზიბაძის ბიჭი იყო, გურამი... გადაარჩინეს...

შატბიამ თავის ოღნავ დახრით, უცხო ქალი-შვილთან ბოდიში მოიხადა, რამდენიმე ნაბიჯი პირ-შეუბრუნებლად ზურგისაკენ გადადგა, მერე სწრაფად შეტრიალდა და სახლისაკენ გაემართა.

უცხო ვაჟმა თვალი გააყოლა შატბიას, მერე დას მიუბრუნდა და საქმის მცოდნის კილოთი შენიშნა:

— მეგი! ერთი უცქირე, რა გამოსაქანდაკებელი ტანი აქვს!

— იშვიათი! — დაემოწმა მეგი, რადგან, რაც ძმამ თქვა, მეგიმ ის უფრო ადრე გაიფიქრა თავისთვის.

— თქვენ რომ ბრძანეთ, კარგი გამოსაქანდაკებელი ტანი აქვსო, მაგი თვითონ ეძებს და ფიქრობს სხვები. გამოაქანდაკოსი.. მამა — მეშახტე... შვილი — მოქანდაკე... ერთი მითხარით, სად გაგონილა!?

— რატომაც არა, — ჩაერია მეგი საუბარში. ის რა ხანია ელოდა ხელსაყრელ წამს, რათა ნიკუსთვის უფრო დაწვრილებით გამოეკითხა შატბიას იღუმალი მისწრაფების შესახებ...

— ნიკო ბიძია! — მომხიბლავად გაისმა მეგის ხმა, — თქვენს ვაჟს საშუალო სასწავლებელი თუ აქვს დამთავრებული?

— აგერ, ახლა, სულ რამდენიმე დღის წინ დაასრულა ათი კლასი.

— ახლა, ისვენებს?.. ოცნებობს...

— ამ ორ თვეს შახტში იმუშავებს. ასე, ყოველ ზაფხულს, არდადეგებზე, ერთ-ორ თვეს წაიმუშავებდა ხოლმე, საშემოდგომოდ თავის გუნებაზე და გემოვნებაზე შეიმოსებოდა, ჯიბის ფულიც რჩებოდა... მოგეხსენებათ, რა თავმომწონეა მაგის ასაკში კაცი... კინოში, ქალიშვილის დასაპატიჟებელი ფული რომ არ ჰქონდეს, თავს მოიკლავს!

— საშემოდგომოდ რაღას აპირებს? — კვლავ ცნობისმოყვარეობით იკითხა მეგობრმა, — თქვენ რომ ბრძანეთ, გატაცებულიაო!..

— გატაცებული რომ თქვას კაცმა, ცოტა იქნება... ნამეტანი ატაცებულია! როგორც წელან მოგახსენებდით, აუჩემებია, გინდა თუ არა, მხატვარი უნდა გამოვიდეთ!.. იშოვის თუ არა დროს, — უფრო თამამად განაგრძო ნიკომ, — მოიტანს სახლში თიხის ერთ უშველებელ გორგალს... მერე რამდენია ამ ჩვენს მხარეში მაგ დალოცვილი. ზილავს და ზილავს, რაქველ მეთორნისათვის თუ გიყურებიათ, სწორედ ისე, პურის ცომივით.

სტუმრები ახლაც სიცილით შეეგებნენ ნიკოს სიტყვებს. ნიკო უფრო გამხნევდა, რახან მისი გაგებით, შატბიას საქმიანობა მეგობრის და სულიკოს სიცილადაც არა ჰყოფნიდათ.

— მერე, თქვენ ხართ ჩემი ბატონი, ერთ ნაჭერს.

ასე დაახლოებით მუშტის ხელას, მოთმინებით აწებებს გარშემო თიხის პატარა ნამცეცებს, სანამ კვახისოდენად არ გაზრდის. რომ ვუყურებ ხოლმე, რა მარჯვედ მუშაობს სწორედ იმ ხელებით, რომლებითაც სანგრევში სამაგრ ჩარჩოებს ამზადებს, მართალი მოგახსენოთ, ძალიან მიკვირს!.. ბრტყელი კოვზის ტარივით გათლილ ბზის ჯოხით ერთგან რომ აუქნევს და აათლის თიხას, უცებ მეორეგან დააგლესავს, დროდადრო იმ კვახივით გამოყვანილ თიხას ხელებს შემოაქდობს და ცერებს ისე ამოძრავებს მის ზედაპირზე, თითქო დასივებულ სახეზე ძვალსა და რბილს სინჯავსო. მერე ისევ მოჰყვება ნამცეცებით აკრელებას, სანამ ცხვირს, თვალებს, ტუჩებს, სახის დანარჩენ ნაწილებს თავის ნებაზე არ გამოაკვარახჭინებს... ახლა არ იკითხავთ როგორ ამგვანებს, თუ თავიდანვე ვინმეს გამოსახვა დააპირა?!

ერთი ჩვენი მემალაროე, მენშევიკებმა რომ დახვრიტეს ცხრაასოცდაერთში, სურათიდან ისე გადაიღო, ისე დაამგვანა, კაცი გაოცდებოდა. მისი ქანდაკება თავისი სურვილით გააკეთა... მერე სხვებმაც სთხოვეს, მაგრამ ყველას არ უკეთებს, თუმცა... ფულიც კი შეაძლიეს. მაგის გულისთვის ზოგი ჰირისუფალი მეც დამემდურა: "შენი შვილია, რომ გეთქვა, როგორ არ დაგიჭერებდაო. ის კი არ იციან, რა ჯიუტია ამ საქმეში, თუ არ უნდა, რამდენიც გენებოთ, ეხვეწეთ, მაინც არ გამოძერწავს, არ მალელებსო — გეტყვისი. მიხვდი ახლა

შენ, რანაირად უნდა ჩაღელვოს მკვდარმა!!! — ნიკომ ისე, საღერღელის ამშლელად გადაიხარხარა, რომ ძნელი იყო, არ აპყოლოდით; მაგრამ სტუმრები სწორედ ახლა არ აპყვენენ, ახლა არ დაუჭირეს მხარი, რამაც ძალიან გააოცა და შეიძლება, ცოტა კიდევ გააწბილა ძველი მეშახტე.

— ნიკო ბიძია, სახლში არაფერი აქვს შემონახული, შატბიას? — ცნობისმოყვარეობით იკითხნა სულიკომ, — იქნებ გვაჩვენო მაგის რომელიმე ნამუშევარი.

— უკეთესია, ისე ვნახოთ, მან არ შეიტყოს, — იღუმალის ხმით შენიშნა მეგიმ.

— ლელა, გოგო! შენს გახარებას, თუ არ დაგეზარება...

ნიკოს სიტყვებზე ლელა წამოდგა.

— ხომ იცი, სადაც აწყევია შატბიას ნამუშევრები? გამოუტანე, აჩვენე ერთი, სტუმრებს, ვიცინოთ!.. ეცადე, შატბიამ არ შეგიტყოს! ახლა, თუმცა კარგი დროა, ტანს უნდა იბანდეს.

ნახევარი გზა ლელას უკვე გავლილი ჰქონდა, როცა ნიკომ მიაძახა, — ქვის თავი რომ არის, ის მოგვიტანეო!

— ქვაშიაც შეუძლია უკვე მუშაობა, გამოკვეთა? — კვლავ ცნობისმოყვარეობით იკითხა სულიკომ.

— მაგას ახლა ველარც ქვა უდგება წინ, ველარც რკინა!.. ეშმაკმა იცის მაგის თავი!.. ამ ბოლო დროს თიხასთან ერთად მოზრდილ, სულ სხვადა-

სხვა ფერის ქვებსაც მოზიდავს ხოლმე სახლში!..
მალე, ალბათ, მეზობლების სასაცილო შევიქნება!

— რასა ბრძანებთ, ვინ იკადრებს! — ბეჯითად წარმოთქვა მეგიმ, — ნიკო ბიძია, თქვენ რომ თქვით, აუჩემებიაო, აჩემებისა რა მოგახსენოთ, მაგრამ თუ ნამდვილად ამ საქმეში ნიჭი აქვს, ეს დიდი ამბავია, ხელი უნდა შევეუწყოთ, წავაქეზოთ! მალაროელი თქვენს გვარში ბევრი გამოსულა, მხატვარი, ხელოვანი კი, ალბათ, არც ერთი...

— არ გამიგონია. აქამდე ასე იყო და...

— აღამიანის მუშაობა, — განაგრძო მეგიმ, — ხალხისათვისაც, თავისთავისათვისაც მაშინ არის სასარგებლო და ნაყოფიერი, თუ მას აკეთებს, რაც ყველაზე მეტად უყვარს, რისი შექმნის უნარიც აქვს!

— ვიცი, ბიძია, მხატვარიც საჭიროა, მაგრამ რაღა მაინცდამაინც ჩემი შვილი უნდა შემოვწირო ამ საქმეს!? როგორც გითხარით, ჩვენს გვარს რა ხანია მოსდევს, სანამ მალარო იყო, მალაროში, ახლა კი, შახტში მუშაობა!.. ჰოდა, რომ გავიფიქრებ, მეტი ვაჟი არა მყავს... ერთი სიტყვით, იმ დღეს ნუ მომასწროს, რომ ჩვენი გვარისკაცის მარჯვენის ქება-მიწის გულში აღარ ისმოდეს!..

— განა მოგვარეები არა გყავთ?!..

— საკმაოდ, მაგრამ... შახტისა რომელი გაუტოლდება?!..

— თქვენი ვაჟი წარმოსადეგი და გონიერი ყმაწვილი ჩანს, რა თქმა უნდა, შახტში თუ იმუშა-

ვებდა, თქვენს გვარს არ შეარცხვენდა, მაგრამ ვინ იცის, იქნებ... ხელოვნებაში უფრო გასახელოთ! —საქმეც ეგ არის... ხელოვნებაში ი-ქ-ნ-ე-ბ გამოდგეს, აქ კი უკვე გამორკვეულია, რომ გამოდგება!

—აი, ვნახოთ მაგის ნამუშევარი და... თუმცა ახლავე გარკვევით, გადაჭრით რამის თქმა ძნელია, მაგრამ მაინც შეეტყობა...

—ნიკო ბიძია, რომ მოგვეწონოს, მაშინ... რაღას იტყვიან? — იკითხა მეგიმ.

—აჰ, არ გამიგიჟოთ შვილი... — მიუგო ნიკომ და ხელი სიცილით ჰაერში გაასავსა, — თუმცა რა... ეგ ბიჭი ისეა შეყვარებული მხატვრობაზე, რამდენიც უნდა უწუნოთ, მაინც თავისას არ დაიშლის.

მამა ვერც გაკვირვებას ფარავდა, ვერც წყენას, ყველაფერში გამგონე შვილი რომ მისი საყვარელი და საამაყო ხელობის გაგრძელებაზე უარის თქმას ბედავდა. ქართულ ანდაზას რომ არა — „შვილი ჩემია, მაგრამ ჭკუა თავისი აქვსო“, — შეიძლება მათი დავა კეთილად არ დასრულებულიყო, თუმცა, დასრულებულად ნიკო ამ ამბავს ჭერ კიდევ არა სთვლიდა და ყოველ ღონეს ხმარობდა, შემთხვევას ხელიდან არ უშვებდა, ოღონდ როგორმე შვილისათვის თავი დაეცლო.

რაც ნიკომ თამარელასადმი შატბიას ლაციცს თვალი შეასწრო, მოხუც მეშახტის გულს ერთხელ კიდევ იღუმალ მოეფინა იმედის ნათელი; იფიქრა—

ახლა კი დავაბამ ჩემს თავგასულ ბიქსო, მეშახტეთა მოდგმისათვის ისე უჩვეულო საქმით რომ იყო გატაცებული და, დღე-დღეზე თბილისს წასასვლელად ეშურებოდა, ერთი სული ჰქონდა, ვიდრე უმაღლესში საბუთებს შეიტანდა. მამა უმაღლეს სასწავლებელში შესვლას არ უშლიდა, მაგრამ სულ იმის ყვედრებაში იყო, თუ წახვალ, ბარეჟ სამთოზე შედი, რათ გინდა, იმ ეშმაკის საქმეს რომ ჩასციებიხარ, თიხის ზელა რაში მოგნატრებიანო. ნიკოს დარიგება შატბიასათვის ახლა სწორედ რომ მგლის თავზე სახარების კითხვას ჰგავდა... ჰოდა, რაკი ერთხელ ნიკომ თვალი შეასწრო თამარელასადმი შატბიას ლაციცს, გული კვლავ მოელხინა — კარგი საბელი ვიშოვეო, გაიფიქრა თავისთვის და იმ დღიდან თამარელას ჯერ შეუმჩინევლად, მერე კი ცხადად ფერება და გამოქომაგება დაუწყო. სხვის ქებაში, მეტადრე დაუმსახურებლად, სიტყვაძვირს, თამარელასათვის ახლა ადარაფერი შურდა. თამარელას ნიკო ხშირად ათარებდა ბროწეულის ყვავილს და რითაც კი შეეძლო თავს ევლებოდა, ცდილობდა სხვებში გამორჩეული ჰყოლოდა. გარეშე თვალს. რა თქმა უნდა, ასეთი რამ შეუმჩნიველი არა რჩება და... ყველა ფიქრობდა — ნიკო თამარელას უთუოდ თავის სარძლოდ სთვლისო. არც თამარელას ეთქმოდა ამაზე არაფერი; მისი გულის უსაზღვრო წადილიც სწორედ ეს იყო; არც შატბია უძალიანდებოდა მამას, თუმც მამა თამარელასთან დამოკიდებულებაზე შეილთან ბაასს

რატომღაც გაუბოდა. თუ ნიკოს წვეულება-რამ
ჰქონდა, თამარელას ეშხით და პატივისცემით
ზიზიზიანად იჯახსაც დიდიან-პატარიანად გადმოი-
პატიებდა ხოლმე. სუფრაზე თამარელას თვალსა-
ჩინო ადგილს უთმობდნენ, საუკეთესო საჭმელებ-
საც პირველად მას სთავაზობდნენ და ამგვარ ყუ-
რადლებას მასპინძლები თამარელას სილამაზით
ხსნიდნენ და ამართლებდნენ.

— რას იზამ, ამ უამრავ ფოთლებში, — იტყოდა
ხოლმე სიცილით ნიკო და სუფრაზე მსხდომთ ირი-
ბად გადახედავდა, — თამარელა ბროწეულის ყვავი-
ლივით ჩანს და ძალაუნებურად გიზიდავსო!

ამგვარ შენიშვნებზე თამარელას უმაღლ მართლაც
ბროწეულის ყვავილივით შემოენთებოდა ლოყებზე
სიწითლე. თამარელას ასე წამოწითლებას და დარ-
ცხვენას ისიც აძლიერებდა, რომ ნიკოს სიტყვებზე
ერთბაშად ყველანი მისკენ იწყებდნენ ხოლმე
ცქერას. საბრალო გოგონა, გარეგნულად თუმც
მეტად აწრიალებული, შინაგანად თავს ბედნიერად
გრძნობდა და ნიკოსაც დროდადრო ვითომ მწყრა-
ლი, ნამდვილად კი ისეთის მადლიერის თვალით
შეაცქერდებოდა, ძველ მემახტეს ნაოჭებიანი სახე
უმაღლ სიამით გაებადრებოდა ხოლმე.

თამარელა, მართალია, გონიერი და დაკვირვებუ-
ლი ქალიშვილი იყო, მაგრამ ექვიც-არ ეპარებოდა,
თუ ნიკოს ტკბილ საუბარს და საჯარო ხოტბას
სულ სხვა სარჩული ედო, ვიდრე თვითონ ვარაუ-
დობდა. ნიკოს ვარაუდით კი... თუ თამარელა შახტ-

ში მუშაობით დაინტერესდებოდა, შატბიაც რაღა თქმა უნდა, იქაურობას აღარ მოშორდებოდა, რადგან სიყვარული ამ ასაკში ხუმრობა საქმე არ არის... ძველი მეშახტეც თავის მიზანს — შვილი გვერდით ჰყოლოდა — ადვილად მიაღწევდა.

ხშირად, როცა თამარელა ნიკოს ოჯახში იმყოფებოდა, ჩვეულებრივ მოუცლელი უბნის უფროსი მისთვის დროს იოლად პოულობდა; დაჯდებოდა, ტკბილად გაესაუბრებოდა თამარელას; შემდეგ თითქო სიტყვამ მოიტანაო, მოჰყვებოდა მასპინძელი მეშახტეთა სწახიფათო, მაგრამ ვაჟკაცური, დამაბული და მიმზიდველი ცხოვრების შესახებ სხვადასახვა თავგადასავლების თხრობას. საერთოდ ნიკოს მოყოლილ ამბის მოსმენას არაფერი სჯობდა, რამდენ მსახიობს შეშურდებოდა ამ საქმეში მისი უნარი, მაგრამ როცა ნიკო თამარელას უყვებოდა რამე ამბავს, ამ შემთხვევაში მისი თხრობის ხელოვნება ხომ რაღაც, ენით გამოუთქმელ ეფექტს აღწევდა.

ყველაფერს აქვს დასასრული და ნიკოს თმენაც თანდათან უახლოვდებოდა ამ დასასრულს; ერთხელ ძველმა მეშახტემ თავისი აზრით ხელსაყრელ დროს, — როცა თამარელა ოსტატურად მის მიერ მოთხრობილი ამბით აღელვებული და გაბრუებული ჩანდა, სცადა თავის ხვაშიაღზე შორიდან და გადაკრულად ჩამოეგდო სიტყვა.

— თამარელა! — გარეგნულად მშვიდის ხმით, შინაგანად კი მთლად აფორიაქებულმა ნიკომ წარ-

მოთქვა ახლა ეს სახელი, — რომ იცოდე წუხელი
რა დამესიზმრა... ერთი მითხარი, დასანანებული
არ არის, ის ამბავი სიზმარი იყოს და არა ცხადი?!

— მაინც, ნიკო ბიძია?..

ნიკომ უნებლიეთ კეფა მოიფხანა.

— რა და... ვითომ შახტში მუშაობდი... შატბიას
გვერდით...

— შატბიას გვერდით! — გაკვირვებულის სიცი-
ლით გაიმეორა თამარელამ ნიკოს სიტყვები.

— ვერც კი აგიწერ, რანაირად მესიამოვნა!..

— არ მიკვირს, ნიკო ბიძია!.. იმაზე საყვარელი
ადგილი ხომ არ არსებობს...

ნიკომ ველარ მოითმინა.

— ხომ ასეა! შენს გამჩენს ვენაცვალე!..

— ნიკო ბიძია, არ მაცალე, მეთქვა—ეს შენთვის
არის ასე... სხვას კი შეიძლება სხვა ადგილი
უყვარდეს....

— ეს რა მითხარი! — უცებ იყვირა ნიკომ, ისე
მოულოდნელი იყო მისთვის თამარელას პასუხი.

— ნიკო ბიძია, ერთი ჰკითხეთ — მფრინავი თუ
გაგიცვლით ცის ლაქვარდს თქვენს ჯურღმულზე,
ან მეშახტე თავის ასპარეზს ცის გუმბათზე, ან
მეზღვაური ზღვის და ოკეანის სივრცეებს?..

— არც აგრეა საქმე, ქალიშვილო!.. უნდა შეგი-
ყვარდეს და... თუ შეგიყვარდა... არ იცოდი აქამ-
დე? სტახანოვი შახტში მუშაობის დაწყებამდე
მეზღვაური იყო ერთი მითხარი, ვინ არის ახლა
იმ კაცზე სახელოვანი?

— სახელოვანი ბევრია! — დინჯად შენიშნა თამარელამ, თან ისეთის თვალეზით შეხედა ძველ მეშახტეს, თითქო პატიებას სთხოვს — სიტყვა რომ მოგიჭერიო.

— მაგას ვინ ამბობს!.. სახელოვანი ჩვენს ქვეყანას ყველა საქმეში ბევრი ჰყავს და თავიც ესახელება, მაგრამ... მეშახტე სტახანოვი მაინც სხვაა!

— რას მედავები, ნიკო ბიძია, შრომის ფრონტზე მაგ კაცის გმირობით ყველას მოგვაქვს თავი, ის ყველასთვის მაგალითია!

— ჰოდა, თუ ამდენი იცი... — ნიკომ უცებ ხელი აიქნია ჰაერში, ისევ თავის სიზმარს დაუბრუნდა, — როცა გამელვიძა, ჩემს სიცოცხლეში პირველად დამწყვიტა გული თვალის გახელამ, ისე მომხიბლავი იყო ის სიზმარი!..

— ნიკო ბიძია, — სიცილით შენიშნა თამარელამ, — რამ დაგასიზმრათ ჩემი თავი, ისიც შახტეში, — უნდოდა ეთქვა — შატბიასთან ერთალო, მაგრამ სიტყვა ენის წვეერზე შეუტოვდა.

— რავა, ითაკილებდი?!

— სათაკილო აქ აღარაფერია, მაგრამ...

— შენს გახარებას, გულახდილად მითხარი, — ახლა უკვე პირდაპირ შეუტია ნიკომ, — რომ შემომეთავაზებინა, ჩემს უბანში არ იმუშაიებდი?! რა საქმესაც ირჩევდი, თვალის დახამხამებაში დაგაუფლებდი!..

თამარელამ ნიკოს რომ შეხედა, არ ესიამოვნა; თუ აქამდე ხუმრობა ეგონა, ახლა ცხადად ამოი-

კითხა მის იერში, როგორი სიყვარულით, გულის-
ხმით და მღელვარებით იყო თქმული ეს სიტყვები.
საბრალო გოგონამ მყის შუბლი შეიკრა, სახე მოე-
ქუფრა, მწყრალად, გადაკრით მიუგო ძველ მე-
შახტეს:

— არა, ნიკო ბიძია! მაგაზე არც მიფიქრია... —
შეხედა, ისევ მსწრაფლ დახარა თავი, დამნაშავე-
სავით წაიჩურჩულა, — მე სხვა გზით მივდივარ!

„კაცმა არ იცის თქვენი გზა და თქვენი
თავიო“ — უმაღ წყენით გაივლო ნიკომ გუნებაში
და ერთხელ კიდევ შეხედა თუ არა თავისი თავ-
მოყვარეობის ასე უღმობლად შემლახველს და
კეთილი რჩევის უარმყოფელს, მის იერში უმაღ
ნათლად ამოიკითხა „ქერპი გომბიოს“ საბოლოო
პასუხი.

ნიკომ მათკენ მომავალ შატბიას რომ შეასწრო
თვალი, კვლავ თამარელას მიუბრუნდა, ფარული
დაცინვით შეეკითხა, თითქო წელან კარგად ვერ
გაეგონოს, — სხვა გზით მიდიხარო? — და მერე შატ-
ბიასკენაც ანიშნა, კვლავ ფარული დაცინვით უთხ-
რა — „მისი გზით ხომ არაო!“

ის დღე იყო და ის წუთი, ნიკოს თამარელასაკენ
ჯული აღარ მობრუნებია. ჩარიგ ერიდებოდა ნიკო,
მაგრამ... შავმა კატამ მაინც გაირბინა. თამარელა-
მაც ბროწეულის ყვავილის მაგივრად იმ დღიდან
ნიკოსათვის შავი კატის სახე მიიღო, და ასეც იხსე-
ნებდა ხოლმე ძველი მეშატხე, როცა თამარელაზე
შინაურობაში ანაზღად სიტყვა ჩამოვარდებოდა.

ლულამ მალულად მოარბენინა გაზეთში გახვეული, შატბიას ნამუშევარი და წინ დაუდო ნოხზე მსხდომთ.

ვიდრე გაზეთს შემოხსნიდნენ, მეგიმ, სულიკომ და ნიკომ იღუმალის მღელვარებით გადახედეს ერთმანეთს. მეგის ნატვრა იყო, ეს ნაწარმოებიც ისევე მომხიბლავი ყოფილიყო, როგორც მისი ავტორი; სულიკო ბევრს არაფერს მოელოდა და ამიტომ არც ძალიან დეღავდა, არც დიდ ინტერესს იჩენდა. მისი ყურადღება უფრო მასპინძლის პატივისცემით იყო გამოწვეული, ვიდრე ახალგაზრდა შემომქმედის ნაწარმოების ხილვის წადილით. ნიკოს ჯერ კიდევ ვერ გადაეწყვიტა გუნებაში — რა ენატრა — მისი შვილის ნაწარმოები ექოთ, თუ ეძაგებინათ. მართალია, გულით სურდა, შვილი რომ მისი პროფესიის და მოწოდების გამგრძელებული ყოფილიყო, მაგრამ ამავე დროს თავმოყვარეობაც ნებას არ აძლევდა, თუნდაც მისთვის ათვალწუნებულ საქმეში შატბია უნიჭოდ ეცნოთ.

ამასობაში სულიკომ ნამუშევარს გაზეთი ფრთხილად შემოხსნა და ხელისგულზე დაბჯენილი ბიუსტი მალა ასწია, ნელა შეაბრუნ-შემოაბრუნა. მეგიმ უცებ ერთმანეთში თითებგადაჭდობილი და დამუშტული ხელები ნიკაპთან მიიბჯინა და ისე წამოიწია, თითქო სულით და გულით მისკენ ისწრაფვისო. თუ მეგი აღტაცებას ველარ ფარავდა, სულიკო, პირიქით, საოცარი თავდაჭერით

სინჯავდა ბიუსტს. არც კმაყოფილებას ამჟღავნებდა, არც უკმაყოფილებას. პაპიროსს პირის ხან მარჯვენა კუთხეში მოიგდებდა, ხან მარცხენაში. კბილებდაკრეჭილი და ცალთვალ ახამხამებული, თითქო პაპიროსის ბოლი სწევასო, მუშტრის თვალით აკვირდებოდა, სინჯავდა თამარელას პორტრეტს, ხან ანფასში, ხან პროფილში.

ამ ნამუშევრის ხილვით სტუმრებზე უფრო ნიკო იყო გაოცებული. ხეში ნაკვეთ, თამარელას პორტრეტს ძველი მეშახტე პირველად ხედავდა.

ნიკო ახლა კი დარწმუნდა, თუმცა შერიგებით ჭერაც ვერ შერიგებოდა იმ აზრს, რომ შატბიას თამარელა ნამდვილად ჰყვარებია. ჭერ ერთი, მაინც პორტრეტი ასე მონდომებით და გატაცებით გამოუქანდაკებია, მეორეც, აქამდე ნიკოს ამ პორტრეტის არსებობის შესახებ არაფერი სმენია; ეტყობა, ამ ნამუშევარს შატბია საგულდაგულოდ უმაღავედა მამას, რახან ის თამარელასადმი კეთილად არ იყო განწყობილი.

თამარელა ამ პორტრეტის მიხედვით ისე მომხიბლავი და თავისებურად ლამაზი ჩანდა, ძალაუნებურად ბადებდა მისი ნახვის წადილს.

ნიკოს მოთმინება აღარ ჰყოფნიდა, ვერ გაეგო, ვერ მიმხვდარიყო, რა იყო იმ ხეში ამდენი საჭკრეტი და საკირკიტო; მას ეგონა შეხედვის უმალ, ან სიცილს დააყრიდნენ შატბიას ნამუშევარს, ან, ზოგეთეს შემთხვევაში, თავაზიანობისათვის დაციინვის ასეთი აშკარა გამოხატულებისაგან შეიძლება

თავი შეეკავებინათ და ფრთხილი შენიშვნით და-
კმაყოფილებულიყვნენ — „ჯერჯერობით ძნელია'
რამის თქმა, ისე კი... არა უშავსო!“ მაგრამ მის
გაოცებას საზღვარი არა ჰქონდა, როცა სულიკომ
იქ მყოფთ თავისი „განაჩენი“ აუწყა.

— ნიკო ბიძია რაც გინდა უშალო, ვერ მოე-
რევი, თავისას გაიტანს. ნიკია! — სულიკო თან
ლაპარაკობდა, თან შატბიას ნამუშევარს შეჰყუ-
რებდა.

ნიკომ ხელი მოივლო ნიკაპზე. ძველი მეშახტის
სახეზე დაბნეულობა და გაოცება აღბეჭდილიყო.

— დავიჯერო?! — გაბმით ისე წარმოსთქვა მან,
თითქო თავისთავს ეკითხებაო.

— თუ გინდათ, ნუ დაიჯერებთ, — შენიშნა სუ-
ლიკომ, — მალე თვითონ დაგაჯერებთ!

— რას ამბობთ, რასა, — უცებ გაცხარდა ნიკო, —
რასაც ჩემს შვილს ვურჩევ, ცხოვრებაში უფრო
გამოსადეგი მისთვის რაღა იქნება!? ჯერ კიდევ
ყმაწვილია, ვინ იცის... კვლავ რას ინატრებს, რას
აიჩემებს! ორსული ქალის არ იყოს, ხან ტყლაპი
მოენატრება, ხან შოკოლადი.

— ამ ნაწარმოების მიხედვით თუ ვიმსჯელებთ, —
სულიკომ ისევ ასწია მადლა თამარელას ბიუსტი, —
შატბია მხატვრად და დაბადებული თქვენი გვა-
რის სახელი ამით უფრო მალღდება!

ნიკო ერთხანს ჩაფიქრებული გამოიყურებოდა,
დროდადრო ეჭვნარევი ღიმილით აღმაცერად გა-
დახედავდა ხოლმე სულიკოს და მეგის. ეტყობოდა,

რასაც ახალგაზრდები ეუბნებოდნენ, ჯერ კიდევ არა სჯეროდა, თანაც ასე ადვილად თავისი შეხედულებაც ვერ დაეთმო.

— ასე იცით ახალგაზრდებმა, — შენიშნა ბოლოს, — აიჩემებთ რასმე, წახვალთ ქალაქში და, აქ რომ თქვენს წინ ბუნება თავისი სიუხვით სუფრასავით არის გაშლილი, იქ მერე ტყემალიც კი მოგენატრებათ ხოლმე!

ნიკო ბიუსტს წაეპოტინა, ლელასთვის რომ მიეწოდებინა, მაგრამ სულიკომ ხელით ანიშნა, ჯერ იყოსო. — რა ეშმაკად მოგატანინე! — ისე გადახედა ნიკომ ლელას, თანაც ისე წარმოთქვა, თითქო ხუმრობსო, ნამდვილად კი, გუნებაში თავის თავს ნიშნს უგებდა, შატბიასათვის რაც ეწადა, სწინააღმდეგო რომ გამოუვიდა.

ლელამ გაზეთს კი წამოაეღო ხელი, მაგრამ ბიუსტის წაღებას არა ჩქარობდა, გუნებაში ნატრობდა, იქნებ შატბიამ მოუსწროს და თავისი ყურით მოისმინოს, ნიკოსაგან აბუჩად აგდებული ნაწარმოების ქებაო.

— ნიკო ბიძია! თქვენ თუ გინდათ, ნუ შეხედავთ, ჩვენ კი ამის ცქერა ჯერ არ მოგვწყენია! — თავაზიანად გამოხატული საყვედურის კილოზე შენიშნა მეგიმ და ხეში ნაკვეთ თამარელას სახეს კიდევ უფრო ხარბად დაუწყო ცქერა.

— კარგი დაგემართოთ, კარგი საცქერო ეგ იყოს, — თქვა გულის მოსაფხანად ნიკომ და მსუბუქი ოხვრაც დააყოლა. ერთხანს მაინც ვერ ისვენებდა,

იშპუშნებოდა, ვიდრე ნათქვამს წყენით არ დაუმა-
ტა — ხედავთ? შატბიამ სტუმრებიც გადამირია!..

თავაზიანობისათვის, მის უწყინარ სიტყვებს
სტუმრები გულთა სიცილით გამოეხმაურნენ.
მეგი და სულიკო, ნიკოს აზრით, მართლა გადარე-
ულებს ჰგავდნენ; ჯერ კიდევ ისე ხარბად აკვირ-
დებოდნენ თამარელას ბიუსტს, კაცს ეგონებოდა,
თავის სიცოცხლეში უკეთესი რამ არ უნახავთო.

— ნიკო ბიძია! — გოცების გამომხატველი
მზერა მეგიმ ნიკოს მიაპყრო. თამარელას პორტ-
რეტი მეგისაც, სულიკოსაც ხელოვნების ნამდვილ
ქმნილებად მიაჩნდათ, და რაკი სულიკო ასე უსი-
ნდისოდ სდუმდა, აქამდე არაფერს ამბობდა, ისევ
მეგიმ ითავა მისი დაცვა, — თუ ეს არა, მაშ რა
მოგწონთ, საინტერესოა!?

ამ სიტყვებმა ნიკოს თითქო თავის გასაძარც-
ვებელი, მნიშვნელოვანი რამ მოაგონაო, უმაღ-
გულისჯიბისაკენ წაიღო ხელი. მაგრამ რაც გუნე-
ბაში ედო, მის გამჟღავნებას ჯერ ვერ ბედავდა,
აყოვნებდა და სტუმარი ქალ-ვაჟის ცნობისმოყვ-
არობასაც ამით კიდევ უფრო აძლიერებდა. ბო-
ლოს ნიკომ, როგორც იყო, გულისჯიბიდან ხელის
სიფართოზე მოკეცილი, ნაპირებშემოცვეთილი ქა-
ლალდებისა და წიგნაკების მთელი დასტა ამოიღო,
გადაქექა და მეგის ჯერ ეშმაკურად მოწყურული
თვალებით შეაქქერდა, მერე თანვმომწონედ გაუ-
წოდა ფოტოსურათი შატბიასა და თამარელას გა-
მოსახულებით. თამარელას ამ სურათის მიხედვით

ძნელად იცნობდით. მას მეშახტის ქუდი ეხურა, შატბია კი თავშიშველი იდგა მის გვერდით.

და-ძმამ ნიკოს ხათრით ყურადღებით გასინჯა ფოტოსურათი, მაგრამ საყურადღებო მასში მაინც ვერაფერი ჰპოვეს.

— როგორ გეკადრებათ, ნიკო ბიძია! ამ ფოტოსურათის შედარება განა შეიძლება ხელოვნების ქმნილებასთან?!.. — საყვედურის კილოზე შენიშნა მეგობრმა გამარჯვებულებით მოღიმარ ნიკოს.

— შეიძლებით, ყველაფერი შეიძლება, მაგრამ... რა ხელსაყრელი იქნება ნიკო ბიძიასათვის ასეთი შედარება!

აქამდე გამარჯვებულის კმაყოფილებით მოღიმარმა ნიკომ სულიკოს სიტყვებზე ყური ცქვიტა, — „ხომ არ დამცინიან ქალაქელი სტუმრებიო“, — გაიფიქრა გუნებაში და თუმცა არ სჩვეოდა, მაგრამ სულიკოს ახლა ისეთი მედიდური და დამცინავი თვალთ გადახედა, ვაჟმა უხერხულად იგრძნო თავი.

— რა იცით, ბიძია!.. — ხმადაბლა, დარიგების კილოზე დაიწყო ძველმა მეშახტემ, — რა იცით, ან ამ ქუდის, ან იმ კაცის ფასი, ვისაც ეგ ხურავს!?

ამ სიტყვებზე გულისჯიბიდან კვლავ ამოიღო მოკეცილი ქალღმერთების დასტა, შიგ თავისი საყვარელი სურათი ჩასდო და კვლავ უბისაკენ წაიღო ხელი.

ნოხზე ფეხმორთხმული სტუმარ-მასპინძელი შატბიას ნამუშევრის გარშემო გამართულ სჯა-

ბასით ირთობდნენ თავს, ხოლო შატბიას თავისი ტულატი ჯერ კიდევ არ დაესრულებინა, რომ ჭიშკართან, ლობეზე მომდგარმა კაკო ზიბზიბაძემ ხმამალა დაიძახა:

— მასპინძელო!

ნიკომ აუჩქარებლად გაიხედა ჭიშკრისაკენ და აუჩქარებლადვე გასძახა:

— რომელი ხარ?

— კაკოა, ზიბზიბაძე, ნიკო ბიძია, — უჩურჩულა ლელამ.

— მერე, რა უცხო ეგ არის? — შენიშნა ნიკომ გაკვირვებით, გუნებაში კი გაიფიქრა — „უცხოებს თუ მოჰკრა თვალი და იმიტომ გვერიდება“. — ზანტად წამოდგა, ჭიშკრისაკენ გაეშურა.

ლელამ გაზეთს ხელი წაავლო, ბიუსტის შეხვევა დააპირა, მაგრამ ახლა მეგიმ არ დაანება.

— იყოს, არ გვიშლის. — თქვა და მოშორებით ნიხის კუთხეში დასდგა იგი, მოჭუტული თვალით გახედა. — სულიკო, რას იტყვი? მე ძალიან მომწონს... კაცს ეგონება, ეს ნაწარმოები ადამიანის ხელს კი არ შეუქმნია, ასე დაბადებულაო!

— მთელი სიდიადე მაგის უბრალოებასა და ბუნებრიობაშია, — დაასკვნა სულიკომ.

ლელა ყურს უგდებდა მათ საუბარს, თან დროდადრო ჭიშკრისაკენ იხედებოდა.

ნიკო და კაკო რამდენიმე წუთს ეპატიყებოდნენ ერთმანეთს, მაგრამ ჯერ ვერც ერთს ვერ გადაეძლია. ნიკო ალბათ, უარის ნიშნად იქნევდა ხელს,

ქუდსაც მალიმალ იხდიდა, თავს ოდნავ წინ ხრიდა, თითქო კაკოს მადლობას უხდისო. კაკო მაინც ჭიუტად იხვეწებოდა, ხან მკერდზე დაიდებდა ხელს ამაყად, ხანაც სულ მოიკუნტებოდა, ორ თითს კისერზე ხორხის ბორცვთან წაივლებდა და ნიკოს შესაბრალისის თვალით შემოსცქეროდა თვალდაჭყეტილი და კბილებდაკრეჭილი. რახან ზიბზიბაძე აღარ ეშვებოდა, ნიკომ ის მკლავში ხელჩავლებული, დატყვევებულივით წამოიყვანა. კაკო რამდენიმე ნაბიჯზე კიდევ უძალიანდებოდა, მაგრამ ბოლოს მაინც დაჰყვა მის ნებას.

— ვინ არის ეგ ყმაწვილი? — იკითხა მეგიმ.

— შატბიას ამხანაგია, — მიუგო ჯღელამ, — შატში ერთად მუშაობენ.

მეგის კარგად არც კი უგდია ყური ლელას პასუხისათვის. უკვე მოახლოვებულ ნიკოსა და უცხო ვაჭრისაკენ ჰქონდა მიპყრობილი მზერაც და სმენაც.

— იცნობდეთ! — წარუდგინა ზიბზიბაძე ნიკომ სტუმრებს, — ბავშვის გადარჩენაც შიულოცეთ!..

ხელის ჩამორთმევის დროს მეგიმ ოდნავ წამოიწია ადგილიდან, ვაჟს თამამად გაუსწორა თვალი, და თუ კაკომ რაღაც თავისი სახელის მსგავსი წაილულლულა, მეგის სახელი ისე მკაფიოდ გაისმა, გეგონებოდათ, ეს შეხმატკბილებული ბგერები ადამიანის ბაგეს კი არ დასცდენია, რომელიღაც ნაცნობი საკრავის სიმებმა გამოსცესო.

როცა კაკომ სულიკოსაც ჩამოართვა ხელი, ერთი ნაბიჯით უკან დაიხია, შორიანხლოს გაჩერდა.

— ნიკო ბიძია, შატბია სად არის? — სახეზე ოდნავ წამოწითლებულმა კაკომ შინაურული, თავისი კუთხის კილოთი იკითხა და ეზოში გაიხედ-გამოიხედა.

— რა ვიცი... ვერ გამიგია, გვემალება, თუ ამდენხანს გალამაზებას მოუხდა?! — უცებ კაკოს ახედა! — ბიჭო! შახტის აბანოში წყალი დღესაც ხან ცივი მოდიოდა, ხან ცხელი, არა?

— დღეს რომ მაგან გამოწერილივით ცივ წყალში იბანავა, ისეთი, შახტის აბანოში როდის ყოფილა!

— ჰო, რაღაცას ამბობდა...

— არ გაგიგიათ? ჩვენი მდინარე ისე მოზღვავდა, სულ მოლეშა, რაც აქეთ, მარჯვენა ნაპირის გაყოლებაზე ბოსტნები და ბაღებია, ბაჭუა ბრაჭულის, კიმოთეს, სირბილაძის სახლებსაც კი თითქმის უწია, თუ დილამდე არ დაიკლო, ხვალ ბაჭუა რომ გამოიღვიძებს და გამოიხედავს, თავი ენეციასიში ეგონება, წყალი ზედ კიბეზე მიადგება!

— მაინც გადარეულია და, მაშინ ხომ... — სიცილით შენიშნა ნიკომ. მერე უცებ დადინჯდა, — ჰო, კაცო, წელან თქვეს მდინარე მოდიდებულაო, მაგრამ ვერ მოვიცალე და ვერა, გადავსულიყავი, დამენახა მაინც...

— თქვენც, ახლა წამობრძანდით!.. ჩემი სახლადან ყველაფერს კარგად დავინახავთ... დიდი ამბავი და გაწამაწია იყო, ნიკო ბიძია, ზემო სოფლებიდან მოტაცებულ ხე-ტყეს ახლაც იჭერენ ბიჭები ჩანგლით!

— თუ წყალმა ბრაჭულის სახლს უწია, მართლა კაი ხელაზე მოდიდებულა! — დინჯად შენიშნა და გაკვირვებით გაიქნია თავი ნიკომ.

— უწიაო, ჯერ არ ითქმის, მაგრამ ბევრიც აღარ უკლია. სულ არ წაიღებდეს და...

— ეგ თუ წაიღო!.. აქამდისაც წასაღები იყო ის ოჩოფეხებზე შესკუბებული ნალია...

— ერთი ბრაჭულსაც ჰკითხე, ნიკო ბიძია, იმ ნალიას ალბათ შენს დარბაზშიაც არ გაცვლის!..

— დამატება ხომ არ დამჭირდება?! — დამცინავად შენიშნა ნიკომ და სახლს გახედა.

მეგი ცნობისმოყვარეობით უსმენდა ნიკოს და, ბრაჭულის ყოველ ხსენებაზე ტუჩს მაგრად კუმავდა, რომ არ გასცინებოდა.

— ნიკო ბიძია, უნდა წამოხვიდეთ, — კელავ განაახლა წელანდელი ხვეწნა კაკომ, — თქვენი უარი ყელის გამოჭრა იქნება!

— მოდი, ჯერ აქ შემოვძახოთ! ასეთი ეზო, სახლი და გადასახედი ამ არემარეზე კაციშვილს არ მოეძევება!

— ნიკო ბიძია, ამ სიმაღლეზე მაინც რამ ამოგიყვანა? შენი წინაპარი მეციხოვნე ხომ არ ყოფილა?

— ჩემს წინაპრებში იყო თუ არა ვინმე მეციხოვნე, ვერ გეტყვი, მაგრამ ის კი ვიცი, რომ ჩემი გვარის კაცს არც ღუბეში უცხოვრია როდისმე და არც ღუბელა უსვამს!

— მართალია, შენი სასლი ქვარას ციხესავით არის წამოჭიმული, მაგრამ... — აქამდე ნიკოს დაყოლიებას რომ ცდილობდა, კაკო უცებ მეგისა და სულიკოს მიუბრუნდა, მოწიწებით აუწყა, — რათქმა უნდა, მასპინძელს რომ ვეპატიეები, სტუმრები თავისთავად დაპატიებულად ითვლებიან!

— სად გაგონილა, შე დალოცვილის შეილო, სტუმარი ჩემსას იყოს და შენ ეპატიებოდე? ჭერ აქ მოსწყინდეთ ყოფნა და მერე, ვნახოთ...

— ნიკო — ბიძია, დღევანდელი დღე უპირველესად მე უნდა აღვნიშნო, ჩემს უფროს ბიჭს ექვსი წელი შეუსრულდა!.. ხიფათსაც შატბიამ გადამიჩინა, მითხარი, ვის დავპატიეები, თუ არა ნიკო ბიძიას, მის ოჯახს და მის... სტუმრებს? — კაკო ისე სწრაფად და გაცხარებით ლაპარაკობდა, იხვეწებოდა, რომ მეგის და სულიკოს წუთიც ვერ მოეხელთებინათ, ახლახან გაცნობილ ჭაბუკისათვის დაპატიებაზე მადლობა ეთქვათ, სიტყვა პირზე აცივდებოდათ.

მეგი წყნარად იჯდა, შატბიას ნამუშევარს გაცქეროდა, თანაც ყურს უგდებდა ლაპარაკს; მხოლოდ დროდადრო ასწევდა თავს და დიდრონ თვალებს უეცრად შეაფეთებდა ხოლმე კაკო ზიბზიბაძეს. ის კი, მეგის ყოველ შემოხედვაზე, თითქო მისი თვალების ნაპერწკალი ცეცხლს უკიდებდნო, თანდათან უფრო ცხარდებოდა და ჭიუტად უმტკიცებდა ნიკოს, რაც უნდა მოხდეს — დღეს თქვენი სტუმრებიანად უნდა გვეახლოთო.

— ქეიფი კარგია, მაგრამ შენც იცი, სამაგისო დრო რომ არა მაქვს... ცოტა ხანში ღამის ცვლის შეკრების დროც მოაღწევს, როგორც საქმეს ვატყობ, ღღეს ერთხელ კიდევ მომიხდება შახტში ჩასვლა, გარდა ამისა სამთოსკოლელების განაწილების თაობაზე უნდა ვითათბიროთ ელიზბართან.

— ჯერ რა დროს ღამის ცვლაა, ნიკო ბიძია!.. არა, კაცმა რომ იკითხოს, ამდენს კი გეხვეწები, ღამის დავდნე, მაგრამ დასახვედრი თავი მაქვს ნეტავი?.. თუ ისე ვერ დაგიხვდებით, როგორც გეკადრებათ, თქვენი ჭირიშე, არ დასძრახოთ მასპინძელი!— უცებ სახლისაკენ გაიხედა, მერე ისევ ნიკოს მიუბრუნდა, — ამ შატბიასაც რა დაემართა, ერთი, თვალთ მენახა!..

ამ დროს შატბიაც გამოჩნდა.

სხვებთან ერთად მეგიმ და სულიკომ სახლისაკენ რომ გაიხედეს და ხეებს შორის კოხტად გამოწყობილ ყმაწვილს მოჰკრეს თვალი, ესეც უცხო ეგონათ, მაგრამ ცოტა რომ დაუახლოვდათ ის ყმაწვილი, მათაც უმაღლესად იცნეს შატბია და გაოცდნენ. იგი ისე გამოცვლილიყო, რომ ძნელად იცნობდა კაცი. შატბიას ახლა შავი, გემოვნებით შეკერილი კოსტუმი კოხტად ჰქონდა მორგებული ტანზე. პიჯაკს ქვეშ კარგად გაუთოებული, პიკეს პერანგი ეცვა, კისერთან ერთ ღილზე შეხსნილი.

შეიძლება სხვის ფეხზე არ მოსწონებოდა, მაგრამ შატბიას შოკოლადისფერმა ტუფლმაც მიიქცია ახლა მეგის ყურადღება და განსაკუთრებით

ლამაზიც ეჩვენა იგი. მეგის ვერ წარმოედგინა, თუ ასე გემოვნებით გამოწყობილ ვაქვს რუსთაველის პროსპექტისა და ოპერის კულუარებს გარდა სადმე შეხვდებოდა; მით უმეტეს აქ, მეშახტეთა ქალაქში, სადაც მეგის აზრით, კაცს გემოვნებაც რომ ჰქონდეს, ჩაცმისათვის მაინც არა სცალია, და შეიძლება არცა აქვს გახსნილი ქალაქურ ყაიდაზე ჩაცმის მადა. მეგი წამოდგა. შატბიას მან ერთი იმ მომხიბლავი ცბიერებით გაუღიმა, რაც, შეუძლებელია, ვაქმა გულგრილად მიიღოს და უეცარი წამოწითლებით მაინც არ უპასუხოს.

შატბიას ახლა, მით უმეტეს მეგის ასეთი ყურადღების და წათამამების შემდეგ, ცოტა უფრო ყოჩაღად ეჭირა თავი, ყოველ შემთხვევაში, ცდილობდა ამას, და ჭერჭერობით არავითარი სიყალბე და მოუქნელობა არ ემჩნეოდა ქცევაში, თავდაპირაში.

შატბიამ თვალი მოჰკრა თუ არა თავის ნაწარმოებს, ჭერ გაოცდა, მერე უცებ სახეზედაც წამოწითლდა; ერთის წამით ის სილაღე და სითამამეც წაუხდა, ასე რომ შვენოდა. გაშტერებულივით იდგა, ვერ მიმხვდარიყო, როგორ გაჩნდა აქ მისი ნაწარმოები. თუმცა ახლა უკვე მისთვის ეს კი არ იყო მთავარი; შატბია მყის შეიპყრო მეგისა და სულიკოს შეფასების, მოსაზრების გამოცნობის წადილმა, რაც მისი ნაწარმოების შესახებ ალბათ უკვე გამოითქვა.

შატბია უცებ სწვდა თავის ნამუშევარს, გაზეთი ლელას გამოსტაცა ხელიდან, რომელიც თითქო ეშველებოდა ახლა მას და თანაც თვალებით ეუბნებოდა—ჩემი ბრალი არ არისო. შატბიამ გაახვია ბიუსტი გაზეთში და ვიდრე წასვლას დააპირებდა, მეგისაც რომ შეავლო თვალი, სტუმარმა ოსტატურად მოიხმო თითით. ისინი შეუმჩნევლად განმარტოვდნენ.

ნიკო, სულიკო და კაკო ზიბზიბაძე ერთად იდგნენ, ცდილობდნენ მეგისა და შატბიასაკენ არ გაეხედათ, ყურადღება არ მიექციათ ქალ-ვაჟისათვის, რომელთაც უკვე მოენახათ საჩურჩულო და გულისნადების გამოსათქმელი საერთო ენა. მხოლოდ ლელა ჩავარდნილიყო უხერხულობაში; ის, თავდახრილი, ზურგით მიყრდნობოდა უშველებელ ხის ტანს და მეგისთან განმარტოვებულს რომ ხედავდა, შატბია ახლა თითქო უფრო მიმზიდველი ეჩვენებოდა. დროდადრო თვალს აპარებდა ქალ-ვაჟისაკენ და თან იმის ნატვრა ჰკლავდა — მეც ნეტავი ერთ წუთში მეგისავით ლამაზად ვიქცეო; ლელას არასოდეს ასე ცხადად არ უგრძენია არც ვინმეს უპირატესობა, არც ასეთი უპირატესობით შობილი მწარე ტკივილი თავის ქორფა, ჯერ ვნებებით აუფორიაქებელი, მიაღიტი გულის სიღრმეში.

ნიკო, როგორც იყო, დაეთანხმა ზიბზიბაძეს, მაგრამ შეიტყო თუ არა, მის ბიჭთან — გურამთან ერთად, შატბიას აღიდებულ მდინარიდან თამარელაც გამოუყვანიაო, უმაღლ სიმწრის ოფლმა

დაასხა. აღარ იცოდა, საიდან დაეწყო თავი კაკოს-
თვის, როგორ ეთქვა უარი; გუნებაში გაიფიქრა —
„ახლა კი გჯეროდეს ნიკო არაბიძე, რომ თამა-
რელა მალე შენი რძალი გახდებაო“, და, თავის
ვაჟს ისე მწყრალად გახედა, თითქო ემუქრებო.
უცებ დაინახა თუ არა ნიკომ, შატბია გატაცებით
უსმენდა სტუმარ ქალს, მყის შეარბილა თავისი
მწყრალი იერი; მაგრამ უკვე გვიან იყო. შატბიამ
მოჰკრა რა თვალი მამას, მისი გამომეტყველება
ისე ენიშნა, თითქო მეგისტან ინტიმურ საუბარს
უკრძალავდა და აფრთხილებდა; შატბიას უმალ
ფერი ეცვალა; მეგიც არაფერს მიხვდესო — შეე-
შინდა, თავი უხერხულად იგრძნო, და თუმც
უძძიმდა ახლა მეგისტან განშორება, მაინც მოა-
ხერხა თავისი ნებასურვილის დათრგუნვა; ქალი-
შვილს გაზეთში შეხვეულ ბიუსტზე ანიშნა, თან
რალაც უჩურჩულა; მეგიმაც თანხმობის ნიშნულ
თავი დაუქნია და შატბია მარდად გაეშურა სახლი-
საკენ. კეკლუცად მოღიმარი მეგი ლელას მიუ-
ბრუნდა, მკლავში ხელი გამოსდო და გადასახე-
დისაკენ წაიყვანა. ნიკო არაბიძის ეზო სწორედ
გორაკის თავში, მცირე ვაკეზე იყო გაშლილი და
ახლოდან თუ მისი ასწლოვანი ხეები და ხეხი-
ლი თვალს ხიბლავდა, შორიდან კიდევ უფრო
წარმტაცი სანახავი იყო იქაურობა.

ხელის მეგობრულად მოხვევამ და თილისმურმა
ხნამ ლელა ისე უცებ მოხიბლა და მოათვინიერა.
რომ მას უმალ დაავიწყდა მეგისტადმი ერთი წუთის

წინ აღძრული შურიც და გულისწყრომაც. ლელა ახლა პატარა ბავშვივით თავს კმაყოფილად, ბედნიერად გრძნობდა, ასე, შინაურულად რომ ებაასებოდა უცხო ქალიშვილი და მოჯადოებულებით ყურს უგდებდა მის ლაპარაკს, მის ხმას; შეკითხვებზე ლელა მოკლედ პასუხობდა, იმიტომაც, რომ ლელავდა და სიტყვის გამოთქმა უჭირდა, იმიტომაც, რომ სტუმარს უფრო მეტი ელაპარაკნა. მაგრამ ეს სიამოვნება დიდხანს არ გაგრძელებულა ლელასათვის. მოულოდნელად შატბია კვლავ მეგის გვერდით გაჩნდა. მეგიმ ახლა შატბიას გამოსდო მკლავში ხელი, ლელასაც ანიშნა — მეორე მხრიდან ამოსდგომოდა მხარში შატბიას და სამივენი ასე დაწყობილნი გაემართნენ მუხის ძირას მოსაუბრე მამაკაცთა ჯგუფისაკენ. შატბია ცდილობდა წონასწორობა დაეცვა, მაგრამ ატყობდა, რომ თავის საწადელს ვერ აღწევდა. ფეხს ისე აბიჯებდა, თითქო ნიადაგს ვერ ხედავს და ფრთხილობსო. მეგის ნაბიჯს დასაწყისში კი ააყოლა ნაბიჯი, მაგრამ მერე ფეხი მაინც აერიდა და აღარ იცოდა, როგორ გამოესწორებინა ეს უხერხულობა. თუ მეგის მარჯვედ მოექიდნა მკლავში ხელი, ლელას ვერც გაეშვა ხელი შატბიასთვის, ვერც რიგიანად მოექიდნა; ხან წინ წაუვარდებოდა მკლავი და შატბია იდაყვით უნებლიეთ მის მკერდს ეხებოდა, ხან სახელოში მოსჭიდებდა და ვაჟს ისე უხერხულად, უდროოდ დროს დასწევდა თავისკენ, რარტი აწყობილიც უნდა ჰქონოდა შა-

ტბიას ნაბიჯი, ფეხი უმალ ეშლებოდა და გუნებაში ლელას გაჩენის დღეს სწყევლიდა.

როგორც იყო, მათ გალიეს ის მცირე მანძილი, რაც ეზოს ერთი ნაპირიდან მუხის ძირას დაფენილ ნოხამდე იყო და მოსაუბრე მამაკაცთა ჯგუფს შეუერთდნენ.

კაკო და ნიკო ძლივძლივობით მორიგებულყვნენ ერთმანეთში. ნიკოს დაეთმო. ჯერი მეგრზე იყო. კაკოს გამეორებით თხოვნაზე, დაპატიუებაზე მან ძმას გადახედა, ორაზროვნად გაუღიმა — თითქო ეკითხებოდა — „ღირს თუ არა თავის შეწუხებაო“. ძმამ თავი დაუქნია; ეტყობოდა, მეგის თვალეში სწორად ამოიკითხა მისი ფარული აზრი; თვითონაც გაუღიმა და თვალი ისე ჩაუკრა, მეგიც უმალ მიხვდა, რაც ძმამ გაიფიქრა — „რა გენადვლებაო“. იქ მყოფთაგან მარტო ლელამ შენიშნა, როგორ ჩაუკრა თვალი სულიკომ მეგის. თუ აქამდე ლელას სახეს სიმორცხვის ღიმილი არ შორდებოდა, ახლა უცებ წარბი შეიკრა და შებლსქვემოდან დაუწყო თვალთვალი და-ძმას. მეგიმ მიიღო თუ არა პასუხი ძმისაგან, ისე შებრუნდა კაკოსკენ, თანაც ისე იღიმებოდა, თითქო ჯერ კიდევ ყოყმანობსო.

— გეწვევით, მხოლოდ... ცოტა გვიან, — თავაზიანად უთხრა მეგიმ ზიზზიბაძეს და თავიც ისე ღინჯად და კოხტად დაუკრა, თითქო ამით თავის ნათქვამსაც ადასტურებს და მასპინძელსაც წინასწარ მადლობას უხდისო.

თამარელა მოუთმენლად ელოდა შატბიას გამოჩენას. ეზოში ფოთლის შრიალზედაც უმაღლეს ყურს სცქევტდა, ჭიშკრისაკენ იცქირებოდა.

სუფრა აივანზე იყო გაშლილი. თამარელა განზრახ კედლის მხარეს დაჯდა, ეზოსკენ რომ პირდაპირ ცქერა შესძლებოდა. მისი მაღიმაღლ ჭიშკრისაკენ ცქერა და მოლოდინით გამოწვეული მღელვარება არავის შეუნიშნავს. სტუმრები ბაასით, ოხუნჯობით და ჭამა-სმით იყვნენ გართულნი.

ლელამ უკვე „ახარა“ თამარელას, რომ უცხო ქალიშვილს, რომელიც ძმასთან ერთად ნიკოს სტუმრად ეწვია, შატბიაზე უჭირავს თვალი და ისე მოურიდებლად ეჩურჩულება და უცქერის, ისე დაჰყვება მკლავში ხელგაყრილი, თითქო მისი გულის რჩეული იყოსო. მეგის გარეგნობაც ზედმიწევნით აუწერა, ტანსაცმელის ფერიც, ფეხსაცმელიც. თამარელა ერთხანს გაფაციცებით უსმენდა, მერე უცებ აუქნია ხელი ლელას, „თავი ნუ მატკინეო“, ისე შესძახა, თითქო სულაც არ ეწადა, იმის შეტყობა, რაც ლელამ უთხრა.

ახლა, თამარელას დაუსრულებელ ლოდინში მოთმინება რომ აღარ ეყო, სუფრა შეუმჩნევლად დასტოვა, ეზოში ჩავიდა, ის აქამდეც ყურს არ უგდებდა სტუმრების საუბარს, თავის ფიქრებთან განმარტოვებულს მათი ხმამაღალი ლაპარაკი ისე

ჩაესმოდა, როგორც გაუთავებელი, უსკრამოვნო ზღუზუნი, მარტო სმენას რომ აღიზიანებს.

მართალია, შატბიას და თამარელას პირობა არ ჰქონიათ მიცემული, მაგრამ ისე, დიდი ხანია ელაციცებოდნენ ერთმანეთს.

ამხანაგები შატბიას და თამარელას ერთმანეთის შესაფერისად სთვლიდნენ და ორიოდ ენამწარას, თუ იღუმალი მეტოქის გარდა, ყველანი ხელს უწყობდნენ მათ დაახლოებას. არც ნიკო სთვლიდა თამარელას ურიგო სარძლოდ, მაგრამ თავისი ვაჟის არჩევანი მისთვის ახლა აღარ იყო ხელსაყრელი.

თამარელა ხან ღია ცის ქვეშ, ეზოს ერთ მხარეს, ქვის კედელთან გამართულ სამზარეულოში მოფუსფუსე ქალებს — მაიას და ლელას დახედავდა, თითქოს რაც იწვებოდა და ცხვებოდა, იმისი დარდი ჰქონდეს, ხან ისევ უკან გამობრუნდებოდა, სახლის კუთხეში, ხის მაღალ კიბეს მოფარებული იცქირებოდა კიშკრისაკენ. ზემოთ, აივანზე ახლა უფრო ხმამაღლა იცინოდნენ და ლაპარაკობდნენ სტუმრები. სიცილს სცვლიდა კიჩების კანტიკუნტი წკარუნი და მაღალფარდოვან სიტყვებით შეფერადებული სადღეგრძელოები, სადღეგრძელოებს — შინაურ. თუ გარეშე ამბებზე სჯა-ბაასი. თამარელას მკაფიოდ ესმოდა სიტყვები, მაგრამ სულაც არ აინტერესებდა, რას ლაპარაკობდნენ სტუმრები.

— ამ ბოლოს ნამეტანი ურტყამს თურმე გერმანიის ავიაცია ინგლისის ზღვის პირის რაიონებს.

— დიდი ქონება იბუგება ალბათ, ნიკო, არა?

— შენ ხალხი თქვი, თორემ...

— არც ინგლისი ჩამორჩება! იმასაც გემოზე დაუბომბია დასავლეთ გერმანიის რაიონები!.. სწორედ გუშინ ეწერა...

— ეგვიპტეშიაც აღარ ხუმრობენ... ჩემო კოსტა! სოლ... თანო, რალაცაა...

— სოლუმთან ხომ არა?

— მაგ სულ ერთია — სოლია თუ ბიგი...

— აბისინიაშიაც დიდი მიწევ-მოწევა ყოფილა ინგლისელებსა და იტალიელებს შორის...

— შენ სირიაში უნდა იკითხო!..

— საფრანგეთის ჯარი კონტრიერიშზე გადასულა და ზოგიერთ ალაგას, შენ ხარ ჩემი ბატონი, კიდევაც შეუჩერებია ინგლისელები...

— ეირია ქვეყანა, ეირია...

— ძალიან უნთებენ მაგ ცეცხლს და აჩ ვიცი...

უცებ, ამ ხმებში მკაფიოდ გაარჩია თაშარელამ ჭიშკრის ნაცნობი, გაბმული ჭრიალი, ერთი შეკრთა და გულმაც ისევ ისე უწყო ძგერა, როგორც წელან, ლელას რომ უსმენდა.

თუმცა ახალი დაღამებული იყო, მაგრამ ხეებით დაბურულ ეზოში უკვე ისე ბნელოდა, თუ ახლოს არ მიხვიდოდი, ადამიანის სახეს ვერ გაარჩევდი. აივნის ჭერში დაკიდებული ნათურა ეზოს მხოლოდ მცირე ნაწილსა და ახლო მდგარ ხის ტოტებს ანათებდა.. თამარელა ახლა ისე ყოყმანობდა და კანკალებდა, შეგებრალეობდათ. ვერ გადაეწყვიტა, ასე, კიბეს მოფარებული დალოდებოდა, საფარიდან

ეჭვალთვალნა უცხო ქალიშვილისთვის, რომელიც შატბიას უნდა მოჰყოლოდა, თუ შეგებებოდა მათ, თავიც ყოჩაღად დაეჭირა და უცხოც მიეხვედრებინა, რომ შატბიას უკვე ჰყავს გულის რჩეული და, ამოა, დაგვიანებულია, მისი თვალების გამომწვევად წკურვა, სიყვარულის ნაპერწკლების ფრქვევა ვაჟის გულში ახალი ცეცხლის გასაღვივებლად.

გადაწყვიტა კიდევ, რომ ასე აჯობებდა, მაგრამ შესრულება ვერ გაბედა. რამდენჯერაც სცადა ნაბიჯის გადადგმა, იმდენჯერ აუკანკალდა მუხლი, თან იმას ფიქრობდა, ვაითუ ისეთი საცოდავი გამოვჩნდე. შატბიას ძალაუნებურად ვაფიქრებინო — მეგისთან შედარებით თამარელა არაფერი არ ყოფილა, ადრე თვალი მატყუებდაო. სიბრაზისაგან და გაუბედობისაგან თამარელას ისე სწყუროდა ჩამოეპოტნა თავისი სახე, გაეწეწა, დაეგლიჯა თმები, იქნებ ტკივილს და სიმწარეს მაინც გაეყუჩებია მისი გულისძგერა და დაემშვიდებია სული. ცოტა ხანსაც რომ გაგრძელებულიყო ასე, ალბათ შეისრულებდა კიდევამ წადილს, მაგრამ უცებ ის გონს მოიყვანა შატბიას გამოჩენამ. ეზოში აქა-იქ ლანდებივით ასვეტილ ხეებს შორის თამარელამ კარგად იცნო შატბია. იმის გაფიქრებამ, რომ არ შეიძლებოდა ასე იოლად თავისი გულის საუნჯის დათმობა, კვლავ დაუბრუნა მხნეობა, გამბედაობა. გაახსენდა დღევანდელი თავგადასავალიც, აზვირთებულ მდინარეში შატბიას ლაღად ცურვა, მკლავის მარჯვედ ქნევა და, თითქო სცენაზე გა-

სკლის წინ, შიშით შეპყრობილს, უცებ ვილაცამ უბიძგაო, არც უფიქრია ამაზე, ისე ანგარიშმიუცემლად, ძალაუნებურად გამოვიდა საფარიდან. ჩქარი ნაბიჯით გაეშურა შატბიასა და უცნობ ქალიშვილისაკენ, რომლებიც ხელიხელჩაკიდებულნი წელი ნაბიჯით და ეზოს თვალიერებით მოეშურებოდნენ სახლისაკენ.

თამარელა ცელქი ბავშვივით მიიჭრა შატბიასთან, თავისუფალ მკლავში ხელი მოსჭიდა და ისეთი კილოთი უსაყვედურა — „აქამდე სადა ხარო“, თითქო ეწადა, მეგისათვის დაენახვებინა — „ხომ ხედავ, რა ახლობელია ჩემთვის შატბიასო“, შატბიასთვის კი ეგრძნობინებინა, რომ მართლაც მოუთმენლად ელოდა მას, არა მარტო, როგორც სტუმარს, არამედ როგორც თავისი გულის სწორს.

როცა საყვედური მოისმინა, შატბიამ, თამარელა მეგის გააცნო.

ქალებმა ახლა ერთმანეთს ჩასჭიდეს ხელი და გზა განაგრძეს სახლისაკენ. შატბიაც მათ ფეხდაფეხ მისდევდა მდუმარედ. მეგიმ მალე გამონახა თამარელასთან სალაპარაკო და ახლა იდუმალი მეტოქენი ისე ჭუკჭუკობდნენ, როგორც დიდი ხნის უნახავი და ერთმანეთის მოსიყვარულე ნაცნობები.

ზოგჯერ თამარელას მოსწრებულ პასუხზე, თუ გულუბრყვილო შენიშვნაზე მეგი გადაიკისკისებდა, შატბიასაც მოხედავდა და ვნები იძულებული იყო მეგის ხათრისათვის გაეცინა.

შატბიას და მეგის გამოჩენაზე სუფრა აიშალა. მარტო თამადა იჯდა გაუნძრევლად და ელოდა, ვიდრე სტუმრები დალაგდებოდნენ. მეგიმ ყველას შორიდან უძღვნა საერთო სალამი და შემდეგ მისთვის მიჩენილ სკამზე დაჯდა, სწორედ სუფრის შუაგულთან. ადრე მას გუნებაში ჰქონდა შატბიას გვერდით მოხვედრა, შატბიასაც უთუოდ ასე ეწადა, თუმცა თამარელას ახლოს თავს იკავებდა მეგისთან გალაციციებისაგან. სუფრის მეორე მხარეს, სწორედ მეგის პირდაპირ, კაკო და შატბია ერთად დასხდნენ. ახალი სტუმრების შემომატების უმალ ოთახში შეიქნა თეფშების და ჭიქების წკარუნნი. ადრე, ვინც სუფრაზე ხალვათად იჯდა, ყველამ შეავიწროვა თავისი ფართობი; ერთ მხარეს მეგის და მეორე მხარეს შატბიას, თითქმის ორი კაცის ადგილი დაუთმეს. მაიამ თავისი ხელით დაუწყო წინ ჯერ შატბიას, შემდეგ მეგის სუფთა თეფშები, ჭიქა და დანა-ჩანგალი, სათითაოდ სთხოვა — გადაეღოთ, რაც მათს სულს და გულს ესიამოვნებოდა.

დაჯდა თუ არა, შატბიამ უმალ დაუწყო თვალთ ძებნა თამარელას. მაგრამ ის აქ აღარ ჩანდა. თამარელამ კარგად შეათვალიერა თუ არა მეგი, როცა კიბეზე ამოდიოდნენ, გადაწყვიტა, როგორც კი მის ყურადღებას წამოშლილი და ახმაურებული სტუმრები მიიქცევდნენ, შეუმჩნეველად გაპარულიყო. კოპწიად გამოწყობილ მეგისთან შედარებით თამარელას უბრალო შალის კაბა. ახლა

ისე ჩანდა, ძველი ჩვარი გეგონებოდათ; სტუმრების წასვლამდე ის სამზარეულოს არ გასცილებია, მაია სტუმრებთან გაგზავნა; დააჯერა — სირცხვილია, სუფრაზე რომ არ ჩანდეთ, თვითონ კი ლელასთან ერთად მეორე წყება ხაჭაპურების ცხობას შეუდგა.

მეგი რაწამს შეეგუა ახალ გარემოს, სუფრაზე მსხდომთ თვალი დინჯად მოავლო, ვინც უთვალთვალეზდა, ვისი მზერაც დაიჭირა, გაულიმა, ზოგს თავი დაუქნია, თითქო გვიან იცნო, გვერდით მსხდომთ რიგრიგობით რალაც უჩურჩულა და ისე სწრაფად მოინადირა უცხო ხალხის გული, რომ ყველა გაოცებული და კმაყოფილი იყო. ყველა ცდილობდა მისი ყურადღება მიეპყრო. რაც სუფრაზე საკმელ-სასმელი იყო, ყველა თითო რამეს სთავაზობდა. განსაკუთრებით გამოიღეს თავი ხორხომელიძემ და სირბილაძემ. ხორხომელიძემ ისე ოსტატურად გათალა ვაშლი და შესთავაზა მეგის, რომ ბევრი ასეთი ხრიკის მნახველი მეგიც კი გააოცა, სამაგიეროდ მეგიმ მის მიერ მიწოდებულ ვაშლის ნათალიდან რალაც ლამაზი ხვეული შეაკოწიწა და ხორხომელიძეს უძღვნა. სირბილაძემ სხვა რომ ვერაფერი მოახერხა, რალაც მიზეზით სუფრაზე გაჩენილი პიტნის არაყი დაუსხა და მეგის მიაწოდა, მეგიმ თავაზიანად ჩამოართვა ნეკისოდენა სასმისი; სირბილაძეს მიზანი მიღწეულად მიაჩნდა, მაგრამ უცებ ზიზზიბაძემ წაამწარა ეს სიამოვნება.

— დაეთხოვე ბიძია... სირბილაძე კი გქვია, მაგრამ ხომ იცი, ვერ დაეწევი! — და თვალით მეგიზე ანიშნა. ამ შენიშვნას კიდევ უფრო დიდი სიცილი და მხიარულება მოჰყვა. მეგიმაც იმდენი იცინა, რომ თავის გარჯას, აქ მოსვლას, უკვე გამართლებულად სთვლიდა. ვერ წარმოედგინა თუ მეშახტის ჭერქვეშ ასეთი, საგანგებოდ გაწყობილი სუფრა და მხიარულება ელოდა.

ახლა ის კიდევ უფრო გულლიად შესცინოდა სუფრაზე მსხდომთ, შატბიას გარდა ყველას თავაზიანად, გაზეპირებულივით უმეორებდა როცა რამეს სთავაზობდნენ — მადლობთ, მივწვდები, ნუ სწუხდებითო, შატბიას მიწოდებულს კი ყველაფერს კმაყოფილების გამომხატველ ღიმილით ღებულობდა. სუფრაზე ბლომად იყო ბოსტნეული და ხორციეული, მშრალი და წვნიანი საჭმელი; გაფარჩხული ტაბაქები ისე იყო შებრაწული, მადადაკარგულსაც კი ნერწყვს მოგვრიდა. შატბიამ ყველა საჭმელებს, თავისი გემოს მიხედვით ისრიმ-მაყვალში ჩაწყობილი წიწილა ამჯობინა და პირველად ცხელი ჭადისა და ყველის შეთავაზების შემდეგ, ის გაუწოდა მეგის თიხის დიდი ჯამით. მეგიმ წკიპად მოჰკიდა ხელი ჯამში მოტივტივე ხის კოვზს, როგორც უცხო და თანაც ჭუჭყიანი ნივთი, ისე შეაბრუნ-შემოაბრუნა იგი, მერე ორი კოვზი კანკამა, სისხლისფერი წვენი თავის თეფშზე დაისხა, ხორცის ნაჭრებში შატბიას, ფრთა და მკერდის ნაწილი მოაძებნინა, ისიც თეფშზე დაიწყო

და ასეთი გარჯისათვის თვალის ციმციმით და თავის ოდნავ დახრით მადლობა უძღვნა.

შატბიამ მისვლის უმაღლესი მოიკითხა კაკოს ბავშვები — გია და გურამი. მის სიტყვებზე კაკომ ალმაცერად გადახედა მაიას და გამომწვევად გაუღიმა. წელან, დიდხანს, ჩურჩულით ეხვეწა, ჭირი მოსჭამა კაკომ, ოღონდ ერთხელ კიდევ გამოიყვანე ბავშვები სტუმრებთან და რაც გინდა, შეგისრულე-ბო, მაგრამ მაიამ არ ისმინა მისი ხვეწნა. ბავშვები უკვე დაეწინა და, ხელახლა მათი აწრიალება, ჩაცმა, დავარცხნა ზედმეტად მიიჩნია; ახლა კი, შატბიას გაკვირვებულ კითხვაზე, — ბავშვები სად არიანო, — კაკომ იმიტომაც გადახედა ცოლს ისე დამცინავად და გამომწვევად, თითქო ეუბნებოდა: — აბა, თუ ქალი ხარ შატბიასაც უთხარი უარიო.

მაიამ ერთი კი შეხედა შატბიას, კრძალვით გაუღიმა და უსიტყვოდ გატრიალდა.

იღუმალ გაწბილებულმა კაკომ, ცოლს თვალი განაყოლა, სიცილით თავი გაიქნია, მერე შატბიასაც გადახედა.

— რა გეცინება, ბიჭო!? — ჩურჩულით იკითხა შატბიამ.

— ცოლიანი რომ იყო, გეტყოდი, ახლა, სულ ერთია... ვერ გაიგებ!..

— მაინც?..

— გაგიგონია? შინაურს შენდობა არა აქვსო?

— გამიგონია!..

შატბიას ისიც უნდოდა ეთქვა, ანდაზები უცოლოებსაც ესმითო, მაგრამ ამ დროს ნიკოს ხმა მოესმა და თვალი თამადას მიაპყრო.

თამადის ამხანაგმა შემოსწრებულთ აუწყა რამდენი სადღეგრძელოც შესმულიყო მათ მოსვლამდე. საჭირო იყო ისინი ამ მხრივ დამხვედრებზე დასწეოდნენ.

შატბიას გაელიმა, მამას ირიბად გადახედა და თავისი ჭიქა ოდნავ წინ წასწია, მეგის კი თამადის ამხანაგის სიტყვებზე თვალები გაუფართოვდა, თმაც კინალამ ყალყზე დაუდგა — „აქ თხოვნა და თავის შეწყობა არ გასჭრის, უსათუოდ შეგვასრულებინებენ დანაკლისსო“ — გაიფიქრა და ჭამას თავი ანება.

შატბიას წინ დადგმული ბროლის პატარა ჭიქა თამადის ამხანაგმა განზე გასწია, წინ ჩაის ჭიქა დაუდგა. დაყირავებულ ბოთლიდან თუხთუხით წამოვიდა ცოლიკოური და ისე გამაღიზიანებლად აჩქაფუნდა ჭიქაში, ძალაუნებურად თავს მოგანდომებდათ.

მეგი ხან შატბიას, ხან მის ჭიქას გაოცებით მიხერებოდა და სულ იმას ფიქრობდა — ვაითუ დათვრნენ და ჩხუბი ატყდესო.

მეგისათვის ისე დაესხათ ღვინო, მას არც კი შეუმჩნევია, და ახლა თავისი ჭიქაც რომ გაპიპინებული დაინახა, გაოცდა; მაგრამ უმალ თავი გაიმხნევა — „მწყურებიანო“ გაიფიქრა გუნებაში და ჭიქის ფეხს ორი თითი მოწიწებით შეახო.

შატბია დინჯად წამოდგა, ჭიქაც ფრთხილად ასწია, რამდენიმე სიტყვაში მოკლედ, მაგრამ აზრიანად გამოხატა ბელადისადმი თავისი სიყვარული და მისი სადღეგრძელოც ისეთის გულით შესვა, რომ არ შეიძლებოდა არ შერგებოდა. მეგამაც მომხიბლავის ხმით და სიტყვებით აღდღეგრძელა ბელადი; პატარა ჭიქა ბოლომდე გამოსცალა, და როცა დაჯდა, ისე შემოიღო წამოწითლებულ ლოყებზე თითები, თითქო სტუმრებისა შერცხვა, ამოდენა ღვინო რომ ერთბაშად დალია და თავის სიწითლეს ფარავსო.

ორიოდე ლუკმა რომ შეჭამა, თამადის ამხანაგმა კვლავ აუვსო ჭიქა შატბიას. მეგიც არ დავიწყებიათ. მეორე ჭიქით მათ ერთსულოვნად აღდღეგრძელეს ბელადის უახლოესი თანამებრძოლები.

სულიკო გაოცებით შესცქეროდა მეგის, უკვირდა, ასე თამამად რომ სვამდა ღვინოს. მეგი ხედავდა რა ძმის გაკვირვებულ გამომეტყველებას, ხელს ისე უქნევდა, თითქო ეუბნებოდა — „ეს რა არის, შენ აწი ნახე ჩემი სმა და მოლხენაო“. გულის სიღრმეში კი შესმული ღვინო მეგის ძალიან აფიქრებდა და წამდაუწუმ თავს აკვირდებოდა, აბა როგორ იმოქმედებსო. თავის სიცოცხლეში ის ჯერ არასოდეს არ შექეიფიანებულობდა და რამდენადაც აინტერესებდა ეს ამბავი, იმდენად აშინებდა; და ის ახლა უფრო ამის შიშით იყო გაბრუნებული, ვიდრე ღვინით.

ნიკომ თავისებურად ანიშნა კაკოს, ხორხომელი-

ქეს, სირბილაძეს, და როცა ჭიქები აივსო, მორიგი სადღეგრძელოს წარმოსათქმელად მოემზადა.

— დარწმუნებული ვარ, — დაიწყო მან თავისი მაღალი, მკაფიო ხმით, — ჩვენს ძვირფას სტუმრებს, და-ძმას, — ამ სიტყვებზე ჭიქა დადგა და ერთი ხელი მეგისკენ გაიშვირა, მეორე — სულიკოსაკენ, — ისე უყვართ ერთმანეთი, სადღეგრძელოში დაშორებაც კი საწყენად დარჩებათ, — ცოტა შეჩერდა, თავის სიტყვებს პატარა შენიშვნაც გაუკეთა, უფრო ხმადაბლა განაგრძო, — ძმა, მართალია, აქ ბრძანდებოდა, მაგრამ დამ დაიგვიანა და ჩვენც ეს სადღეგრძელო მიტომ ვერ შევსვით აქამდე. — შემდეგ, აწეული, საზეიმო კილოთი განაგრძო სიტყვა, — ახლა გამოვხატავ რა ყველა აქ დამსწრეთა სურვილს, ამ ორ ახალგაზრდას ერთი ჭიქით ვადღეგრძელებ!

— არ გვეჩქარება, — ჩურჩულით შენიშნა გვერდით მჯდომ ხორხომელიძეს ოდელია რანუნიმ და თავისი საყვარელი ჰანგიც ყურში წაუღიღინა.

— ძმა მოქანდაკეა, დაიკო — მომღერალი! ორივენი უმაღლესში სწავლობენ. ეს ჭაბუკი, — გვერდით, მაგიდის კუთხეში მჯდომ სულიკოს ნიკო ბექზე ხელით შეეხო, თითქო წახალისება სწადიანო, — კლუბის გასამშვენებლად ჩვენს ქალაქში გამოუგზავნიათ. ამათი მამა ჩემი დიდი ხნის მეგობარია, როგორც ხედავთ, ორივენი საყვარელი და სამაგალითო ახალგაზრდები არიან, ჩვენც ჯანმრთელობა, ყოველ კეთილ საქმეში წარმატება და

გამარჯვება ვუსურვოთ! — თანდათან მოუჩქარა და აუწია ხმას ნიკომ, მერე უცებ ხმადაბლა შენიშნა, — ვინ არის მომხრე, ასწიეთ ჭიქა!

მის ბოლო სიტყვებს სიცილი, მხიარული გადალაპარაკება და ჭიქების წკარუნი მოჰყვა. ზოგმა ნიკოს ბოლო სიტყვები გაიმეორა, ზოგმა ცოტაც თავისი წაუმატა. ნიკოს წინადადება „ერთხმად იქნა მიღებული“ და მეგისა და სულიკოს სადღეგრძელოც ერთსულოვნად შეისვა.

გია და გურამი მოულოდნელად გამოჩნდნენ კარის ზღურბლზე; ნამძინარევე თვალებს გია ძუშტით ისრესდა, ახამხამებდა, სინათლე ეუცხოებოდა.

ბავშვების ხელახალ გამოჩენაზე სტუმრებმა კვლავ დაიძახეს აქეთ-იქიდან, — გია, ჩემთან მოდი, გურამმა არ მოგასწროს, თორემ კაკა აღარ გერგებო. ვიდრე გიას ვისკენმე გული წასძლევდა, უცებ მამამ აიტაცა იგი. კაკოს მხარზე შესკუპებულმა ბავშვმა მორცხვად მოავლო თვალი სუფრას, სტუმრებს. პირველად მეგი წამოდგა; მოპირდაპირე მხრიდან ხელი გამოუწოდა, ბავშვი ცოტახანს, უნდობლად, შუბლს ქვემოდან მომღურავით დაბღვერილი შემოსცქეროდა უცხო სტუმარს, მაგრამ მამის წაჩურჩულებაზე უმალ გაუწოდა

თავისი ხელი და თან ისე გაიღიმა, თითქო ნდობას უცხადებდნო.

— ყოჩაღ! — შეაქო მეგიმ ბავშვი, — შენი სახელი?

ბავშვმა ისევ გახედა შუბლს ქვემოდან მეგის, მერე ქუთუთოები დახარა და ხმადაბლა წარმო-სთქვა — გია.

— გიანო? თუ გოგია! — შეეკითხა მეგი.

— გია! — უფრო ხმამაღლა და თითქო მწყრა-ლადაც გაიმეორა გიამ თავისი სახელი, ისევ შეხე-და მეგის.

— ახლა ისიც მითხარი, რა გიყვარს, ჩიჩია?

ბავშვი ხმას არ იღებდა, გაბუტულივით თავ-დახრილი იჯდა მამის მხარზე.

— მიხვალ დეიდასთან? — ჰკითხა კაკომ და სუფრას თავი დაუარა, გია მეგის გადასცა. ბავშვმა სრულებითაც არ იუცხოვა სტუმრის ხელი. მე-გიმ ის კალთაში ჩაისვა, მოეფერა, აბურღული ქე-რა თმები გადაუწია და ჯერ შუბლზე აკოცა, შემდეგ ლოყაზე. სუფთა თეფშზე ქათმის ბარკალი გადმო-უღო, ჩუმად ჰკითხა: დვინო თუ გიყვარსო; გიამ სწრაფად გაიქნია თავი. ქათმის ბარკალსაც მა-ძღარის ათვალისწუნებით დახედა, თავის გაქნე-ვით ხორცზედაც უარი უთხრა მეგის.

— ღმერთო მომკალი, — შეიცხადა მამამ, — გია, ბიჭო, რატომ აწუხებ დეიდას?..

დედამ ნამალევად ერთხელ კიდევ დატუქსა გია, თვალით ანიშნა, ხელი არაფერს ახლოო, მაგ-

რამ 'კაკოს წაჩურჩულებაზე — კუჭი უყვარსო — მეგიმ უმალ იპოვნა თეფშზე დახვავებულ ხორცის ნაჭრებში კუჭი და მიაწოდა თუ არა გიას, ბავშვი ერთი კი შეყოყმანდა, მაგრამ სულმა მაინც წასძლია; დედა ახლა თითის დაქნევითაც დაემუქრა, მაგრამ მუჭში მომწყვდელი კუჭი მაინც ვერ დაათმობინა.

მეგი გატაცებით ეჩურჩულებოდა, ეფერებოდა, ესიყვარულებოდა გიას, ბავშვიც უმალ შეეჩვია, და სტუმრის კალთა აღარ ეთმობოდა.

ნიკოს თხოვნაზე გურამმა სტუმრებს უამბო, თუ როგორ მოიმწყვდია ადიდებულმა მდინარემ და როგორ გადაარჩინა იგი შატბიამ.

ვიდრე მაია ბავშვებს დასაძინებლად ოთახში შეაბრუნებდა, კაკომ კვლავ მხარზე შეისვა გია და რალაც უჩურჩულა, ბავშვი ჯერ. ინაზებოდა, მერე სტუმრებისათვის მოულოდნელი, გაბედული ხმით დაიწყო — „ვარდს გაეფურჩქნა კოკორი“.

მთელი სუფრა განაბული უსმენდა ბავშვის საამო ტიტინს. გიას ენა უკვე კარგად ჰქონდა გატეხილი და ისეთ ასოებსაც კი გამოსთქვამდა, რაც სამი წლის ასაკში ბავშვს უჭირს ზოლმე.

როცა გიამ ლექსის თქმა დაასრულა, სტუმრები ერთსულოვანი ტაშით შეეგებნენ სამი წლის დეკლამატორს. გია ახლა ხელიდან ხელში გადადიოდა, ყველა ორ-სამჯერ ჰკოცნიდა მას ხელში აყვანის უმალ და თანაც ყოველ კოცნაზე გულით უსურვებდა — გაიზარდე დიდი კაციო.

როცა მამამ ბავშვები წაიყვანა, სუფრანზე ერთი წუთით კვლავ სიწყნარე ჩამოვარდა.

—კაკო! — ხელის აქნევით, უეცრად დაიძახა ნიკომ, — ეს შენი ლიმონის ხე, ჯერ სულ უარზე იყო და ახლა რამხელა გამოუსხამს, ხედავ ბიჭო?!!

ლიმონისაკენ რომ გაიხედეს, ერთბაშად მთელმა სუფრამ ხარხარი მორთო. ლიმონის ხე აივნის მარჯვენა კუთხეში იდგა, სწორედ ძველი მეშახტის — კოსტა ქარქაშაძის ზურგს უკან. კოსტა ისე ვიწროდ იჯდა მაგიდის კუთხეში, გასაქანი ვერც წინ ეპოვნა, ვერც უკან; თავის მდგომარეობას ძალაუნებურად შერიგებოდა, თავი ლიმონის ტოტებსა და ფოთლებში შეერგო და მართლაც ისე ჩანდა ახლა ელნათურის შუქზე მისი მოტვლებილი კეფა და თხემი, როგორც უცნაური ნაყოფი.

—მეგობრებო! — დაიძახა ნიკომ როცა სტუმრებმა სიცილით გული იჯერეს და დანის პირი ორჯერ ფრთხილად შემოჰკრა ბოთლს, — თქვენი ყურადღება ახლა კოსტასაკენ იმიტომ მივაპყარი, რომ... მაგის დღეგრძელობის ჯერიც დადგა! კარგი ლუკმაა და ბოლოსთვის მოვიტოვე!

— ჩაის არ სვამ, ლიმონი რალამ შეგაყვარა, — სიცილით, ორაზროვანი ხუმრობით შენიშნა კაკომ ქარქაშაძეს.

— ეს ჩემი თავი დღეს ძალიან გამოგადგათ, — დაიძახა ბოლოს კოსტამ და სუფთად გაპარსულ, ოდნავ ნაოჭებით დასერილ ლოყაზე ისე გადაისვა ხელი, თითქო უღვაშს ისწორებდნო. ნამდვილად

კი, თავისივე სახუმარო შენიშვნაზე თვითონვე რომ ეცინებოდა, ცდილობდა არავის შეენიშნა.

ნიკომ ისევ შემოჰკრა დანის პირი ბოთლს.

— ნიკო ბიძია, — დაიძახა სირბილაძემ, — რას აწკარუნებ წამლაუწუმ შახტის ელმავლის მემან-
ქანესავით!..

— მომისმინეთ და გაიგებთ!

ნიკოს ბოლო სიტყვებზე სტუმრებმა ჩურჩულიც კი შეწყვიტეს. ზოგს ლუკმა შერჩენოდა პირში და თითქო ყბის მოძრაობით თამადას ხელს შეუშლიდნენ, ასე სასაცილოდ ლოყა გამობერილნი შესცქეროდნენ მას; ზოგს თავი დაეხარა, თეფშს დასცქეროდა და ისე უსმენდა.

— კოსტა ქარქაშაძე, — განაგრძო ნიკომ, — ჩვენი შახტის ერთ-ერთი უბნის გვარიანი ხელმძღვანელია, საქმის გვარიანად გაკეთებაც, მოგესხენებათ კარგია, მაგრამ, — ნიკო წამით შედგა, მერე კვლავ რიხით განაგრძო, — მე ვუსურვებდი, თუ აქამდე გვარიანი იყო, ამიერიდან სახელოვანი ყოფილიყოს თავის საქმეში ჩემსავით ეგეც მოსწრებია იმ შავბნელ ხანას, ვიღაცა გადამთიელი წუნკალი, წოვიანოვი რომ გეწოვდა სისხლს... ვმუშაობდით გათენებიდან დაღამებამდე, ჩვენი ხელით, საფლავივით გათხრილ სანგრევეებში, ქრაქის ალზე, ყოველ წუთს აფეთქების, ჩამონგრევის და დაღუპვის მოლოდინში. ვღებულობდით რაღაცა ვროშებს. ასე არ იყო, კოსტა?

— ასე იყო, — მოყრუებული ხმით დაუდასტურა

კოსტამ, რომელსაც ეტყობოდა, წარსულის გახსენება ახლაც გულს უღონებდა.

— ვცხოვრობდით, — განაგრძო ნიკომ, — ჩვენი ხელით მოწნულ და ტალახით შეთითხნილ-შელესილ ფარეხივით სადგომში, ოცი, ოცდაათი კაცი ერთად ვიწექით ერთმანეთის მიყოლებით, ხის ნარებზე, უქვეშსაგებოდ, ასე არ იყო, კოსტა?

— ასე იყო.

— ღამით სამუშაოდან დაბრუნების შემდეგ ჩვენი ხელით ვარჩევდით ლობიოს და ჩვენ-ჩვენი ქოთნით ვაბარებდით დაქირავებულ მზარეულს, რომელიც გვიხარშავდა და მეორე დღის საღამოსათვის გვახვედრებდა. ასე არ იყო, კოსტა?

— ასე იყო. რატომ მეკითხები, ვინმეს ეჭვი ხომ არ ეპარება?..

— არავის არ ვუსურვებდი ჩემთან ერთად გამოეცადა, რაც მოგახსენეთ, იმისთვის, რომ ჩემს ნათქვამში დარწმუნებულიყო! ჰოდა, ასეთ სადგომში, ლობიოთი კუქს რომ შუათანად მოვპირავდით, მაშინლა ვიგრძნობდით, ჯერჯერობით კიდევ გვედგა გაძალღებული სული. ზოგი მოყვებოდა ჭიდაობას, ზოგი კიდევ ძალ-ღონეს „იზოგავდა“, თავისი ჯიბის ხარჯზე — ქალაღდს თამაშობდა გროშებზე. ხშირი იყო გაფიცვები, რაც შეგვეძლო ვიბრძოდით ადამიანური პირობების, ადამიანური ცხოვრების მოპოვებისათვის. ახლა კი... უმაღლესი საბჭოს დეპუტატობა, ორდენები, სამ-ოთხ ათას მანეთამდე ხელფასი, მექანიზებული საშახტო

სამუშაოები, მოწყობილი ბინა — სამ-ოთხ სართუ-
ლიან სახლში, ბინაში რადიო და ტელეფონი, ცალ-
კე კლუბი, ბიბლიოთეკა, აგარაკი, ყოველი თვის
ბოლოს პრემია, წლის ბოლოს — ფულადი ჯილდო
ნამსახურობის მიხედვით, კულტურული დასვენე-
ბა, შრომა — სახელისა და დიდების საქმე, ცხოვ-
რება-ბედნიერის რომელ ჩვენგანს დაესიზმრებოდა
ასეთი რამე ზევოლუციამდე! ჩვენი კოსტა ერთი
იმათგანი იყო, რომელმაც გვარიანად იგემა ძველი
დროის სიდუხჭირე და, ახლაც ერთი იმათგანი,
რომელიც მოესწრო ჩვენი ბედნიერი ცხოვრების
დღეებს.

სტუმრებმა, აქამდე რომ ყურადღებით უსმენ-
დნენ ნიკოს, მისი სიტყვის დასრულებისთანავე
ერთბაშად ტაში დააქუხეს. შეიქნა კიქების წკრია-
ლი. როცა კოსტა ყველამ ადღეგრძელა, ახლა
თვითონ ნიკომ წამოიწყო სიმღერა ბელადზე. კა-
ცებმა ისე დასტეკეს, ისე აუწიეს ხმას, სულაც
რომ არ გცოდნოდათ სიმღერა, მაინც გაგაბედინე-
ბდათ, აგიტაცებდათ. ყველა მღეროდა. მეგიმაც
შეაშველა თავისი ხმა. იგი მალიმალ შატბიას
უტკეროდა, ატყობდა, რომ მას სმენა დალატობდა,
სწორად ვერ მღეროდა. თითქო მის გასაგონად,
მეგი ხანდახან ხმას განგებ აუწევდა ხოლმე. შატ-
ბია გრძნობდა თავის გასაჭირს და დარცხვენილი
იძულებული იყო სიმღერა შეეწყვიტა. ახლა ტუ-
ჩებმოკუმული, მხოლოდ ხორხისმიერი, მოყრუ-
ებული ხმით, გაბმული ზუზუნით ეხმატკბილებოდა

მომდერლებს. მეგი სიმღერის ტაქტზე ქუთუთოებს ახამხამებდა, თავსაც ნელა უქნევდა შატბიას, შატბია კი გაშეშებულებით შესცქეროდა და უაზროდ უღიმოდა თავის იდუმალ გამწბილებელს. კაკო დროდადრო წამოიჭრებოდა ხოლმე ზეზე, სუფრას შემოურბენდა და ვისაც ჭიქაში ღვინო ჩაეტოვებინა, ათასი ხვეწნით და თხოვნით ბოლოს მაინც აიძულებდა, რომ ჭიქა დაეცალა. ყველაზე მეტა ხვეწნა სულიკოს სჭირდებოდა, მაგრამ ბოლოს ისიც ვეღარ უტეხდა ხათრს მასპინძელს. ღვინო თუმც უკვე ყელში უყიჟყიჟებდა, მაინც თავს იმდენ ძალას ატანდა, რომ ჭიქის დაცლას რის ვაიფაგლახით ახერხებდა. ღვინის ყოველ, ცოტ-ცოტა მოსმაზე, ჩაის სქელ, თლილ ჭიქას ისეთი ავის თვალით დასცქეროდა, თითქო მისი შეჭმა სწადიაო.

სადღეგრძელოს შესმის შემდეგ, ვინ ჭამა განაგრძო, ვინ ადრე დაწყებული ბაასი.

— კოსტა! — გადასძახა ნიკომ ამხანაგს სუფრის თავიდან ბოლოში. — როგორ იქნება სამთოსკოლელების საქმე? შენ მიგყავს თუ ერთ-ორს, მაინც, მე მითმობ?

— არა, ძმაო, მე მაგათი თავი არა მაქვს, თუ გინდა სულ წაიყვანე!

ნიკომ გაბმით, დინჯად გაიცინა.

— შენ აგრე ამბობ და შახტის უფროსს კი დაუჯინია — ყველანი უკლებლად კოსტას უბანში უნდა გავუშვაო!

— საბალახოდ თუ უშვებს, იქ ბალახი არ არის, სხვაფრივ არ ვიცი...

— რატომ, ბიჭო, რამ შეგაშინა?.. მაგათ ახლა ჩვენზე მეტი იციან... ნასწავლები არიან, ბიძია!

— ეგეც ვიცი... მარტო ნაკითხი შახტში რომ არ გამოდგება, ჩემო ნიკო?

— რატომ ბიჭო! რასაც თეორიულად სწავლობდნენ, იმას პრაქტიკულადაც სინჯავდნენ, ეუფლებოდნენ! აბა რა გეგონა?

— მე ის ვიცი, მაგათთანა ახალგამოჩეკილებისთვის, შახტში მუშაობა ადვილი არ იქნება!... ვისცალია ახლა... სხვა დროს კიდევ ჰო...

— ეგ ჰო, მაგრამ, თუ წაიყვან, ნახე შენ, როგორ ამოგიდგებიან მხარში!

— კაცო, რას ჩამაცვივდი?! — იყვირა კოსტამ, — თუ აგრე მოგწონს, შენ გყავდეს, შენ ამოიყენე მხარში, მე კი, — ხორხომელიძეზე და ოდელიაზე ანიშნა თვალით, — მასეთი მეშახტეები მომწონს!

— კოსტა... მოდი, მაშინ... გავცვალოთ უბნები... შენ დაწინაურებულს გაუძეხი, მე ჩამორჩენილს. ის ათი ახალგაზრდაც მაშინ მე პერგება... რას იტყვი?

— თანახმა ვარ! — სიცილით მიუგო კოსტამ, რადგან ეგონა, ნიკო ხუმრობდა.

— სოცშეჯიბრშიაც გამომყვები?

— გამოგყვები, — კვლავ დაეთანხმა კოსტა.

არც ოდელია, არც ხორხომელიძე და ზიბზიბაძე გულისყურით არ უსმენდნენ ნიკოს და კოსტას

დავას, რადგან ისინიც ფიქრობდნენ: ნიკოს სიფხი-
წლემიაც უყვარს ხუმრობა და ახლა, როცა გადა-
კრულშია, ვის გაუკვირდება ეს ამბავიო. ისინი
უფრო მეგისტან ბაასით იყვნენ გატაცებულნი და,
მისი გონებამახვილური პასუხებიც ისევე მოსწონ-
დათ, როგორც მისი თვალწარბი.

ნიკომ მორიგი სადღეგრძელო მუშათა კლასის
ახალ თაობას უძღვნა; მან ხორხომელიძით დაი-
წყო და იმ ათი სამთოსკოლელით დაამთავრა, რო-
მელთაც ჯერ ნიკოს გარდა აქ, სტუმართაგან არა-
ვინ იცნობდა.

ნიკო თუ ძველი კადრის მუშებს დიდ პატივს
სცემდა, დასაყრდენს მაინც ახალგაზრდობაში
ეძებდა, რადგან ღრმად სწამდა, ძლიერია ის, რაც
იზრდება, დღეს იგი თუნდაც სუსტად გამოიყუ-
რებოდესო.

ძველი, გამობრძმედილი, დადინჯებული და, ახა-
ლი, ძალ-ღონე დაუოკებელი ადამიანების შეხმა-
ტკბილებული შრომა მისი უბნის . წარმატების
ერთ-ერთი „საიდუმლოებათაგანი“ იყო.

ნიკოსავით ჯერჯერობით არავის შეეძლო სხვა-
დასხვა ასაკის და ხასიათის ადამიანთა ისე შე-
რჩევა და დაჯგუფება, რომ მათი შრომა ნაყოფი-
ერი ყოფილიყო.

უცებ კიბეზე გიტარის ხმა გაისმა. სუფრაზე
ყური სცქვიტეს, ყველამ ქვემოთ იწყეს ცქერა.
მათ ახლა, თითქმის ლხინის დასასრულს, შემოგმატა
სამი კაცი: შახტის მოლარე — ბაჭუა ბრაჭული,

სასადილოს გამგე — ჰიკოლა ბუაძე და სახელგანთქმული ნიკოლოზა დალაქი. ახალმოსულთ წინ მოუძღოდა, სატევეარივით დანაზე წამოგებულ გოჭის თავით, ჰიკოლა. ბაქუა ისე ქაჩავდა გიტარის სიმებს, თითქო ლარით ბამბას პენტავსო. მათ მოწმესავით უტყვად მოჰყვებოდა გრძელი, ქერა-ულვაშიანი ნიკოლოზა. მოუნახეს თუ არა შემოსწრებულთ სუფრაზე ადგილი, შესმულ სადღე-გრძელოების ანგარიშში სამ-სამი ჰიკა სულმოუ-ოქმელად გამოაცლევინეს.

— კაცო, წყალი მოდიდებულაო და... აქაც ხომ არ მოგვადგა?! — გაკვირვებით შენიშნა ნიკომ.

— რაზე კითხულობთ, ნიკო ბიძია? — ეშმაკურად, თანაც გამომწვევად იკითხა ხორხომელიძემ.

— რაზე და, აგერ ჩვენს ბრაჰულს რომ შეეხედე, ვიფიქრე, სახლკარიანად თუ წამოუღია-მიტიქი! წელან არა თქვეს, წყალმა ბაქუას სახლს უწიაო!...

— რაც უნდა უწიოს, ჯერ ბრაჰულს წყალს როგორ გავატანთ... ხელფასი არ დაურიგებია!..

ოდელია რანუნის სიტყვებზე ბაქუასაც კი გააციინა, — ახლა ვერ გიხდით ბიძია, მაგრამ პლანეტას ვფიცავ, მალე გავსწორდებით! — პლანეტა მის ცოლს ერქვა. ამ სახელის დაფიცება და შეპირებულის შესრულება ერთი იყო. აქამდე მუხლებზე გადადებული გიტარა ბაქუამ უმაღლ გადააწოდა იმ მხარეს ჩამწკრივებულ ქალიშვილებს, საითაც თვითონ იჯდა. ისინი ჯერ უარს ამბობდნენ, არ

უნდოდათ გიტარისტვის ხელის ხლება, იშმუშნებოდნენ, ინაზებოდნენ, ცალ მხარს უარის ნიშნად მალლა სწევდნენ, მაგრამ მერე მაინც დაჰყვნენ ბაჰუას ნებას, გიტარა მორცხვად ჩამოართვეს, სუფრის თავიდან ნიკომ შეუძახა, გაამხნევა, სხეებმაც სთხოვეს და ქალიშვილებსაც უარი აღარ გაუვიდათ. გიტარის სიმების ნელ დუდუნზე შეხმატკბილებულად დაამღერეს. იმ სამ ქალიშვილს ისე მოეღერებინა ყელი, ისე ნაბავდნენ დროდადრო თვალს, ისეთი ნეტარებით მღეროდნენ, მეგის და სულიკოს უნებლიეთ ეღიმებოდათ. ეს სიმღერას კი არა, ჩიტების ჭიკჭიკს უფრო ჰგავდა. ამ ჭიკჭიკში გიტარის ხმაც ტყის გამოძახილივით მოისმოდა. დაასრულეს თუ არა მათ ისე ტკბილად შესრულებული სიმღერა, უმალ გაისმა ტაში. ნიკომ ქალიშვილებს ერთი წუთით გიტარა სთხოვა, გვერდიო მჯდომ სულიკოს რაღაც წასჩურჩულა და გიტარაც გადასცა. სულიკომ თავაზიანად გაუღიმა, წამოდგა. სუფრას თავი დაუარა და მოულოდნელად გიტარა თავის დას მიაწოდა. თითქო ასაფეთქებლად გამზადებული ყუმბარა შეეჩეჩებინოთ ხელში, მეგიმ უცებ თვალები აღმა შეატრიალა და გულწასულივით შეჰკივლა; მერე ძმას ისე შეხედა, თითქო ეუბნებოდა — „ეს რა ჰქენი შე უსინდისო“. თან გიტარისტვის ორი თითი მოევლო და აღარ იცოდა რა მოეხერხებინა. აქა-იქ ტაშიც გაიხმა, შეძახილიც — „ერთი, თქვენებურადაც გვიმღერე, ქალიშვილო“. — მეგის ვერ წარმოედგინა,

რით შეიძლებოდა დასრულებულიყო ეს უსიამოვნო ამბავი, რომ უცებ კაკო ზიბზიბაძე არ მიშველებოდა. ის მკვირცხლად წამოხტა ზეზე, უმაღლეგისთან გაჩნდა, გიტარა მოწიწებით ჩამოართვა და თითქოს სხვების მაგივრად ბოდიშს უხდისო, ხმამაღლა შენიშნა:

— რა ქალაქელი მომღერლის საქმეა გიტარა! ნიკოლოზა დალაქი ხომ არ გგონიათ?...

— რას ქვია ნიკოლოზა! — იყვირა პარიკმახერმა და ულვაშის მალა აქნეულ ბოლოზე თავმომწონედ აიკრა საჩვენებელი თითი. წამოდგომაც დააპირა, მაგრამ არ გაუშვეს, ძლივს დააშოშმინეს.

პარიკმახერს ჯარისკაცებმა „ნიკოლოზა“ სწორედ იმ დღეს შეარქვეს, რა დღესაც მეფე ნიკოლოზ მეორე ტახტიდან გადმოაგდეს.

ის მართლაც ჩამოგავდა ნიკოლოზს სახის მოყვანილობით და წვერ-ულვაშის ფერით; უცნობმა ჯარისკაცმა ისე იუკადრისა ამ სახელის შერქმევა, რომ იმ დღესვე გაიპარსა წვერ-ულვაში, „ნიკოლოზას“ კი მაინც ვერაფერი მოუხერხა. სამუდამოდ შერჩა ეს სახელი, როგორც იმ დღის სახსოვარი.

— თუ გეწყინა, — გადასძახა კაჭომ ცალი წარბის თავმომწონედ ასხლექით ნიკოლოზას, — დეინოს ნულარ დალევ, მხურვალეა!.. აგერ ხელად მოვატანიებ ჰის წყალს! — შემდეგ მეგის უფრო თავაზიანად მიუბრუნდა, — თუ ლხინის დასამშვენებლად და ჩვენი სმენის საამებლად სიმღერას არ

დაგვამადლით, დიდი მადლობელი ვიქნებით! ა, ბატონო! — ამ სიტყვებზე სწრაფად გადადგა რამდენიმე ნაბიჯი, ოთახის კარებს ორივე ხელით უბიძგა და ფართოდ გააღო, — აგერ, როიალი და... რახან სიმღერა იცით, დაკვრაც გეცოდინებათ!...

მეგის ცოტა არ იყოს, ეოცა, ოთახის სიღრმეში როიალის შავად მოლაპლაპე სახურავს რომ მოჰკრა თვალი; მის ერთ კუთხეს და ფეხს აივნის ელნათური ანათებდა.

კაკოს თხოვნაზე მეგი ცოტა წამოწითლდა, ამ უცხო საზოგადოებაში არ იცოდა რა ემღერა, დამსწრეთათვის გასაგები და მოსასმენადაც საამო რომ ყოფილიყო. როცა მეგიმ შატბიასაც შეხედა, უმალ გადაწყვიტა, ისეთი რამ ემღერა, რაც, უპირველეს ყოვლისა, მას მოეწონებოდა. ახლა მეგისთვის ეს იყო ყველაზე უფრო მნიშვნელოვანი. მხვეწნელთა რიცხვმა იმატა. უცხო ქალიშვილის წასაქმებლად და გასამხნეველად ტაშიც გაისმა. მეგიმ მოხდენილად დაუკრა თავი სტუმრებს, სწრაფად წამოდგა... შეიქნა სკამების ჰრაჭუნი და ხრიგინი. მომხიბლავ ქალიშვილს ყველა მოწიწებით უთმობდა, გზას, თავისუფლად რომ გაევილო. ყველას გაუკვირდა, როდესაც მეგიმ ოთახს კი არ მიაშურა, კიბის ბაქანზე გავიდა, თეძოთი ხის მოაჯარს ოდნავ, ფრთხილად მიეყრდნო, ცალი ხელი მკერდზე ნაზად მიისვენა, მეორე კი მადლარის ვაზს მოსჭიდა. ეტყობოდა, ამ წუთში მეგი ცოტა ღელავდა კიდევ; ადვილად შეამჩნევდით, როგორ ირხეოდა

ქრელი ჩრდილით მოხატული მკერდი. მეგი ახლა კიდევ უფრო ლამაზი ჩანდა ამ მდგომარეობაში, ამ გარემოში, ფერმკრთალი, ოდნავ თავდახრილი.

მან ცალი წარბის მოხდენილი შეტოკებით ძმას რილაც ანიშნა, ტუჩების უხმო მოძრაობითაც მიახვედრა, რის მღერაც ეწადა. სულიკომ ჩაიცინა, თავიც ოდნავ გაიქნია და ისე წამოდგა, თითქო ძალას ატანენო. ნახევარი წუთის შემდეგ ოთახიდან როიალის ხმაც მოისმა. მეგი ერთხანს გარინდებული უსმენდა როიალს, შემდეგ ნელა, თანდათანობით ასწია აქამდე დახრილი თავი და ღამის მომხიბლავ მყუდროებაში ჯერ ოდნავ გასაგონად მოისმა თითქო მთრთოლვარე, ნაზი ბგერები, მერე ხმა თანდათან გაძლიერდა, მაგრამ თვალი რომ დაგეხუჭათ, გეგონებოდათ, მომღერალი სულ რაღაც ოთხიოდე ნაბიჯზე კი არ იდგა, სადღაც, შორიდან მოისმოდა მისი ჯადოსნური და ამ ღამის იღუმალეებასთან შეხამებული ჰანგი. მეგი. ხან ყელაზიდული, ოდნავ უკან თავგადაწეული მღეროდა გატაცებით, ხან სახეს შეაბრუნებდა ხოლმე აქეთ-იქით, თავსაც გაიქნევდა, დროდადრო წარბსაც მარჯვედ შეატოკებდა, და ამას ყველაფერს, ისე ბუნებრივად, ნამდვილი ხელოვანის ზომიერებით აკეთებდა, რომ სიმღერით ტყვედ-ქმნილი მაყურებელი არ შეიძლებოდა არ მოეხიბლა მისი სახის მოძრაობასაც და ამ სახეზე, მკერდზე ვაზის ფოთლების ჩრდილთა და ნათელ ლაქათა თამაშს.

შუა სიმღერის დროს მეშახტეებმა ერთმანეთს გადახედეს, ორი-სამი კაცი წამოდგა კიდეც და, თითქო გასაქცევად მომზადებულანო, მოუსვენრად იშმუშნებოდნენ ადგილზე:

შატბია გვიან მიხვდა, „გინდ მეძინოს...“ მეგირომ მისთვის მღეროდა. ვაჟი გაოცებული უსმენდა რა განცდით, რა სიყვარულით მღეროდა ყმაწვილი ქალი; რამდენი სინაზე, სილამაზე და აღმაფრენა იყო ამ სიმღერაში, ამ ბროლივით გამკვირვალე ბგერებში. მეგიმ, როგორც დაიწყო — მინორულად, ისევე დაამთავრა სიმღერა. ხანდახან ის, მართალია, ხმას აუწევდა ხოლმე, მაგრამ არც ერთხელ ჰაერის ცივად გამკვეთი ბგერა არ ამოსულა მისი ნაზად შოღერებული ყელიდან. სიმღერის დასრულების შემდეგაც, ერთ წამს, მოჯადოებულნივით უძრავად იყვნენ სტუმრები, მერე ტაშით და მოწონების გამომხატველ შეძახილებით შეეგებენ მეგის.

სხვებთან ერთად შატბიაც წამოდგა, „გავგიჟდებიო“, — ფიქრობდა იგი გუნებაში და თავს დაბლა ხრიდა, რომ მეგისათვის არ შეეხედნა; ტაშის დაკვრასაც ძლივს ახერხებდა.

ჯერ კიდევე შუა სიმღერის დროს ფეხზე წამოდგარმა მეშახტეებმა — ნიკომ, კოსტამ და ხუთი-ოდე ახალგაზრდამ, სტუმრებთან ბოდიში მოიხადეს, კიბეზე სწრაფად დაეშვნენ. მასპინძელს არ გაჰკვირვებია ეს ამბავი, მაგრამ მაინც ვერ მოითმინა და წყენით გასძახა მიმავალთ;

— კაცო, რას იტყვიან, სტუმრები?!!

ნიკომ მოიხედა.

— მართალია, ქართულ სუფრას არ შეფერის, მაგრამ... რას იზამ! ზოგჯერ კაცს არ უნდა და, სუფრას კი არა, წუთისოფელს ტოვებს ხოლმე! — გამხნეების, თუ გამოსალმების ნიშნად ხელი ჰაერში შეათამაშა, მერე ქუდი შეისწორა და ბოლოს საფეხურიდან ეზოში, მოღზე ისე გადახტა, იფიქრებდით, სიყმაწვილის ჟინმა მოუარაო.

მეგიმ წელან შენიშნა, მეშახტეები რომ შუა სიმღერის დროს წამოდგნენ მას ეგონა — უთუოდ მე ვარ მიზეზი, ჩემმა სიმღერამ ააფორიაქაო; მაგრამ ახლა, მიხვდა — რა მათი აწრიალების ნამდვილ მიზეზს, ცოტა იწყინა.

კაკომ უცხო სტუმრებს აუხსნა, რომ მეშახტეს, როცა შახტში სამუშაოდ წასვლა უწყევს, ისევე ვერაფერი შეაჩერებს, როგორც ბრძოლაში მიმავალს და, ისევე ზუსტად, თავდადებით ასრულებს თავის მოვალეობას, როგორც მებრძოლი, რომელსაც დავალება მისცეს და მოკლედ მოუჭრეს — „შეასრულე!“ ამ განმარტების შემდეგ მეგისტვის ყველაფერი ნათელი გახდა. მართალია, მეგიმ სულით და გულით შატბიას უმღერა, მაგრამ საწყენი იქნებოდა მისთვის, თუ სუფრაზე ერთი ადამიანი მაინც აღმოჩნდებოდა, რომელიც მის სიმღერას არ მოუხიბლავს.

სადღეგრძელოები თამადის თანაშემწემ დაასრულა. მეგის, შემდეგაც როგორ არ ეხვეწნენ, მაგრამ

მან არასგზით აღარ იმღერა. შატბიას თუმცა გულთ ეწადა სხვა სიმღერის მოსმენაც, მაგრამ მეგისტვის თხოვნა ვერ გაებედნა, ვაითუ უნებლიეთ ვაწყენინო და თავს იკავებდა. შატბიას ახლა მარტო იმაზე მოსდიოდა გული, რომ მის ახლოს მჯდომი ბრაჭული და ნიკოლოზა თავიანთი უგვანი ხმით ცდილობდნენ ემღერათ „გინდ მეძინოს!...“. ნიკოლოზა რომ აუწყევდა, მეორე მოულოდნელად დაუწყევდა ხმას, ყელი ჩაეხრინწებოდა; ხან ნიკოლოზა უსწრებდა წინ, ხან ბრაჭული და მთვრალი კაცის ეს უთავბოლო სიმღერაც, მათეზურ ალთა-ბალთა სიარულს ჰგავდა. ბოლოს კი, იმას არა უშავდა, ჭიკოლამ რომ „აკაკაჩია“ წამოიწყო და სხვებიც აჰყვნენ.

მასპინძელი დიდად კმაყოფილი და ნასიამოვნები იყო დღევანდელი დღით. ნახშირის მონგრევის დღიური გეგმა 115 პროცენტით შეასრულა, ვაჟი და ცოლისდა ხიფათს გადაურჩა, დიდხანს რომ არ ეკარებოდა, დღეს ნიკო არაბიძეც დაიყოლია და სუფრა დაამშვენებინა, მეგის სიმღერაც მოისმინა და სტუმრებსაც გვარიანი პატივი სცა.

სტუმრები რიგრიგობით დაემშვიდობნენ მაიას, კაკოს და ქალიშვილებს, წელან ისე მიამიტად გიტარაზე რომ დაამღერეს. ახლა ყველა ბორძიკობდა და ერთმანეთს კიბეზე ჩასვლაში უფრო უშლიდნენ, ვიდრე შველოდნენ.

სტუმრები კიბის ბოლო საფეხურზე ხელმეორედ დაემშვიდობნენ მასპინძლებს; ბრაჭულმა,

ნიკოლოზამ და ჭიკოლამ მხოლოდ კიბის ზედა ბაქნამდე მიაცილეს წელან ისინი, მერე შინაურულად კვლავ სუფრას შემოუსხდნენ; მაგრამ ეზოდან მოესმა თუ არა ბრაჭულს საცეკვაოდ გახურებული ტაშის ხმა, უმალ ზეზე წამოიჭრა, აივნის მოაჯირს მიბჯენილ სკამზე თავისი მოკლე თითებით ქართული საცეკვაო დასცხო. ნიკოლოზასაც გულმა ველარ მოუთმინა, მკლავებგაშლილი კიბეზე ცეკვით ჩავიდა და ეზოში, სტუმრების წინ ჩამოუარა. ბრაჭული თან უკრავდა, თან ყივილით გასძახოდა წამდაუწუმ პარიკმახერს:

— „ფიგურა,“ ნიკოლოზა, „ფიგურა“!.. — ნიკოლოზაც ყოველ „შეხსენებაზე“ ჩაბუქნავდა, ან 'შემობზრიალდებოდა ხოლმე და, ამას ისე უხეიროდ აკეთებდა, რომ სტუმრებს სიცილისაგან უკეყებები სტკიოდათ. მაგრამ სიცილმა და მხიარულებამ კიდევ უფრო იმატა, როცა ბრაჭულმა სკამი ჭიკოლას გადასცა და თვითონ ნიკოლოზას ჩაეგება. ტაშიც უფრო გახურდა.

ახლა, თითქო სამაგიეროს უხდისო, ცეკვის დროს უეცრად შესძახებდა ხოლმე ნიკოლოზა ბრაჭულს და ისიც შეუსრულებდა თუ არა წადილს ნიკოლოზას, ახლა თვითონ დაიყვილებდა — „ფიგურა, ნიკოლოზაო!“ თან ნიშნის მოგებით დააყოლებდა — „პლანეტას ვფიცავ, გაჯობე“. ბრაჭული იქამდე იძახოდა — „ფიგურას“, ვიდრე ხორხომელიძემ არ შენიშნა — შენი ფიგურით რა „ფიგურა“ უნდა გააკეთო. ბრაჭულს თითქო ფეხი

დაუდესო, ამ შენიშვნაზე ერთი-ორჯერ გადაქანდა წინ, თავი ძლივს შეიმაგრა. დაღლილი, გაბრუებული ძლივსლა სუნთქავდა. ახლოდან ერთხელ კიდევ უნებლიეთ რომ შეავლო თვალი მეგობრულს, გაოცდა — ასეთი მაჩხი ადამიანი არა თუ ენახა, ჯერ არც კი დასიზმრებოდა. შეწყდა ცეკვა და ტაში. სტუმრები კვლავ გაიშალნენ ეზოში; თითქო სეირნობენო, ჭიშკრისაკენ წყვილწყვილად გაეშურნენ ნელი ნაბიჯით. მართლაც სასეირნო და სანეტარო მყუდრო ღამე იყო. მთვარეც, თითქო იალკიალში სეირნობსო, ხან გამოჩნდებოდა, ხან ისევ მიიმალებოდა; მაშინ ღრუბლის ნაპირებზე ოქროს ვარაყივით მოვლებული ნათელი არშია ამხელდა მის ადგილსამყოფელს.

შატბია ადრეც და მერეც, ეზოში რომ ჩავიდა, მალულად იცქირებოდა აქეთ-იქით. უნდოდა, ერთხელ მაინც მოეკრა თვალი, მიეკვლია, სად იმალებოდა თამარელა, მაგრამ ისე გაიარა ეზო და, ისე გავიდა შარაგზაზე, რომ ეს წადალი ვერ შეისრულა.

შახტის პარტორგანიზაციის მდივანი ნიკოს გზაში შეხვდა, როცა სახელგანთქმული უბნის უფროსი თავის სანგანრიგოსაკენ ეშურებოდა.

ნიკოს აღარ დასჭირვებია თავიდან იმ ამბების მოყოლა, რაც სამთოსკოლეღთა განაწილება'ს შეეხებოდა. ელიზბარს უკვე შეეტყო ტრესტის მმართველის, შახტის უფროსის და თვით ქარქაშაძის მოსაზრებაც. მან ახლა პირდაპირ, მოულოდნელი კუთხვით მიმართა ნიკოს:

— შენ რას ფიქრობ?

ნიკომ თვალეღში შეხეღა ელიზბარს, ეშმაკურად გაუღღმა.

— უკვე ყვეღაღერი გაღღღა და... არც ჩემი აზრი დაღრჩებოღა შეუტყოღელი.

— იმაღ რომ ჰკითხო — შენ სცღღები!

ელიზბარმა გამომცღღელის თვალღთ დაუწყო ცქერა უბნის უფროსს.

— რახან სამღ ერთ აზრს ემხრობა, თუ ამღთ შეღძღღება ჩემღ გამტყუნება... ნება თქვენღა! ისე კღ... მე მგონღა... ჰკვიანმა შეღძღღება სამსაც არ დაუჭეროს, ანღარიღში არ გაუწღოს იმას, რომ სამღა და... ერთღს სწორღ აზრღ გაღზღაროს!

— რამღენაღაც ვღცი, არც იმ ერთს ჰქონღა სწორღ აზრღ და წარმოღღენა.

— მე? — თავღსდაუნებღღღთ წამოღყვირა ნიკომ. — ამხანაგო ელიზბარ, თუ ჩემღ სღტყვება ერთღ მხრღვ სხვის გაბღაბრუღებაღ მიღღღთ, მეორე მხრღვ თავღს ქებაღ...

— მე ჯერ არაღფერი არ მიმიღღა! — მხრეღბის ოღღნავ აჩეჩღთ და გაკვირვებუღღის ღღმიღღღთ მიუგო ელიზბარმა. პღრღს კუთხეღში გაჩრღღღი ჰაპღროსღ

ხიზნელში დროდადრო წამით გაანათებდა ხოლმე მის სახეს, რომელიც ახლა, ოდნავ მწყურალი ეჩვენებოდა ნიკოს.

ბოლოს არაბიძემ, იმის შიშით, ვაითუ ელიზბარსაც ისეთი შთაბეჭდილება შეექმნეს, რომ ეცდებო, თავი გამოიღო, პირდაპირ მოახსენა — როგორც თვითონ ფიქრობს, კოსტას უბანს გამოცდილი ხალხის მომატება კი არ უშველის, შრომისა და საქმის სწორი ორგანიზაციაა საჭირო... და დაწვრილებით ჩამოუთვალა პარტორგანიზაციის მდივანს ის ღონისძიება, რასაც თვითონ გაატარებდა, იმ ჩამორჩენილი უბნის უფროსი რომ თვითონ ყოფილიყო.

ელიზბარი ყურადღებით უსმენდა ნიკოს და თანდათან ქკუაში უჯდებოდა მისი გონიერული მოსაზრებანი.

შახტში რომ მივიდნენ, ნიკო საგანრიგოსაკენ გაეშურა ახალი ცვლის მოსამზადებლად და გასასტუმრებლად, ელიზბარი კი შახტის უფროსს კაბინეტში ეწვია.

ცვლის გასტუმრების შემდეგ, როცა ნიკომაც შეაღო შახტის უფროსის კაბინეტის კარი, გაოცდა, ელიზბარი იქ აღარ იყო.

ლუკა ბრაზმორეული შეხვდა არაბიძეს.

— ელიზბარს ქარქაშაძის უბანში უნდა შენი გადაყვანა!

— უკვე ითათბირეთ? — გაკვირვებით მიმოიხედა ნიკომ ცარიელ კაბინეტში.

თათბირი რომ მძაფრი და მღელვარე ყოფილა, არაბიძე ამას იმ დაკმუჭვნილ-დაგრეხილი ნამწვავების დანახვამაც მიახვედრა, რომლებიც ლუკას მაგიდაზე დიდ საფერფლეშიაც რომ აღარ დატეულიყო, გარშემოც ბლომად ეყარა.

— რით ასაბუთებს ელიზბარი ჩემი გადაყვანის აუცილებლობას? — მიაპიტად იკითხა ნიკომ.

— ბევრი რამით.

— მაინც?

— ჯერ ერთი, შენც თანახმა ყოფილხარ...

— მე ვყოფილვარ?.. ამხანაგო ლუკა!..

— აქ ესწრებოდა ქარქაშაძე. იმან თქვა...

ნიკო გაიყურსა. გუნებაში კი გაიფიქრა — ერთი უყურეთ ქარქაშაძეს, ჩემი წინადადება — მოწინავე უბანში რომ გადმოიყვანონ სამუშაოდ, მოსწონებია! იფ, ტყუილი არა თქვასო.

— კიდევ?

— კიდევ, — უგუნებოდ, მწყრალად გაიმეორა ლუკამ, — კიდევ იმ სამთოსკოლელებსაც რომ ისე ჩაებლაუჭე...

ნიკომ გაიღიმა.

— რაც საქმისთვის სასარგებლოა, ყველგან უნდა ჩავებლაუჭოთ, ლუკა!

— მე ჯერ არ ვიცი, გუშინდელი მოწათფებისათვის ჩაბლაუჭება რას მოგვცემს!.. ქარქაშაძის უბანში შენი გადაყვანა კი ჩვენს შახტს დანარჩენების კულში მოაქცევს! — არასახუმროდ აღე-

ლევებულმა ლუკამ ამასობაში საფერფლეს პაპიროსის ორი ნამწვავი კიდევ მიუმატა.

— ელიზბარს თუ დავუჭერებთ, სწორედ ახლა, გადამწყვეტ დღეებში გარდატეხას რომ მივალწით, გეგმის შესრულება რომ გავადიდოთ, საჭიროა შენი გადაყვანა ქარქაშაძის უბანში, ქარქაშაძისა კი შენს უბანში. ქარქაშაძის ხელშიაც კი მოწინავე უბანი თავის დონეზე დარჩება, არაბიძის ხელში კი, ჩამორჩენილი უბანი უსათუოდ წინ წაიწევსო!..

— ეგ აზრი დაუფიქრებლადაც მიჯდება ჭკუაში და, რომ დავუფიქრდე, მაშინ ხომ ალბათ... — ნიკომ წამით შუბლი შეიკმუნხა, სუფთად გაპარსულ ნიკაპზე საგონებელში ჩავარდნილივით მოისვა ხელი. — რას ერჩი, კაცო! ელიზბარი მართალია! აწ ნახევარი წლის გეგმას კი პირნათლად შევასრულებთ და უკეთესად გადაჯგუფება ხალხისა უბნებში მერეც შეიძლება... საქმე ახლაა... ხომ აძლევდი იმ ათ ყმაწვილს ქარქაშაძეს?... თუ მე კოსტას უბანში ვიმუშავებ, ისინიც ჩემთან იქნებიან და ნახე...

— ნახვით, ვიცი, ვნახავ, მაგრამ... კარგს კი არაფერს!.. აქამდე ჩვენს შახტს შენი უბნის წყალობით მაინც ანათებდა ვარსკვლავი და ახლა, როგორც ვატყობ, ჩაგვიქრება...

— ჩვენი ვარსკვლავი არ ჩაქრება, ამხანაგო ლუკა! — ბეჯითად, ამაყი კაცის ღიმილით შენიშნა ნიკომ.

არაბიძე შინაგანად ჯერ კიდევ ყოყმანობდა. უბანი შვილივით ჰყავდა ნასათუთევი და ეძნელებოდა მისი დატოვება.

ამ ახალმა, მოულოდნელმა გარემოებამ შეიპყრო ახლა მთელი მისი არსება, მძიმედ ჩააფიქრა ძველი მეშახტე და სახელმოხვეჭილი უბნის უფროსი.

ერთი რამ, რაც მას ამხნევებდა, იყო რწმენა ელიზბარის გონება-გამჭრიახობისა. ნიკო ძალიან წუხდა, რომ ელიზბარი ხვალ მიემგზავრებოდა შეებულებაში, მაგრამ იმედი ჰქონდა, წასვლამდე კიდევ შეხვდებოდა მას და საბოლოოდ მოეთათბირებოდა.

მეგის ახლა შატბიასა და სულიკოსათვის წინ გაესწრო, რამდენიმე ნაბიჯით დაწინაურებულიყო; თითქო ამ ღამის მყუდროებას, იღუმალების ბურუსში გახვეულ სანახაობას შესტრფისო, უკან, კისერზე ხელებშემოკვლობილი, თავაწეული, გატაცებით აკვირდებოდა ღამის პეიზაჟს. ის თავიდანვე მოეჩინა ორდობის უცნაურმა სანახაობამ. გზა ისე ჩანდა, თითქო ზედ კრელი ქსოვილი დაუგიათო. თუ მძლავრად აიხედავდით, ერთმანეთში ჩახლართული, უხვად შეფოთლილი ხის ტოტებისაგან გაკეთებული ბუნებრივი თალიც სულ აქრელებული იყო.

ხის ფოთლების მუქი სილუეტი და მათს მრავალფეროვან, უსწორმასწორო კონტურებს შორის დარჩენილი ჭუჭრუტანები — ნათელი ლაქები ძალაუვნებურად იპყრობდნენ მზერას. როცა დახურული ორღობე — „ჭრელი გვირაბი“, — როგორც მეგიმ უწოდა გუნებაში, უკან მოიტოვეს, მათ თვალწინ ახლა უფრო დიადი და ლამაზი სანახაობა გადაიშალა, შორს, ღრმა ხეობით შუა გაკვეთილი დიდი ქედი ჩანდა, რომელიც რძის ქაფივით აფოფრილ ნისლის ოკეანედან თითქო თანდათან მალა იწევდა. როგორც ქედს, ისე გორაკების ფერდობებს ალაგ მთვარე დაჰნათოდა, ალაგ ღრუბლის ჩრდილი ეფინა მუქად. გორაკების ფერდობებზე შეფენილი ტყე, ალაგ ვენახი, სიმინდის ყანა, თუ ჩაის პლანტაციაც მთვარის სინათლეზე ისე ჩანდა, ისე შეხამებოდა ერთმანეთს ჩრდილში მოქცეული, თუ განათებული მიდამო, დახატული გეგონებოდათ. მეგი მალიმალ შემობრუნდებოდა ხოლმე შატბიასაკენ და ხელით ნანიშნებ გორაკისა, თუ რომელიმე ძველი შენობის ნაშთის შესახებ ეკითხებოდა — რას ეძახიანო. შატბიაც უმალ აკმაყოფილებდა მის ცნობისმოყვარეობას. შატბიას საუცხოოდ ჰქონდა შესწავლილი თავისი კუთხე; რაც გეოგრაფიის, თუ ისტორიის ძველ და ახალ წიგნებში ვერ ეპოვნა, ღრმა მოხუცების დახმარებით შეეტყო. შატბიას და მის ამხანაგებს მშობლიური მხარის ისტორიის და გეოგრაფიის შესწავლის ორგინალური „ხერხი“ ჰქონდათ „მომარჯვებული“; როცა ერთად შეიკრი-

ბებოდნენ და ლაპარაკი ჩამოვარდებოდა, ესა და ეს სოფელი, ქედი ან მდინარე, სად არის, ან ესა და ეს პიროვნება როდის მოღვაწეობდაო — ერთი თავის აზრს იტყოდა, მეორე თავისას. პირობისა-მებრ სხვები ერთ-ერთი ამხანაგის აზრს უნდა მი-მხრობოდნენ. თავის შეკავება არ შეიძლებოდა — უცოდინარობად ითვლებოდა. ვინც დამარცხდე-ბოდა, ის თავისი მომხრეებითურთ გამარჯვებულს და მის მომხრეებს პატიჟობდა ხილზე, ღვინოზე ან კინოში. დამარცხებული ისე ბეჯითად იმახსოვ-რებდა, რა მიზეზითაც წააგო და ხარჯი გასწია, რომ ძილშიაც კი ახსოვდა და რევანშისათვის მეო-რე დღესვე მზად იყო.

მეგის ბავშვივით გაეხარდა, როცა ხევგაღმა, მა-ლლობზე, შატბიას სახლი შენიშნა. შატბიაც მოი-ხმო და ამცნო ეს ამბავი. შემდეგ, იმ გორაკიდან მთავარი ქედისკენ თვალი გააყოლა ერთმანეთზე მიწყობილ სხვა გორაკებსაც. ერთ-ერთი მათგანის თავზე, უცებ, ზემოდან განათებულ და გულჩაბუ-რულ ხეთა ჯგუფს, რაღაც დიდ თეთრ ლაქასაც რომ მოჰკრა თვალი, კვლავ შატბიას მიუბრუნდა:
— იქ რაღაა?!

შატბიას გაელიმა.

— ძველი ნაციხარი... ასწლოვანი მუხები, ცაყ-ხეები და... — შატბიას კიდევ უნდოდა რაღაც ეთ-ქვა, მაგრამ თავი შეიკავა.

მეგის თითქო ყური აღარ უგდია შატბიას ბო-ლო სიტყვებისათვისო, უცებ ჟინიანად შეიშმუშნა.

— თითქო შემცივდა. — გაიკვირვა, შატბიას შეხედა, მერე შიშველი მკლავები მკერდში ჩაიკრა.

— დიახ, ცოტა აგრილდა!.. ვერ მოვიფიქრე, მეოქვა, რამე წამოგელოთ...

— სოფელია, ქალბატონო! აქაც ისე ხომ არ გეგონათ, დღისით მზეზე გახურებული ქვის შენობები და ასფალტი ნაშუალამემდე რომ „ათბობს“ ქალაქს. — დაცინვით შენიშნა სულიკომ.

— დედაქალაქს არა ჰგავს, მაგრამ აქაც ქალაქია! მეშახტეთა ქალაქი! — თავაზიანი ღიმილით, თანაც სიამაყის ფარული გრძნობით აუწყა შატბიამ სულიკოს.

მეგიმ მადლიერის თვალით შეხედა შატბიას. ქალიშვილმა ეს შენიშვნა ისე გაიგო, როგორც გამოსარჩლება, „სუსტი არსებისათვის“ რაინდულად მხარის დაჭერა. უცებ მათ შუა ჩადგა, მარჯვენა ხელი შატბიას მკლავს მოსჭიდა, მარცხენა სულიკოს მკლავს.

— თქვენ მართლა შეგცივნიათ! — გაკვირვებით გადმოხედა შატბიამ მეგის.

— რას კანკალებ, გოგო! ბევრი აღარ დარჩენილა, მივალთ შინ და... — დაუფიქრებლად წამოიძახა სულიკომ. „გოგოს“ გაგონებაზე მეგიმ გამგმირავად შეხედა ძმას. ის ახლა ისე იყო გამწყვრალი ძმაზე, რარიგ „გამგმირავიც“ უნდა ყოფილიყო, მართო შეხედვით არ დაკმაყოფილდებოდა, მაგრამ უცებ შატბიას ხმა მოესმა და უმაღლესი მისკენ იბრუნა პირი.

— თუ ისურვებდით და იგუებდით... შემიძლია, ჩემი პიჯაკი... — ყოყმანით შესთავაზა შატბიამ, რადგან დარწმუნებული იყო, ქალიშვილი უცხო ვაჟის სამოსს არ წაიკარებდა.

— მერე, — უმალ შესცინა მეგიმ, — რას ემგვანება, მე დამთბეს და თქვენ შეგცივდეთ! — მეგის თვალები ახლა შატბიას მწერას გასაქანს არ აძლევდნენ.

მეგის ასე ცქერა შატბიასათვის უფრო-ძვირფასი და მწველი იყო, ვიდრე პიჯაკის სითბო. ახლა მას სიცივით სულიც რომ ამოხდომოდა, თავს ბედნიერად ჩათვლიდა, ოღონდ ეს მომხიბლავი ქალწული რითიმე მისი მადლიერი ყოფილიყო.

შატბიას კითხვა აღარ გაუმეორებია, ქალს ბოდის მოხდით ხელი შეაშვეებინა, უმალ მოხდენილად გადაიძრო პიჯაკი და ისე ფრთხილად მოასხა მხრებზე მეგის, რომ მან ჯერ საამო სითბო იგრძნო, შემდეგ ქსოვილის შეხება.

მეგიმ მადლიერის თვალით გადახედა ჭაბუკს. კვლავ გაუყარა მკლავში ხელი და, სულიკომ იმით კმაყოფილმა, რომ პიჯაკის დათმობა მას არ მოუხდა, შატბიამ, იმით გახარებულმა, რომ მისი პიჯაკი მეგის ესხა მხრებზე, მეგიმ საამოდ ჩამთბარმა, შატბიას ყურადღებით ნასიამოვნებმა, ისევ უდარდელად განაგრძეს გზა.

— მაშ იქ ძველი ნაციხარია? — კვლავ იკითხა მეგიმ და გორაკის ქოჩორს ცნობისმოყვარეობით მიაპყრო თვალი, — შენი ნამუშევარი სადა დგას?

— მანდ გახლავთ. — შატბიამ ხელი ისე ჩაიქნია, თითქო მეგის ეუბნებოდა — „რა მნიშვნელობა აქვსო“.

— აქა? — მოულოდნელად, გაოცებით დაიძახა მეგიმ, — სულიკო, გესმის? რა ახლოს ყოფილა შატბიას ნამუშევარი, — მერე შატბიასაც მიუბრუნდა, — რატომ არაფერს გვეუბნებოდი?! მე მეგონა, სადღაც შორს იყო...

— ასე გეჩვენება, თორემ არც ეგ იქნება ახლოს!. — უმალ გამოთქვა თავისი შიში სულიკომ.

— უფრო შორსაც რომ იყოს, მაინც... წავიდოდი!

— სადა! — დაფეთებულივით წამოიძახა სულიკომ.

— აი, იქ! შეხედე, ასე, ჩემს თითს უსწორე თვალი, — თითქო ძმას აბრაზებსო, ისე წარმოთქვა მეგიმ და გორაკისაკენ ხელითაც ანიშნა.

— ხომ არ გაგიყდი?!

— მე გთხოვ ასე ნუ მელაპარაკები, თორემ... ხმას აღარ გაგცემ, — მკაცრად მოუჭრა მეგიმ.

— ოჰ! თუ შენს ხმას არ გავიგონებ, ნერვები უფრო დაწყნარებული მექნება!

— რა სჯობია ასეთ მთვარიან და მყუდრო ღამეში, ამ გორაკებზე, ამ ბილიკებზე ხეტიალს, — ოცნებით წამოიძახა მეგიმ, — რაც მთავარია, სწორედ ამ დროს მიყვარს ქანდაკებების თვალიერება!

თუ ცაზე ღრუბლებიც მოძრაობენ, მაშინ ხომ ქანდაკებებიც თითქო გაცოცხლდებიან ხოლმე!

შატბიასაც მოეწონა მეგის აზრი; უნებლიეთ თვითონაც მოენატრა თავისი ქანდაკების მონახულება, მით უმეტეს, რომ იგი ღამით არასოდეს არ ეხილა.

მეგი მხლებლების დასტურს აღარ დაელოდა, წინ, გორაკის ბილიკზე მოხდენილად აირბინა, მერე უცებ მოუბრუნდა შატბიას და სულიკოს, ხელი დაუქნია, — თუ ვაჟკაცები ხართ, მომყევით, გული გაიმაგრეთ! — ისევ დაუქნია ხელი და ახლა ჩქარი ნახიჯით განაგრძო გზა.

— სულიკო! ქალს როგორ ჩამოვრჩეთ, სირცხვილია. — დაიძახა შატბიამ.

— სირცხვილს არ დავეძებდი, სისულელეა!.. რა მინდა ამ შუალამეზე იქ... — გორაკის თავისაკენ სულიკომ ისე გაიხედა, თითქო ანგარიშობდა, შესძლებდა თუ არა იქამდე მიღწევას.

შატბია საგონებელში ჩავარდნილიყო, მეგის ხმა და თავისი ქანდაკების ნახვის სურვილი ზემოთ უხმობდა, სულიკოს დაღრეჯილობა და წუწუნი მის იდუმალ წადილს წინ ეღობებოდა.

— წავიდეთ, კაცო! ქალს მართლა მარტო ხომ ვერ გავუშვებთ, — მიუბრუნდა ბოლოს შატბია სულიკოს.

— ჯანდაბაში წასულა!.. ასე გაგიჟებაც არ შეიძლება!.. ვეუბნებოდი, ნუ დალევ მეთქი და... რა ქალის საქმეა ღვინო!.. თავში აუვარდა, ახლა მია-

ფრენსი.. იმ ერთმა ჭიქა ღვინომ ასე მაინც როგორ იმოქმედა!

— წავიდეთ! — ხმადაბლა, მუდარის კილოთი ერთხელ კიდევ გაუმეორა შატბიამ და მკლავში ხელი გამოსდო. ორიოდ ნაბიჯი ძალით გადაადგმევინა. რახან ერთი დასძრა ადგილიდან, მერე სულიყო თავისთავად მიჰყვა შატბიას, თუმცა ბუზლუნს არ იშლიდა. მეგი მოსახვევთან შეჩერებულყო და ჩამორჩენილებს ელოდა. აქ ბილიკი ტყეში შედიოდა. სულიყომ ისე ჩაუარა გვერდით მეგის, მისთვის არც შეუხედნია. მეგიმ თვალი გააყოლა ძმას, მერე შატბიას მიუბრუნდა, მკლავში ხელი ჩასჭიდა და ტყეში მასთან ერთად გაბედულად შევიდა. ტყიდან რომ გავიდნენ, კვლავ ბილიკით განაგრძეს სვლა ზემოთ. ახლა მეტწილად მეგი შატბიას მიჰყვებოდა მკლავში ხელგაყრილი, როცა ძალზე დაქანებულ ფერდობზე ასვლა გაუჭირდებოდა, შატბიას მაჯაში ორივე ხელს ჩაავლებდა და ვაჟიც მარჯვედ აიტაცებდა მალა.

მეგი დროდადრო ისევ გადმოხედავდა ხოლმე უკან ბუზლუნით მომავალ ძმას და თითქო მას გაბრაზება აკლიაო, ცელქურად გადმოსძახებდა:

— სულიყო, თუ ბიჭი ხარ, დაგვეწიე!

შატბიას კიდევ უფრო მეტ ძალას და ხალისს მატებდა მეგის მხიარული განწყობილება. ახლა ისეთ ძალას გრძნობდა, ღვინოც ჭერ მთლად არ გამოხელებოდა, მზად იყო, აეტაცნა იგი და, ერთი შეხედვით, ბუმბულივით მსუბუქი, ცაში აწვდილ•

ხელებით სულ ციმციმ ეტარებინა გორაკის თავამდე.

რაც უფრო მალლა მიიწევდნენ, მეგის სულ უფრო და უფრო იპყრობდა შიში, ირგვლივ უჩვეულო მყუდროება სუფევდა. დროდადრო თითქო გააქრეოლო, წამით ნიავი ფოთლებს შეაშრიალებდა, და ისევ გაყუჩდებოდა მიდამო. ერთხელ კიდევ შეხვდათ პატარა ტყე, ისიც რომ გალიეს, მეგის თითქო აქამდე სული შეგუბებული ჰქონდაო, ისე ამოიოხრა, სულიკომაც კი მიაქცია ყურადღება.

— როგორა ხარ, ქალბატონო! — უცებ გაისმა მისი ხმა ამ მყუდროებაში.

— კარგად, შენ?

— მე? როცა ზემოთ ავალთ, მაშინ გეტყვი! —

გორაკის თავზე, მცირე ვაკეს ბილიკით უეცრად მიაღგნენ. სანახაობა მყის შეიცვალა. თუ აქამდე გორაკის ფერდობებზე უფრო ხშირად ნორჩი ხეები და ბუჩქები ხვდებოდათ, ახლა მათ წინ ერთბაშად აღიმართა ლაღად ტოტებგადაშლილი უზარმაზარი ხეები. თითქო სიბერეს მათთვისაც გაუდრეკია ქედით, ყველა ხე, ზოგი მთელი, ზოგიც ფულუროიანი, თავისი უზარმაზარი ტანით უცნაურად წახრილ-წამოხრილი იდგა.

ამ სანახაობის ხილვაზე სულიკოს უცებ გუნებაც შეეცვალა, გამოცოცხლდა. გზის ახლოს, სულ განაპირა უზარმაზარი ხის დაღარულ ქერქს ხელი დაჰკრა, მალლა ტოტებში შეიჭვრიტა.

— რა უხვია მიწის ძუძუ!!! როგორ გოლიათებს ზრდის და კვებავს!.. მეგი, ხედავ, რამხელაა?!

მეგიც შეეხო მუხის ქერქს, ცისკენ შემართულ მის მძლავრ, მიგრეხილ-მოგრეხილ ტოტებსაც მოესიყვარულა თვალით.

— მოხუცები ამბობენ, ეს ხე ოთხასი წლის იქნებაო. — თქვა შატბიამ.

მეგიმ გაოცებით დაახამხამა თვალები.

— იქნებ მეტისაც იყოს! — შენიშნა სულიკომ, — ჩვენ გვებევრება, თორემ ოთხასი წელიწადი მუხისათვის რაა!

სხვა ხეებიც ასევე სიყვარულით შეათვალიერეს, იმათაც სცეს პატივი თავიანთი ყურადღებით.

ახალგაზრდები უხმოდ — აჩრდილებივით დაილა-ლებოდნენ ამ ასწლოვან ხეთა მყუდრო სამფლობელოში და გაოცებით აკვირდებოდნენ მათ ზღაპრულ აგებულებას.

უცებ მეგიმ შეჰყვირა.

შატბიამ და სულიკომ მყის მიიხედ-მოიხედეს, მაგრამ ის ახლომახლო არსად ჩანდა. შატბია — უმალ ნანგრევისაკენ გაიჭრა, რომელიც ფარივით ამართულიყო გორაკის ჩაკვეთილ ფერდობის ნაპირზე. შიშით გაიფიქრა — მეგი უცაბედად ხომ არ გადავარდაო. მაგრამ შემოუარა თუ არა კედელს, დაინახა, რომ მეგი მის მიერ ქვაში გამოკვეთილ კაცის თავს წადგომოდა და გაოცებული, ახლა შატბიასა და სულიკოსაც უხმობდა თავისკენ.

თუ მეგი ნახვის უმალ აღტაცებაში მოიყვანა მო-

ხუცის პორტრეტმა, სულიკო ისე დიდ ხანს და ისე გულგრილად ათვალიერებდა შატბიას ნახელავს, კაცს ეგონებოდა, არ მოსწონს, თავისი აზრის გამხელა ვერ გაუბეღია, გამოსავალი ვერ უპოვნია და ამიტომ აყოვნებსო.

ერთხანს სამივენი ასე მდუმარედ შესცქეროდნენ ციხის კედლის ერთ წინ წამოწეულ, მოზრდილ ქვაში გამოკვეთილ მოხუცის სახეს. ეს ჰორელიეფი შატბიას იმ ნამუშევართან შედარებით, რომელიც წელან ნიკომ აჩვენა მეგის და სულიკოს, არანაკლები გულმოდგინებით იყო დამუშავებული. მოქანდაკეს შთაგონებით გამოეკვეთა მოხუცის მეტყველი ნაკვეთებიანი სახე.

შატბია, მართალია, ჯერ კიდევ არა ფლობდა ქვაში კვეთის ოსტატობას. ჰორელიეფი ერთი ღრმა ამოსუნთქვით შექმნილის შთაბეჭდილებას სტოვებდა, მაგრამ რომელი სახელმომხვეჭილი ოსტატი იტყოდა უარს — ასეთი ნაწარმოებისათვის თავის ატელიეში ერთი კუთხე მიეჩინა.

საკმაო დრო გასულიყო. მეტ ხანს აქ დარჩენა აღარ შეიძლებოდა. სახლშიაც უთუოდ მოუთმენლად ელოდნენ მათ. ახლა ისე ცივად მზირალ და დამუნჯებულ სულიკოს რომ ხედავდა შატბია, არ იცოდა, რით აეხსნა ეს ამბავი, და რა უვება იგრძნო,

როცა ბოლოს სულიკომ ხმა ამოიღო.

— თავი სიზმარში მგონია. — ღიმილით თქვა მან და ჯერ მეგის, მერე შატბიას გადახედა.

— მოგეწონა? — უმალ იკითხა მეგამ.

მცირე დუმილის შემდეგ სულიკომ იდუშალის ხმით შენიშნა დას.

— აქ მე ახლა ყველაფერი მაკვირვებს, მომწონს და... თითქო მაშინებს კიდევ, — მერე ხელები გაშალა და ირგვლივ ისე მიმოიხედა, თითქო იქაურობას სალამს უძღვნისო. უცებ შატბიას მიუბრუნდა — თვითონ ეს კაცი სადღა მარხია? — თანაც ცალი ხელი ჰორელიეფისაკენ გაიშვირა.

შატბიამ უმალ თვალით ანიშნა.

სულიკომ ერთი ნაბიჯით უცებ მოწიწებით დაიხია უკან, მხოლოდ ახლა შენიშნა, პატარა მოგრძო ბორცვი, რომლის ნაპირზედაც წელან ფეხი ედგა. ბორცვი სწორედ კედლის ნანგრევის წინ იყო, პატარა მოედანზე, რომელიც ახლა ისე დაეფარა ბალახბულახს, რომ კაცი ვერც იფიქრებდა, თუ აქ ვინმე იყო დამარხული. თვითონ კედელი ვებერთელა ფარივით აზიდული, თავში განიერი, საძირკველთან შევიწროებული, შენგრეული, აჭრელებული იყო, ალაგ მოშავო, ალაგ მოწითალო, თუ ღია მომწვანო ფერის ხავსის ლაქებით.

მას შემდეგ, რაც შატბიამ მენშევიკების მიერ მეშახტის დახვრეტის ამბის თხრობა დაასრულა, სულიკო ერთხანს ისევ უკირკიტებდა, გულმოდგინედ აკვირდებოდა ჰორელიეფს, თითქო კიდევ დარჩა

მასში რაღაც ამოუცნობიო; მერე უსიტყვოდ გამობრუნდა, ხელები დაიბერტყა და რაღაც შეშფოთებულის კილოზე იკითხა:

— არ წავიდეთ?..

— რახანია გელოდებით! — თავაზიანად, ხმადაბლა შენიშნა შატბიამ და მეგისაც გადახედა.

მეგის შატბიასათვის არაფერი უთქვამს, ძმას მიუბრუნდა, გაკვირვებით ჰკითხა:

— მაინც, როგორია, შენი აზრით? კაცი გელოდება, რატომ არაფერს ეუბნები!

— მაგის შესახებ გზაში ვილაპარაკოთ, — მოკლედ მოუჭრა სულიკომ და გზა განაგრძო.

— ახლა სულ არ არის მაგაზე ლაპარაკის დრო... ხვალ, ზეგ, როცა ეზოში, მუხის ჩრდილში დავსხდებით... — დაუმატა შატბიამაც.

სულიკოს მეხსიერებაში ღრმად აღბეჭდილიყო ქვაში გამოკვეთილი მოხუცის სახის ნაკვეთები; სულ ის ედგა თვალწინ, წელან გაოცებული რომ იყო იმ უზარმაზარი ხეების ხილვით, ახლა ისე უვლიდა მათ გვერდს, თითქო ვერც კი ამჩნევდა. ბევრი ოსტატის ნამუშევარი უნახავს მას გამოფენებზედაც, ატელიეშიაც, რუკახებშიაც, მაგრამ ასე არაფერი მოსწონებია. ჯერ კიდევ არ იცოდა, ვერ გარკვეულიყო, რატომ მოხდა, რისი ბრალი იყო ეს, — მთვარიანი ღამის, პოეტური განწყობილების, თუ შატბიას ნამუშევრის მხატვრული ღირსებისა.

მან თავისი პირობა არ შეასრულა გზაშიაც მეტწილად, დუმდა. შატბია კი ამოდ ელოდა წელან

მეგის შეკითხვაზე და საყვედურზე სულიკოს გარკვეულ პასუხს.

სულიკო ახლა მარტო იმაზე ფიქრობდა, როგორ მოხერხდებოდა იმ ჰორელიეფის ლოდოდან მომტერევა და წამოღება, ან რა მიზეზი მოენახა, რით დაესაბუთებინა შატბიასათვის ამის აუცილებლობა.

ასმათი გულხელდაკრეფილი იჯდა სკამზე, მუხის ძირას. მოთმინებით ელოდა შატბიასა და სტუმარი ქალ-ვაჟის მოსვლას. მეგი და სულიკო მას დიდი ხანია აღარ ენახა და ძალიან აინტერესებდა. როგორ გამოიყურებოდნენ ახლა ისინი. დაბრუნდა თუ არა ასმათი მეზობელ სოფლიდან, სადაც ავადმყოფი ნათესავის სანახავად იყო წასული, დადლილ-დაქანცულს არც კი დაუსვენია, სული არ მოუთქვამს, სტუმრების წვევის შეტყობის უმალ, როგორც მარჯვე დიასახლისს შეეფერება, თავისებურად დატრიალდა, მოწუცი დედამთილი — დარეჯანიც მოიშველია და საგანგებო ვახშამი — ტაბაკები, ვენახის ფოთოლგადაკრული თხელ-თხელი ჭადები, ხაჭაპურები, ნახევარ საათში მზად იყო. ჩაისთვის წყლის აღუღებაც არ დაეიწყებია. ალუბლის, ლედვისა და კაკლის მურაბის ქილებსაც მოხადა თავი. შუათანა, მრგვალი მაგიდა შე-

მოსწრებულ ნიკოს გამოატანინა, კაკლის ძირას დაადგმევინა; სკამებიც ჩამოიტანეს, სუფრაგადაფარებულ მაგიდას ირგვლივ ლამაზად შემოუწყვეს. ყველაფერი მზად იყო საპატიო სტუმრებისათვის, თუმცა ზიბზიბაძესთან ქეიფის შემდეგ მათ, ასმათის ფიქრით, აღარც ჭამის თავი ექნებოდათ, აღარც სმისა. ნიკო სიამოვნებით და კმაყოფილებით ადევნებდა თვალს ასმათის დაუზარელ გარჯას. იგი თავმოყვარე კაცი იყო და ოჯახის ღირსებას, მაკბინძლის ცახელს, პირველყოვლისა, სტუმრის პატივისცემით ზომავდა.

ასმათმა რამდენჯერმე შეახსენა ნიკოს — „ერთი დაურეკე იმ შენს ზიბზიბაძეს, გვანებებს თუ არა ამალამ ჩვენს სტუმრებსო“, მაგრამ ნიკო უარზე იყო, თავს მთქნარებით, უღარდელად იფხანდა, ასმათსაც აწყენარებდა, — „რალა დარეკვა უნდა, სადაცაა გაჩნდებიანო“. იგი სტუმრების მოსვლას აღარ დალოდებია. დღეს ორჯერ მოუხდა შახტში ჩასვლა, უბნების დათვალიერება, „ბიჭების“ (როგორც ეძახდა შინაურულად, „საპატივცემლოდ“ თავისზე უმცროსებსაც და უფროსებსაც) გამხნეება, ზოგან წახმარება, ზოგან ცოტა ხმამაღლა შეძახება, სადაც საქმე ისე არ კეთდებოდა, როგორც საჭირო იყო და ვინმე ჭირვეულობდა. ახლა იმდენად დაღლას არა გრძნობდა ნიკო, რამდენადაც ხვალ დილა-უთენია ადგომაზე ფიქრი და ზრუნვა აიძულებდა, ჯან-ლონე დაეზოგა, ადრე დაწოლილიყო, რომ ძილი და მოსვენება მოესწრო.

ესეც რომ არ ყოფილიყო, არც სხვა, არც მისი უბანი რაიმე ხიფათისაგან დაზღვეული არ გახლდათ, ყოველ წუთში იყო მოსალოდნელი ნიკოს გამოძახება, ამიტომაც ის მუდამ ეშურებოდა „თვალის მოტყუებას“. ლოგინი აივნის კუთხეში გაფენილ ნოხზე გააშლევინა ასმათს. გულაღმა ნებიერად გაშოტილმა მკლავები თავქვეშ ამოიღო, მუსიკის შორეულ ხმაზე (რადიოთი თბილისიდან „აბესალომისა და ეთერის“ უკანასკნელ მოქმედებას გადმოცემდნენ) წყნარად ჩაეძინა. ახლა უკვე დარეჯანსაც ეძინა. სტუმრების მოლოდინში მარტო ასმათი ფხიზლობდა. ის არ იყო დაჩვეული გვიან ძილს, ღამის ტევას, მაგრამ თუ -საჭირო შეიქნებოდა, არც ეს უჭირდა. სხვების მიმართ აგრერიგად თავაზიანი და ლმობიერი, თავის თავისადმი მუდამ მკაცრი და დაუთმობელი იყო. ახლა ის, მიუხედავად ხანდაზმულობისა, ყმაწვილივით ყოჩაღად იჯდა სკამზე, ყურადღებით, თან რაღაც გამოუცნობი მოწიწებითა და ნეტარებით უსმენდა რადიოს. მომაკვდავი აბესალომის არია და მუსიკის ჰანგები ამ მთვარიან ღამეში, ამ საოცარი მყუდროებით მოცულ არემარეში ისე გაისმოდა, თითქო ეს ყველაფერი სადღაც სულ ახლოს ზღებო, და ასმათსაც გულუბრყვილოდ ეწადა წამომდგარიყო, აბესალომის ცოდვით დამწვარი, მიშველებოდა მომაკვდავს, მაგრამ მოჯადოებული ასმათი უნებლიეთ ადგილიდან. წამოწევის უმაღლეს გონს მოდიოდა, მკერდში კიდევ უფრო მაგრად იხუტებდა ხელებს,

თითქო ამ ამბით აღძრული საკუთარი გულისტკი-
ვილის შემსუბუქება სწადიაო. ასმათი განზრახ
წელგამართული იჯდა სკამზე, სიფხიზლე რომ არ
დაეკარგა, საკმარისი იყო, მაგიდის ნაპირს ნიდაყ-
ვით ჩამოყრდნობოდა, ან სკამის ზურგზე მიწო-
ლილიყო, თვითონ, ცხადია, ვერც კი იგრძნობდა,
ისე მოსტაცებდა თავს ძილი, შეუმჩნევლად ჩას-
თვლემდა და სტუმრებთანაც შერცხვებოდა. ჭიშ-
კართან ლაპარაკი და სიცილი რომ გაისმა, მყის
გაიფიქრა — ისინი იქნებიანო და ყმაწვილივით
ზეზე წამოიჭრა, მაგრამ ეს შეკრთომა და აფუსფუ-
სება შეატყო, რომ მას არ შეეფერებოდა, კვლავ
დაჯდა, თუმცა შინაგანად ისევ-ისე აფორიაქებული
იყო სტუმრებთან წამიწამს შეხვედრის მოლო-
დინში.

შატბიამ, თითქო ურემი უნდა შემოიყვანოსო,
ფართოდ გაულო ჭიშკრის კარი მეგის და სული-
კოს; სულიკომ სცადა კარის დაკეტვაში მიშველე-
ბოდა, მაგრამ ამ საქმეში გამოცდილმა შატბიამ
ისე მარჯვედ ჰკრა ხელი მოღებულ კარებს და ისე
სწრაფად გაუყარა ურდული რკინის ყურებში,
სულიკომ ხელის განძრევაც ვერ მოასწრო. შატბია
წელან გზაში რალაც სახუმარო თავგადასავალს
უყვებოდა მეგის, და ახლა სამივენი კვლავ მხარში
ამოუდგნენ თუ არა ერთმანეთს, შატბიამაც განა-
გრძო ამბის თხრობა. მეგი ხმამაღალი სიცილით
აწყვეტინებდა ხოლმე ვაჟს.

თუმცა ასმათს ახლა წინანდებურად აღარ

შეეძლო რადიოსათვის ყური ეგდო, მაგრამ მაინც ერეოლის მომგვრელად ერთსა და იმავე დროს ჩაესმოდა ეთერის მოთქმაც და სტუმარი ქალიშვილის უდარდელი, გამაღიზიანებელი სიცილიც.

რაწამს მეგიმ რადიოს ხმა გაიგონა, უმალ ყური ცქვიტა, ჰანგიც იცნო და ეთერის პარტიის შემსრულებელიც. მყის შედგა, საფეთქლებთანაც თმებზე ისე აიკრა ხელი, თითქო მოსმენას უშლისო. მალლა აქნეული ხელები ჰაერში შერჩა, ახლა მას თავი განზე გადაეწია, და თვალმინაბული ისე იღიმებოდა, თითქო თავის ოცნებაში რაღაცას შესტრფისო. ეთერის ხმა დროდადრო ჰაერში მკვეთრად იჭრებოდა.

შატბიას უნდოდა ეთქვა, — ბარემ მივიდეთ, დავსხდეთ მუხის ძირას, რადიოც იქვე მუხაზე არის შემოდგმული და ისე, განცხრომით მოვეუსმინოთ, მაგრამ ხედავდა-რა, მეგის ახლა ასე ესიამოვნებოდა დგომა და მოსმენა, სათქმელი გადაიფიქრა, უდროო დროს ჩარევისათვის მეგის რომ გუნებაში არ გაეკიცხა იგი. ახლა ვაჟი მოთმინებით ელოდა, ვიდრე მეგი თვითონ არ მოისურვებდა აღგილიდან დაძვრას.

მეგის ოცნება იყო, თავისი მოღვაწეობა ეთერის პარტიის შესრულებით დაეწყო. ამხანაგებთან ხშირად ცხარედ კამათობდა ამ პარტიის სხვადასხვა შემსრულებელთა ნაკლსა და ღირსებებზე. ასმათს ვერ გაეგო, რა მოხდა. შატბია და სტუმრები ჭერ კიდევ საკმაოდ შორს იყვნენ მისგან, ხეებიც ვფა-

რებოდათ, როცა ასმათი წამოდგა და ეზოში შემოსულ სტუმრებისაკენ გაემართა ნელი ნაბიჯით. პირველად მეგიმ შენიშნა ასმათი, უმაღლ შატბიას გადახედა და მერე უცებ, ლალად, მსუბუქად, თითქმის სირბილით გაეშურა ასმათისაკენ; მიახლოებისას ერთი კი შესძახა „დეიდაო“ და ასმათი გაშლილ მკლავებში მოიმწყვდია, მოეხვია. ასმათს ისე ესიამოვნა მეგის შეგებება, უნებლიეთ სიხარულის ცრემლი მოერია. ამ წუთში მისი გული სულაც არა გრძნობდა მეგი თუ სხვა ადამიანის შვილი იყო. ვიდრე ქალები ერთმანეთის კოცნა-ალერსით გულს იჭერებდნენ, შატბია და სულიკოც მოვიდნენ. ასმათს ერთი ხელი რომ მეგის წელზე ჰქონდა მოხვეული, მეორე სულიკოს გაუწოდა, ისიც მოიზიდა, გულში ჩაიკრა, საფეთქელთან ორჯერ აკოცა და შემდეგ დაძმა ასე, წელზე ხელშემოხვეული, მაგიდისაკენ წაიყვანა. მეგი ისე ნასიამოვნები, თანაც გაბრუებული იყო დღევანდელი შთაბეჭდილებებით, რომ ამდენი სიამის ერთად დატევას მისი გული — არც იყო ჩვეული და ვერც ახერხებდა ამას. აღარ იცოდა, ვისთვის დაეთმო თავისი გული, რისთვის მიექცია ყურადღება. მეგი ასმათმა გვერდით მოისვა, თანაც წელზე ისე მოხვია მკლავი, თითქო გაშვებას აღარ უპირებსო. დროდადრო, საუბარში, ფრთხილად მოიზიდავდა თავისკენ, გაუცინებდა ასმათი. მისი ხელიც და მისი მზერაც ისე ესიყვარულებოდა მეგის, რომ უნებლიეთ შატბიას მიმართ შურიც კი აღეძრა — „ასეთი

დედა ნეტავი მეც მყავდესო“. ასმათის სახის ტიპიურმა ქართულმა ნაკვთებმა და იერმა და-ძმა ისე მოხიბლა, რომ მისთვის თვალი ველარ მოეწორებინათ. მეგისა და სულიკოს დაკვირვებით შატბია საოცრად ჰგავდა დედას, და ერთმანეთისაგან მხოლოდ ის ანსხვავებდა, რომ ამ ქალის ჭერ კიდევ ნაზ, კეთილშობილურ, თანაც ტიპიურ ქართულ იერს, თითქო საოცარის ხელოვნებით გამეორებულს, შატბიას სახეში ვაეკაცური ელფერი დაჰკრავდა. საუბარში მეგი ხან დედას აკვირდებოდა, ხან შვილს და გაოცებული იყო მათი მსგავსებითაც და მათი სილამაზითაც. ასმათმა ისეთი შთაბეჭდილება მოახდინა მეგიზე, რომ ახლა მას სულაც აღარ აკვირვებდა მისი შვილის თვალტანადობა. გარეგნობის მიხედვით შატბია თავის ასაკზე ორისამი წლით უფროსი გეგონებოდათ, დედა კი თავის ასაკთან შედარებით, თუ მეტით არა, ხუთი წლით უფრო ახალგაზრდა ჩანდა, თუმც საფეთქლებთან თმებში უკვე ჭალარა შერეოდა. ეტყობოდა, თმების შევერცხლა მას არ აკრთობდა; თამამად აჩენდა მათ, თმები უკან ლამაზად გადაევარცხნა და ამით თითქო კიდევ უფრო გაესვა ხაზი თავისი ნაადრევი ჭალარისათვის.

ცოტა გაისაუბრეს თუ არა ერთმანეთში, ასმათმა, როგორც წესია, სტუმრებს დედ-მამის ჯანმრთელობის და საქმიანობის ამბავი ჰკითხა; ამ ამბებზედაც რომ მორჩინენ ლაპარაკს, ასმათმა ბოდიში მოიხადა, წელან სტუმრებს შინ რომ არ

დახვდა, მერე, წამოდგომაზე, სტუმრები მიუხკლ-
ნენ თუ არა განზრახვას, მეგიმ უცებ თვალით ანი-
შნა სულიკოს და... ერთი მარჯვენა მაჯაში სწვდა
ასმათს. მეორე — მარცხენა მაჯაში. ბევრი არწმუნა
და-ძმამ დიახახლისი—ერთი ლუკმის გასინჯვაც არ
შეგვიძლიაო, მაგრამ ვერაფერი გააწყეს. ასმათი
თავისას არ იშლიდა, ძალით იწევდა. ბოლოს შატ-
ბიაც ჩაერია — „ისე არ გამოვიდეს, რომ ჩვენი
სტუმრები სიამოვნების მაგივრად, შევაწუხო-
თო“, — ფრთხილად შენიშნა მან, მაგრამ დე-
დამ ასეთი შენიშვნისათვის უმალ დატუქსა ლმო-
ბიერი ვაჟი. ასმათს არ უნდოდა ასე საგულდა-
გულოდ მომზადებული ვახშამი ჩაშლოდა. ხუმრო-
ბით სულ ნიკოს აბრალებდა ყველაფერს. ნიკო რომ
აქ იყოს, მას ხომ ვერ გაუბედავდითო, — იცინო-
და ასმათი და სიცილში თანდათან შეუმჩნევლად
იბირებდა სტუმრებსაც.

— ნურაფერს მიირთმევთ, მე მაგიდაზე დავა-
წყობ, რაც მომეძევება, თქვენ კი უცქირეთ! — ეხვე-
წებოდა, ეფერებოდა, არწმუნებდა იგი სტუმრებს.

სტუმრები, თუმცა ჯერ კიდევ უარზე იდგნენ, მა-
გრამ ხათრით უარს ისე თამამად ვეღარ უბედავდნენ.
ისინი დარწმუნდნენ, რომ თავის წადილში ეს გულ-
უხვი, კეთილი და სათნო მასპინძელი მათთანაც
ახლა მშობელივით წრფელი იყო.

— სულ ჩემი ბიჭის ბრალია, — საყვედურიო
თქვა ასმათმა, — ჩემს მოსვლამდე ასე როგორ

ღამითანტა სტუმრები? ან ნიკო რას აკეთებდა...
ნეტავი როგორ დაიყოლია იმ ზიბზიბაძემ?!

— დედა, როგორ ლაპარაკობ?! კაკო ზიბზიბაძე
მტერს შეუჩნდა... როცა საამისო მიზეზი აქვს, მა-
შინ ხომ...

— ახლა, რამდენიც უნდა იმართლო თავი, —
კვლავ მიუბრუნდა შატბიას ასმათი, მაგრამ უცებ
შეცვალა წყრომის კილო, შვილს ალერსით შეხე-
და, — შვილო! მე, ხომ ხედავ, გაკავებული ვარ,
ხილი მაინც მოგვიტანე.

თან აუხსნა, სად ეწყო თეფშები, დანები და ხი-
ლი.

შატბია მყის წამოიჭრა ზეზე, წასვლა დააპირა,
მაგრამ მეგის სიტყვებმა შეაჩერეს.

— რახან დედაშენს ასე სწადია... შატბია! მეც
მოგეხმარები... ყველაფერს მარტო როგორ წამოი-
ღებ!..

— არ გინდა, შვილო!.. — დაუყვავა მეგის ასმა-
თმა, — ეგ, რომ უყუროთ, ერთ ურემ ხე-ტყესეზი-
დგბა ხოლმე ცალი ხელით... ორ ლარნაკ ხილს და
ორიოდე თეფშს ვერ წამოიღებს?!

— დეიდა! — თითქო დაიკნავლაო ისე წამოიძახა
მეგიმ. ამ ერთ წამოძახებაში თხოვნაც იგრძნობოდა,
ხეიწნაც, უსაზღვრო წადილიც. — განა მე ისევ
უცხო ვარ?!..

წელან ისე გულლიად შეეგებენ ერთმანეთს, რომ
ახლა არც ასმათი გრძნობდა თავს უცხოდ და უხერ-
ხულად მეგისთან, არც მეგი ასმათთან. ასმათმა

ველარაფრის თქმა ვერ მოასწრო, მეგი მკვირცხლად წამოიჭრა ზეზე და შატბიასთან ერთად ჩქარი ნაბიჯით სახლისაკენ გაემართა. მიისწრაფოდა და თან მალლა აზიდულ მხრების რხევით, ოითქო ცდილობდა ვაჟის ყურადღება მიექცია, კიბეზე სწრაფად აირბინეს. ნიკოს ხვრინვის გაგონებაზე მეგიმ უცებ ფეხის წვერებზე აიწია, მარჯვენა ხელის სალოკი თითი მიამიტურად ტუჩზე მიიღო, მარცხენა ხელი კი მაგრად ჩასკიდა შატბიას ხელს და ორივემ ასე, ფეხაკრეფით გაიარეს აივანი. ოთახში, სადაც ძველებური ვეებერთელა მოჩუქურთმებული კარადა იდგა, ბნელოდა. მხოლოდ მთვარის შუქი ადგა ფანჯრის ქვედა ნაპირს და ჩარჩოს სილუეტი დასჩენოდა იატაკს.

შატბიამ ხელჩაკიდებული მეგი ფრთხილად გაატარა ოთახში. მეგი ბრმად მისდევდა მას. შატბიამ კარადასთან შორიახლო დააყენა მეგი, თვითონ ხელის ფათურით მიაგნო და გამოიღო კარადიდან, ჯერ ერთი ლარნაკი, სიბნელეში მეგის ფრთხილად გაუწოდა, თან ნაბიჯიც გადადგა მისკენ; მეგიმ ვერ დაინახა, თუ არ დაინახა, წინ გაწვდილი ხელებით თვითონაც ერთი ნაბიჯი წადგა წინ და უცებ იგრძნო, მიხვდა, ისე ახლოს მისულიყო შატბიასთან, რომ თავისი მკერდით უკვე ვაჟის მკერდს ეხებოდა. მისი სუნთქვაც იგრძნო, შატბიას ლოყას უნებლიეთ მეგის თმის ბოლქვიც შეეხო... ისინი ვერ ხედავდნენ, მაგრამ გრძნობდნენ ერთმანეთს და ორივემ ერთად — ამ უხილავობამაც და გრძნობამაც ისე

გათამამა და კიდევ უფრო გააბრუა ისინი, ერთსა და იმავე დროს, ქალმაც, ვაჟმაც მოხვიეს მკლავები ერთმანეთს... ერთის წამით ქალ-ვაჟს ისე მოაჩვენა, თითქო სახლიც კი შებარბაცდაო. უცებ ოთახში ჰქეპასავით გაისმა იატაკზე დაცემული და ნამსხვრე-ვებად გაბნეული ბროლის ლარნაკის ხმა. შემკრთალი, ჭერ კიდევ ბურუსში მყოფი ქალ-ვაჟი მყის გაშორდა ერთმანეთს... ახლამიხვდა შატბია, თავისთავად როგორ გაეშვა ხელიდან ლარნაკი, როგორ დაიმსხვრა იგი. და იმ ერთმა წამმა როგორ შესძრა და შესცვალა მისი შინაგანი არსება.

ლარნაკის დამსხვრევის ხმა აივანზე ნიკოსაც ჩაესმა ძილში. მან ერთი კი წამოიწია, თვალები მიმოაყეცა და დაიძახა — „რა იყო“... რახან პასუხი არავის გაუცია, ირგვლივ კვლავ მყუდროება სუფევდა, იფიქრა — მომეჩვენაო და ისევ მისდო თავი ბალიშზე. მეგი და შატბია ერთხანს სულგანაბული იდგნენ ერთმანეთის შორიახლოს და აღარ იცოდნენ, როგორ მოქცეულიყვნენ, წამიწამს ელოდნენ ნიკოს და ასმათის შემოსვლას; მაგრამ მიწყნარდა თუ არა ყველაფერი, შატბიამ ახლა თვითონ გაიწია მევისკენ. ვაჟის ხელის დაკარების უმალ მეგიმ სწრაფად დაიხია უკან და ოთახის კარებთან შედგა. ვაჟი გონს მოვიდა, უცებ კვლავ კარადისაკენ მიბრუნდა, ხელის ფათურით თაროს სიღრმეში მეორე ლარნაკი მონახა. აიღო თუ არა იგი, ახლა პირველად იგრძნო რა საშინლად ღელავდა და ხელიც ისე უკანკალე-

ბდა, სულ იმის შიში ჰქონდა, ეს ლარნაკიც არ და-
ვანსხვრიოო. მეგის ხმადაბლა უხმო, მაგრამ ის
ადგილიდან არ დაძრულა, ვაჟს ახლო აღარ ეკარე-
ბოდა. შატბია იძულებული იყო, თვითონ მისული-
ყო მეგისთან, ლარნაკი და თეფშები მიეწოდებინა.
შუშის ნამსხვრევებს ისეთი ხრამახრუში გაუდიო-
და შატბიას ფეხქვეშ, გეგონებოდათ, ოთახში ვი-
ღაც მიმალულა და ორცხობილს სჭამსო.

მეგი შატბიას აღარ დალოდებია, ვიდრე ის დანა-
ჩანგალს მონახავდა, ფეხაკრეფით გაიარა აივანზე,
თან ნიკოსაკენ იხედებოდა, ხომ არ ღვიძავს, ხომ
არ გვითვალთვალეზო. კიბეზე ფრთხილად ჩავი-
და. გული ახლაც ისე უცემდა, თითქო ვინმე მოს-
დევსო, ყურშიაც კვლავ იმ დამსხვრეული ბროლის
ხმა ჩაესმოდა; მეგი ახლა გაუბედავად მიაბიჯებდა
ეზოში, ბალახზე. უცებ ისე შეცვლილიყო, დადინ-
ჯებულებო, გაგიკვირდებოდათ; დიდ საგონებელში
იყო, არ იცოდა, რით დაეწყო თავის მართლება.
რომ დამაჯერებელი და ბუნებრივი ყოფილიყო იგი.
როცა ლარნაკი მაგიდაზე დადგა და თეფშები კოხ-
ტად ჩამოარიგა, ასმათს მხარზე ხელები ფრთხილად
შეახო და თითქო პატიებას სთხოვსო, ისე უჩურ-
ჩულა.

— დეიდა, დავბრუნდები თუ არა თბილისში...
სწორედ ასეთი ლარნაკი უნდა გიყიდოთ!..

— რატომ, რისთვის, შვილო?! — ჯერ ეუცხოვა
მეგის წადილი, მერე მიხვდა... წელან რომ რაღაც

ხმაური მოესმა, იფიქრა, უთუოდ ლარნაკი გაუტყ-
დათო და, უცებ ორივე ხელი მოხვია მეგის, —
თქვენი ჭირი წაუღია, შვილო, შენ კარგად იყავი!

შატბიაც მოვიდა. ხილის გასათლელი დანები
და სამკუთხედად მოკეცილ-გაუთოვებული ხელსა-
ხოცები დედას მიაწოდა.

— ჩემი ბრალი იყო, დეიდა! — ახლა შატბიას
გასაგონადაც შენიშნა მეგიმ. — შატბიამ თურმე
ლარნაკი გამომიწოდა, მე კი ვერ დავინახე იმ
სიბნელეში, კარისკენ ზურგით ვიდექი, და...

— თქვენი ჭირი წაუღია! — კიდევ ერთხელ გაი-
მეორა ასმათმა, დანები და ხელსახოცები თვი-
თეულ თეფშს გვერდით მოუწყო. — შატბია, შვი-
ლო, რას უყურებ, მოიპატიე და გაუთაღე,
მიაწოდე ხილი სტუმრებს.

ყველანი მაგიდას შემოუსხდნენ.

შატბიას გუნებაში გაეხარდა, როცა მეგიმ დაა-
სწრო და თავისთვის აიღო ერთი მსხალი, მაგრამ
უცებ გაოცდა და სახეზედაც წამოწითლდა, როცა
მეგიმ მეორე უფრო დიდი და მწიფე მსხალი შატ-
ბიას დაუღო თეფშზე.

— გაჯობა სტუმარმა! — სიცილით შენიშნა ასმა-
თმა და თავის მხრივ სულიკოს გაუმასპინძლდა.
ახლა შატბია ყველაზე უფრო წყნარი და მორცხვი
ჩანდა.

სულიკომაც უმალ გადაუხადა სამაგიერო, ლარ-
ნაკზე ორი საუკეთესო მსხალი შეარჩია, გათალა
და ჭერ ერთი მიაწოდა ასმათს, შემდეგ მეორე.

ასმათი ახლა ისე მხიარულად იყო, ისიც დანარჩენებით ახალგაზრდა გეგონებოდათ. ძილმაც გადაუარა, დაღლასაც აღარ გრძნობდა.

ცოტა ხანს ღუმილი ჩამოვარდა. მეგი და შატბიაც განაბულიყვნენ, წელანდელი „გაუგებრობის“ ბურუსიდან თავი ჯერ კიდევ ვერ დაეღწიათ.

რადიოთი უკანასკნელ ცნობებს გადმოსცემდნენ. მთელი ქვეყნიერება ისმენდა ახლა ამ უკანასკნელ ახალ ამბებს — სად რა აშენდა ჩვენს ქვეყანაში; ვინ რა საქმეში ისახელა თავი; სად, რომელი საწარმო, თუ გიგანტი რამდენი პროცენტით ასრულებდა გეგმას. სხვებთან ერთად მეგიც და შატბიაც უსმენდნენ ამ ახალ ამბებს, მაგრამ... ახლა მათთვის ის ამბავი იყო ყველაზე ახალი, რომლის შესახებაც მხოლოდ მათ იცოდნენ, რამაც ასე აუძგერა გული და თვალის დახამხამებაში ააფორიაქა მთელი მათი არსება. შატბიას გულით ეწადა ახლა მეგისათვის შეეხედნა, რომელიც ასმათის გვერდით იჯდა, მაგრამ ვერ ბედავდა. „თავი რომ ავწიო, დედაც შემომხედავს და ჩემს თვლებში ყველაფერს ამოიკითხავსო,“ ფიქრობდა გუნებაში.

როცა ასმათი და-ძმას სტუმრის მისაღებ ოთახში შეუძღვა, მეგიმ ჯერ გაოცებით გადახედა ოთახის ერთ კუთხეში. ნიკელის საწოლზე გაშლილ ლოგინს, თავში ნახევრად კუთხეგადაკეცილ, თხელ, აბრეშუმის ვარდისფერპირიან საბანს, თეთრ, ქათქათა ზეწარს და დიდმანქანიან ფაფუკ ბალიშს. ოთახის მოპირდაპირე კუთხეში სულიკოსთვისაც

ასეთივე ლოგინი იყო გაშლილი, მხოლოდ მის საბანს ღია ცისფერი პირი ჰქონდა გადაკრული.

მეგობრებო, რაღაც გულდაწყვეტილივით გადახედა ასმათს, გუნებაში სინანულით გაიფიქრა: „დამერთო ჩემო... ისეთი ძვირფასი ლოგინი გაუშლია დიასახლისს ჩემთვის, სწორედ საქორწილო სარეცელს ჰგავსო“...

შატბიას მიბაძვით, სულიკომაც აივანზე მოისურვა დაწოლა. ასმათმა ერთხანს უშალა, არ გაცივდეთო, მაგრამ მერე მაინც შეუსრულა წადილი.

როცა ასმათმა ყველანი დააბინავა, მეგობრებისა უსურვა და ოთახიდან გავიდა, კარი ფრთხილად გაიხურა. მეგობრებო ერთხელ კიდევ მოავლო თვალი ოთახს, მერე გამორთო ელნათურა, ტანთ გაიხადა და როცა წვებოდა, სულაც არ უგრძვნია, არ უფიქრია, რომ უცხო ჰერქვეშ ათევედა ღამეს და, იმ ლოგინში კი არ იწვა, რომელსაც წლობით იჭო შეჩვეული, არამედ უცხო ლოგინში. ახლა ასეთ სუფთა და მდიდრულ საწოლში დასაძინებლადაც კი გული არ მიუვიდოდა, რომ არ სცოდნოდა — ეს შატბიას სახლი იყო და ეს ლოგინიც ასმათის ხელით იყო გაშლილი.

მეგობრებო არ ეძინებოდა. ლოგინში გულდაღმა მწოლარეს მკლავები ბალიშისათვის შემოეჭდო და თუმცა ღია სარკმელში იცქირებოდა, სამყაროს უსასრულობა, ცის ღამეული სილაქვარდე, ვარ-

სკვლავების ციმციმი და აქა-იქ ღრუბლების ნაირ-
ფერობა სრულებითაც არ მოქმედებდა ისე მომჯა-
ლოვებლად, როგორც ეს სხვა დროს უგრძნია.
ახლა მისი სმენა, მთელი გულისყური აივნისაკენ
იყო მიპყრობილი. მეგის მკაფიოდ ესმოდა, როგორ
ჩურჩულებდნენ იქ შატბია და სულიკო. ცოტა
ხნის შემდეგ ჩურჩული მიწყდა. სულიკოს ჩაეძინა.
ახლა მეგის ესმოდა — მხარის შენაცვლების დროს
როგორ გაიჭრიალებდა ხოლმე შატბიას ხის საწო-
ლი, ასევე, ძილგამკრთალ შატბიასაც ესმოდა,
როგორ იჭიმებოდა ხოლმე დროდადრო მეგის სა-
წოლის ზამბარები. ისინი თითქო ახლა ამ უცნაურ
ენით ელაპარაკებოდნენ იღუმალ ერთმანეთს.

განთიადზე, როცა მამლებმა ყივილს მოუხში-
რეს და ცაც შესამჩნევად გაბაცდა, მეგის ძლივს
ჩაეძინა.

რიქრაქზე, რამდენიმე წუთის წინ ჩათვლემილ
შატბიას უეცრად გაეღვიძა. აივნის ახლოს, ალვის
ხეზე შემოსეული ბელურები გამაყრუებლად ყივ-
ყივებდნენ. აბუზულები ოდნავ აწეულ ფრთებს
აძიგძიგებდნენ და თითქოსიგრილე ხმასაც უთრთო-
ლებსო, განთიადის საგალობელს არეულად გასძა-
ხოდნენ. მაინც, საოცარია, როგორი თავდავიწყე-
ბით, სიყვარულით უმღერის ბუნების გაღვიძებას

ეს პაწაწინა არსება; მისთვის ბუნებას არც მომხი-
ბლავი ხმა მიუმაღლებია, და არც მიმზიდველი გა-
რეგნული მორთულობა; მაგრამ, მაინც უმღერის
და ისევე უხარია, ეტრფის სიცოცხლეს, როგორც
მთების, ველების ძლიერი და თავმომწონე არსება-
ნი. შატბიამ ერთი კი დააჭყიტა თვალი და მიხვდა
თუ არა, რაშიც იყო საქმე, სახეზე მკლავ წაფარე-
ბულმა ცოტა ხანს კიდევ დაჰყო ასე, ძილ-ღვი-
ძილში, შემდეგ სწრაფად წამოიწია, ძილს რომ
ხელახლა არ წაეტყუებინა; ცალი ნიდაყვით მოა-
ჯირს დაეყრდნო და ჰერ ეზოს, მერე ცას გახედა.
ერთხანს ასე გარინდებული, თითქო ოცნებას გაუ-
ტაცნიაო, უსმენდა ჩიტების ჟივჟივს, სიოს ნელ
სისინს, დროდადრო ხეებს რომ ჩამოუქროლებდა
და ფოთლებს სასიამოვნოდ ააშრიალ-ააფარფატებ-
და. როცა კარგად ინათა, აქამდე სისხლის შედე-
დებულ ტბორივით შეფერილი ცის კიდურიც გა-
ბაცდა, ბელურების ჟივჟივიც მინელდა, მათი ხმა
აჭა-იქლა ისმოდა კანტიკუნტად. პირველი საგალო-
ბლის შემდეგ, თითქო ვალი მოიხადესო, აქამდე
აღვის ხეზე შემოსეულნი, ნელ-ნელა იფანტებოდ-
ნენ, „დღიური ლუკმის“ საშოვნელად ეშურებო-
დნენ. წელან ასე გატაცებით მომღერალნი ახლა
ეზოში თუ აივანზე ერთმანეთს ნამცეცებს ეცი-
ლებოდნენ.

შატბიამ ერთ ხანს უსმინა, მერე უცებ ისე ჩაი-
ქნია ხელი, თითქო იმ საგალობლის შემდეგ აღარ
მოსწონს ნამცეცების გულისათვის ატეხილი, ბელუ-

რების ცილობაო, მთქნარებით წამოდგა, კეფას-
თან, შემდეგ საფეთქელთან ღრმად შეაცურა თი-
თები აშლილ თმებში და ისე გულმოდგინედ მოი-
ფხანა თავი, თითქო შვების მოძვერელ, დიდი ხნის
წადილს ისრულებსო. ახლა ხელი ჩახსნილ უბეში
ჩაიყო, ილლიასთან მკერდის კუნთს ჩასჭიდა თი-
თებით და ერთ ხანს ამ მდგომარეობაში დაჰყო. კუ-
ნთის სირბილე და სითბო ესიამოვნებოდა; ესია-
მოვნებოდა ამ სითბოს შეგრძნობაც და წუხანდელ
შემთხვევის გახსენებაც, რომელიც ახლა უფრო
სიზმარს ჰგავდა, ვიდრე ცხადს. ამის მოგონებამ
უცებ გამოარკვია და შეაკრთო — „ვაი თუ შეგო-
საც ღვიძავს და მითვალთვალეხსო“, — გაიფიქრა
დარცხვენილმა, სწრაფად ამოაცურა უბიდან ხელი
და ფანჯარასაც ქურდულად გახედა. ოთახში ჯერ
კიდევ ნახევრად ბნელოდა, ფანჯრებზედაც ფარდები
იყო ჩამოფარებული. ძნელი იყო იმის შეტყობა
მეგის ეღვიძა, თუ ეძინა. გარდა ამისა, შატბიას არა-
ნაკლებ აინტერესებდა — ახსოვდა თუ არა კიდევ
მეგის წუხანდელი ღამე. იქნებ უკვე ყველაფერი
ღამეს სიზმარივით გაჰყვა, და ამაოა იმის გახსენე-
ბა, რაც იყო.

ძალიან ფრთხილობდა შატბია, სტუმარი არ გაე-
ღვიძებინა, მაგრამ ხის საწოლმა ერთხელ მაინც
ისე გაიჭრაჭუნა, როცა შატბია ნაპირზე ჩამოჯდა,
გეგონებოდათ, უანგიან ლურსმანს აძრობენო. სუ-
ლიკოს უმაღლ გაეღვიძა, გულადმა მწოლარემ ქერს
თვალი მოაეღო და შატბიასაკენ გადმობრუნდა.

— გათენდა?! — იკითხა გაკვირვებით, მკლავები გაჭიმა და ნებიერად დაამთქნარა.

— თქვენ ძილს ნუ დაიკლებთ... მე სამუშაოზე ვარ წასასვლელი...

— ასე აღრე? — სულიკომ ბალიშის ქვეშ ხელი შეცურა, საათი გამოიღო, — ხუთის ნახევარია! რა ამბავია!? ჭერ, კაცო, მგონია, მამლებსაც არ უყვი-
ლიათ!

— მამლები ახლა ნასაუზმებიც არიან, — ღიმი-
ლით შენიშნა შატბიამ, — შვიდზე შახტში უკვე
ღამის ცვლას უნდა შევეგებოთ, უბანი ჩავიბა-
როთ...

— შვიდზე?.. როდისღა გამოხვალ?

— ნაშუადღევს, სამ საათზე. თუ მანამდე არ მო-
ეწყენთ, ოთხის ნახევარზე უკვე სახლში ვიქნები.
თუმცა რა მოგაწყენთ, ღღეს, ალბათ, თქვენი საქმე-
ების მოგვარებას, ტრესტის მმართველის და სხვა
ამხანაგების ნახვას, გაცნობას, მოლაპარაკებას მო-
უნდებით.

— ტრესტის მმართველს და შახტის უფროსს
უკვე ველაპარაკე, ავუხსენი ჩემი ჩამოსვლის მიზა-
ნი. ხომ იცი, როგორც იციან ხელმძღვანელებმა,
ხელგაშლილი მიმიღეს და მერე, ვნახოთ, როცა
გულსაც გავუსინჯავ... — სულიკომ სიტყვა არ დაა-
სრულა, შატბიას გაუცინა. — ღღეს თუ რაიკომის
პარველი მდივნის ნახვაც მოვახერხე, ხვალიდან
უკვე მუშაობას შევუდგები...

სულიკოს წამოწეული თავი ბალიშის შუაგულ-

ში ნიდაყვით ჩაფლული ხელით ეჭირა, მეორე ხელი კი საბანზე ბარძაყის გასწვრივ ედო და ხანდახან ლაპარაკში იშველიებდა. გუშინ სულ სხვანაირად ეჩვენებოდა იგი შატბიას. ჩაცმული, დავარცხნილი თითქო უფრო მკაცრად გამოიყურებოდა, ახლაც ისეთი უბრალო და უდარდელი ჩანდა, უნებლიეთ გაფიქრებინებდათ, ერთ ლამეში ასე როგორ გამოიცვალაო.

შატბიას უკვე ჩაეცვა და კვლავ საწოლის ნაპირზე იჯდა, მაგრამ ვაი ამ ჯდომას. სულიკოს მასთან ლაპარაკი ეხალისებოდა, შატბიას კი სამუშაოზე აგვიანდებოდა. არ უყვარდა გვიან მისვლა.

დედა უკვე საზაფხულო სამზარეულოში საქმიანობდა. ის, მართალია, სამუშაოზე არ ეშურებოდა, მაგრამ ბავშვობიდანვე მიჩვეული იყო ადრე ადგომასაც და ოჯახის საქმეების დროზე მოთავებასაც.

•ნიკო ჭის ახლოს, ხეზე მიმაგრებულ პირსაბანზე დაბანილ ხელ-პირს იმშრალებდა და თან დროდადრო სახლისაკენ იცქირებოდა; უკვირდა, შატბია რომ აქამდე არა ჩანდა. დღეს პირველი შემთხვევა იყო, რო მამამ შვილს პირის დაბანა მოასწრო.

თითქო ახლა მოაგონდაო, შატბიამ სტუმრის გასაგონად უცებ წამოიძახა — არ დამაგვიანდესო, სწრაფად წამოდგა, ლოგინი ზერელედ გაასწორა და ხელ-პირის დასაბანად გაეშურა. გრძელი, ჩინჩლიანი პირსახოცი წელზე ჩაქურის ზონარივით შემოიხვია, ლეღვის ფოთოლში გახვეული, წითელი ხელის საპონი და კბილის ფხენილიც არ დავი-

წყებია: შატბია რომ ეზოში ჩავიდა, სულიკომ გვე-
რდი იბრუნა, თავი მოიძინარა, შინაურები რომ
არ მორიდებოდნენ და თავისუფლად ევლოთ აი-
ვანზე, თუ ამოსვლა დასჭირდებოდათ.

შპურების აფეთქების შემდეგ შატბია და მისი
ამხანაგები ათ-ხუთმეტ წუთს კიდევ იცდიდნენ
საფარში. როდესაც ამფეთქებელმა მათ აცნობა,
რომ ყველა შპური თავის დროზე აფეთქებულიყო
და სანგრევში ჰაერიც ქვანახშირის ბულისაგან
უკვე გაიწმინდა, განიავდა, ყველანი ლავისაკენ გა-
ეშურნენ. ლავაში შესვლისთანავე შატბიას უპირვე-
ლესად ვენტილაციის მუშაობა აინტერესებდა.
თუ დარწმუნდებოდა, რომ ამ მხრივ ყველაფერი
რიგზე იყო, უმალ მუშაობას იწყებდა. გულმოდ-
გინედ ამოწმებდა სანგრევის ჭერს, ნაჩვევი ხელით
ჰკრავდა მას აქა-იქ წერაქვს და თუ ჭერი საეჭვო,
ფუყე ხმას არ გამოსცემდა, გულდამშვიდებული,
ახლა ფენიდან ნახევრად მოცილებულ ნახშირის
ნამტვრევებს, თუ კლდის ქანის გამოჩრილ ქიმებს
ჩამოასწორებდა წერაქვით, თან აკუმულატორული
ლამფის შუქზე ჭერში ეძებდა საეჭვო ბზარებს და
თუ სადმე შეატყობდა, რომ ჭერი სუსტი, არასაი-
მედო იყო, ნახშირის გროვისაგან ამ არეს განთა-
ვისუფლების უმალ შეუდგებოდა დროებითი სამა-

გრის ჩადგმას. ვიდრე შატბია ამ საქმით იყო გართული, კაკო ზიბზიბაძე თავის მხრავ არანაკლებ გულმოდგინებით ეძებდა მონგრეულ ნახშირის ფენაში ცუდად აფეთქებული შპურის ღრუს ძირას ჩარჩენილ აუფეთქებელ ვაზნას. ასევე გაფაციცებით ეძებდა იგი აუფეთქებელ ვაზნას ნახშირის გადმოხვავებულ ნამტვრევებში. თუ კაკო ეჭვობდა, რომ ნახშირის გროვაში აუფეთქებელი ვაზნა იყო ჩარჩენილი, ამხვეტებს აფრთხილებდა, რომ მხოლოდ ხის ნიშბებით ემუშავნათ.

როგორც კი ნახშირის გროვისაგან გაწმენდილ სანგრევში დროებითი ჩარჩოსათვის ამხვეტებმა შატბიას ადგილი მიუჩინეს, ის უმაღლესად მუშაობას. სანგრევის „ჭერი“ უკვე მოსინჯული ჰქონდა. გამზადებული ჩარჩო ხორხომელიძის დახმარებით უმაღლესად გამონამუშევარში. პასპორტის მიხედვით დამზადებული ჩარჩოები ადგილს ისე ჰოერგო, გამაგრების შემდეგ ბოძებს ოდნავაც ძვრას ვერ უზამდით. შატბიას გამართული ჩარჩოები მუდამ საიმედო იყო. თუ იგი შეატყობდა, რომ სარტყელი ჰერს მჭიდროდ არ ეკვროდა, უმაღლესობით მარჯვედ გასჰქეჰავდა მას; სოლს არასოდეს სარტყელის შუაგულში არ მოაქცევდა, რათა ფენის დაწოლისაგან ყუაფიცარი არ გაპობილიყო. შატბიას არასოდეს არა ჩვეოდა ფუსფუსი და აჩქარება. ერთი შეხედვით შეიძლება კიდევ მოგჩვენებოდათ, რომ ზანტად მუშაობსო, მაგრამ ამ საქმეში მისი, უკვე საკმაოდ გაწაფული ხელის

მოძრაობას თუ კარგად დააკვირდებოდით და, შედეგსაც შეამოწმებდით, დარწმუნდებოდით, რომ შატბიაზე უფრო სწრაფად, გულმოდგინედ და ნაყოფიერად უბანში ბევრი ვერ მუშაობდა. კაცი იფიქრებდა, შატბია ასე გულმოდგინედ იმიტომ მუშაობს, ალბათ ეს საქმე განსაკუთრებით იზიდავს და ემარჯვებაო, მაგრამ სხვა საქმეში გართულიც რომ გენახათ იგი, უნებლიეთ დარწმუნდებოდით, რომ შატბიას მარტო მებიგეობა არ ეხერხებოდა. შატბიას, თავიდანვე, ბიგების გამართვაზე უფრო მეტად იზიდავდა შპურების ხვრეტა და ნიკოს უჩუმრად მნგრეველები კიდევაც ანდობდნენ ხოლმე ამ საქმეს. შატბია მაშინ ნამდვილ მებრძოლს ჰგავდა. ღონემოჭარბებული ჭაბუკი ღინჯად, მაგრამ მთელი თავისი შეუპოვრობით, უნარით, ისე ებრძოდა ამ ქვესკნელში მომწყვდეულ შავ ფენებს, როგორც დაუნდობელ მტერს. და როცა დატენილი შპურები ზედიზედ ყრუ გუგუნით შეარყევდა ქვესკნელის დახლართულ ხვრელებს—შტრეკებს, შუროებს, ჯურღმულებივით ამოლამებულ გამონამუშევრებს, ქვერშლაგებს, გეზენკებს, თითქო მტერს სძლიაო, შატბია, სხვებთან ერთად საიმედო ადგილს მოფარებული, შეუმჩნეველად გაიღიმებდა და გულსაც მოეშვებოდა. ის დაძაბულობაც გაუვლიდა, რომლითაც შეპყრობილი იყო აქამდე, შპურების აფეთქების და ქვანახშირის ხვავრიელად მონგრევის მოლოდინში; შატბიას ხიბლავდა, ქვეცნობიერად იზიდავდა მეშახტის თავგანწირული შრომა;

გულის სიღრმეში ნიკოსაც ამართლებდა, ამ საქმეზე რომ ასე გადაგებული იყო იგი და შვილსაც ურჩევდა — სხვა ხელობა ნუ გინდაო.

შატბაას მეშახტის შრომაში უპირველესად ხიზლავდა ის დაძაბულობა, ის სიმკაცრე და ბრძოლის განწყობილება, რომელიც მუდამ თან ახლავს ამ საქმეს. მაგრამ სულ სხვა იყო ის გრძნობა, რომელიც დიდი ხანია მძლავრობდა შატბაას ნორჩ გულზე, გრძნობაზე, გონებაზე. ამ სათუთ გრძნობას, ხელოვნების სიყვარულს, ძერწვის წყურვილს ვერსაით გაქცეოდა, ვერაფრით დაეთრგუნა.

არავის ჩაუნერგავს მისთვის ეს მისწრაფება, არავის უსწავლებია თიხაში ძერწვა, მოქანდაკის თვალით ჰკრეტა ყოველი საგნისა თუ სულიერისა და ფანტაზიაში, ქვასა თუ ხის მასალაში მათი თავისებურად წარმოსახვა. ეს ისევე თანდაყოლილი მიდრეკილება და უნარი იყო, როგორც იხვის ჰუჭულისათვის გამოჩეკის უმაღლეს წყალში ცურაობა. და რაც უფრო ცდილობდა შატბაა წინ აღსდგომოდა ამ მიდრეკილებას, ამ წადილს, მით უფრო ძლიერად იმორჩილებდა მის არსებას ეს უძლეველი უცნაური გრძნობა.

ცხადია, ამგვარი მისწრაფებისათვის შატბაას ვერავითარი ახსნა ვერ მოენახა, რათა ნიკოს წინაშე თავი ემართლებინა და დაერწმუნებინა ძველი მეშახტე თავის „უცოდველობაში“.

პირველ ცვლას ერთი საათილა დარჩენოდა სამუშაოდ. მნგრეველებიც, მეზიგეებიც, ვაგონეტების

გამგორებლებიც და ქვანახშირის მტვირთავებიც უკვე საკმაოდ დაღლილნი იყვნენ, მაგრამ ყველანი ჯერაც ისეთის შეუპოვრობით მუშაობდნენ, გეგონებოდათ — საქმეს ახლახან შესდგომიანო. ლაპარაკს, მით უმეტეს, ხმამაღალ სიტყვას, იშვიათად გაიგონებდით. ყველა თავისი საქმით იყო გართული, ყველამ ზედმიწევნით იცოდა რა ევალეობდა, რა უნდა გაეკეთებინა. ერთი წადილით, ერთი მისწრაფებით იყვნენ ისინი გამსჭვალულნი, რაც შეიძლებოდა მეტი ქვანახშირი მოენგრიათ თავიანთ ცვლაში და როცა შახტიდან მზის სინათლეზე ამოვიდოდნენ, დღევანდელი წარმატების მაუწყებელ დაფის წინ ისე ჩაევიდნენ გამურულ-გალაფულეებს, რომ თავი ამაყად სჭეროდათ.

შტოლნიდან თავითფეხამდე გამურული კაცი გამოვიდა. მზის სინათლეზე მან ისე მოჭუტა და აახამხამა თვალები, გეგონებოდათ ახლახან გაუღვიძნიაო. ზარის წკრიალზე შტოლნიდან მომავალ აკუმულატორულ ელმავალს გზა უტია, რამდენიმე ნაბიჯის სიშორეზე შედგა, ნახშირით დატვირთული ვაგონეტების მწკრივს თვალი გააყოლა. ზოგ ნაკლულ ვაგონეტში ნახშირს ზემოდან წყალი მოსდგომოდა, მისი ზედაპირი შავად ლივლივებდა. საყირაოზე მომუშავენი ბუნკერში ვაგონეტის ჩა-

ცლამდე, ნახშირის თავზე მოყენებულ წყალს გულმოდგინედ ხაფავდნენ თუნუქის ჯამით.

უბნის უფროსმა როგორც იყო მოწყვიტა ხარბი მზერა ვაგონეტების მწყრივს და ჯერ კიდევ ნახშირზე ფიქრით გართულმა ბრეზენტის კურტკის მარცხენა სახელოს ნაპირი ისე გადასწია, თითქო იკაპიწებსო. საათს დახედა, გზა ჩაფიქრებული კაცის ნაბიჯით განაგრძო. ერთი წამის შემდეგ ისევ დახედა საათს გულმაღვიწყის თვალით. ახალ ცვლაში გასასვლელად მეშახტეების შეკრების დროც მოასლოვებელიყო.

ალბათ ბევრს არ მიუქცევია ყურადღება, რა საოცარი გაყუჩების ეპი დგება ხოლმე ყოველი ახალი ცვლის დაწყების წინ, სულ ერთია, სისხამი დოლაა, როცა პირველი ცვლა ეშურება შახტში, შუადღეა, თუ შუალამე. ამ დროს მეშახტეები შოსეგზაზე ჯერ კიდევ არა ჩანან. კომბინატის ეზო უკაცრიელ ადგილს ჰგავს. შეიძლება დროდადრო დისპეტჩერს მოჰკრათ თვალს ღია ფანჯარაში, რომელიც წამდაუწუმ ეძახის და პასუხობს ტელეფონით. შახტიდან ახლახან გამოსული უბნის უფროსი — ნიკო არაბიძე კომბინატის ეზოში საწარმოო გეგმის შესრულების მაჩვენებელ დაფის წინ შედგა, თვალი ცოცხლად გადაავლო ცარციტ დაწერილ ციფრებს, შემდეგ ორი თითის აკვრით კეფიდან ქუდი შუბლზე წამოსწია და თავი მოიფხანა. გეგმა თუმცა ას ერთი პროცენტით

შეესრულებინათ, მაგრამ თავისი უბნის მუშაობის
ის მაინც არ იყო კმაყოფილი.

უბნის უფროსი იქვე, დაფის წინ, ცემენტის ვიწ-
რო მოედნის ნაპირზე ჩამოჯდა, წვივებს შუა ჩა-
დგმულ აკუმულატორულ ნათურის თავი ნახევრად
შემოაბრუნა, სინათლე ჩააქრო, მერე შორეანლოს
მიმავალი ვენტილაციის უფროსი მოიხმო და პაპი-
როსი სთხოვა. ასე ცემენტის ფილის ნაპირზე ჩა-
მომჯდარი უბნის უფროსის დანახვაზე კაცი იფა-
ქრებდა, მოცლილიაო, ნამდვილად კი ათასი ფიქრა
უტრიალებდა თავში და არ იცოდა რა ეღონა, რა
გზას დასდგომოდა. უპირველეს ყოვლისა, ცხადია,
უნდა გაბანილიყო, ეს გამურულ-დალაქავებული
ბრეზენტის სპეცსამოსი და ბოტები გამოეცვალა,
მაგრამ თან იმასაც ფიქრობდა — ვაითუ ამ ცვლა-
შიაც საქმემ შახტში ჩემი ჩასვლა მოითხოვოს და
ცვლის გასტუმრებამდე რაღა აზრი აქვს გაბანვას
და ტანსაცმელის გამოცვლასო. შიოდა, მაგრამ
ჯერ ერთი, სასადილოდ დრო აღარ ჰქონდა, მეო-
რეც, ასე გამურული სახადილოში ვერ შევიდოდა.
თუ ეს სამოსი და მორთულობა შახტში უებარი და
გარემოს. შესაფერი იყო, გარეთ იგი მნახველზე
არც ისე საამო და მიმზიდველ შთაბეჭდილებას
სტოვებდა.

ნიკო ჩამოჯდა თუ არა, დადლაც იგრძნო, რამდე-
ნიმე წუთის შემდეგ, ერთი პირობა, ადგომა რომ
დააპირა, ისიც კი დაეზარა; „ცუდად არის ჩემი
საქმე, სიზარმაცე მერევაო“, გაიფიქრა და მარდად

წამოდგა, ნათურაც მარჯვედ ჩამოიკიდა კისერზე კაუჭიანი მავთულით, თავის თავს კი გამოუტყდა — დაღლილი ვყოფილვარო, მაგრამ გუნებაში უმალ შეესიტყვა თავის უნებლიე აღიარებას — განა თქმულა როდისმე უბნის უფროსის დაღლაო.

ასე ეგონა, ახლა ყველაფერმა ჩემთვის მოიცალაო. გუშინ, მომხვეტი ტრანსპორტერის თავის სახელდახელო შეკეთების დროს მოადგილე დაუშავდა, დასხლეტილი რკინის ნაჭერი თავში მოხვდა. მის მაგივრად ნიკოს სამ ცვლაში ორჯერ უკვე მოუხდა შახტში შესვლა. ესეც რომ არ ყოფილიყო, თვის ბოლო რიცხვებში ყოველთვის მეტი დაძაბულობა და ფუსფუსია. ყველა ცდილობს თავიც ისახელოს, უბანიც ასახელოს, შახტიც, კომბინატიც, ტრესტიც. ამ საწარმოო გეგმის შესრულების ციებ-ცხელების დღეებში ტელეფონების წკარუნიც გახშირდება ხოლმე. შახტის უფროსს ტრესტის უფროსი ხშირად დღის განმავლობაში რამდენჯერმე დაესხმის თავს მანქანით, ხანდახან შახტშიაც შეიხედავს, სამუშაო წერტებს დაივლის და ათისთავებსაც გაესაუბრება. შახტის უფროსი თავის მხრივ უბნის უფროსებს ეკამათება, აფრთხილებს და ღელავს, კაბინეტში გული აღარ უჩერდება, უბნის უფროსები კი სულ იმის ცდაში არიან ცალკე მიმდინარე თვის, ცალკე დღიური ნორმის შესასრულებლად ხალხი ისე დარაზმონ და ხელიც შეუწყონ, რომ ლავეებში მეტი ქვანახშირი მოიხგრეს. სამთო მოსამზადებელი სამუშაოების ოსტა-

ტებმა რაც შეიძლება მეტი მანძილით წაიწიონ თავიანთ ხაზზე, მეზიგეებმა, ამხვეტებმა, გამგორებლებმა, ელმავლის მემანქანეებმა, ვენტილაციის მეთვალყურეებმა კი მათი წარმატება უზრუნველყონ. ამ ცხარე დღეებში უბნის უფროსებს ძილისათვის აღარც კი სცალიათ. საწარმოო გეგმის — ამ სწორედ რომ თავისებური საბრძოლო დავალების — შესასრულებლად ყოველ ოცდაათხ საათში ის სამჯერ გზავნის, ხანაც თვითონ მიუძღვის მეშახტეთა ასეულებს შტრეკებით, შუროებით, ქვერშლაგებით, გეზენკებით დაღარული ქვესკნელისაკენ. მიაქვთ ამონალი, პნევმატური ჩაქუჩები, ბარწერაქვი, უშველებელი, ორ-სამ მეტრიანი საბურღავები, ხე-ტყე. წინა ცვლის მიერ სამუშაოების ახალი ცვლისათვის გადაბარების შემდეგ დიდი ხანი არ გავა, რომ აქა-იქ, შეუჩვეველისათვის თავზარდამცემად დაიღმუვლებს. ნახშირის ფენის ხვრელებში მომწყვდეული ამონალი და ზღაპრულ ცხოველის ვებერთელა ხახასავით დაბჩენილ სანგრევიდან გამოვარდება მტვერის შავი ბოლქვები. შტრეკების ჭერიდან, აფეთქების დროს უშიშარად გილს მოფარებულ მეშახტეებს აცვივით ქვანახშირის ნამცეცები, დროდადრო ამ ძალუმ ბიძგისაგან შეტორტმანებულ სივრცეში, როგორც ტყეში დიდი ქარიშხლის დროს, ისე გაიჭრიალებს ხოლმე წელში გადრეკილი ფიჭვის ბიგი...

მას მერე, რაც უბნის უფროსმა საგანრიგოს ფანჯრიდან შოსე გზაზე მომავალი მეშახტეები

შენიშნა, ათი წუთიც არ იქნებოდა გასული, მაგრამ კომბინატის ეზოში მეშახტეებს უკვე ბლომად მოეყარათ თავი. ვინც შახტიდან ორი-სამი კილომეტრის სიშორეზე ცხოვრობდა, ისინიც უკვე მოაქროლეს სარეისო მანქანით. კომბინატის მარჯვენა კარიდან საგარდერობოში ჩვეულებრივი, საზაფხულო ტანსაცმელით შესული მეშახტეები უკან ბრუნდებოდნენ უხეშ, ბრეზენტის სპეცსამოსში გამოწყობილნი. ეს ჩაცმულობა მათ ახლა თავისებურ მკაცრ იერს ჰფენდა. საგანრიგოები კომბინატის პირველ სართულში დიდი საკრებულო დარბაზის ორი მოპირდაპირე კედლის გასწვრივ იყო ჩარიგებული, როგორც შუა დარბაზიდან, ისე ერთმანეთისაგან ტიხარით განცალკევებული, გამოყოფილი. შუა დარბაზში ოც მწკრივად ეწყო სამსამი მეტრის სიგრძე მერხები. მერხების პირდაპირ, კედლის წინ, მცირე შემალლებაზე, კუთხეში იდგა კათედრა. კედელზე, მალა ეკიდა ლენინისა და სტალინის პორტრეტები, მათ შუა გაკრული იყო წითელი მატერია, რომელზედაც თეთრი საღებავით და მსხვილი ასოებით ეწერა ლოზუნგი; ქვემოთ ეკიდა სტახანოველ მეშახტეთა პორტრეტებით და მათი შრომის წარმატებების მაჩვენებელ ციფრებით გადაჭრელებული დაფა. დარბაზში შემოდინდნენ თავით ფეხამდე სპეცსამოსში გამოწყობილი მეშახტეები — ახალგაზრდები, ხნიერები, ყველანი ერთნაირად, მსახიობივით სუფთად გაპარსულნი და მხნედ მზირაღნი. მოსულთ თანდათან ემატებოდ-

ნენ ახლები. თითქმის ყველას ანთებული აკუმულატორი ეჭირა ხელში, ან კურტკის შუა ფოლაქზე, თუ კისერზე ჰქონდა ჩამოკიდებული მოკაუჭებული მავთულით. თავთავიანთ საგანრიგოს ახლოს შეკრებილი მეშახტეები მზად იყვნენ გვარის გაგონების უმაღლეს საგანრიგოში უბნის უფროსთან გამოცხადებულიყვნენ. მართალია, ყველამ იცოდა თავისი საქმე, უბნის უფროსის მოადგილეს ყველა განაწილებული ჰყავდა, მაგრამ ზოგჯერ გარემოების და მიხედვით, მაინც ხდებოდა ერთი დავალების შეცვლა მეორეთი.

უცებ დარბაზში გარმონის ხმა გაისმა. გავრილიუკის გარშემო უმაღლეს წრე შეიკრა. რომელიღაც მეშახტემ თამამად წამოიწყო სიმღერა. მას აჰყვნენ სხვებიც. გავრილიუკმა ერთბაშად მარჯვედ შეცვალა სიმღერის მოტივი ქართული საცეკვაოთი, ახლა ტაშის რიტმიული ტაკატკუცი ატყდა, მჭიდროდ შეკრული წრეც უმაღლეს გაათაროვეს ნიდაყვების კვრით და ბიჭებმა ერთი-ორი შეკივლების შემდეგ დეხიც მარდად გაუსვეს. ჭრიალებდა იატაკი, ხურდებოდა ტაში, ზრიალებდნენ ფანჯრის მინები. ამ მზიარულებაში და ალიაქოთში შახტის კომიტეტის თავმჯდომარის ნაცნობ ხმაზე გავრილიუკმა გარმონი ნელა დააკვნესა და ბოლოს სულ ჩააჩუმა; შეწყდა ცეკვაც. მეშახტეები დაიშალნენ, მერხებზე ჩამოსხდნენ. შახტკომის გვერდით, შემალღებაზე, კათედრასთან იდგა მსუქანი, შუახნის კაცი. ამ ლექტორს, ფლიუსიანივით ლოყებდაბერილსა და

ჩაფსკვნილს, ყველა მეშახტე იცნობდა. ლექტორმა, თითქო უტევსო, სამრავალჯამიერო, ხორხისმიერი ხმით რიხიანად დაიწყო ლექციის კითხვა. მაგრამ მისი სიტყვა ახლა ნახევარსაც არ ესმოდა, ყველა ცვლაში გასვლის მოლოდინში იყო. დროდადრო, დაძახების უმალ ხან ერთი მეშახტე წამოიჭრებოდა ზეზე და საგანრიგოსაკენ ეშურებოდა, ხან მეორე. ლექტორი ყურადღებას არ აქცევდა ხმაურს, ფუს-ფუსს, ისევ ისე რიხით და გულმოდგინებით განაგრძობდა ლექციის კითხვას.

დაუძახეს თუ არა ხორხომელიძესაც, წელან რომ ამხანაგთან ერთად თავგამოდებულად ცეკვავდა და თითქო შეხურებული მას შემდეგ ადგილზე მოსვენებით ველარ ახერხებდა ჯდომას, ის უმალ წამოიჭრა და საგანრიგოში გაჩნდა. უბნის უფროსს არ ეგონა, ხუ ხორხომელიძე უკვე მის ზურგს უკან იდგა და ერთი ისე იყვირა — სად არის ის ყმაწვილიო, — მისი ყვირილი ეზოშიაც გაიგონეს. გარს-შემოხვეულთა სიცილზე უბნის უფროსმა გაოცებით მიმოიხედა და თვითონაც გაეცინა, თავს წამომდგარ, ვეფხვივით ფიცხ და მოქნილ ჭაბუკის თვალებს რომ შეეფეთა მისი მზერა.

— ხორხომელიძე, ბიჭო, რაჟაა საქმე? ყველაფერი შეიგნე, რაც უნდა გააკეთო?

— როდის იყო, ამხანაგო უფროსო, რომ... — ცალკება დიმილით და ცალი მხრის შეტოკებით კითხულობს ხორხომელიძე, მაგრამ სათქმელს აღარ ამთავრებს, უბნის უფროსი რომ დავაში არ გამოი-

წვიოს და რამე საფათერაკო არ გამოუჩხრიკოს თავის თავს.

— სწორედ იმიტომ, შენი ჩამორჩენა რომ ჯერ არა თქმულა, მთავარ ინჟინერს დილით დავენაძლავე — ხორხომელიძე ამ თვეშიაც ორასი პროცენტით შეასრულებს გეზენკის გაჭრის გეგმას-მეთქი! აბა შენ იცი, არ გამაწბილო!

უბნის უფროსის სიტყვებზე აღელვებულმა და გახარებულმა ხორხომელიძემ ისღა მოახერხა, რომ მადლობის ნიშნად მარჯვენა ხელი მალა ასწია, თითქო უბნის უფროსს სალამს უძღვნისო და მყის თვალს მიეფარა.

— თუ ამ უბნიდან გადამიყვანეს, ჰო, რა ბიჭები დახვდება მწამწარეულად ქარქაშაძეს!

აქამდე კოპებშეკრულ ნიკოს სახე ერთბაშად გაებადრა. ხორხომელიძისაკენ აბზეკილი ცერით და თვალით იქ მყოფთ ანიშნა და კმაყოფილებით დასძინა:

— მაგას ჰქვია მარჯვენა ხელი! ასპროცენტიანი მეშახტეა!

გონტამაც თავი ასწია და თანხმობის ნიშნად ოღნავ გაუღიმა ნიკოს, მერე ისევ ქალაღდს დააცქერდა, თითქო ეშინოდა, ძვირფასი წუთები ფუჭად არ დამეკარგოსო. ის ისევ დაჟინებით აკვირდებოდა წარწერებით აჭრელებულ ქალაღდს, იფიქრებდით, იზებირებსო. მართლაც, ამ წუთში ის თუმცა ამ გაურკვეველ წარწერებს დასცქეროდა, მაგრამ ფიქრით შახტში იყო და ყოველი მჯუშა,

ვინც საით გაეშურა, სრული სიციხადით ედგა
ოქალწინ.

— ანდრეი, დღეს სადმე გვაკლია მუშა, ყველა
თავის ადგილზეა?

— ავადმყოფობის მიზეზით მარტო ორი კაცი
არ გამოცხადებულა, — გონტამ დაუსახელა გვა-
რები.

— გეზენკის გამყვან ბრიგადაში რომ მუშაობს,
ის, არა? მეორეც, ხე-ტყის მიწვითობილი... ეგენი
ვიცი! შემეცვლელებად ნაკლები ბიჭები არ გაგვი-
გზავნია.

— რა თქმა უნდა.

— ჩვენი შეცვლა არ ხერხდება ხოლმე, თო-
რემ... — ნიკო წამოდგა, ზურგს უკან ხელებშემო-
წყობილმა საგანრიგოში გაიარგამოიარა. უცებ კა-
რებთან კუთხეში ატუზული სპეცსამოსში გამო-
წყობილი მეშახტე შენიშნა.

— რაღას უდგებარ აქა?! — იყვირა ნიკომ, ახ-
ლოს მიექრა, დააკვირდა. მეშახტე ქერა, ჩია
ტანის ყმაწვილი იყო, მისი მუშტისხელა თავი
წარბებამდე შემალულიყო დიდი ზომის ქუდში.
ნიკოს წამოყვირებაზე ანდრეიმაც მოიხედა...

— ეგ ამხანაგი თხოულობს — დღეს მესამეს
მაგივრად მეორე ცალაში გამიშვითო.

ყმაწვილმა ისე გამომწვევად შეხედა ნიკოს, თი-
თქო უსაყვედურებდა — რა დიდი ფიქრი და გადა-
წყვეტა უნდა, რაღას მაგვიანებთ — ერთი სიტყვა
და — უმალ შახტში გავჩნდებით.

— ახლავე... გაიხადე! — მწყრაღად, როგორც ღამნაშავეს, ისე მიმართა ნიკომ ყმაწვილს. შემდეგ გონტას მიუბრუნდა. — ანდოეი, ჩეგახ იცოდე! ვინც უნდა იყოს, როცა თავის ცვლაში არ გამოცხადდება, შახტში ნუ გაუშვებ.

— ხომ ხეღავ, არ ვუშვებ, მაგრამ სჯერათ?..

ყმაწვილ მეშახტისათვის იმდენად ძოულოდნელი და საწყენი იყო უბნის უფროსის და მისი თანაშემწის ასეთი მკაცრი პასუხი, აღარ იცოღდა, რა ეთქვა, როგორ მოქცეულიყო. რატომღაც დარწმუნებული იყო თანხმობას მიიღებღდა და აქამღე უღარღელად გამოიყურებღდა.

— თუ ზოგი ასიღნია, — გღნაგრძო ნიკომ, — ზოგი კიღვე ოცღდახუთპროცენტიღნი მეშახტეც არ არის! ნაწიღლობრივე ამ ამბავში ჩენენღვა ვართ ღამნაშავე.

მეშახტემ შეატყო რა, ნიკოსთან ვერაფერს გღხღებღდა, აზრს ვერ შეაცვღლევიღებღდა, უსიტყვოდ ღატოვა საგღნრიგო. ნიკომ უკღნასკნელ ხე-ტყის მოთხოვნის ფურცელს ხელი მოაწერა და იქვე მღგომ მეშახტეს გაუწოღდა, თღნ გღაფრთხიღლა:

— ბიჭო, გუშინღელივიღთ არ მოგივიღდეს!

მეშახტემ თავი ღღაუქნია და საგღნრიგოღღან სწრაფად გავიღდა.

— რა მოუვიღდა გუშინ, — იკითხა გონტამ.

— მაგ ყმაწვიღლს... ხე-ტყე კი ღღაუტვირთია და შეუტღნია შახტში, მაგრამ ვისაც ეკუთვნოღდა, არ გღუფრთხიღებია — მოვიტღნეო. როცა მებიგეებში

ხე-ტყე მოიკითხეს, აღარსად აღმოჩნდა. თურმე დატვირთულ ვაგონეტებს „არ მიუცდიათ“, სადაც ხე-ტყის მიმწოდებელმა დააყენა, თავისით წარიხინებულან, სხვას მისდგომიან კარზე.

მას მერე, რაც უბნის უფროსმა ახალი ცვლა გაისტუმრა, საგანრიგოში ფუსფუსი და ხმაურ-მიწყდა, სიწყნარე ჩამოვარდა. ახლა მარტო დამლაგებლის ნელი ღიღინი და გრძელტარიანი ცოცხის იატაკზე ძალუმი გასმის ხმალა ისმოდა შუადარბაზიდან.

ცვლის გასტუმრების შემდეგ ნიკო მანამდე არ მოეშვა გონტას, სანამ შინ არ აიძულა წასვლა. დაშავებული გონტა თავს ჯერ კიდევ ცუდად გრძნობდა.

გონტას წასვლის შემდეგ, მალე ქვესკნელში ნაომარი ვაჟკაცებიც გამოჩნდნენ. ისინი ნელი ნაბიჯით ეშურებოდნენ კომბინატის იმ შესასვლელისაკენ, სადაც სალამფეს სარკმელებია კედელში მწკრივად გამოჭრილი. ზოგი მეშახტის კურტკის ფოლაქზე, თუ კისერზე მავთულის კავით დაკიდული ნათურა ჯერ კიდევ კიაფობდა დღის სინათლეზე. კაცი ვერც კი წარმოიდგენს, თუ ამ ოდნავ მოკიაფე შუქს რა ძალა აქვს მიწის გულში. როგორ ფანტავს შტრეკში, თუ გამონამუშევარში დამკვიდრებულ წყვდიაღს.

ზოგ მეშახტეს ახლა ძლივს მოჰქონდა მხარზე გადებული, შპურის სახვრეტი ბურლი, თუ ბურლია საბრუნავი მანქანა. მეზიგეები მოდიოდნენ თავიანთი ხერხით და ნაჯახით. ამფეთქებლებს მხარმარცხნივ ღვედით ეკიდათ შპურის ასაფეთქებელი მანქანა. ერთი შეხედვით, ამ ადამიანების ხილვა კაცს გააოცებდა, ისე არა ჰგავდნენ ისინი მათ, ვინც მიწის ზედაპირზე ეწევა შრომას. ამათგან ზოგს, ვისაც გეზენკის გაყვანაზე ან სხვაგან, სველ სამუშაოზე დაეყო რვა საათი, წყლით ისე ჰქონდათ გაჟღენთილი ბრეზენტის სამოსი და საცვლებიც, ხელი რომ მოგეჭირათ, კურტკის კალთიდან წყალი, ალბათ, წურწურით წამოვიდოდა. მაგრამ ყოველგვარ ძნელ პირობებში მუშაობას შეჩვეული მეშახტეები ამას აინუშიაც არ აგდებდნენ. მური, ლაფი და ზოგჯერ დასველებაც ჩვეულებრივ ამბად მიაჩნიათ და ვერც კი წარმოუდგენიათ, რომ ამ მდგომარეობაშიაც კი, მეშახტეს უბრალოდ, ერთხელ მაინც ცხვირი დააცემინოს. რა სიძნელეც უნდა შეხვდეთ, ეჯავრებათ წუწუნი და თუ ვინმე ასეთი აღმოჩნდება, მყის აითვალისწუნებენ.

ნიკო ახლა, როგორც კარგი მასპინძელი, ისე ხვდებოდა ყოველ მათგანს — თავისუბნელებს. თუ წელან უბნის უფროსი ახალ ცვლას რჩევა-დარიგებითა და მკაცრი დავალებით ისტუმრებდა, შახტიდან გამოსულებს ცნობისმოყვარეობით და გაფაცინებით ეკითხებოდა ჩატარებულ მუშაობის ყო

ველ წვრილმანზე — სად, რომელ სანგრევში რა გაკეთდა, როგორ შესრულდა გეზენკის გაქრის, თუ შტრეკების გაყვანის გეგმა! რა დაბრკოლებები შეხვდათ? თუ სამუშაოზე მიმავალი ცვლა სმენად იყო ქცეული და სიტყვას ძვირად ხარჯავდა, ხმას თითქმის არც იღებდა, სამუშაოდან დაბრუნებულნი, მიუხედავად დაღლილობისა, გაგიკვირდებოდათ კიდევ, ისე ხალისიანად პასუხობდნენ თავიანთ უბნის უფროსს. წარმატებები დაახლოვებით უკვე ყველასთვის ცნობილი იყო, ამის შესახებ დაფა ღალადებდა. მათ ახლა ის უფრო ალაპარაკებდათ, თუ რა დაბრკოლებები შეხვდათ თავიანთ ცვლაში. ზოგი მომნგრევი მეზიგეს უჩიოდა — რა ღმერთი უწყრება, ჩარჩოს ჩადგმას ვერ ასწრებსო, ზოგი ამფეთქებელს, დაბურღულ შპურებისადგირქებას აგვიანებს, გამოძახებისთანავე არ ცხადლებო, ზოგიც მომხვეტის მუშაობით არ იყო კმაყოფილი, ზოგიც ვენტილაციისა — სანგრევში დროდადრო სუფთა ჰაერის საკმარისი ნაკადი არ შედის და იქაურობა დროზე არ ნიავედებო. უბნის უფროსი ყურადღებით უსმენდა მეშახტეთა შენიშვნებს.

ისინი ახლა ისე მამაშვილურად, გულახდილად, საქმისადმი სიყვარულით და გულისტკივილით ლაპარაკობდნენ ერთმანეთში, გეგონებოდათ შახტის საგანრიგოში კი არა, სადმე დიდ ოჯახში არიანო. აქაურობა მართლაც ოჯახივითაა მათთვის და ყველანი ერთი ოჯახის შვილები არიან, მხოლოდ ეს

არის, პურის საჭმელად ყოველთვის ერთად არა სხდებიან. მეშახტეები დროგამოშვებით, ჯგუფ-ჯგუფად შემოდის და საგანრიგოში და მოახსენებდნენ თუ არა უბნის უფროსს თავიანთ გულსტკივილს, უმალ აბანოსაკენ ეშურებოდნენ.

ახალგაზრდა მეშახტეები — ანთაძე და ბერიძე კამათით შემოვიდნენ საგანრიგოში. ანთაძემ ხერხი და ნაჯახი იქვე, კუთხეში მიაყუდა. ის ისე იყო გაცხარებული, აღარც თავი ახსოვდა, არც იმას ერიდებოდა, რომ საგანრიგოში იმყოფებოდა და უბნის უფროსიც იქვე იჯდა.

— ამხანაგო ნიკო, — მიმართა ანთაძემ მეშახტეებთან მოსაუბრე უბნის უფროსს, — თუ ეს ყმა-წილი ხვალაც ჩემს ბრიგადაში იმუშავენს, გეგმის შესრულებას ველარ შეგპირდებით!

— რა ამბავია? — აქამდე რომ ყურადღებას არ აქცევდა, ახლა სკამზე სწრაფი შემობრუნებით იკითხა ნიკომ, წაკიდებულ მეშახტეებს ქვემოდან მწყრალად ახედა.

ანთაძე და ბერიძე ნიკოს მღუმარედ შეაცქერდნენ. ანთაძე დროდადრო თვალებს ისე გადაუბრიალებდა ხოლმე ბერიძეს, თითქო მისი დაშინება სწადიანო.

ბერიძეც, მართალია, გამწყრალი იყო, მაგრამ თითქო ამხანაგის ჯიბრზე გამომწვევად და დამცინავად სწევდა მალლა ტუჩის კუთხეს. როცა კვლავ მოესმა ანთაძის ბუზლუნი, ნიკო ხელმეორედ მოუ-

ბრუნდა მათ და უფრო მწყრალად იკითხა: — რა ანბავიაო.

— ხე-ტყეს დროზე არ მაწოდებს, — დაიწყო ანთაძემ, — რამდენი გოგოც შეხვდება გზაში, თვალს უმტერებს, ეთამაშება, საქნე კი არ ახსოვს.

— ტყუილია, მიქარავს... მაშ ის ხე-ტყე ვინ მიუზიდა?!— დინჯი კილოთი მიუგო ბერიძემ მისკენ აღმაცერად მშირალ უბნის უფროსს.

რაც უფრო ცხარდებოდა ანთაძე, მით უფრო დინჯად გამოიყურებოდა სახემოლიმარი ბერიძე.

— რომელია თქვენი ათისტავი?

— შალამბერიძე. — გაბუტულივით, შუბლს ქვე-
მოდან შემოხედა ღეხზე წამომდგარ ნიკოს ანთაძემ.

— დღესვე ყველაფერს გამოფარკვევ. — ისე მშვიდად მიუგო ნიკომ, რომ ანთაძემ უმაღლეს წყენით გაიფიქრა — არ მემხრობაო.

ანთაძე და ბერიძე ერთად გაიდნენ საგანრიგო-
დან. ანთაძე საგარდერობოსაკენ გაეშურა. ბერიძე ერთხანს დარბაზში წრიალებდა. საერთო საგანრი-
გოს კარგებთან ატუზულს ვერ გაებედა შიგ შესუ-
ლა. საგანრიგოში მთაბარი ინჟინერი მარქშიდერს
ეთათბირებოდა. მათ წინ, მაგიდაზე შახტის ერთ-
ერთი ჯობნის გაგმა იყო გაშლილი. იქვე ხის შენობ-
ბავ გრძელ მერხზე, კონტარ ჩაცმული ორი მემახ-
ტი იჯოა, მათ უკვე მოისწროთ დაბანა და გადა-
ცმა. ერთს სიელი თმა, მსხვილკბილიბიანი სავარც-
ხლით ხნულიბივით ზოლებად უკან კჷონდა გადა-
ვარცხნილი. მეორეს ირიბად, დარდიმანდულად ეხ-

ურა კეთაზე მოგდებული წინწყლებიანი მაუდის კეპი. მას ფეხი ფეხზე შემოედო, მალიმალ სწევდა და წამდაუწუმ აყრევიანებდა ფერთლს პაპაროსს. ბოლოს, მიღეულ ნამწვავიდან თუთუნიც გამო-
უცვივდა, ცარიელი ლერო თითებში მოკეცა და წკიპურტით ღია ფანჯარაში გასტყორცნა. კეპიანიც და სველთმიანიც ისე თამამად საუბრობდნენ, ისე თავისუფლად გრძნობდნენ თავს, ცხადი იყო, როგორც გუშინდელი, ისე მათი დღევანდელი წარმატებითაც ხელმძღვანელები უთუოდ კმაყოფილნი იყვნენ და ხვალ კიდევ მეტს მოელოდნენ. დიდი ხანი არ იყო, რაც მეშახტეთა ქალაქში შტრეკების ეს ორი ახალგაზრდა, მარჯვე გამთხრელი დასახლდა, მაგრამ მათი სახელი უკვე ყველამ იცოდა.

ბოლოს, გარეთ ატუზულმა ბერიძემაც გაბედა და შეაღო კარი. მისთვის არაღის შემოაოხედნია. ბერიძე იმ ორი ცნობილი გამთხრელის შორიახლო, გრძელი მერხის ნაპირზე ჩამოადა. ბერიძეს უხერხოლად მიაჩნდა მათი თანდასწრებით ეთქვა, რაც ეწადა, მაგრამ რაკი განმარტოებით მთავარი ინჰინრის მოხელთება. თითქმის შეუძლებელი იყო, მას მყოლამ გარს ეხვია ხალხი, გადააწვიცა. აოარაღის მორიდებოდა. ახლა კიდევ ვინმეს შემომარტების შიშით ადგილზე ვედარ ისვენებდა, გული მოსდიოდა. მარქშიოიოიარი რომ ლაპარაკს აჭიანურებდა მთავარ ინჰინერთან, თან დროდადრო ყურს აპყრობდა კარს. ხომ არაჟინ მოდისო. დარწმუნებული იყო, უბნის უფროსი უსათუოდ მოაკითხავდა.

როცა მთავარი ინჟინერი მარქშეიდერთან თათბირს მორჩა, საგანრიგოში მყოფთ თვალი სწრაფად მოავლო, პირველად ბერიძეს ჰკითხა: — რა გინდაო.

ბერიძე წამოდგა.

— ამხანაგო ლევან, სათხოვარი მაქვს თქვენთან, — ქუდი მოიხადა, მიშლილ-მოშლილი, გაოფლიანებული თმა გამურული თითებით შეისწორა. მეჩიანი თითების კვალი სუფთა შუბლზე ზოლებად დაეტყო. წარბებს ქვემოთ სახე მურით ჰქონდა გაშავებული, წარბებს ზემოთ კი ბუნებრივი ფერი შერჩენოდა. ამოშავებულ ფოსოში თვალის თეთრი გარსი კიქასავით უბრჭყვიალებდა. თეთრად იელვებდა ხოლმე ლაპარაკის დროს მისი კბილებიც. მუბიან სახეზე ტუჩებიც ახლა სისხლისფრად უღვიოდა, გეგონებოდათ პომადა წაუსვამსო.

— გისმენ, გისმენ, — სწრაფად მიაძახა ინჟინერმა მაგიდასთან მოახლოებულ ბერიძეს და მაგიდაზე მოფენილი ქაღალდების ცალმხარეს გადალაგებდას შეუდგა. ინჟინერი თითქო ბერტყავსო, ისე ანარცხებდა ქაღალდების დასტას თუ ბროშურებს მაგიდის ერთ მხარეზე, საითაც წიგნები სვეტებად ეწყო, ყოველ დანარცხებაზე ფანჯრიდან შემოჭრილ მზის შუქის ზოლში მტვერის კორიანტელი ჩნდებოდა.

ბერიძე კიდევ უფრო ახლოს მივიდა, ინჟინრის მაგიდის ნაპირს გამურული თითებით ფრთხილად შეეხო.

— ამხანაგო ლევან, — ხმადაბლა, მორიდებით, თხოვნის კილოზე დაიწყო ბერიძემ, — არ შეიძლება, სხვა უბანში გადამიყვანოთ?

ლევანმა სწრაფად გახედა მეშახტეს, ისევ დახარა თავი, მას ახლა უჭრა გამოელო და იქ აფათურებდა ხელებს ქალაქლებში. როგორც თითქმის ყველა უჭრაში, აქაც სრული ქაოსი სუფევდა.

— რომელ უბანში ხარ?

— მესამეში.

— არაბიძესთან?! — ლევანმა გაკვირვებით გახედა მეშახტეს. — ჯერ კაცს არ უთხოვნია, არაბიძის უბნიდან გადამიყვანეო.

— არაბიძე კარგი კაცი და ხელმძღვანელაა, მაგრამ... უბანში მარტო ის ხომ არ არის?

— მაინც, ვინ არ მოგდის თვალში?

ბერიძემ ყოყმანით მიუგო ლევანს:

— არავინ... ისე, სამუშაო არ მომწონს.

— დაიცა! შენ, მგონია... ამას წინათაც მთხოვე გადაყვანა და... გადაგიყვანე კიდევ!

— მართალია. — მიუგო დარცხვენით ბერიძემ და თავი დახარა.

— რაზე მუშაობ?

— ხე-ტყის მიმწოდებელი ვარ.

— არ მოგწონს ეგ საქმე?

— არა უშავს, მაგრამ თუ გადამიყვანთ, სხვაგან მომნგრევადაც შემიძლია ვიმუშაო...

— ამხანაგებს ვერ მონახავდა თავის შესაფერს, —

შენიშნა ღიმილით კეპიანმა. ის აქამდე ყურადღებით უსმენდა ბერიძეს.

— მერე, უბნის უფროსი გაგიშვებს? — ცნობის-მოყვარეობით იკითხა ლევანმა.

— გამიშვებს!

— ნამდვილად?!

— დიახ.

კეპიანს და მას ამხანაგს ხმამაღლა გაეცინათ.

ინჟინერსაც სახეზე ღიმილი მოერია.

— თუ ასეა, ძალიან ვწუხვარ, — თვალის თვალში გაყრით მიუგო ლევანმა ბერიძეს, — შესახედავად კარგი ბიჭი ხარ, გეტყობა, ჭანიც მოგდევს, მაგრამ... — თითქო ეძნელება დანარჩენის თქმად, ლევანმა სწორედ აქ შეწყვიტა სიტყვა, ისევ ქაღალდებს მიუბრუნდა, რომელიღაც ფურცელს ეძებდა და ვერ ეპოვნა. ბოლოს უჭრა გაჭავრებით მიაჯახუნა და წამოდგა. — ამხანაგო! უბნის უფროსი კარგ მუშას არასგზით არ შეეღვევა, შენ კი ისე თამამად მიცხადებ — გამიშვებსო, არც კი უფიქრდები...

მოულოდნელად შემოვიდა ნიკო არაბიძე.

თითქო არ შეუნიშნავსო, ისე ჩაუარა ბერიძეს და ლევანთან მივიდა.

— კაცო, რა არის, აღარ უნდა გაიძრო, მაგ ბრენტში ხომ არ დაბადებულხარ? — ხუმრობით შენიშნა ლევანმა ნიკოს და ვიდრე უბნის უფროსი რამეს ეტყოდა, მთავარმა ინჟინერმა ერთბაშად შეიცვალა კილოც და იერიც, საგონებელში ჩავარ-

დნილივით, თან ცნობისმოყვარეობით იკითხა, — ამხანაგო ნიკო, ვინ არის თქვენთან, უბანში, საუკეთესო მეშახტე, გინდ მომნგრევი, გინდ გამთხრელი, გინდ მებიგე!

უბნის უფროსმა გაკვირვებით შეხედა ლევანს.

— რომელი ერთი გითხრა?!

— მაინც?

— მე მგონია... — ნიკომ სიტყვა კი დაიწყო, მაგრამ დაბოლოვება, ეტყობოდა, უჭირდა.

— გარდა შენი ვაჟისა, — შენიშნა ლევანმა.

— ჩემი ვაჟი რა შუაშია! — ნიკომ თითქო იწყინა კიდევ მთავარი ინჟინრის ეს შენიშვნა, — მაინც, მე მგონია, საქმე რომ გაჭირდეს, ხორხომელიძე წინ არავის გაუშვებს. ასპროცენტრიანი მეშახტეა! ლევან, გახსოვს ალბათ, წინა თვეში გეზენკის გაყვანაზე რა წარმატება ჰქონდა!

— ვიცი. — ლევანმა ცალი ხელი მაგიდას დააყრდნო, წითელი ფანქრით რეზოლუცია-წარწერილ ქაღალდის ფურცელს დააცქერდა. ერთ წუთს ისე დაჰყო, თითქო რამეს ფიქრობს და ვერ გადაუწყვეტიაო, მერე ქაღალდის ფურცელი ხელში აიღო და დინჯად, თითქო იმ ქაღალდის ტექსტს უკითხავსო, ისე მიმართა არაბიძეს:

— ამხანაგო ნიკო, უნდა დაგვიტმო ეგ ხორხომელიძე... შახტის უფროსმა დამავალა... სხვა უბანში გა...

ნიკომ ამ სიტყვებზე სწორედ რომ იფეთქა — ხომ არ გაგიჟებულხართო — იყვირა. საგანრიგოში

მყოფთ ისე მოავლო თვალი, თითქო მომხრეს ეძებსო, მერე ისევ ლევანს მიუბრუნდა, ხმადაბლა, მაგრამ ბრაზმორეულის თავშეკავებით შენიშნა:

— მაშინ... ჯერ მე დამითხოვეთ ჩემი უბნიდან და მერე იფიქრეთ ხორხომელიძის გადაყვანაზე!

ოთანში მყოფთათვის ადვილი მისახვედრი იყო უბნის უფროსის გულისწყრომა. გუნებაში ყველა მას უჭერდა მხარს. კეპიანმა და მისმა ამხანაგმა, თითქო ერთმანეთში მსჯელობენო, ლევანის გასაგონად ჩაილაპარაკეს — ასე არ შეიძლებაო. ბერიძეც გაოცებული გამოიყურებოდა — უკვირდა — ეს რა ამბები ხდებაო. უკვირდა, როგორც მამა შეიღს, ისე რომ ექომაგებოდა და არა თმობდა უბნის უფროსი ხორხომელიძეს.

მთავარი ინჟინრის წინადადებას ისე ააღელვა და ააფორიაქა არაბიძე, რომ სათქმელიც კი გადავიწყა, რისთვისაც შემოვიდა.

— ამხანაგო ნიკო, შენ შენი უბნის ინტერესები გალაპარაკებს, ჩვენ კი... მთელი შახტისა.

ნიკომ ჭკუის დამრიგებლის კილოზე თავდაჭერით შენიშნა:

— ამხანაგო ლევან, შახტი უბნებისაგან შედგება — მერე ისე შეხედა გაკვირვებით და დამცინავად, თითქო რაც არ უთხრა, უნდა აგრძნობინოს, ამდენი როგორ არ გესმისო.

— რა რისგან შედგება ეს ჩვენც კარგად ვიცით, ამ საკითხს კი უთქვენოდაც მოვაგვარებთ! ამ სიტყვების გაგონებაზე ნიკომ ისეთი სიბრაზის

გამომხატველი თვალებით შეხედა მთავარ ინჟინერს, რაგინდ გულმაგარიც უნდა ყოფილიყავით, ფერს გაცვლევინებდათ. ლევანის სიტყვებმა დანარჩენებიც ისე ააღელვა, ახლა ყველას ნიკოს მხარე ეჭირა, ბერიძესაც კი; ისე წამოიწიეს ადგილიდან, თითქო მთავარ ინჟინერს ცემას უპირებენო. ლევანაც მეტის მოთმენა ველარ შესძლო; იფიქრა — კაცი არ გავაგიჟო და, ღიმილში, ჯერ ტუჩის კუთხეები შეუტოკდა, მერე უცებ ისე ხმამაღლა და გულლიად გადაიხარხარა, ყველა გაოცდა. ასეთი მოულოდნელობით გაშტერებულმა ნიკომაც ჯერ ქუთუთოები დაათახურა, მერე მიხვდა რა, ლევანმა მას ეს ამბავი განზრახ მოუწყო, გამოიწვია, გაეხუმრა, ისე უზომო გაფიცებისათვის, ახლა თითქო თვითონაც შერცხვაო, ცალყბად, უხერხულად გაიღიმა.

— შე კაცო, რას მემართლებოდი? ახლან ეგ მეჭირვებოდა? — საყვედურით უთხრა ლევანს დღევანდელი მუშაობით არაქათგამოლეულმა უბნის უფროსმა და მაგიდასთან, სკამზე მოსხლეტით ჩამოჯდა.

როცა მთავარმა ინჟინერმა საგანრიგოში მყოფი თვალი მოავლო, მათ შორის ბერიძე ველარ შენიშნა. მისი ასე შეუმჩნეველად გაპარვა ეწყინა, ლევანს უნდოდა დაერწმუნებინა ეს ყმაწვილი მეშახტე — თუ კარგად იმუშავენ, ყველა უბანი კარგია, ყველა საქმე გასახელებს, გაგიმართლებს, ამხანაგებიც შეგიყვარებენ, მხარში ამოგიდგებიან, დაგეხმარე-

ბიან, თუ დახმარება დაგჭირდება, გაგამხნევებენ, თუ გამხნევება დაგჭირდებაო. — მაგრამ იფიქრა; ბერიძე ამას ყველაფერს ალბათ თვითონაც მიხვდაო.

მთავარი ინჟინერი თავის ვარაუდში არ ტყუვდებოდა.

— ნიკო! — მიუბრუნდა მთავარი ინჟინერი მცირე ღუმილის შემდეგ უბნის უფროსს, — ერთი მეშახტის გადაყვანაზე რა დღე გინდოდა დაგეწია ჩემთვის... შენ; უბანს დაუთმობ ვისმეს?..

— ეგ სხვა ამბავია! უბანი იგივე ფრონტია და... — ნიკოს სათქმელი მთავარმა ინჟინერმა თავისთვის გუნებაში დააბოლოვა, — კარგ სარდალსაც სწორედ იმ ფრონტზე გაგზავნიან ხოლმე, სადაც მეტი გასაჭირიაო.

შატბია, მართალია, ძნელ საქმეში იყო ჩაბმული, მაგრამ თამარელას ერთი წუთითაც ვერ ივიწყებდა, სულ თვალწინ ედგა; რაც დრო გადიოდა, მისი სიბრალული თანდათან ღრმად იჭრებოდა ჰაბუკის გულში, მაგრამ ჭერჭერობით მეგის წინაშე შატბიას მისთვის უპირატესობა მაინც ვერ მიენიჭებინა.

შახტიდან გამოსვლის უმაღლეს სალამფესაკენ გაეშურა, ლამფა პატარა სარკმელში ქალიშვილს გადა-

აწოდა, მაგრამ ახლა მას ლამფის ჩაბარებისათვის
 კი არა სცხელოდა, თამარელა უნდოდა ენახა, თამარ-
 რელა იქ არსად ჩანდა. იფიქრა, — იქნებ ცოტა
 ხნით სადმე გავიდაო, თამარელა ამ დროს ყოველ-
 თვის აქ ხვდებოდა ხოლმე. ერთხანს დერე-
 ფანში ელოდა, მაგრამ მერე იქაურობასაც
 გაეცალა, ვინმე ახირებულის ან ცნობისმოყვა-
 რის თვალს რომ არ შეენიშნა ხანგრძლივად
 მისი იქ ყოფნა. დაღონებული შატბია ისეთ გუნე-
 ბაზე იყო, გუშინდელივით, დღესაც კინაღამ დაუ-
 ბანელი და ტანსაცმელ გამოუცვლელი წავიდა
 შინისაკენ, მაგრამ ჩაუარა თუ არა საგარდერობოს,
 გზაში წამოწეულმა ამხანაგებმა უნებლიეთ თან
 გაიყოლიეს. ჩვეულებამაც სძლია, სხვების მაგალი-
 თმაც წააქეზა, უმალ გაიძრო ჭუჭყიანი სპეცტანსა-
 ცმელი, როგორც იტყვიან — გული იჭერა ბანა-
 ობით, სუფთა ტანსაცმელი გადაიცვა და გასუფთა-
 ვებული, გაკობტავებული, ამხანაგებთან ერთად
 საგარდერობოდან გამოვიდა. დღევანდელი წარმა-
 ტების აღსანიშნავად ყმაწვილებმა წაქეიფება გადა-
 წყვიტეს, შატბიასაც გადახედეს; სახეზე ცოტა და-
 ღვრემილობა რომ შეატყვეს, ჯერ გაკვირვებით
 ახედ-დახედეს, დაფარული ირონიით შენიშნეს —
 „შეყვარებულიაო“ და ისეთი სიცილი დააყარეს,
 იქაურობა გააყრღეს. შატბიასაც უნებლიეთ გაე-
 ცინა, ბიჭებს ხუმრობით მუშტი გაუქნ-გამოუქნია,
 აქეთ-იქით მიმოფანტა. მერე ისევ მხარზე ხელ-
 გადახვეულებმა განაგრძეს გზა. რამდენადაც შახ-

ტში მიმავალი კაცი საკუთარი თავისადმი მკაცრი
და მისი გონება მარტო ერთი წადილით არის შე-
ბოჭილი, რაც შეიძლება ფხიზლად იყოს და ცვლა
ნაყოფიერად ჩაატაროს; თუ გული ცოტათი მაინც
იჯერა, შახტიდან გამოსვლის შემდეგ ცა ქულად
არ მიაჩნია, უბრალო მიზეზია საჭირო, რომ შახტი-
დან გაჩარჯვებით გამოსვლა ჯიბის შესაბამისად
ტოლ-ამხანაგებთან ერთად ლხინით აღნიშნოს.

შატბიას ახლა სამი ამხანაგი ახლდა. კაკო ზიზი-
ბაძე, სირბილაძე და ხაქაპურიძე. სირბილაძეს
უცნაური ჩვეულება ჰქონდა: ერთი ნაბიჯით ამბ-
ნაგებს მაშინაც კი უკან რჩებოდა, როცა ბებერები
არ აწუხებდა. ახლა კი, მის სიარულს რომ ღა-
კვირდებოდით, უნებლიეთ გაგეცინებოდათ — აფი-
ქრებდით — სირბილაძე გასაჯავრებლად შერქმე-
ული გვარია და არა ნამდვილიო. ოდნავ წინ წა-
ხრილი, აბუზულ ქათმის ფრთებივით მხრებაწე-
ული მკლავებმოხრილი, აქეთ-იქით ისე ქანა-
ობდა, გეგონებოდათ გასაჯავრებლად ვინმეს ბაძე-
სო. რა ზომის ფეხსაცმელიც უნდა ჩაეცვა, მაინც
იძახოდა — მიჭერსო. მის ბებერებს არაფერი არ
შეელოდა. ერთხანს შახტში სამუშაოდ არ უშვებ-
დნენ, რამე რომ მოხდეს, სად გაიქცევიო, ეკითხე-
ბოდნენ, აფრთხილებდნენ, მას კი პასუხი მუ-
დამ მზად ჰქონდა — თუ ჩემი სირბილი გინდათ
ნახოთ, მაშინ ჩანს, გაჭირვება მოგნატრებიან და
თქვენც მზად იყავითო. თუ სირბილაძე თავისი ნე-
ლი სიარულით და გან-გან ქანაობით იწვევდა ამხ-

ნაგებს შესახუმრებლად, ხაჭაპურიძის ღაჩახვიჯე ყველას უნებლიეთ ნერწყვი მოსდიოდა, რადგან უმალ ცხელ-ცხელ ხაჭაპურს წარმოიდგენდნენ ხოლმე, დანით რომ ზედაპირი ირგვლივ მზის სხივებისებურად აქვს აჭრელებული, თანაც ჭიპთან ორთქლს ცომი რომ გაუხეთქია და გამდნარი ყველი ზევით ამოღვენთილა. დღესაც, პირში ნერწყვი მომდგარი ამხანაგები ჯერ კიდევ საგარდერობოში იწამდე აქეზებდნენ და ეხუმრებოდნენ ხაჭაპურიძეს — რა ხალხში ვართო — სირბილაძეა და ძლივს ლადის, ხაჭაპურიძეა და ერთხელ მაგასთან ხაჭაპური არ გვიგეშნიაო, ვიდრე სწორედ ხაჭაპურზე არ დაჰპატიჟა ისინი. ხაჭაპურიძის ასეთი უჩვეულო გადაწყვეტილება ჯერ ყველას ხუმრავა ეგონა, ამიტომაც სამი ამხანაგის გარდა საგარდერობოს შესავალთან არავინ დალოდებია. არც შატბიას ეგონა, რომ ხაჭაპურიძე პირობას არ გადაუხვევდა, რადგან შცხუმრებისა და გამასხარავეებისათვის ხარჯს ძვირად თუ გაიღებს ვინმე, მით უმეტეს, რომ ამხანაგების „ენის ქავილი“ ამით მაინც არ დაცხრებოდა. შატბიას ახლა თვითონ გადაეწყვიტა გუნებაში ამხანაგების გამასპინძლება, მხოლოდ საჭირო იყო, ვინმეს ჩაეთრია იგი ამ საქმეში და აკი მოთავეც გამოჩნდა.

დიღანდელი გადაწყვეტილება, რომ დღეს უსათუოდ ენახა თამარელა, შატბიას ახლა უკვე უაზროდ მოეჩვენა; ის ჯერ კიდევ თუ სულ არა, ნაწილობრივ მაინც წუხანდელი განცდების ტყვე-

ობოში იყო და არ იცოდა, რა ეთქვა თამარელას-
თვის, როგორ შეხვედროდა, როგორ შეეხედნა თვბ-
ლებში.

ამხანაგებმა სხვებს ისევ ჭიკოლას სასადილო არ-
ჩიეს და გორაკზე წაბლის ხალვათ ტყეში ხის კიბე-
ებს შეჰყვნენ. სასადილოს შენობა გორაკის თავზე
იღგა და თუ იქამდე მიღწევა, ორას ორმოცდაათი
საფეხურის უკან მოტოვება ცოტა ძნელი იყო,
სამაგიეროდ, იქ რომ კაცი ავიდოდა, თითქო სულა-
ერადაც ისვენებდა. იმ სიმაღლიდან ისეთი სანახაო-
ბა იშლებოდა თვალწინ, ზაფხულშიაც კი ისეთი
სუფთა ჰაერი და სიგრილე იყო, სულაც რომ არ
გშიებოდათ და დაღლილიც არ ყოფილიყავით, ჯერ
ორასორმოცდაათი საფეხურის ათავება, მერე ისე-
თი ჰაერი და სიგრილე საჭმელის უნახავს გაგზდი-
დათ, მადას უმაღლ გაგინხნიდათ. ჭიკოლას ბეკრკერ
უთქვამს — საჭმელს სხვაზე გემრიელს და უკეთესს
ვამზადებინებ ჩემს არქიფო ლობჯანიძეს და, მზა-
რეულის ხელობა მეტიც ეღირებოდა, ეს კიბეები
რომ საქმეს არ მიჰირებდესო, აქ ამოსულ კაცს
ფეხის ქირა ძალაუნებურად უნდა გამოუქვითო,
თუ გასურს რომ შემოიჩვიო. ეს, რა იქმა უნდა,
მარტო სიტყვიერი შეღავათი იყო, გამოქვეითვიო
არავის არაფერი ექვითებოდა, მაგრამ სხვა სასადი-
ლოებზე უფრო მეტად მეშახტეები, ცინც პირის
გემოს პატივს სცემდა, მაინც, „ცაში დაკიდულ“
ჭიკოლას ეტანებოდნენ.

გორაკს შუამდე რომ უწიეს, შატბიამ უცებ,

ქვემოთ, შარავნაზე თამარელას მოჰკრა თვალი და მყის შედგა, მზერად იქცა. წინ წასულეზმაც შენიშნეს შატბიას შეჩერება, ქვევით, გზისკენ დაქინებული ცქერა; თვითონაც შედგნენ, შეისვენეს და გაიხედ-გამოიხედეს, ვერაფერს მიხვდნენ. შატბიამ უცებ მათ ხელი აუქნია, თითქო ემშვიდობებო.

— იარეთ, ბიჭებო, მეც მალე მოვალ!

და თავქვე დაეშვა. კიბის სამ-სამ, ორხ-ორხ საფეხურზე ხტებოდა, იფიქრებდით, თავპირის დამტკრევა არ ასცდებო, მაგრამ კიბე მშვიდობიანად ჩაირბინა და თვალს მიეფარა.

— ბიჭებო, მოდით ვნახოთ, იქნებ რა მოხდა?! — დაიძახა ხაჭაპურიძემ.

— არა, ბიძი, — გულმოსულივით მიუგო კაკომ, ვერ ხედავ, რა სიმაღლეზე ამოვსულვარ?.. ახლა ხაჭაპურის უჭმელად აქედან ფეხს არ მოვიცვლი!

— ბიჭი ხარ და, პირობას გადადი! — შეუწყრა სირბილაძეც, — აქედან კვახივით დაგაგორებთ!

— რა იყო, ვითომ რას შეპუქრებოდი?! კაკო, მერ მაინც ასე მალე რამ დაგავიწყა... რა დღეში იყო გუშინ შენთვის შატბია?

ხაჭაპურიძეს სირბილაძის ბოლო სიტყვებისათვის ყური აღარ უგდია. ამხანაგებისაგან დატუქსვა იწყინა, სწრაფად აირბინა რამდენიმე საფეხური.

— ვინც უკან დაიხიოს, უკანასკნელი კაცი იყოს — ჩამოსძახა ზიბზიბაძესა და სირბილაძეს. მათ პასუხს აღარ დალოდებია, თითქო ვინმე

მისდევსო, ისე არბოდა კიბეზე, ვიდრე გორაკს
თავში არ მოექცა. მაგრამ რა უსაზღვრო იყო მისი
გაოცება, როცა სული მოითქვა და კიბეს მედი-
დურად გადმოხედა... ზიბზიბაძე და სირბილაძე
ისე სწრაფად ჩარბოდნენ ქვევით, ეტყობოდათ,
აღარც ხაჭაპური ახსოვდათ, აღარც ხაჭაპურიძე.

რაკი შატბიას ძახილზე თამარელამ არ მოიხედა,
ცხადი იყო, ან ადრე შენიშნა იგი, ან ხმაზე იცნო
და ახლა აშკარად აგრძნობინა ჭაბუკს — შენთან
ლაპარაკი არა მსურსო. ისე მარდად მიდიოდა
თამარელა, ისე მიარხევდა ოდნავ აზიდულ მხრებს
და, წელში გამოყვანილ კაბაშიაც ისეთი წერწეტა
ტანი უჩანდა, შატბიას ახლა გულუბრყვილოდ
უკვირდა, — ასე, ერთ დღეში შეცვლილა, გაკო-
ხტაჯებულა, თუ მე ვერ ვამჩნევდი აქამდეო. გაუ-
ხვიეს თუ არა შოსე გზიდან გორაკის ფერდობი-
საკენ, ორლობეში, კაკო ზიბზიბაძის ეზოსთან შატ-
ბია დაეწია თამარელას; ჭერ მკლავში ეწადა
ხელის წაველება, მაგრამ გადაიფიქრა, მოულო-
დნელად გვერდში ამოუდგა, თამარელა შეჩერდა,
მწყრალის თვალით გადახედა ჭაბუკს და წასვლა
დააპირა, მაგრამ შატბიამ გაშლილი მკლავით გზა
მოუჭრა და, აქამდე, დამუნჯებულივით მდუმარემ
ძლივს გაიღო ხმა.

— თამარელა!..

თამარელამ ისევ მწყრაღად შეხედა, გაკვირვებით წამოიძახა:

— რა იყო?.. გამიშვი...

— რომ დაგიძახე, რატომ არ მოიხედე?!

— რა ვიცი...

— მემღური, თუ რა?

— რა ვიცი...

თამარელამ კვლავ წასვლა დააპირა, მაგრამ შატბიას გაშლილ მკლავებს ვერსაით გაექცა.

— მეჩქარება! — ისე წარმოსთქვა და ისე შეხედა შატბიას, ადვილი მისახვედრი იყო, რომ გულში ნატრობდა: „ნეტავი არ გამიშვასო“.

— რა იყო, რა გეწყინა? — გაკვირვებით და თითქო გულგრილადაც იკითხა შატბიამ.

— არაფერი... რა უნდა მწყენოდა?! — მიამიტად უპასუხა თამარელამ და თვალეზშიაც მიამიტად შეხედა; მხოლოდ როცა გაიღიმა, ცხადად შეეტყუა — მისი პატარა გული რა დიდ ტკივილსაც მაღავედა. თავი ჩაღუნა, ხან მიწას დასცქეროდა ჭიუტად, ხანაც წინ წამოცურებულ ნაწნავის ხვეულებს აწვალებდა თითებით, თითქო დაშლა სწადიაო.

ადრე, თამარელას ნატერად ჰქონდა გადაქცეული შატბიას ნახვა და მასთან ლაპარაკი, ახლა კი ისე იბუზებოდა, თითქო არც მის სიახლოვეს ყოფნა სურდა, არც მისი ხმის გაგონება ესამოვნებოდა. თვითონაც არ იცოდა, რაზე მოსდიოდა ასე გული. შატბიას მართალია მისთვის სიყვა-

რული არ შეუფიცნია, მაგრამ თითქო იგულისხმებოდა, ისე გადაწყვეტილად სთვლიდა ამ ამბავს თამარელა და, თავისი გულის სწორის უცხო ქალიშვილთან ახლოს გაელაც კი უკვე იღუმალი ფიცის დარღვევად მიაჩნდა. ახლა, რაც უფრო ცდილობდა თამარელა, თავისი გულისწყრომა დაეთრგუნა და ვაჟისათვის ღიმილით შეეხედნა, სახე მით უფრო ეღუშებოდა. რაც უფრო ცდილობდა, წუხანდელი ამბავი დაევიწყებინა, მით უფრო ცხადად ესაზებოდა თვალწინ ყველაფერი და თავის სიყვარულსაც უკვე გამოტირებულად სთვლიდა. მისი ფიქრით შატბიას თავს ახლა ძნელად თუ ვინმე გამოსტაცებდა იმ უცხო ქალიშვილს, რომელიც თამარელასთვის ასე საბედისწეროდ მოევლინა აქაურობას და გამოუცდელი ვაჟი სიყვარულის ქსელში გახვია. ჯერ კიდევ გუშინ, რა ბედნიერად გრძნობდა თავს თამარელა, როცა შატბიამ ის მდინარის ზვირთებს გამოსტაცა; რა ბედნიერად გრძნობდა თავს იმ წუთამდე, ვიდრე ლელა მეგის ჩამოსვლის და შატბიასთან მისი გალაციცების ამბავს შეატყობინებდა.

შატბიას სიტყვის თქმა უჭირდა. არ იცოდა რა ეთქვა თამარელასათვის, რომელიც ასე გამწყრალი ჩანდა. მას ეგონა, თვითონ თამარელა გამოიწვევდა სალაპარაკოდ; თამარელას კი ეგონა შატბიას სურდა გუშინდელი საღამოსა და მეგის შესახებ ეთქვა რამე. ასე ელოდნენ ერთმანეთს რამდენიმე წუთს,

ვიდრე ფეხის ხმა და შემდეგ გაკვირვებული შეძახი-
ლიც არ მოესმათ.

— აქ რას ელოდებით?!

ახლა შატბიას დიდად არ ესიამოვნა, ნიკოს ხჭა
რომ გაიგონა; თამარელამაც უხერხულად იგრძნო
თავი. წასვლაც დააპირა, მაგრამ არც ამისთვის
ეყო ძალა და ნებისყოფა; ნიკოს ნაძალადევანდ
გაუღიმა და მიესალმა.

— ბევრი გაქვთ სალაპარაკო? — იკითხა ნიკომ.

— რაზე კითხულობთ, ნიკო ბიძია?!

— შე ქალო, არ იცი თუ?! კაცი სამუშაოდან მო-
დის, დაღლილია, მოშივეებულიც. ნეტავი განახვა
და ერთი საათით გამუშავა სანგრევში... — კიდევ
რაც უნდოდა ეთქვა, მაგრამ ხელი ჩაიქნია, შატ-
ბიას მიუბრუნდა, — შე დალოცვილო, თუ ქალი-
შვილებთან ლაპარაკი მოგენატრა, იმაზე უკეთესს
ვის ნახავ, შინ რომ გელოდება!?

შატბიამ უცებ განცვიფრებით შეხედა მამას; მე-
რე ისევ დახარა თავი და ყრუ ხმით წარმოსთქვა:

— მე არავინ არ მელოდება...

თამარელას თავის სიცოცხლეში ჯერ ისე არაფერ-
ი სწყენია, როგორც ახლა ნიკოს სიტყვები ეწყინა.

ნიკო სულ არ მოელოდა, თამარელაზე თუ ასე
იმოქმედებდა მისი შენიშვნა. აშკარად დაინახა,
როგორ ეცვალა ფერი ერთი წუთის წინ სახე შა-
მოწითლებულ ქალიშვილს.

— იქნებ... შენც წამოხვიდე? თუ საქმე გაქვთ,
იქაც შეიძლება ილაპარაკოთ თქვენთვის, მყუდ-

როდ. რა სჯობია ახლა ჩემი მუხის ჩეროს! — ვითომ ამ ხერხით სცადა ნიკომ თავისი მწვავე შენიშვნის შემსუბუქება, მაგრამ გვიანდა იყო.

— მადლობთ, ნიკო ბიძია! მადლობთ... სახლში რომ არ მეჩქარებოდეს!...

მიჩვეული არ იყო შემპარავი დაცინვით ლაპარაკს, მაგრამ ახლა, გაჭირვების წუთებში კარგად ზონახა საამისოდ მოხდენილი კილო თამარელაჲ, ნიკოს ნაძალადევად გაუღიმა; შატბიასკენ რომ მიიხედა, ცალი წარბი მედიდურად აზიდა და თანაც ისე შეხედა, რომ მისი მზერა ჭაბუკს უნებლიეთ გულში ჩარჩა. მერე დინჯად დაუქნია თავი მამა-შვილს და გზა განაგრძო. რამდენიმე ნაბიჯზე მამა-შვილი შორიანხლოს მიჰყვებოდა თამარელას, ისინი ფიქრობდნენ, ჭიშკრამდე მივაცილებთ, ჯა მერე ჩვენს გზას განვაგრძობთო, მაგრამ თამარელა შეუმჩნეველად ჩამორჩა მათ, თანდათან ღობეს დაუახლოვდა, მერე უკვებ გასწია სარი, სწრაფად გაძვრა ღობეში და მიიმალა. შატბიას და ნიკოს აზრად არ მოუვიდოდათ, თუ თამარელა ასე მოიქცეოდა, როცა მოიხედეს მათ გაოცებას საზღვარი არა ჰქონდა. ვერ მიმხვდარიყვნენ, სად, როგორ უნდა გამჭრალიყო თამარელა ასე უკვალოდ. ბოლოს მამა-შვილის მზერა რომ ერთმანეთს შეხვდა, ნიკომ ვაჟის თვალებში დიდი სინანული და გულისწყრომა ამოიკითხა.

„ძალიან კარგადაც მოხდა... რა გესაქმება მაგ უსაქმოსთან!...“ თავის გუნებაში გაესაუბრა ნიკო

მწყრალად მზირალ შატბიას და გზა განაგრძო. შატბია ორიოდ ნაბიჯის დაშორებით გაჰყვა მამას. სახლამდე ერთმანეთისთვის ხმა არ გაუციათ.

ნიკოს უადგილო ჩარევამ ძალიან გააბრაზა შატბია, ისეთ გუნებაზე იყო, ახლა ისე თანაუგრძობდა თამარელას მისი გული, რომ თავმოყვარე ეაქვს უკვე მტკიცედ გადაეწყვიტა — დღეიდან, რამდენადაც შეიძლებოდა, მეგისაგან თავი შორს დაეჭირა.

სულიკომ დაინახა თუ არა შატბია, ისე გახარებული შეეგება, ყველას გაუკვირდა. როცა მუხის ჩრდილში ჩამოსხდნენ, სულიკომ შატბიას აუწყა — ცოტახნის წინ რაიკომში დავრეკე, ჩემს ნაცნობ გოგონას ველაპარაკე... რაიკომის მდივანი სასწრაფო საქმეზე სოფელში წასულა, აქედან შორსაი, თუ იცი? — სულიკომ სოფელი დაუსახელა.

— რვა კილომეტრია. — ისე მიუგო შატბიამ თითქო მისთვის ეს რვა კილომეტრი, რვა ნაბიჯიაო.

— არა უშავს! — გაიოცა სულიკომ, — შორს ყოფილა, მაგრამ მაინც უნდა წავიდე! როგორც ვატყობ, რაიკომის მდივანს კაბინეტში ვერასოდეს ვერ ვინახულებ.

— რომ გამოგასწროს?

— ჩემმა ნაცნობმა, მდივნის თანაშემწემ თქვა — ალბათ საღამომდე დარჩებაო.

— მაშინ... ნასადილევს წავიდეთ.

— შენც წამოხვალ? — სულიკოს უფრო ის გაეხარდა, რომ წაყოლის სურვილი თვითონ გამო-

სთქვა შატბიამ და მას თხოვნა აღარ დასჭირდა. სულიკოს სოფელში წასვლა და რაიკომის მდიუნის იქ მონახულება იმიტომაც აინტერესებდა — კოლმეურნეობის თავმჯდომარესაც გავიცნობ და იქნებ იჩაც გამოვჩხრიკო რამე შესაფერისი სამუშაო. რამდენიც უნდა დავუფასო, მილიონერები არიან, არ გაუკვირდებათო.

ნასადილევს, სუფრა რომ აალაგეს, მეგი კვლავ წამოწვა ნოხზე, მუხის ძირას და ბალახის ღერით დანიშნულ გვერდზე წიგნი გადაშალა. როცა სულკომ და შატბიამ ჩამოუარეს, არც კი წამომდგარა, ერთი წუთით წიგნს თავი ანება, მშვიდობის მგზავრობა უსურვა მათ და კვლავ კითხვა განაგრძო; მაგრამ როგორც კი შატბია და სულიკო ჭიშკრისაკენ გაემართენ, მეგიმ მალულად გააყოლა თვალი შატბიას.

სულიკომ ერთი წუთით შინ შეირბინა, სახატავ ალბომს, ფერადი ფანქრების კოლოფს ხელი დასაცა და შატბიას ჭიშკართან დაეწია.

შატბიას ძალიან ეუცხოვა მეგის მოჩვენებითი გულგრილობა, მაგრამ ეს გოგონა ჯერ კიდევ ისე მოსწონდა, რომ გულმა ერთი წუთით მაინც მისკენ გადასძლია და მის გულგრილობასაც უმაღლესი მონახვა გასამართლებელი მიზეზი — „დაღლილი იქნე-

ბა, ან განგებ ინაზებო“, — გაიფიქრა თავისთვის. ეზოს კარი რომ გაიხურა, ერთხელ კიდევ გაიხედა მუხისაკენ, უნდოდა შეეტყო, მეგი მიყურებს თუ არაო, მაგრამ აქედან მუხას ვაშლისა და მსხლის ზეები ეფარებოდა, ვერაფერი დაინახა. დაწინაურებული სულიყო ეზოს ბოლოში, გზის პირას შეჩერებულიყო და ქვემოთ, ხეობაში — შახტის ცენტრალურ უბანს და გორაკის მოპირდაპირე ფერდობს ათვალიერებდა.

მთელი ეს მხარე ხევეებით და გორაკებით არის განთქმული. კრიალოსნის ქვებივით ერთმანეთზე მიწყობილი გორაკები განშტოებებივით მთავარი ქედის ვერტიკალურად მოემართებიან. ზოგი თანდათანობით ეშვება დაბლობისაკენ, ზოგიც ერთბაშად არის ჩამოკვეთილი. შახტის უბანში, ვაკეზე აგებულ შენობას ვერსად შენიშნავთ, რადგან აქ ვაკე ადგილი არსად მოიპოვება. სამსართულიანი კომბინატი დახურულ ხეობაშია ჩამჯდარი, ტრესტის შენობა კი ერთ-ერთ ბოლო ჩამოკვეთილ გორაკის სიმაღლიდან დასცქერის აქაურობას. შენობის წინ ხელოვნურად შექმნილი, ხის მოაჯირით შემოზღუდული ბაქანი ჩანს. გორაკის ჩამოკვეთილ ნაპირზე, სწორედ მოაჯირის შუა ადგილას მაღალი კვარცხლბეკია აგებული, კვარცხლბეკზე ბელადის მონუმენტი დგას. როდესაც მონუმენტს ხეგადმიდან უცქერით, იგი მთლიანად ცის ფონზეა ამართული და დიად სანახაობას წარმოადგენს. კვარცხლბეკის მარცხნივ და მარჯვნივ მოაჯირის გაყო-

ლებზე, •ყვავებული აღიანდრის და აკაციის ხე-
ბია გამწკრივებული, ბაქნის სიღრმეში ვარდებით
გამშვენებული გაზონებია, გაზონების გასწვრივ
ხის გრძელი სკამები დგას. მონუმენტის მარცხნივ,
დაშორებით ცაში აჭრილა რკინის მაღალი ანძა,
რომლის თავზე გამართულია პროექტორი და
რადიო. დამდამობით რადიოს ხმა ხეობებს გუგუ-
ნით ეფინება, პროექტორი კი მუქი ლურჯი ცის
ფონზე ზარნაშოსავით აბრიალებს თვალს.

ერთმანეთზე წაბმული გორაკების ფერდობები,
ქედიდან შახტამდე და, შახტს აქეთაც, აჭრელებუ-
ლია უწესრიგოდ შეფენილი, ფუტკრის ფიჭასავით
დანაწევრებულ შუშაბანდიანი სახლებით. ზოგი,
კრამიტით ახლად დახურული სახლი უზარმაზარი
ნიყვი გეგონებათ. ისე გამოიყურება აქა-იქ ხალვა-
თად მდგარ წაბლისა და წიფლის ხეებს შორის.
ზოგი სახლის თეთრ კედელში ვიწრო ფანჯარა
შორიდან შავ ლაქასავით მოჩანს. სახლების წინ,
მწვანედ ქათქათებს მოლი. აქა-იქ ხელისგულის-
ოდენა ფართობზე, ეზოს უკან შენიშნავთ სიმინ-
დის ყანას, ვენახის მწკრივებს, ბოსტნის კვლებს.
ქვემოთ, გორაკების გასწვრივ, ხევგალმა მოჩანს
რკინიგზის ლიანდაგი. აქ ხშირად მიდი-მოდის სა-
ბარგო მატარებელი. ჩამოაყენებს თუ არა მემან-
ქანე უსახურავო საბარგო ვაგონებს, უმაღ ატყდე-
ბა ბუნკერში ხრიალ-გრიალი. ივსება ვაგონი ქვა-
ნახშირით, ორთქლმავლის თეთრი ფუნჩულა კვამლი
კი ტაატით მიილალება მაღლა და ქედის გასწვრივ

გაფაფრულ ნისლს უერთდება. ერთი შეხედვით, ნისლიც, ქედის შუა წელი და ხეობა რომ დაუფარავს, ორთქლმავლის კვამლი გეგონებათ.

ნიკო არაბიძის სახლი რომ არის წამოჭიმული, იმ გორაკის ძირში, მოასფალტებულ შოსე გზაზე წამდაუწუმ დაქრიან მსუბუქი და საბარგო მანქანები. შატბია და სულიკო, როცა ჩამოქვეითდნენ, სწორედ ამ, შახტიდან სადგურისაკენ მიმავალ გზატკეცილს დაადგნენ. დაახლოებით ერთი კილომეტრის მანძილზე მარჯვნივ და მარცხნივ, გზადაგზა ხვდებოდნათ ახალი დამთავრებული შენობები, თუ ხარაჩოებში ჩასმული კედლები. ერთგან გზის ნაპირას ასფალტს ადუღებდნენ ვებერთელა ქვაბში, იქვე შორიახლოს იდგა ნაწვიმარზე, შეღებილივით გადაყვითლებული — ქანგმოკიდებული, ტრაქტორზე გამობმული, ასფალტის მოსატკეპნი საგორაუი; დაახლოებით ორი კილომეტრის გავლის შემდეგ, შატბიამ და სულიკომ გზიდან გადაუხვიეს; გუშინ რომ ისე ინავარდა, იმ დიდი მდინარის ვიწრო ნაწილში აგებულ რკინა-ბეტონის ხილით გაღმა გავიდნენ, გაიარეს რკინიგზის გადაღმა მეშახტეებით დასახლებული უბანი და ბილიკით ხეობაში შევიდნენ. მათ უცებ იგრძნეს სიგრილე და უჩვეულო მყუდროება, მცხუნვარე მზეც თითქო მკრთალად ანათებდა აქაურობას. მისი შუქი აქა-იქ უხვ ჩრდილთა შორის ოქროსფერ, ნათელ ლაქასავით აჩნდა მიწას. როცა ხეობის სიღრმეში საკმაოდ შეიჭრნენ, პირველად გაიგონეს ნაკადულის ხმა,

რომელიც სასიამოვნოდ გაისმოდა აქ დამკვიდრებულ მყუდროებაში. ნაკადული აუარებელ ღორღში და ხის დამპალი ტოტების ნამტვრევებში მიიკვლევდა გზას, ათასნაირად ცდილობდა დასსლტომოდა, შემოევლო, თავზე გადავლებოდა ქცებს, ტოტების ნამტვრევებს. ალაგ-ალაგ დაღმართებში აჩქარებული წყალი თითქო მიიმღერისო, უცნაურ ხმებს გამოსცემდა, შეუძლებელი იყო, მგზავრის ყურადღება არ მიექცია და სმენა არ დაეტკო. სადაც წვრილად მიედინებოდა, იქ მისი ხმაც ნაზად და სუსტად გაისმოდა, სადაც ეროის წამით გუბდებოდა, თითქო ბუტბუტებსო, უფრო ბოხ, ფუყე ხმას გამოსცემდა. მარცხნივ და მარჯვნივ გორაკის კალთებზე შეფენილიყვნენ მუხის, წაბლის, წიფელის, თხილის და კაპარის ხეები, თითქო გადმოხვეწილანო, ორ-სამგან თვალს მოჰკრავდით ნაძვის და ფიჭვის ხეებს, რომლებიც მკაფიოდ გამოირჩეოდნენ დანარჩენ ხეთა შორის; მუხის და წაბლის ხეები აქ უფრო ტანახოვანნი ჩანდნენ, თითქო ერთმანეთს გაჯიბრებოდნენ მზისკენ სწრაფვაში. ნაძვის ხეები ატუზულ ნაბდიან კაცებივით გამოიყურებოდნენ, გორაკის ფერდობის დაქანებაზე შვეულად იდგნენ. ყურადღებას იპყრობდა მათ გარშემო უამრავ ქვეწარმავალებივით დაკლაკნილი, მიწის ზედაპირზე განრთხმულა უამრავი ფესვები. აქა-იქ ტანწერწეტი ფიჭვები სვეტებივით იდგნენ მუხის და წიფლის ტყეში. ღეროზე გამოწვდილი, გამხმარ-გადატეხილ ტოტის

ნარჩენები საფეხურებივით ისდევდნენ ხის ტანს. სულიკო ცნობისმოყვარეობით ათვალეირებდა ყოველ ხეს და ნატრობდა, დრო რომ იყოს, თვითელ მათგანს ორ-ორჯერ მაინც დაეხატავდით. განსაკუთრებით მოეწონა ფიჭვის ქოჩორი. სულ მალა, ჩვეულებრივ კუნწუხოს ადგილას გამოსხმული უცნაურად დაკლაკნილი რტოები, ასეთივე უსწორმასწორო კეწეწებად დანაწევრებული და ნორჩი მწვანე ფერის წიწვებით დაფარული, ალაგ-ალაგ მზის შუქდაკრული, მართლაც მიმზიდველი სანახავი იყო. გატაცებულ თანამგზავს, კმაყოფილებით მოდიმარი შატბია ხანდახან ხელს შეაშველებდა ხოლმე, როცა მას ნაკადულის პირად ფეხი ქვაზე დაუსხლტებოდა, თუ ნახერხივით გაფხვიერებულ მიწიდან ოდნავ ამოწვდილ და დამპალ ფოთლებით გაუჩინარებულ ფესვს წამოედებოდა. ალაგ-ალაგ, ნაკადულის პირას, ერთბაშად ჩამოქცეულ მიწის ფერდობზე შეაქჩნევდით გაშიშვლებულ ფესვების უთვალავ ქანგისფერ ბოლოების ხლართებს. აქა-იქ, ხეობის გასწვრივ, ნაკადულს ზემოდან წამოფარებოდნენ თარაზულად გაშლილი თხილის ტოტები. კაპარის წვრილი და უცნაურად დაკლაკნილ-გადახლართული ტოტებიც ნაკადულის კალაპოტისაკენ იყო გადმოფენილი. ხეობაში, კუთხურად, ხან მარცხნივ უხვევდა ნაკადული, ხან მარჯვნივ. გორაკის კალთები კონცხებივით ეშვებოდნენ ნაკადულის ვიწრო კალაპოტისაკენ. შატბია და სულიკო ხან ამ კალაპოტის გასწვრივ, ქვებზე ხტომით ეშურებო-

დნენ წინ, ხანაც ფერღობზე აირბენდნენ. მიწა აქაც ნახერხმოყრილი გეგონებოდათ, ისე რბილად ეფლობოდა ფეხი წლობით ნაცვენ დამპალ ფოთლებში და წიწვებში. მიწას ასდიოდა ნესტის და თავისებური სიმჟავის სუნი. სულიკოს ჯერ ეუცხოვა იგი, მერე კი ისე შეეჩვია, რომ აღარც კი გრძნობდა; უცხო და მიმზიდველი სანახავი იყო სულიკოსათვის აქა-იქ მანქვეალათი გადაჭრელებული კუნძები, თუ ბობოწეერთი შემკული ასწლოვანი ხეები. სულიკო უცებ შედგა, ცალი ხელა წიფლის ტოტს მოსჭიდა, დაწინაურებული შატბიაც შეჩერდა. ერთგან ნაკადულისათვის, მცირე კლდეს მოეჭრა გზა, მაგრამ წყალს ეს დაბრკოლება დაეძლია. ვერ მიხვდებოდით, თუ კლდეზე წყალი გადმოდიოდა; მის გასიპულ ნაპირზე რაღაც ლივლივებდა და ხანგამოშვებით აქა-იქ მცირედ გაიბრქვიალებდა, როცა ნიავისაგან შერხეულ ხეთა კეწეწებს მზის სხივი გამოუსხლტებოდა. რაც უფრო ღრმად იჭრებოდნენ ხეობაში სულიკო და შატბია, უნებლიეთ ამჩნევდნენ, რომ ალაგ-ალაგ დიდ, ხავერღოვან, მწვანე ლაქებად აჩნდა ხავსი ხის მობეჭებულ ქერქს. სულიკომ ერთ-ორგან ხელით მოსინჯა კიდევ ისინი და შატბიასაც სთხოვა:

— თუ ძმა ხარ, მოდი ერთი, ხელით გასინჯე, რა იქნება ამაზე უფრო წმინდა, ნაზი და სათუთი!!

სულიკოს ხათრისთვის შატბიაც შეეხო ხელით ხავსის ზედაპირს, მაგრამ ეს ამბავი მისთვის არ იყო განსაცვიფრებელი და ახალი. შატბიამ და

სულიკომ ხეობაში, ერთგან, ფერდობზე აუხვიეს, ტყის სიღრმისაკენ აიღეს გეზი. ასე, გორაკს რომ გადაივლიდნენ, იქიდან სიახლოამდე უკვე აღარ იყო შორი. შუა ტყეში მიმავალთ ახლა სხვა სანახაობა იტაცებდა. ტყე აქ უფრო მიმზიდველად გამოიყურებოდა, სხვადასხვა ჯიშის და ასაკის ხეთა ფოთლების სიმწვანის ნაირფერობის გამო. ვებერთელა, ტოტებდაშვებული მუქი მწვანე, ალაგ-ალაგ კი ჩაშავებულ ნაძვს უკან დაინახავდით უფრო ღია ფერის მუხის ფოთლებს, სადმე ახლოს, კიდევ უფრო ღია, ვერცხლისფრად ტან აფორაჯებულ რცხილის ან კოპიტის ფოთლებს. მათ, ამ უხვ სიმწვანეში, თითქო უფრო ნაზი, უფრო მოყვითალო ფერიც გადაჰკრავდათ.

რამდენიმე წუთში სულიკო და შატბია უკვე გორაკს თავში მოექცნენ. აქედან თვალწინ ჩვეულებრივი სანახაობა იშლებოდა — ვენახი, სიმინდის ყანები, ერთგან ფერდობის მოზრდილ მონაკვეთზე ნიადაგი ჩაის ბუჩქისთვის მოემზადებინათ. შატბია და სულიკო ბილიკით თავქვე დაეშვნენ დროდადრო თავს ძლივს იკავენდნენ წაქცევისაგან. გზატკეცილზე რომ ჩავიდნენ და სულისმოუთქმელად ერთი წუთით შესვენებას აპირებდნენ, უეცრად საბა გამთენაძე შემოეფეთათ.

შატბიამ კოლმეურნეობის თავმჯდომარე სულიკოს გააცნო. საბა დაღონებული გამოიყურებოდა; შატბია იმანაც გააკვირვა, საბას რომ მხარზე სანადირო თოფი ჰქონდა გადაკიდებული. გზაში საბამ

ორი სიტყვით უამბო შეშოხვედრილთ, ამ თაოდე წუთის წინ როგორ მოკლა ცოფიანი ძაღლსაგან დაკბენილი, თავისი ხელით შვილივით გამოზრდილი სეტერი. გზა რომ მოკლედ მოექრათ, ერთგან ბილიკით მდინარის ვრცელ, რიყით მოფენილ ნაპირისაკენ ჩაუხვიეს.

ისინი ჯერ კიდევ რიყეზე მიაბიჯებდნენ, რომ გზიდან ძახილი მოესმათ.

— ამხანაგო საბა... იჩქარეთ, გელოდებიან!..

საბამ იცნო კოლმეურნეობის კანტორის თანამშრომელი გოგონა, ხელი აუქნია, ანიშნა — მესმის, მოვდივარო და ისევ დინჯად განაგრძო გზა შატბიასა და სულიკოსთან ერთად. არ შეიმჩნია, მაგრამ ცოტა კი შეფიქრიანდა, გაუკვირდა — „რა მოხდა, რისთვის მეძახიანო“.

ვიდრე საბა ფერდობზე ავიდოდა, გოგონა თვითონ ჩამოეგება, აღელვებით აუწყა:

— რაიკომის მდივანი ამოვიდა მანქანით, კოლმეურნეობის კანტორაში იცდიდა, მე რომ აქეთ წამოვედი, ის მანქანაში ჯდებოდა, შეიძლება გზაში შეგხვდეს.

— მერე რა მოხდა?! რაიკომის მდივანი ამის მეტად არ გინახავს?..

— მინახავს, მაგრამ...

— რა? — მწყრალად წამოიძახა საბამ.

— ასე აღელვებული არ მინახავს.

— რა მოხდა?..

— დღეს არაფერი, ამხანაგო საბა... იმას უნდა ნაღვლობდეს, ხე-ტყე წყალს როგორ გაატანეთო!

— ხე-ტყე?.. გავატანე რა, ჩემის ნებართვით კი არ წაუღია! მოვარდა და გაიტაცა. წყალი, წყალი!

საბამ უცებ მწყრაღად გადახედა გოგონას, თი-თქო უნდა უსაყვედუროს, ამ ხალხის თანდასწრე-ბით ასეთ ამბებზე რას მალაპარაკებო. საბა არ იმ-ჩნევდა, მაგრამ, ეტყობოდა, ღელავდა. უნებლიეთ დაწინაურებული, უცებ შედგა, თანამგზავრებისა-კენ სწრაფად შემობრუნდა და ხელებიც გაოცებით გაასავსავა ჰაერში.

— მოდი ახლა შენ და იმართლე თავი!.. კაცო, მდინარე ცხენი ხომ არ იყო, ლაგამი რომ მე მჭე-როდა ხელში?! არა, ისე კი, რაც მართალია, მარ-თალია, დიდი გლახა საქმე დაგვემართა რა ხე-ტყე დავკარგეთ, რა...

— მაგრამ... სულ არა! — მოულოდნელად გაა-წყვეტინა სიტყვა და დინჯად, ღიმილით შენიშნა წაბნელობა.

— სულ, სულ... ერთი მორიც აღარ დარჩე-ნილა!..

— საბა, მაშ ის თქვენი კლუბის ასაშენებლად გამზადებული ხე-ტყე იყო, გუშინ ჩვენმა მეზა-ბებმა რომ გამოვიღეს?!

საბამ, საკმაოდ მოსულმა, მხარბეჭიანმა ვაჟკაც-მა, უცებ ისე შეჰყვირა, თანაც ისე მსუბუქად შე-ხტა, გაოცდებოდიო.

— გამოზიდეს?! — საბამ მხარზე მარცხენა ხელი მოსკიდა შატბიას, — მართლა ბიჭო?! — ახლა მეორე ხელითაც მობლუჯა მისი მხარი, — ვაჟკაცურად, — შესძახა და ამ შეძახილთან ერთად ისე შეანჯღრია, შატბიამ უცებ ფეხები გაჯგომა, შეეშინდა — არ წავიქცეო.

უნებლიეთ, ფერდობის ძირას შეჩერებულნი კვლავ დაიძრნენ. საბას ახლა მხარზე ხელი გადახვია შატბიასათვის და ისე მიაბიჯებდნენ.

— რახან ასეა, — საბამ ჯიბიდან ხელსახოცი ამოიღო, გაოფლილი სახე შეიმშრალა, — პატივისცემა ჩვენს კოლმეურნეობაზე და მის თავმჯდომარეზე იყოს! წამობრძანდით თქვენი ჰირიმე! კარგი ფეხით და კარგი ამბით მოსულხართ ჩვენს სოფელში!

საბამ შორიდანვე იცნო რაიკომის მდივანი, რომელსაც მანქანა ზემოთ დაეყენებინა, თვითონ კი ერთი კოლმეურნის თანხლებით გორაკის ფერდობზე ბილიკით, ქვემოთ ჩამოდიოდა. დროდადრო შედგებოდა, ქვემოთ, მდინარეს, ან გაღმა, მოპირდაპირე გორაკებს გახედავდა და კვლავ განაგრძობდა გზას.

საბა რაიკომის მდივანს რომ დაუახლოვდა, ნაბიჯს მოუჩქარა, სწრაფად მიეჭრა, სწრაფადვე შედგა ორიოდ ნაბიჯის სიშორეზე და მის გამოწვდილ მარჯვენას, ორივე ხელი ფრთხილად ჩასკიდა; თან ხელს ართმევდა, თან თვალებში შესციქროდა და შესცინოდა, როგორც მეტად ახლობელ

და საყვირელ ადამიანს. საბამ იცოდა-რა იხლა რაიკომის მდივნის გარჯის მიზეზი, დაასწრო, თვითონვე მოახსენა თავისი მარცხი და გასაქირი. მდინარისაკენ გაიხედა, ნაძალადევი ღიმილით შენიშნა:

— ეს შეჩვენებული მაინც რა მოულოდნელად ნოვარდა... — უცებ იერი შეიცვალა, რაიკომის მდივანს უკიდურესად შეწუხებული და გაბრაზებული კაცის თვალით შეხედა, — რა დღე დაგვაყენა, სწორედ ჩასაფრებულივით გვეცა... წინა ღამით მაინც არ ჩამოეცურებინოთ ჩვენებს მორები.

საბა რამდენ სიტყვასაც იტყოდა, ხან რაიკომის მდივანს შეავლებდა თვალს, ხან მდინარეს გადახედავდა. მდინარე ახლა წყნარად მიედინებოდა, გუშინდელი გაშმაგებისა აღარა ეტყობოდა-რა. რაიკომის მდივანიც თითქო წყნარად უსმენდა საბას, მაგრამ ეტყობოდა ეს სიწყნარე დიდ ხანს არ გასტანდა. პაპიროსს ახლა მალიმალ სწევდა, კვამლი ნელა, თავისთავად მოედინებოდა მისი ოღნავ გახსნილი ბაგის კუთხეებიდან და ცხვირის ნესტოებიდან; გეგონებოდათ — შიგნით ცეცხლი გასჩენია და სადაცაა ალიც ავარდებო. მართლაც, რაიკომის მდივნის გულს საბას ლაპარაკზე ნელ-ნელა ეკიდებოდა ცეცხლი.

საბამ იცოდა მისი ხასიათი და, ის მხნეობა, რომელიც აქამდე მოჰყვა, თანდათან ეკარგებოდა; ავალსაც ახლა ისე გაბედულად ვედარ უსწორებდა.

რაიკომის მდივანმა შორიასლოს გაჩერებულ შატბია და სულიკო თითქო ახლა შენიშნაო, ცნობისმოყვარეობით ჰკითხა საბას;

— ეს ჰაბუკები შენ გელოდებიან?

— უფრო... შენ გელოდებიან ამხანაგო ბეგლარ! ჭკრა, თბილისელი მოქანდაკე ყოფილა. მეშახტეთა კლუბისათვის ბარელიეფის გაკეთება მაქვს დავალებულიო.

— ვიცი. ეგ არის? — რაიკომის მდივანი აღბათ იმან უფრო გააკვირვა, რომ ეს ყმაწვილი აქ, სოფელში შემოხვდა ასე მოულოდნელად. ბეგლარმა საბას ისე გადახედა, ყველაფერი გასაგები იყო. საბამ უმალ მოიხმო შატბია და სულიკო, მერე მათ საზეიმო ხმით აუწყა: — იცნობდეთ რაიკომის მდივანსო.

რაიკომის მდივანმაც იცნო თუ არა შატბია, გაუღიმა, შატბიამაც გადადგა მისკენ ნაბიჯი, მაგრამ უცებ სულიკომ დაასწრო; ის მარჯვედ გაჩნდა რაიკომის მდივანთან. ხელიც თამამად ჩამოართვა, გვარი და სახელი, ჩამოსვლის მიზანიც აუწყა და ერთ წამში თავი გააცნო. ცოტა მორიდებით და ღიმილით ისიც მოახსენა — ორი საათის წინ რაიკომში დავრეკე და მითხრეს, რომ აქეთ წამობრძანებულხართო.

რაიკომის მდივანი სულიკოს სიმარჯვეს და სითამამეს არ გაუკვირვებია, მაგრამ ერთის შეხედვით რატომღაც მოეწონა ეს ვაჟი.

სულიკოს უეცარი გამოხტომით გაკვირვებული შეტბია ერთ წუთს გაწბილებულივით იდგა განზე, ეიდრე რაიკომის მდივანმა მეორედ არ გაუწოდა ხელი.

საბა გამთენაძემ უცებ ცქვიტა ყური, როცა გაიგო — სულიკო ჯერ კიდევ სამხატვრო აკადემიის სტუდენტია და არა დასრულებული მოქანდაკე.

— რამხელას შეგიძლია მოერაო? დიდ ფიგურებზე გიმუშავნია?..

სულიკოს კინადამ გაეცინა, თავი ძლივს შეიკავა. მხოლოდ ღიმილში გამოხატა თავისი დამცინავი გაკვირვება.

საბას გულუბრყვილო კითხვამ რაიკომის მდივანსაც უნებლიეთ მოჰგვარა სახეზე ღიმილი.

უცებ, თითქო რამე მოაგონდაო, რაიკომის მდივანმა პაპიროსი გადააგდო და სახეზედაც ისე შეიცვალა, საბას გააცია, ვერ გადაუტრეხებო — გაიფიქრა. ტყუილად ინუგეშებდა აქამდე თავს, ამ უცხო სტუმართან როგორ ინებებს ჩემს დამუშავებასო.

— რა გიქნიათ კაცო, მართალია? — ცოტა მწყრალად იკითხა რაიკომის მდივანმა და გამომცდელის ძვალით შეხედა საბას.

საბა კიდევ უფრო დაიბნა. ვერ მიმხვდარიყო, რაზე ეკითხებოდა რაიკომის მდივანი. გაურკვეველ კითხვაზე გარკვეული პასუხის გაცემა ვერ გაეზედა, — ვაითუ ის „ვახარო“, რის შესახებაც ჯერ

არაფერი სმენია და მთლად გავარისხოო, — ფიქრობდა გუნებაში.

მისი ღუმილი რაიკომის მდივანმა თანხმობად ჩასთვალა; იფიქრა, დანაშაულს გრძნობსო და, ისევ თვითონ განაგრძო სიტყვა:

— იმოდენა ხე-ტყე რომ დაგილუპიათ, რას აპირებთ?!.. ზარალი, ზარალია, სირცხვილიც სირცხვილად რჩება!..

დაწინაურებულ რაიკომის მდივანს საბა ფრთხილად, მოწიწებით მისდევდა ნახევარი ნაბიჯის დაშორებით, აბრეშუმის ყაბალახით წაკრული თავი კი ისე ეჭირა, გეგონებოდათ ღამით ან უხერხულად წოლილა, ან კისერი გასცივებია და თავისუფლად მოძრაობა უჭირსო.

შატბია და სულიკო რამდენიმე ნაბიჯის დაშორებით მიჰყვებოდნენ მათ და თავისთვის ერთმანეთში ჩურჩულებდნენ.

ორმოციოდე ნაბიჯი რომ გაიარეს, რაიკომის მდივანი შედგა.

საბამ უცებ რაიკომის მდივნის მანქანას მოჰკრა თვალი, რომელიც ჩრდილში დაეყენებინა შოფერს. გაიფიქრა — მეშველაო. რახან რაიკომის მდივანი აქეთ წამოვიდა, უთუოდ წასვლას აპირებსო. საბას აზრით, პაპიროსის მოკიდებაზე, გაბოლებაზე და საათის სინჯვაზედაც ეტყობოდა ბეგლარს, რომ ეჩქარებოდა. მაგრამ არ გამართლდა საბას ვარაუდი.

რაიკომის მდივანი შო.რიახლოს შეჩერებულ შატ-ბიასა და სულიკოს მიუბრუნდა.

— თქვენთან ბოდიში! კიდეც განახეთ! .. ამხანაგო სულიკო, როცა რაიკომში შემოვლა, ჩემი ნახვა დააპიროთ, წინასწარ დარეკეთ, ტყუილად რომ არ მოგიხდეთ. მოსვლა... რაიონი დიდია, საქმე ბევრი, ხშირად მიხდება წასვლა-წამოსვლა! მაშ ასე, ესკიზები, ჩანახატები, ყველაფერი მაჩვენეთ.

— უსათუოდ, უსათუოდ!...

სწრაფად მიუგო სულიკომ და გამოსამშვიდობებლად ახლოს მიეჭრა, მის გამოწვდილ ხელს უმაღ თავისი ხელი შეაგება. შატბიაც გამოემშვიდონა.

— საით აპირებთ? — იკითხა რაიკომის მდივანმა.

სულიკომ უმაღ დაუსახელა მასპინძლის გვარი. აქ, სოფელში, სულიკოს ერთი ამხანაგის ნათესავი მართლაც ცხოვრობდა და, იღბლად დროზე გაახსენდა იგი. რაზან რაიკომის მდივანმა ბარელიფის შესახებ ახლა არ ინება მოლაპარაკება, სულიკომ ისე მოაჩვენა თავი, თითქოს სოფელში სხვა საქმისათვის წამოსულიყოს.

— მაშ, კარგი დრო გაგეტარებინოთ! — უსურვა ახალგაზრდებს რაიკომის მდივანმა და ხელი ისე ასწია, ისე დაუქნია, თითქო უნდა აგრძნობინოს — დროა, საუბარი დავასრულოთ. შემდეგ ფრთხილი ნაბიჯით, დაქანებულ კლდოვან ფერდობზე გაჭრილ საცალფეხო გზით იწყო ქვევით სვლა. საბასთვის ეს ისე მოულოდნელი იყო, ძლივს მოასწრო

შატბიასა და სულიკოსათვის დაეძახნა — ჩემს უნახავად, იცოდეთ, სოფლიდან ფეხი არ მოიცივლოთო და, თვითონაც რაიკომის მდივანს მიჰყვა ფეხდაფეხ. რამდენჯერაც რაიკომის მდივანს ფეხი ოდნავ წაუსხლტებოდა ქვიშაზე, ან კლდოვან ქანის სიპ ზედაპირზე, იმდენჯერ შეშფოთებით წამოიძახებდა ხოლმე საბა — „მანდ ფრთხილად, ამხანაგო ბეგლარ“, მაგრამ ამ, წამდაუწუმ სხვის გაფრთხილებაში, უცებ თვითონ ისე დაეცა, სიმწრისაგან და მოულოდნელობისაგან ისე სასაცილოდ აღმოხდა გაუგებარი ძახილი, გეგონებოდათ — წმამაღლა დაახლოვინაო. ბეგლარმა გაიგონა და მიხვდა, როგორ დაეცა სხვისი მოამაგე, გამფრთხილებელი, მაგრამ არც მოიხედა, არც შეიმჩნია, თითქო არაფერი გაეგოს, კვლავ ფრთხილად განაგრძობდა გზას. საბას, ერთი მხრივ, ესიამოვნა კიდევ, რაიკომის მდივანს რომ არ მოუხედნია, და მისი სასაცილოდ მოღრეცილი სახე არ დაუნახავს.

ბეგლარმა გულდასმით დაათვალიერა ის ადგილი მდინარის პირას, საიდანაც წყალმა კოლმეურნეობის ხე-ტყე გაიტაცა. იგი დარწმუნდა; კოლმეურნეებს კიდევ რომ შეეტყოთ მდინარის მოდიდება, ვერაფერს იღონებდნენ; რიყით მოფენილი, ვიწრო ნაპირი, სადაც ხე-ტყე ეწყო, წყალს სწრაფად დაუფარავს, კლდოვან ქანობზე კი ფეხის მოკიდება და სტიქიასთან ბრძოლა წარმოუდგენელი იყო. რასაკვირველია, თუ ვინმე საბას ბრალს დასდებდა, მხოლოდ იმაში, რომ იმ საღამოსვე არ აჭოზილეს

მდინარის პირას დაგროვილი მორები. საბას, ნართალია, გასამართლებელი საბუთი ჰქონდა — მანქანებს ვერ მოუცლიათ, თორემ მორების გამოზიდვა გუშინ დილითვე სდომებია; მაინც, ენაზე კბილს აჭერდა, რაიკომის მდივანი რომ არაფერში შედავებოდა. საბას აზრით, ასე უფრო სჯობდა. ბეგლარის თვალში მისი დანაშაული უფრო შემსუბუქდებოდა, შელავათს კი წონა მოემატებოდა. საბას სული კბილით ეჭირა, სანამ მეშახტეების მიერ ხეტყის ერთი ნაწილის გადარჩენის ამბავს ახარებდა, მისი აზრით, ჯერ კიდევ არ დამდგარიყო ის წუთი, როცა ეს ამბავი ყველაზე დიდ შთაბეჭდილებას მოახდენდა რაიკომის მდივანზე.

შატბიამ სულიკოს სოფელი დაათვალიერებინა. მერე ჰაბუკები მხიარულად გაუდგნენ გზას შინისაკენ. კოლმეურნეობის თავმჯდომარეს რომ შეპირდნენ — გეწვევითო სულიკომ სხვა დროისათვის გადასდო. გზაში ტირიფს ახალი ამონაყარი ორ-ორი ტოტი ააჭრეს, ერთი ტოტის ტყავი მეორეს თავში ნათრახნით მოაბეს და ორლობეში ამ მათრახის წიხტლით, ხეხილის ფოთლებზე ცემით ირთობდნენ თავს. ტირიფის ტყავს ისეთი ტლაშუნი გაუდიოდა, სროლა გეგონებოდათ; ძაღლებიც ამ ხმაზე ხან ერთი ეზოდან გამოეგებებოდნენ გაათრებული

ყფით, ხან მეორედან. ერთმა ფინიამ მაინც ძალიან გამოიღო თავი.

სულიკო ისე ბედნიერად გრძნობდა თავს. ისე აჯონებდა ბედნიერ ბავშვობას ეს ორლობე, ეს ხეხილი, ბალ-ბოსტანი, კრამიტით დახურული სახლები, ძაღლების ყეფა, გზადაგზა ღობის ჩრდილში ჯგუფ-ჯგუფად თავშეფარებული, შუადღის სიცხისაგან შეწუხებული ქათმების, ინდაურების, ორსამგან ეზოში, ჭასთან დაგუბებულ მღვრია ტბორში ბატების ჭყუმპალაობა, ფრთების ფართქუნი, რომ აქაურობის მიტოვება ეძნელებოდა. სულიკოს ისე მოეწონა ერთი მამალი იხვი, თავი და ყელი მუქიმწვანე ხავერდისფერი ბუმბულით რომ ჰქონდა შემკული, თავი ვერ შეიკავა, ჯერ ფრთხილად, მიპარვით, მერე უფრო გაბედულად სცადა მისი დაჭერა, მაგრამ ქონით დამძიმებული, მენჯებმოშვებულივით აქეთ-იქით მოქანავე იხვის დაჭერა არც ისე ადვილი აღმოჩნდა. იხვებმა, ქათმებმა, ინდაურებმა ისეთი ალიაქოთი ასტეხეს, თითქო ქორმა ჩამოუქროლათო. შატბია გუნებაში სულ ნატრობდა, ნეტავი შინ მშვიდობით მივიდოდეთო, რადგან სულიკო არ ისვენებდა; მას ახლა ბავშვური ცელქობის ისეთმა ხალისმა და ჟინმა მოუარა, თავისი საქციელი იღუმალ თვითონაც აკვირვებდა. ერთგან მესრის ღობეზე შეხტა და დაიჟინა — ეზოში უნდა გადავიდე, ალუჩა დავინახე და მომინდაო. ბევრი უშალა შატბიამ, სახლამდე მიმალწევინე და ალუჩას გოდრით დაგიდგამო; ბოლოს ცალ

ფეხში წაავლო ხელი და ძლივს ჩამოაგდო ძირს. სულიკო გზაში სულ ნერწყვს ყლაპავდა და შატბიას გულდაწყვეტით უსაყვედურებდა — რა მიყავი, აქაური ალუჩის გემო რომ არ გამასინჯეო. ორლობე რომ უკან მოიტოვეს და გორაკის ფერდობიდან გაშლილ სივრცეს გახედეს, სულიკო ახლა სხვაგვარმა ეინმა და ოცნებამ შეიპყრო. ერთგან გზის პირას შეჩერდა, ხეობის გაღმა მხარეს დაუწყო ცქერა. გაღმა მთის, ხეობისაკენ მოქცეული კლდოვანი ფერდობი ისე აზიდულიყო, ძალაუნებურად სიდიადის და სიამაყის გრძნობას აღვიძებდა. დანარჩენი, ახლომახლო გორაკები ხეობებით ერთმანეთისაგან დაცილებული — თითქო ვებერთელა ხმლით გაჩეხილი, ყურადღებას იქცევდნენ ზღაპრული მოყვანილობით.

ქაბუკები ერთხანს მდუმარედ გასცქეროდნენ თვალწინ გადაშლილ სანახაობას. შატბიასაც მოეწონა მოპირდაპირე მთის თითქმის შვეულად ჩამოკვეთილი კლდოვანი მკერდი, ამ კლდეს თითქმის შუაწელში ისეთი წავარნა გასდევდა ირიბად, მისი შორიდან ხილვაც კი ჟრუანტელის მომგვრელი იყო. მისი ფიქრით, ამ მთას უეჭველად დაამშვენებდა მონუმენტური ფიგურა.

ეს აზრი სულიკოსაც მოეწონა. იქვე, გზის პირას, ფერდობისაკენ წაქანებულ ხის ჩრდილქვეშ დაჯდა, სპეცშარვლის წინა ჯიბიდან ცარცის ფერების კოლოფი ამოიღო, პატარა ალბომი გაშალა და იმ კლდის გადმოხატვას შეუდგა. როცა ამ საქმეს

მორჩა, ზედ ორი ფიგურაც მოათავსა, მაგრამ კლდისა და ფიგურების შეფარდება ვერ მონახა. ნახატი სასაცილო გამოუვიდა. ფურცელი ამოხია და გადააგდო, მეორედ შეუდგა ხატვას. ერთი შეხედვით, ამ კლდის გადმოხატვაზე ადვილი არაფერი იყო, მაგრამ სულიკოს ნახატში მაინც ვერ მიელწია იმ პროპორციისა და მონუმენტალობისათვის, რაც ამ კლდისთვის ასე დამახასიათებელი იყო.

შატბია, აქამდე რომ თავზე ადგა სულიკოს და ცნობისმოყვარეობით ადევნებდა თვალს მისი ხელის მოძრაობასაც და გაჭირვებასაც, ახლა თვითონაც მოერია უინი, თითქო კლდესთან შეჭიდებას აპირებდნო, ისე მიაპყრო მას თავისი მზერა, მერე თვითონაც სულიკოს შორიახლოს ჩამოჯდა ფერდობზე, გადაგდებული ფურცელი აიღო და ფრჩხილით თავგადაჩიჩქნილი შავი ფანქარი მოიმარჯვა. ფურცლის სუფთა მხარეზე კლდის გადმოხატვას წეუდგა. ის ხან კლდეს გასცქეროდა, ხანაც თავის ნახატს უბრუნდებოდა, ფანქრის წვერს დროდადრო მარჯვედ გაჰკრავდა აქა-იქ, უკვე საკმაოდ გამორკვეულ ნახატს, ხაზებს ერთმანეთში ხლართავდა, რათა მათთვის უფრო მეტი ძალა და „მხატვრული დამაჯერებლობა“ მიეცა.

შატბია შუა ხატვაში იყო გართული, როცა სულიკომ მესამე ფურცელიც ამოხია, გადააგდო და მაშინ პირველად მიაქცია ყურადღება, აღმაცერად გააპარა შატბიასკენ მზერა. ამან უფრო გაუღვიძა

ინტერესი, თითქო შეჯიბრში გამოუწვევიათო, უფრო მეტის მონდომებით და დაკვირვებით შეუდგა მეოთხე ფურცელზე იმ საოხრე კლდის გადმოხატვას, მაგრამ ახლა სულ დაიბნა, თითქო სხვაგან დეჟურებაო, თვალი ერთს ხედავდა, ხელი მეორეს ხატავდა. სულიკომ მეოთხე ნახატსაც ბრაზით დაუსვა ჯვარედინად ფართო ხაზები და ალბომი დახურა. შატბიას ნახატს ახლა უფრო თამამად გადახედა, მიუხედავად პრიმიტიული შესრულებისა, მაინც მოეწონა, რადგან ნახატი გემოვნებით იყო გაკეთებული.

შატბია ჯერ კიდევ იმ ერთ ნახატს ჩასციებოდა; ისე განიცდიდა, რასაც აკეთებდა, არც კი შეუმჩნევია სულიკოს წამოდგომა. სულიკო შატბიას ზურგს უკან აეტუზა და მისი ხელის მოძრაობას დააკვირდა. შატბიას კარგად გადმოეცა კლდის ხასიათი. კლდის თავზე ფიგურებიც ისე მარჯვედ იყო მოთავსებული, სულიკოს ცოტა შურიც კი აღეძრა გულში. მან ამ ნახატშივე აშკარად იგრძნო, რომ შატბიას საგნის მხატვრულად დანახვის და გადმოცემის უნარი უხვად ჰქონდა მინიჭებული. სულიკო—აკადემიის მეორე კურსის წარჩინებული ფრიადოსანი სტუდენტი, უკვე მზად იყო, თავისი ფარ-ხმალი იმ კაბუკის წინაშე დაეწყო, რომელმაც ჯერ არც მხატვრობის აკადემიური ანბანი იცოდა და არც სამხატვრო აკადემიის მისამართი.

როცა შატბიამ ნახატს თავი ანება და გაიხედ-გამოიხედა, გაუკვირდა, სულიკოს რომ ვერსად

მოჭკრა თვალი; ზურგიდან უცებ სულიყო სწვდა მის ნახატს და ხელიდან გამოსტაცა.

შატბიაც უმაღლ მარდად წამოდგა.

— მოიტა, რას უყურებ, ერთი... — შესძახა შატბიამ და ნახატს ხელი წაატანა, მაგრამ სულიყომ არ დაანება.

„ვინ იცის, გუნებაში რამდენს იცინოდა სამხატვრო აკადემიის სტუდენტი, როცა ჩემს ნაცოდგილარს დასცქეროდა“ — გაიფიქრა შატბიამ და თვალის გაუსწორა სულიყოს, თითქო მის იერში უნდოდა ამოეკითხა დასტური; მაგრამ როცა შეხედა, გაუკვირდა; სულიყოს გამომეტყველებაში სულაც არ იგრძნობოდა დაცინვა. პირიქით, ეტყობოდა — შატბიას ნამუშევარი ძალიან მოსწონდა, რახან მისთვის თვალი ვერ მოეშორებინა. ახლა სრულებითაც აღარ ცდილობდა სულიყო რომ თავისი მოწონება დაეფარა. თვალები კეთილად უღიმოდა, დაწვებიც ოდნავ წამოსწითლებოდა, დარცხვენილივით გამოიყურებოდა.

— ნიჭი კი ჩანს შენს ნამუშევარში, მაგრამ... ოსტატობას რომ დაეუფლო, ბევრი უნდა ივარჯიშო, თანაც ხატვის, ძერწვის, თუ ქვაში გაძოკვითის ოსტატობასა და კულტურასთან ერთად საჭიროა შენში განამტკიცო შრომის კულტურაც. ხომ იცი, რა თქვა მარქსმა: გენია — შრომააო!

შატბია ყურადღებით უსმენდა; როცა სულიყო რამეს იტყოდა, შატბიას კი არ უყურებდა, უფრო მეტი შთაბეჭდილების მოსახდენად — თითქო,

რასაც ამბობს, ეს ყველაფერი მისი შინაგანი რწმენის და პირადი გამოცდილების მხილებააო, შორს, ლავარდისაკენ იცქირებოდა. შატბია ჯერ კიდევ ვერა გრძნობდა მის მოჩვენებითს აღტაცებას, შთაგონების ხელოვნურობას, რადგან სხვადასხვა ოსტატების შეხედულებათა სიბრძნის ქრელი ნიღაბი ფარავდა სულიკოს, — როგორც ხელოვანის უმწეობას.

— ასეთი ნიჟის პატრონი, — სულიკომ ნახატი მალლა ასწია; — თავისთავად ბედნიერია!..

შატბიამ გადაიხარხარა, თუმცა თვითონაც არ იცოდა, რა უნდა გამოეხატა ამით — გაკვირვება, სიხარული, თუ სულიკოს შეხედულებას უსაფუძვლობა.

— რა გაცინებს? თუ ჭკუას იხმარ, დიდი მომავალი გაქვს!..

შატბიამ ერთი კი გაუღიჟა, მერე ნელა დახარა თავი. აღარ იცოდა, რა ეპასუხა. როგორ მოქცეულიყო. სულიკოს ბოლო შენიშვნამ ის კიდევ გააწითლა, კიდევ ააღელვა.

სულიკო ერთხანს კიდევ ცნობისმოყვარეობით აცნირდებოდა ნახატს, მერე იგი ავტორს გაუწოდა, შატბიამაც უმაღლესი ჩამოართვა იგი და ორად გაეცვა დაუპირა, მაგრამ სულიკომ შეჰყვირა..

— ნელა, ბიჭო! გასაფუჭებლად კი არ დამიბრუნებია... აგერ კუთხეში წამიწერე — სახსოვრად. სულიკოს! სოფელი, თარიღი და შენი... გუარის

შატბიამ ეჭვით ახედა და გაუღიმა, სულიკოს ნათქვამი ხუმრობა ეგონა.

— დამცინი?

— შენ როგორც გინდა, ისე იფიქრე, ოღონდ, რაც გითხარი, გარკვევით წამიწერე, არ მიჯღაბნო.

შატბიას მაინც ვერ გაებედა სულიკოს თხოვნის შესრულება. ხელი არ ემორჩილებოდა, ვიდრე სულიკომ მიძღვნა ძალით არ წააწერინა ფურცლის კუთხეში, შემდეგ შატბიას ნახატი ალბომის სუფთა ფურცლებს შორის ფრთხილად მოათავსა. ალბომი ილღიაში ამოიღო და მეოცნებე კაცის კილოთი შენიშნა:

— ვინ იცის, იქნებ ოდესმე ეს ესკიზი საფუძვლად დაედოს ჩვენს ოცნებას და იგი სინამდვილედ იქცეს!..

მათ ისევ მხიარულად განაგრძეს გზა და ბაასი. ახლა შატბია ცოტა უფრო თამამად გამოსთქვამდა თავის აზრებს და უფრო დაჯერებულიც იყო თავის გემოვნებაში, რახან სამხატვრო აკადემიის მეორე კურსის სტუდენტი მას ასე ამხნევებდა.

სულიკო გარეგნულად კვლავაც მხიარული ჩანდა, მაგრამ რა წუთსაც მან შატბიას ნიჭის ძალა და აშკარა უპირატესობა იგრძნო, შატბიასთან ახლა რატომღაც ისე თავისუფლად ველარ ეპირა თავი; გვერდით რომ მიჰყვებოდა, ხედავდა, რომ არა თუ ტოლი, ცოტათი მასზე უფრო მაღალიც იყო, მაგრამ თავის სიმაღლეში უპირატესობის

მაგივრად ახლა რაღაც სასაცილოს და არახელსა-
ყრელ განსხვავებას ხედავდა მხოლოდ.

ერთხანს შატბია და სულიკო ისე მიაბიჯებდნენ
გზაზე, გეგონებოდათ უბრად არიანო. წელან რომ
სულიკო ბავშვივით ატაცებული იყო, ახლა ბრძე-
ნივით დინჯი ჩანდა; ეტყობოდა, ფიქრს გაეტაცნა.
შატბიაც ჩაფიქრებულიყო. ის დროდადრო გადა-
ხედავდა ხოლმე ორიოდ ნაბიჯით ჩამორჩენილ
სულიკოს და ისევ მდუმარედ განაგრძობდა გზას.

სულიკო ახლა იმაზე ფიქრობდა, მარტო ის
აწუხებდა, რა ელონა, როგორ მოეწყოს შატბიას-
თან დაახლოვება, რომ მასზე გავლენა მოეპოვები-
ნა და შეენარჩუნებინა. ერთადერთი, რაც პერსპე-
ქტივაში უკვე ბუნდოვნად ესახებოდა ყველა
სხვა საშუალებაზე უფრო რეალურად და საიმე-
ლოდ ეჩვენებოდა, ეს, დამოყვრება იყო; და თუ
სულიკოს წადილს გახორციელება ეწერა, უფრო
ხელსაყრელი ვითარებისათვის ლოდინი აღარც
შეიძლებოდა. როგორც სულიკომ შეამჩნია, მეგიმ
პირველი ნახვის უმალ სასურველი შთაბეჭდილება
მოახდინა შატბიაზე და თუ იმ ნაპერწკლის გაღვი-
ვებას შეეცდებოდა, გუშინ რომ აკიაფდა შატბიას
გულში, მიზანს ალბათ ისე ადვილად მიაღწევდა,
შეიძლება თვითონაც გაჰკვირვებოდა. მაგრამ თუ
ამ შემთხვევას ვერ გამოიყენებდა, შატბიასთან
დამოყვრების იმედი აღარ უნდა ჰქონოდა.

შატბია სულ სხვა რამეზე ფიქრობდა და ოცნე-
ბობდა. მისი ნატვრა იყო სამხატვრო აკადემიაში

მოწყობა, სწავლა, შემდეგ იმ ნააზრევის განხორციელება, იმ გმირების ხორცშესხმა, რომლებიც ჯერ მხოლოდ მის გონებაში, მის სულში ფათურობდნენ და ეს ერთი ხანია უკვე მოსვენებას აღარ აძლევდნენ ჰაბუკს.

ჩაის პლანტაციებიც რომ ინახულეს, საბამ სწორედ სოფლიდან გამგზავრების წინ ახარა ბეგლარს მეშახტეთა მიერ მდინარიდან ხე-ტყის გამოზიდვის ამბავი.

ბეგლარი და საბა ერთად გაემგზავრნენ შახტი-საგენ. ნახევარი გზაც არა ჰქონდათ გავლილი, რომ ერთგან ძალაუნებურად მოუხდათ შეჩერება. ვიწრო, მაგრამ ღრმა ხევზე გადებული ხის ხიდის შუა ბოძებისათვის მოვარდნილ წყალს საყრდენი გამოეთხარა. სიმძიმისაგან ხიდის ცალი კოჭი ჩა-ზნექილიყო. ნაპირსაც ისე დაეწია, ხიდზე გავლა აღარ შეიძლებოდა.

შოფერმა მანქანა ხიდის პირთან დააყენა; თვითონაც შენიშნა, მეორე მხრიდან მომდგარმა ხალხმაც ატეხა ყვირილი — ხიდი დაზიანებულიაო.

ბეგლარი და საბა უმალ მანქანიდან გადმოვიდნენ.

— როდის მოხდა ეს ამბავი? — იკითხა ბეგლარმა, როცა ხიდი გულდასმით დაათვალიერა.

გარკვევით არავის შეეძლო რამე ეთქვა. ხიდი, უთუოდ, წუხელ მოვარდნილ წყალს უნდა დაეზიანებია.

— რამდენი ხანი დასჭირდება მაგის აღდგენას? — კვლავ იკითხა რაიკომის მდივანმა და ფერდობზე ორი-სამი ნაბიჯით ჩამოქვეითდა, ხიდს გვერდიდან გახედა.

კოლმეურნეთა შორის ბჭობა რამდენიმე წუთს გაგრძელდა. ბოლოს ერთი მათგანი წინ წადგა და დარწმუნებით თქვა:

— ამხანაგო ბეგლარ, რაც მალე იქნება, ჩვენთვისაც უკეთესია, მაგრამ... სვალ ამ დრომდე მაგას, მგონია, არაფერი ეშველება!

თითქო ბეგლარი ამ სიტყვებმა ფიქრისაგან გამოარკვეისო, შუა და სალოკ თითს შუა შერჩენილ პაპიროსის ნამწევას დახედა, ფერფლი გააყრევინა, სახეზედაც ღიმილი მოეფინა. მაგრამ ეს ღიმილი ახლა კმაყოფილებას და დასტურს კი არ გამოხატავდა, თითქო იმ კოლმეურნეს ანიშნებდა — ვარაუდში სცდებიო.

ბეგლარი ფერდობიდან კვლავ გზაზე ამოვიდა. მაგის საათს აჩქარებით დახედა და გარსშემოკრებილ კოლმეურნეთ დინჯად ჩამოუთვალა, თუ რის გაცეთება უნდა მოესწრო დღეს.

— მაგრამ, როგორც ხედავთ, — განაგრძო მან, — აქედან ვერსად წავალ, ვიდრე ხიდს არ აღვადგენთ, ხიდი კი... — მან თვალი მოავლო ირგვლივ თავმოყრილ ხალხს, რომელსაც თითო-ოროლა

კაცი დროდარო ემტებოდა: — ხილი კი ერთ საათში უნდა იქნეს აღდგენილი!

მართალია, რაიკომის მდივნის სიტყვები ბეჯითად იყო წარმოთქმული, მაგრამ იქ მყოფთა სახეზე იმ სიტყვების გაგონების უმალ გაოცება აღიბეჭდა.

ბეგლარმა სწრაფად დარაზმა ხალხი, ყველას საქმე გაუჩინა. სწორედ ის დრო იყო, როცა კოლმეურნეთა ერთი ნაწილი სამუშაოდან სახლებისაკენ ეშურებოდა. ვინც გაღმიდან მოადგებოდა ხიდს, ან გამოღმა გამოჩნდებოდა ბეგლარი და საბა უმალ საქმეში აბამდნენ. ზოგს თქმაც არა სკირდებოდა. დაინახავდნენ თუ არა გაცხარებულ მუშაობაში კოლმეურნეებთან ერთად ჩაბმულ რაიკომის მდივანსა და კოლმეურნეობის თავმჯდომარეს, თვითონაც თავდავიწყებით ებმებოდნენ საქმეში. ყველა ცდილობდა მუშაობაში თავი გამოეჩინა და უფროსების ყურადღებაც მიეპყრო.

ქვემოთ, ხევში, ხიდისკენ დიდ ქვებს ეზიდებოდნენ ბოძების საძირკვლის გასამაგრებლად. მესამე საყრდენისათვის, საბარგო მანქანაზე გამობმული დიდი მორიცი მოიტანეს. ბირღაბირი, ნაჯახები, თითო მტკაველა ლურსპნები, ბარები, წერაქვები ნანატრივით ერთბაშად გაჩნდა. ცოტა, საყრდენი ძელის აწევა და ხიდქვეშ შეყენება გაუჭირდათ. მაგრამ ამ საქმესაც მალე გაართვეს თავი. ყველა ცხადად ხედავდა რის შემძლეა ერთობა და სწორად

წარმართული ძალა. ზეგლარი და საბა, სადაც მეტი გასაჭირი იყო, სწორედ იქ გაჩნდებოდნენ ხოლმე, დანარჩენებს ხან მარჯვენით ეშველებოდნენ, ხან მარჯვე სიტყვით და რჩევით. ხანაც ამ დაძაბულ მუშაობასა და გასაჭირში უეცარი სახუმარო შენიშვნით ისეთ ხარხარს იწვევდნენ, გეგონებოდათ აქ სამუშაოდ კი არა, საოხუნჯოდ შეკრებილანო. როცა ხიდს ქვემოდან მესამე საყრდენი შეუყენეს, ჩაზნექილი ნაპირი ასწიეს და გამართეს, ღურგლები უმაღ შეცვივდნენ ხიდზე, ახლადშედგმულ საყრდენის ადგილას ორი ფიცარი ააძვრეს, თოკის კიბით ხიდის ქვეშ მოექცნენ და საყრდენის გულმოდგინედ გამაგრებას შეუდგნენ. ცოტა ადრე, ბოძის გამართვის უმაღ, კოლმეურნეთა ერთი ნაწილი, ზემოთ რომ მუშაობდა, მერე ქვემოთ, საყრდენის გამაგრებლებს ჩაეშველა, მუხლებზემთ შარვალაკარწახებული კაცები წყალში შევიდნენ. ახლა ბეგლარიც ქვევით იყო, ბერკეტებით ლოდების გადაგორებასა და საყრდენის გამაგრებაში ეშველებოდა დანარჩენებს.

საქმეს რომ მორჩნენ და შუბლზე ღვარად დადენილი ოფლი გადაიწმინდეს, ზოგს ჯერ კიდევ არა სჯეროდა, თუ ბეგლარის სიტყვა გამართლდა, ასე მალე საქმედ იქცა.

იმ ერთ საათს ხალხი ისე გატაცებით და დაძაბული მუშაობდა, დაღლა მარტო მაშინ იგრძნეს, საქმეს რომ მორჩნენ და წელში გაიმართნენ. რასაკვირველია, რა დაძაბულიც უნდა ყოფილიყო

ასეთი მუშაობა, მათ ვერ მოქანცავდა, რომ ეს საქმე უკვე მთელი დღის ნამუშევრებს არ შეხედომოდათ გასაკეთებელი.

ბეგლარმა რამდენიმე ყმაწვილი, წელან რომ ისე მარჯვედ და თავგამოდებით მუშაობდნენ, თავისთან მოიხმო, აქო. — ყოჩაღ! ყოჩაღ! თქვენისთანა მარჯვე ბიჭები კოლმეურნეობაში კი არა, შახტშიაც ივარგებდნენ.

ყმაწვილებმა ერთმანეთს გადახედეს.

— გამოვდგებოდით და კიდევ გვინდა შახტში მუშაობა, მაგრამ ვინ გვიშვებს! — წყენით თქვა ერთმა.

ბეგლარმა საბას მრავალმნიშვნელოვნად გადახედა.

— მართალია, ჩემთვისაც უთქვამს ზოგიერთს, მაგრამ... — საბას ენა დაება.

ბეგლარმა ერთხელ კიდევ გადახედა საბას, მერე ახალგაზრდებს მიუბრუნდა:

— გავაკეთებთ მაგ საქმეს!

ახალგაზრდებმა სიხარულით დაუკრეს თავი ბეგლარს.

რაიკომის მდივანი ახლა საბასთან ერთად, დაწმენდილ რუს პირად იბანდა ხელ-პირს; მის შორი-ახლოს შეჭგუფულ, ფერდობის ბილიკზე მიმავალ, ხიდის თავზე გადმომდგარ კოლმეურნეებს, თუ წელან ბეგლარის სიტყვებზე—ხიდი ერთ საათში იქნება შეკეთებულიო, — გუნებაში უნებლიეთ გაედღმათ, ახლა გაკვირვებით და მოწიწებით გას-

ცქეროდნენ რაიკომის მდივანს. ის მხიარულად გამოიყურებოდა, ეტყობოდა კმაყოფილიც იყო, მაგრამ მის იერში ვერც ალტაცებას და გადაჭარბებულ თავმომწონეობას ამოიკითხავდით, ვერც მედიდურებას, რაც შეიძლება აღედგრა სხვაში ამ წარმატებას. მისთვის თითქო თავიდანვე ცხადა იყო — სხვების მიერ ერთ დღეში ნავარაუდები საქმე, რომ ერთ საათში უნდა შესრულებულიყო.

ახლა ხიდის თავსა და ბოლოში, ქვემოთ ხევიწიაც იმდენი ხალხი მოგროვილიყო, ზეიმი ვეგონებოდათ. აკი განცვიფრდნენ კიდევ შატბია და სულიკო, როცა ამ ადგილს მოაღწიეს. შეიტყვეს თუ არა, რაშიაც იყო საქმე, გული დაწყდათ, რომ ამ ამბავში მონაწილეობა ვერ მიიღეს.

ხევიდან, ბილიკით გზაზე ამოსულმა ბეგლარმა გაკვირვებით გადახედა შატბიასა და სულიკოს.

— დაიგვიანეთ! — ღიმილით, თანაგრძნობით შენიშნა დაღონებულ ჭაბუკებს. მერე ხალხს დაემშვიდობა, მანქანაში ჩაჯდა, შატბიასა და სულიკოსაც. თითქო უბრძანებდნო, ისე ანიშნა ხელით — მანქანაში ჩასხედით, წაგიყვანთო. რაიკომის მდივანი არ შევაწუხნოთო, ახლა ამ მიზეზით უარის თქმა აღარ შეიძლებოდა. მარცხნიდან შატბიამ გააღო „M—1“-ის კარი, მარჯვნიდან სულიკომ. მათ ისე მოიმწყვდიეს შუაში საბა, ვეგონებოდათ, ცემას უპირებენო. როცა კარები მოიჭახუნეს, მანქანაც დაიძრა. ხალხმა მხიარული შეძახილებით გააცილა იგი. წვიმის დროს ურმის ბორბლებიჟ

გაკვალული ტალახი ახლა ვიწრო ღარებივით აჩნდა მიწას. გამხმარი, დაფშენილი ტალახის გორბებზე მანქანა ისე ხტოდა და წამდაუწუმ უსიამოვნოდ ირწეოდა აქეთ-იქით, ძალიან ძნელი იყო წონასწორობის შენარჩუნება. უკან მსხდომნი წამდაუწუმ ეხლებოდნენ ერთმანეთს. ნიდაყვებით წინა სავარძლის ზურგზე დაყრდნობილ და ხელებ-ჩაფრენილ საბას მანქანის ერთი ღონიერი ჩაბუქვნის დროს ცალი ნიდაყვი დაუსხლტა და შუბლი ისე დაჰკრა სავარძელს, რომ ერთ-ორ წუთს გაბრუებული ვედარაფერს გრძნობდა. მერე შუბლზე ხელი შემოიღო, სიცილით რომ იგუდებოდნენ, ზეცბიასა და სულიკოსაც გადახედა, თვითონაც გაეცინა.

— ბეგლარ ჩემო: აწი თუ კიდევ წამომიყვან ამ გზაზე შენი მანქანით, წამოსვლის წინ უსათუოდ კოლ-შვილს გამოვეთხოვები.

— არ გვაცლი?.. — მოუბრუნდა მცირე ღუმალის შემდეგ ბეგლარი საბას, — მალე მოესწრები, აწეთაც დევის ქვაბებში ასფალტს ვაღულებდეთ და მანქანები ლავაშივით გაგებულ შავ ცხელ ფაფას ტყეპნიდნენ. გაღმა, გორაკების ფერდობებს კი სულ ჩაის ბუჩქებით მოვაჩუქურთმებთ, ერთ დიდ ხიდს ავაშენებთ, კლუბის ახალ შენობას ავაშენებთ!.. ელსადგურს ავაშენებთ.

— ეგ მართლა დიდებული საქმე იქნება, — წამოიძახა საბამ და მუხლზედაც ხელი ისე დაიკრა, ტყაცუნი გაადენინა.

— შე კაცო! — ღიმილით შენიშნა ბეგლარმა, — რამდენი დიდებული საქმე გაგვიკეთებია, ამასაც გავაკეთებთ! — რაიკომის მდივანმა სულიკოსაც გადახედა,

— თქვენც არ იტყვით ალბათ უარს...

— რაზე, ამხანაგო ბეგლარ? — მკვირცხლად იკითხა სულიკომ.

— ჩვენი კუთხის გამშვენიერებაში მონაწილეობაზე.

— თუ გამოგადგებით... — სიტყვა აღარ დაასრულა სულიკომ.

— სწავლას როდის ამთავრებთ? — მცირე დუმის შემდეგ ჰკითხა ბეგლარმა.

— მეორე კურსზე ვარ... ოთხი წელი კიდევ მიკლია დიპლომის მიღებამდე.

— ნამდვილ დიპლომს მაშინ მიიღებ, როცა ცხოვრებას გაეცნობი და ხალხს შეისწავლი! თუ ამ საქმეში როდისმე დაგჭირდებ, არ მომერიდო, სიამოვნებით დაგეხმარები.

სულიკომ წამოიწია, თვალებში შესცქეროდა ბეგლარს, თითქო სულში უნდა ჩაუძვრესო.

— მინდა ბელადის ისეთი მონუმენტი დავდვა ჩვენს რაიონში, რომ მის სანახაად საქართველოს ყველა კუთხიდან მოდიოდნენ!.. შეგიძლიათ, თქვენც იფიქროთ ამის შესახებ, — რაიკომის მდივანმა ღიმილით გადმოხედა სულიკოს. — თქვენ თქვით, ოთხი წელიწადი კიდევ უნდა ვისწავლოო? სწავლა კაცს, მგონია, ხელს არ უნდა უშლიდეს

მომავალზე, დიდ ამბებზედაც იფიქროს და თავის ოცნებას საფუძველი მოუმზადოს! ჰოდა, თქვენც იოცნებეთ!

— ძვირს თუ არ დაგვიფასებს! — ვითომ ხუმრობით, ნამდვილად კი მომჭირნე კაცის წინდახედულებით შენიშნა საბამ.

ბეგლარს არ მოუხედნია. საბას შენიშვნაზე ისე მიუგო, თითქო თავის თავს ელაპარაკებო.

— ძვირი რასა ჰქვია?!.. კარგს ფასი არა აქვს!

— პატივცემულო ბეგლარ, თქვენ არა მარტო გიყვართ, გეტყობათ კარგად ერკვევით კიდეც ხელოვნების საკითხებში.

— რატომ არ უნდა მიყვარდეს?! განა ხელოვნების სიყვარული კაცს უშლის რამეს?..— დინჯად შენიშნა სულიკოს კითხვაზე ბეგლარმა.

სულიკო სმენად და მზერად იყო ქცეული; ბეგლარს როცა არ უნდა მოეხედნა, უმაღლეს მის თვალებს წააწყდებოდა ხოლმე.

— მე დღეიდანვე შეეუდგები თქვენს განზრახვაზე ფიქრს... დიდებული საქმე იქნება!

— ამხანაგო ბეგლარ, მერე იმხელა ქანდაკებას ერთი კაცი გაწვდება?.. — ეჭვით იკითხა საბამ.

— ეგ კაცზეა დამოკიდებული... უნარზე! — კვლავ დინჯად მიუგო ბეგლარმა და წინ წამოხრილ სულიკოს გაუღიმა.

— თუ ვერ გავწვდები, აგერ შატბიაც მომეხმარება! — არხეინად შენიშნა სულიკომ.

— შატბია? — უცებ იყვირა საბამ.

რაიკომის მდივანი ახლა უფრო საბას შეყვირებამ გააკვირვა, ვიდრე სულიკოს სიტყვებმა.

— ამხანაგო ბეგლარ, გაიგონე?

— შე კაცო, ყურს ხომ არ მაკლია?!

რაიკომის მდივანი უკანა სავარძლისაკენ შებრუნდა, სადაც საბა, შატბია და სულიკო ისხდნენ. მარცხენა ილლით შოფრის სავარძლის საზურგეს ეყრდნობოდა, ხელიც მაგრად ჩაევლო მისთვის.

— პატივცემულო ბეგლარ, — დაიწყო სულიკომ, — ამხანაგმა საბამ, ეტყობა, არ იცის, რომ შატბიაც მოქანდაკედ გახდომას აპირებს და გახდება კიდეც!

— ჩვენის მხრივ ყურადღება არ მოაკლდება, თუ მაგ საქმეში უნარს იჩენს!..

ნიჭიერი ყმაწვილია! მაგის, ჯერ გაუწაფავი ხელით გამოძერწილი ბიუსტები, ზოგიერთი ცნობილი მოქანდაკის ნამუშევარს მიჩვენია.

— მე, თუმცა შატბიას ნამუშევრები არ მინახავს, არც იმ ოსტატების ნაწარმოებებს ვიცნობ, რომლებსაც თქვენ ამ შემთხვევაში გულისხმობთ, მაგრამ გეთანხმებით, სულ თუ არა, ნაწილობრავ, შეიძლება, მართლაც ასე იყოს.

— პატივცემულო ბეგლარ, ხელოვნებაში შეიძლება მოხერხებულმაც გაითქვას სახელი, მაგრამ საყვარელი მაინც მხოლოდ ნიჭიერია!

— ხანდისხან საკვირველია ადამიანის ახირება, რის უნარიც არ შესწევს, ზოგი სწორედ იმ საქმეს ეტანება და შეყვარების მაგივრად ყველას თავს

აძულებს. — ამ ზოგადი მოსაზრების შემდეგ ბეგლარი კვლავ შატბიას საკითხს დაუბრუნდა, — მაშ, ამხანაგო სულიკო, შატბია თქვენის აზრით იმედს გვაძლევს... — ვიდრე სიტყვას დაასრულებდა. ბეგლარმა ისეთი თვალით გადახედა შატბიას, რითქო ამხნეებდსო.

— ეს ჩემთვის უკვე დღესავით ცხადია.

— მერე... თუ ასეა საქმე, რას ფიქრობ აბლა? კვლავ გადახედა ბეგლარმა შატბიას.

შატბიამ უბრალოდ, ხმადაბლა შენიშნა:

— ფიქრით ვფიქრობ... მაგრამ, — შატბია შეყოყმანდა, — მართო ფიქრით რა გამოვა?

— სწავლა არ გინდა?

შატბიას ხმა ვერ გაეღო. ისევ სულიკო ჩაერია საქმეში.

— უნდა, მაგრამ, — შენიშნა ყოყმანით, უფრო მეტი ინტერესი რომ აღეძრა ბეგლარისათვის, — მამამისი, ცოტა, სხვა აზრისაა...

— რაო?

— სწორედ გუშინ გვეკამათებოდა... ჩემს გვარს შახტში მუშაობის ტრადიცია აქვს და შატბიაც შახტში სამუშაოდ უნდა დარჩესო.

ერთხანს კრინტი აღარავის დაუძრავს. ყველანი ცნობისმოყვარეობით ელოდნენ — რას იტყოდა რაიკომის მდივანი.

— საბა, როგორ ფიქრობ, — გაისმა ბოლოს მისი ხმაც, — ერთ კაცს, შატბიას შემცვლელს, როგორ-

მე გამოვნახავთ, არა? — ხუმრობის კილოთი იყო
თხა ბეგლარმა.

— რასა ბრძანებ, ამხანაგო ბეგლარ! თუ საჭირო
იქნება, ამ ერთში, — შატბიას მხარზე ხელი გადა-
ხვია საბამ, — ხუთ კაცს მივცემ! გამოწერილივით,
სწორედ ახლა მსურველებიც რომ მყავს! თქვენც
ხომ ესაუბრეთ!

— არ დაგავიწყდეს, მხედველობაში იქონიე! —
გადასძახა ბეგლარმა საბას და მერე კვლავ შატბიას
მიუბრუნდა, — თუ შენი ნამდვილი მოწოდება
მოქანდაკეობაა, მამაშენს მე მოველაპარაკები.
ხელს ვერაფერი შეგიშლის!

შატბიამ ისე შეხედა ნახევრად სახე მობრუნე-
ბულ რაიკომის მდივანს, რომ მან უმალ იგრძნო,
უმალ ამოიკითხა ჭაბუკის მზერაში უსაზღვრო
მადლობა და უსაზღვრო სიხარული.

ბუნკერის მხრიდან ის იყო დაიძრა ნახშირით
დატვირთული ეშელონი. რაიკომის მდივნის მანქა-
ნას თავისუფლად შეეძლო გადაესწრო ეშელონი-
სათვის, ლიანდაგს ათიოდე მეტრითღა იყო და-
შორებული, მაგრამ ბეგლარმა შოფერს მანქანა
გააჩერებინა და ცნობისმოყვარეობით იწყო ცქერა
იქით, საიდანაც მატარებელი მოდიოდა. რახან მან-
ქანა შეჩერდა, სულელომ და შატბიამ დრო იხელ-

თვის, უმაღლესი გიგანტი, საბას და ბეგლარს დევნიდობენ და მატარებლის ჩამოვლას აღარ მოუცადეს, ლიანდაგზე გადაირბინეს.

ნახშირით დატვირთული მატარებელი დაღმართზე ფრთხილად მოჰყავდა მემანქანეს; ორთქლმავლის რიტმიული ქშენა ყურთასმენას ახშობდა, რძის ქაფივით აფუშფუშებული ორთქლი კი ბორბლებში იბლანდებოდა და ქრებოდა. ვაგონები ტაატიით, ბორბლების ხმაშეწყობილი რაკრაკით, ნახშირით გამოტენილი ფერდების კრაკუნით მისდევდა ორთქლმავალს.

ამ სურათის ხილვით კმაყოფილ, მანქანის საზურგეზე მიწოლილ ბეგლარს სახეზე ღიმილი მოჰყენოდა. ის კარგად იცნობდა მთელ მიწისქვეშა მეურნეობას, და ცხადად ჰქონდა წარმოდგენილი, რა თავგანწირვით, რა გამირული შრომით იყო მოპოვებული ყოველი ტონა ნახშირი.

როცა ეშელონმა ჩაიარა, შოფერმა ერთი კი გადახედა რაიკომის მდივანს, მერე მანქანა უცებ შეტოკდა ადგილზე და წინ გაიქრა. გადაიარეს თუ არა ლიანდაგი, იქვე, შახტისაკენ გაუხვიეს. ძველი დაგებული ასფალტი გზადაგზა დაზიანებული იყო. ორი დღის წინ ჩამდგარი წვიმის წყალი ოღრო-ჩოდროებში ჯერ კიდევ არ ამომშრალიყო. მანქანას ხან გზის მარჯვნივ წამოუფრინდებოდა ხოლმე ქათამი გაკაპასებული კაკანით და ფრთების ფარლქუნით, ხან მარცხნივ. ერთ-ორგან ბატებიც შემოხვდათ; მანქანის ხმაურზე მათაც იკადრეს

ფრთების გაშლა და ფეხის აჩქარება; ქვანახშირის მტვერით გადაშავებული ფრთები რომ გაშალეს, თითქო სარჩული აქვსო, შიგნიდან ისე უქათჭათებდათ იგი.

შოფერი ცდილობდა, მანქანა ისე ეტარებინა, ასფალტის ღრუებში ბორბალი არ ჩავარდნოდა, მაგრამ დროდადრო „M—1“ მაინც ისე „ჩაბუქნავდა“, მგზავრები იძულებული იყვნენ ხელი უცებ სახელურისათვის, ან სავარძლის საზურგესათვის წაეველოთ. შახტისაკენ მიმავალ გზის მარცხნივ და მარჯვნივ აქა-იქ ეყარა გაუხვეწავი ძელები, ჭადრაკულად ნაწყობი რკინიგზის ლიანდაგის დასაგები ნამორები, საშახტო მანქანები და ვაგონების უვარგისი, დამტვრეული და წვიმაში მუქყვითელი ჟანგით დაფარული ნაწილები. მარცხნივ, მანქანების შესაკეთებელ სახელოსნოდან ისმოდა ჩაქუჩების რიტმიული რაკუნის და რკინის ჟორიალ-ზუზუნის. წინ, ბუნკერის უშველებელი კოშკი სადარაჯო ჯიხურივით ამართულიყო ცაში, საიდანაც ისეთი ხრიალ-გრიალი ისმოდა, ქუხილი გეგონებოდათ. ბუნკერის ახლო მობნეულ ქვანახშირს რამდენიმე ქალიშვილი აგროვებდა. შტოლნიდან დროდადრო, პაწაწინა ბორბლების რაკრაკით ქაასავით გამოიკლაკნებოდა ხოლმე ნახშირით დატვირთული ვაგონეტების წყება. აკუმულატორული ელმავალი ზარის გაბმული წკარუნით მისრიალებდა ვიწრო ლიანდაგზე, რომელიც მიწას ძლივს აჩნდა.

ბეგლარის მანქანა კომბინატის მთავარ შესასვლელთან გაჩერდა. ბეგლარმა ერთი კი მოაკლხო თვალი იქაურობას, შორიახლოს მდგარ მუშებრს ჯგუფს ხელის დაქნევით მიესალმა, მანქანიდან სწრაფად გადმოვიდა. საბას კი ცოტა შეაგვიანდა.

ბეგლარი ქვის დაბალ კიბეზე ავიდა, პირველი სართულის კარებთან შეჯგუფული მუშა-გოგონები და თანამშრომლები უცებ აქეთ-იქით გაიფანტნენ, რაიკომის მდივანს გზა მისცეს; სალამზე ზოგმა ღიმილით უპასუხა, ზოგმა გაბედულად შესძახა — ბეგლარს გაუმარჯოსო და მიმავალს თვალიც გააყოლეს.

ბეგლარი დინჯად აღიოდა კიბეზე. ორი საფეხურის დაშორებით, უკან, საბა გამთენაძე მისდევდა და საითაც რაიკომის მდივანი გაიხედავდა, ისიც უმაღლ იქით მიაპყრობდა თავის მზერას და ყურადღებას. სართულიდან სართულამდე კიბის ასწვრივ, კედელზე პარალელურად იყო გაკრული გრძელი, წითელი მატერია, რომელზედაც თეთრი ფერით ეწერა ლოზუნგი; ხოლო ბაქანს ზემოთ, კიბის პირდაპირ, დერეფანში შესავალ კარის თავზე ეკიდა პლაკატი — პნევმატურ ჩაქუჩმომარჯვებულის მეშახტის გამოხატულებით.

რაიკომის მდივანი მეორე სართულს რომ გაუსწორდა, დერეფნის სიღრმიდან ყვირილი მოესმა, წამით შეჩერდა, ერთმა მუშამ ბეგლარის გასაგონად თქვა — რა აჯაჯღანებს ამ ბრაქულსო და თვითონაც დერეფანში შევიდა, ბეგლარმა კი განა-

გრძო კიბეზე სვლა. ბრაჭულის ქაქანი ისევ ისმო-
და. ბეგლარი და საბა მესამე სართულის დერე-
ფნის ბოლოში, შახტის უფროსის კაბინეტის წინ,
მოსაცდელ ოთახში შევიდნენ. მოსაცდელ ოთახში,
ფანჯარასთან ყმაწვილი მდივანი გოგონა მანქანაზე
-რაღაცას ბეჭდავდა, შემოსულთათვის ყურადღება
არ მიუქცევია, რადგან მომსვლელი დღის განმავ-
ლობაში იმდენი იყო, თუ არაფერს ჰკითხავდნენ,
თავს არ აიღებდა.

ბეგლარმა სახელური მოსწია, მაგრამ კაბინეტის
კარი დაკეტილი დაუხვდა. როცა მდივნისაკენ გა-
იხედა, ის უკვე ფეხზე წამომდგარიყო, კარის გასა-
ღებიც ხელში ჰქონდა მომარჯვებული.

— ახლავე გავაღებ, — სწრაფად წამოიძახა მან
და კარს მიაშურა. — თვითონ კი არ გახლავთ,
შახტშია — შენიშნა ბეგლარს და კაბინეტის კარი
ფართოდ გაუღო.

ბეგლარს კაბინეტისკენ აღარ გაუხედნია, ისე
იკითხა:

— მალე თუ დაბრუნდება?

— ვერ მოგახსენებთ. — გაიღიმა მდივანმა და
თვალები აახამხამა, — კარგა ხანია წავიდა...

— მოხდა რამე? — კვლავ იკითხა ბეგლარმა.

— მე მგონია, — ყოყმანით დაიწყო მდივანმა, —
მე მგონია, არაფერი. ამხანაგი ლუკა თითქმის
ყოველდღე ჩადის ხოლმე შახტში.

ბეგლარმა პაპიროსს მოუკიდა და კაბინეტში
შევიდა. მდივანი ქალიც შეჰყვია, სკამი შესთავაზა.

— ერთი, შემიტყვე, რომელ ჰორიზონტზე იმყოფება ლუკა, — დაავალა ბეგლარმა მდივან ქალს და ფანჯრისაკენ გაემართა.

მდივანმა დარეკა. აცნობეს, რომ შახტის უფროსი უკვე წამოვიდაო. ეს ამბავი ბეგლარს მოახსენა თუ არა, როგორც შევიდა, ისე სწრაფი ნაბიჯით გამოეშურა უკან, კაბინეტის კარი ფრთხილად გამოიხურა და კვლავ საბეჭდ მანქანას მიუჯდა. ერთი წუთის შემდეგ ისევ გაიღო მოსაცდელი ოთახის კარი. ძველი მეშახტე გერასიმე სოფრომაძე ფრთხილი ნაბიჯით შემოვიდა, კარიც ფრთხილად მიხურა და ბეჭდვით გართულ მდივან გოგონას ყურადღება რომ მიეპყრო, ერთი-ორჯერ ფრთხილად ჩაახველა. მდივანმა სწრაფად შეავლო მას თვალი, მისალმებაზედაც, თითქო სხვათა შორის, სწრაფადვე უპასუხა და კვლავ აათამაშა თითები საბეჭდი მანქანის კლავირზე.

გერასიმემ; მდივნის ასეთი „ყურადღებით“ ცოტა ნაწყენმა, ფრთხილად აუარ-ჩაუარა წინ, კაბინეტის კარებსაც შეავლო თვალი, საკეტში გასაღებიც შენიშნა და დარწმუნდა, რომ ლუკა კაბინეტში იყო.

— ლუკა მინდა ვნახო, შევალ, — ხმადაბლა გადაულაპარაკა ბოლოს მდივანს.

— არ გახლავს, — სწრაფად, კლავირისათვის თვალის მოუშორებლად უპასუხა მდივანმა.

ამ პასუხზე უცებ საკვირველად შეეცვალა იერი ძველ მეშახტეს. მან ჯერ სასაცილოდ წაიგრძელა

კისერი მდივან გოგონასკენ, მერე ამაყად გასწორდა წელში და მწყრალად თქვა:

— თუ საქმე აქვს, მითხარი, თუ არა და, რას მატყუებ!.. ეზოდან, ფანჯარაში ჩემი თვალით რომ არ დამენახა... ა! ლაპარაკიც ისმის!

მდივნის პასუხს აღარ დაელოდა, სწრაფად წავა სახელურს, კარი გააღო და სახტად დარჩა. უკან გამობრუნება აღარ შეიძლებოდა, ბეგლარმა უკვე დაინახა გერასიმე, მიესალმა და თავისთან ისმო.

— ჩემთან გაქვს საქმე? — ჰკითხა ბეგლარმა შუა ოთახში შეგებებულ მეშახტეს.

— ჯერ არა, მაგრამ... მერე შეიძლება თქვენი შეწუხებაც დამჭირდეს, ამხანაგო ბეგლარ!

— რაღა მერე, ახლა მითხარი, იქნებ არ შევწუხდე! — თვალი გაუსწორა, გაულიმა, გაამხნევა, — ხომ არავინ გაწყენინა? მოხუცებს უბრალო რამეც კი ბავშვივით ადვილად სწყინთ ხოლმე!

— იქნებ მართლა... მაგრამ ჯერ თავს რომ ვერ ვატყობ მოხუცებას? არა, ამ საკითხზე ეჭიმსაც არ ნევაწუხებ, მე იმის მეშინია, ვაითუ... ლუკასთან ჩხუბს ვერ ავცდე!

— კაცო, მენავესთან ჩხუბი გაგონილა, როცა მის ნავში ზიხარ? — სიცილით შეეკითხა ბეგლარი, მერე კვლავ თვალი გაუსწორა გერასიმეს და თანაგრძნობით ჰკითხა, — ჩხუბსო?! რატომ, რისთვის, კაცო?.. როგორც ვიცი, ჩხუბის მომხრე, არც შენ იყავი აქამდე, არც ლუკა!

— არ ვიყავი, მაგრამ... შე კაი კაცო, რიყის ქვა ხომ არა ვარ, წყლის ფსკერზე ვიქნები თუ ნაპირზე, სულ ერთი იყოს ჩემი სიცოცხლე მიწის გულში გამიტარებია, ფრჩხილებით რომ ვპოტნიდი ქვანახშირს, მაშინ არ მიმიტოვებია იქაურობა და ახლა მივატოვო, როცა საათივით მოეწყო ყველაფერი?! იცი, რამდენი ოფლი ჩამიქცევია?..

— ახლა ხომ დაგიფასდა!

— ძალიანაც დამიფასეთ, მაგრამ... ახლა ლუკა ნიორაძემ რომ გადაფასება მომინდომა, ეს როგორ იქნება?..

ამ ლაპარაკში კაბინეტის კარი უცებ გაიღო და ზღურბლზე შეჩერებულმა ლუკამ ხმამაღლა დაიძახა:

— ამხანაგ ბეგლარს გაუშარჯოს!

ბეგლარმა მოიხედა, მაგრამ სახეგამურული კაცი უმალ ვერ იცნო. ზრდილობისათვის თვითონაც უპასუხა — გაგიმარჯოსო, მერე, იცნო რა, გაუცინა და ხუმრობით ჰკითხა:

— გამდიდრებას აპირებ?!

— ახლა მართლაც გავმდიდრდით, ამხანაგო ბეგლარ, შახტი დიდის გადაჭარბებით ასრულებს გეგმას.

— თუ ამ წარმატებას შეინარჩუნებთ, გარდამავალი დროები, იცოდეთ, თქვენს უბნებში იფრიალებს!

— რომ გავწყდეთ, უნდა შევინარჩუნოთ!

— გაწყვეტას არ გირჩევთ! — დარიგების კილო-
თი შენიშნა ბეგლარმა.

ამ ლაპარაკში ლუკა ისე, თავისდაუნებურად
შემოსულაყო კაბინეტში, უცებ რომ მიიხედ-მოი-
ხედა, თვითონვე გაუკვირდა.

— ამხანაგო ბეგლარ, ხუთმეტოიდე წუთით თუ
გამიშვებთ, ისე დავბრუნდები, თქვენს თვალს
რომ ესიამოვნოს...

— არა, ვინ გითხრა, რომ შენი ცქერა ასე არ
მესიამოვნებაო!.. სწორედ ახლა გავხარ ქვანახში-
რის ფრონტზე გამარჯვებულ გმირს!

— მაშ არ გამიშვებთ?

— არ შემიძლია. — ბეგლარმა მაჯის საათს დახე-
და. — პურის საჭმელად ხომ არა ვსხდებითი რომ
იცოდე, ეგ გამურული სახე და ტანსაცმელი რა
ღამაჯერებლობას აძლევს შენს სიტყვას!..

ლუკამ მეშახტის ქული მოიხადა, ფანჯრის რაფა-
ზე დასდო. თავის რბილ სავარძელზე დაჯდომას
რომ აპირებდა, უცებ გადაიფიქრა, ბეგლარისაქენ
გადადგა ნაბიჯი.

— მაშ იქ, შენს დარბაზებში ზეიმია! — თქვა
ბეგლარმა და ორი ნაბიჯის დაშორებით შეჩერებულ
ლუკას კოლოფით პაპიროსი შესთავაზა. საბა და
გერასიმე, იცოდა, რომ თუთუნს არა სწევდა.

— ზეიმისა რა მოგახსენო, ძალიან მაგარი სი-
ტყვავა! — თითქო პასუხით თავი მოსწონსო, ამ
სიტყვებზე ისე გაუღიმა ლუკამ ბეგლარს და,
შუბლზე, შემდეგ თმებზე დინჯად გადაისუპა

ხელი. ბეგლარის გამოხედვაზე და საბას შენიშენაზე — „რას ილამაზებ სახესო“, — ლუკასაც უმაღლ მოაგონდა, სახე რომ ნახშირის მტვერით ჰქონდა გაშავებული, იქ მყოფთ ცალყბად გაულიმა. ხელზედაც დაიხედა, — კიდევ კარგი ხელის ჩამორთმევა მოვასწარიო, — იხუმრა და მყის სერიოზული გამომეტყველება მიიღო.

— ამხანაგო ბეგლარ, — დაიწყო მან საქმიანი კალოთი, — ამ თვეში ყველა უბანი ისე შეწყობილად მუშაობს, რომ გაგეხარდებათ. ყველა პრიგადა, ყველა მნგრეველი, მტვირთავი, მეზიგე გადაჭარბებით ასრულებს საწარმოო დავალებას. გადაჭარბებით სრულდება მოსამზადებელ სამუშაოთა გეგმებიც. გარდა იმისა, თქვენ რომ ერთი კვირის წინ ინახულეთ ორმოცდამეათე ჰორიზონტზე, უკვე მზად არის ოთხი ახალი სამუშაო ლავი...

— ეს ყველაფერი კარგია, მაგრამ... თქვენი მთავარი ინჟინერის სიტყვით, შახტში ჭერაც თურმე არა ეკონომიურად ხარჯავენ მასალებს, ცუდად უვლიან მანქანა-იარაღებს.

— მართალია, მაგრამ ჩვენ უკვე სასტიკად ვაკულრთხილეთ როგორც უბნის, ისე ცვლის უფროსები და ბრიგადირები და ახლა მასალის ხარჯვისა, თუ იარაღების მოვლის საქმე უკეთ არის მოგვარებული.

— ზოგან ძველ გამონამუშევარ უბნებში დასტოვეს რელსები, ახლად გახსნილ უბნებში კი რელსების დიდი ნაკლებობაა. — შენიშნა გერასიმემ.

ბეგლარმა და ლუკამ ერთმანეთს შეხედეს. ორი-
გეს გაეცინა.

— შენმა გაფრთხილებამ ცოტა დაიგვიანა, ჩემო
გერასიმე, — თავმომწონედ მიუგო ლუკამ, — ნაწი-
ლობრივ ახლა ეგ შეცდომაც უკვე გამოსწორე-
ბულია.

თუ ჯერ კიდევ არ გამოგისწორებიათ, გერა-
სიმეს გაფრთხილება დაგვიანებული არა ყოფილა! —
ბეგლარმა ჩამქრალ პაპიროსს მოუკიდა, გააბო-
ლა. მერე, თითქო მნიშვნელოვანი რამ მოაგონდაო,
უცებ ისევ მაჯის სწათს დახედა და სწრაფად წამო-
დგა. — ლუკა! მოსკოვის ქვანახშირის აუზის შახტ-
მშენებელთა მოწოდებას თუ გაეცანი?

— როგორ არა!

— მაშინ შეგვიძლია პრაქტიკული ნაბიჯიც გა-
დავდგათ! საჭიროა მოეწყოს შახტების მშენებელ-
თა სოციალისტური შეჯიბრება.

— ვიფიქრებ და მოგახსენებთ, ამხანაგო ბე-
გლარ.

— ოღონდ მალე, — გაფრთხილების კილოთი შე-
ნიშნა ბეგლარმა ლუკას და მერე გერასიმესაც გა-
დახედა.

გერასიმემ ბეგლარის შემოხედვაზე მრავალ-
მნიშვნელოვნად გაიღიმა და თავი დახარა, მიხვდა
რომ მისი საკითხის განხილვის ჯერიც დადგა.

— ლუკა! — კვლავ მიუბრუნდა ბეგლარი შახ-
ტის უფროსს, ბრეზენტის კურტკის ფოლაქზე ორი-
თითი მოსჭიდა და ჯერ მოსწია, შემდეგ ნელა,

მსუბუქად უბიძგა. — რა გინდა ამ კაცთან, ცუდო მებიგეა, ცუდი მუშაა, რომ არ ასვენებ?! — ბეგლარი თან ლაპარაკობდა, თან იღიმებოდა და პაპიროსს ნებივრად სწევდა.

ლუკამ გაოცებით დაახამხამა თვალები.

— მე სწორედ მოსვენებას ვურჩევ და ვთავაზობ, ეგ კი, — ლუკამ ცალყბად გაუღიმა ბეგლარს, — არ ისვენებს!

— კაცო, თუ მაგისტვის მოსვენება მეასე პორიზონტზე ყოფნაა, იყოს... შენ რომ თავაზობ ნოლ პორიზონტს, იქნებ ეგეც დიდი თევზივით ზღვის სიღრმისაკენ ისწრათვის, იქნებ არ უნდა ნაპირზე, იხელ წყალში ცერცეტი!

— ამხანაგო ბეგლარ! რასაც მე ვთავაზობ, მაგისტვის ახლა ისე სჯობია. — ლუკამ გერასიმესაც გადახედა, თავი დაუქნია, თითქო აფრთხილებდა, ურჩევდა — დამიჯერეო, — ეგეც, რა, ნუ გაცუდებოდა! ჩემი ბრალია? გვერდი სტკივა...

— გვერდი? — გაოცებით, განგებ გაზვიადებული კილოთი იკითხა ბეგლარმა და თვითონაც გადახედა გერასიმეს.

— მაისობას, ნაქეიფარი ნოტიო მიწაზე წამოწოლილა და... ახლა მე რა შუაში ვარ, ამხანაგო ბეგლარ, მე რომ დავრთო ნება, ექიმი არ გაუშვებს!

— თუ ასეა, მაშინ... — ბეგლარმა ერთხელ კიდევ დახედა მაჯის საათს. — მაშინ, მოდით, ასე შევთანხმდეთ... ლუკა, შენ წინააღმდეგი ხომ არ იქნები? მივცეთ ერთი თვით ამხანაგ გერასიმეს

საგზური ზღვის კურორტზე. სწორედ კარგი დროა... დაისვენოს, იმკურნალოს და, მერე, ვნახოთ!..

— არ შემიძლია, — გადაჭრით თქვა ლუკამ.

— რატომ?! — ცოტა არ იყოს, გაკვირვებით იკითხა ბეგლარმა.

— ამხანაგო ბეგლარ! — გულმოსული კაცის კილოთი დაიწყო ლუკამ, — რამდენჯერაც მივეცი საგზური, იმდენჯერ, ხან ცოლი გაგზავნა, ხან ქალიშვილი, თვითონ კი აქედან ფეხი არ მოიცივალა! ყველას გაეცინა.

— ალბათ, მაშინ ცოლ-შვილს ესაჭიროებოდა კურორტი, ახლა კი გერასიმე წავა. მივცეთ. — ბეჯითად თქვა ბეგლარმა და გერასიმეს ბეჭზე ხელი დაჰკრა.

გერასიმე თავჩალუნული, დამუნჯებულებით იდგა, ლუკას და ბეგლარის ლაპარაკს უსმენდა, თან გუნებაში ფიქრობდა — ახლა კი აღარ ამცდება კურორტზე წასვლას. — იგი ისე იყო აქაურობას მიჩვეული, ვერ წარმოედგინა, სხვაგან, ოსიც ერთი თვე, როგორ უნდა გაეძლო.

— ერთი საკითხიც! — ბეგლარმა კვლავ მოსჭიდა ლუკას ბრეზენტის კურტკის ფოლაქზე ორი თითი — კაცო, შენს მეშახტეებს გუშინ ძალიან უმარჯვნიათ, დიდძალი ხე-ტყე გამოუზიდავთ!..

ლუკამ თავმომწონედ გაიღიმა.

— ამ წყალდიდობამ შეიძლება ვინმე დააქცია, მაგრამ... მე კი ამაშენა!.. უზომო ხე-ტყე გამოზი-

დეს ბიჭებმა... სულ ფიქვის ძელებია! ბეგლარ, სასწაულოვითაა — საიდანაც არ მოველოდი, იქიდან მოვიდა!

ბეგლარმა ისე გადახედა საბას, რომელიც ადგილზე უკვე ველარ ისვენებდა, რომ ლუკა უმაღლესით მიხვდა, რაშია იყო საქმე.

— კაცო, შენ ხომ არ მოგტაცა წყალმა ის ხეტყე?.. — გაკვირვებით ჰკითხა საბას ლუკამ.

— მომტაცა, მაგრამ... — საბამ ცალყბად გაიღიმა, ირონიით განაგრძო, — ჩემს დაქცევას რაღას ვჩივი, რაკი შენ აუშენებინარ!

— შართლა, თუ?! — გაოცებით, ცოტა წყენითაც იკითხა ლუკამ. — არა, შე კაცო, მე ისე ვთქვი, ვიხუმრე, თორემ... შენი დაქცევა ხომ ჩემი დაქცევა იქნებოდა, ჩვენი ქონება და ოჯახი ვინ გაჰყო!? ყველაფერი ხალხისაა!

— ახლა როგორ იქნება, — იკითხა ბეგლარმა, — ატან, თუ არა?

ლუკამ უცებ სერიოზული იერი მიიღო, მრავალმნიშვნელოვნად გადახედა ბეგლარს.

— ამხანაგო ბეგლარ, ჩვენი ბიჭების მიერ წყლიდან გამოზიდული ხეტყე სახალხო ქონებაა და კიდევ მოხმარდება სახალხო საქმეს, მაგრამ...

ერთი, წუთით დუმილი ჩამოვარდა.

— შენ რომ ელოდი, ხეტყე უკვე მიიღე?

— ჯერ არა. ეტყობა... დაიგვიანებს!

— მერე, რას აპირებ?

— უკიდურეს შემთხვევაში, ძველი გამონამუ-
შევრებიდან მოგვიხდება ხის მასალის გამოტანა.

ბეგლარმა პაპიროსს ფერფლი გააყრევინა, მო-
სწია და ოთახსაც თვალი მოავლო, მზერა სტალინის
პორტრეტზე შეაჩერა, რომელიც ლუკას მაგიდის
ზემოთ, ნოხჩამოფარებულ კედელზე ეკიდა. ერთ-
ხანს უცქირა პორტრეტს რაიკომის მდივანმა, მერე
ისევ ლუკას გადახედა.

— რამდენ დღეში მოელი ხე-ტყეს?

— ლოდინით, გუშინაც ველოდით, დღესაც
არა ჩანს. მე მგონია, ორ დღეს მაინც დააგვიანდე-
ბა... ტრანსპორტს აბრალებენ!..

— როცა ვინმეს თავის გამართლება სწადია,
მიზეზსაც ადვილად მონახავს. — დინჯად შენიშნა
ბეგლარმა.

— ეგეც მართალია! — დაემოწმა ლუკა. — ამხა-
ნაგო ბეგლარ, თუ საბას ამით საქმე არ წაუხდება,
ორი დღით მასესხოს ჩვენი მეშახტეების მიერ გა-
დარჩენილი ხე-ტყე. ამასობაში მეც მომივა... ჩემი
ფიჭვის ძელები, მაგის ხე-ტყეზე ნაკლები არ იქნე-
ბა!

— ორი დღით? — ღიმილით იკითხა საბამ, —
სამით იყოს, ოთხით.

— მეც მგონია, რომ აგრე აჯობებს, ამხანაგო
საბა! — დაემოწმა ბეგლარი, — კლუბის აშენება
დიდი ამბავია კოლმეურნეობისათვის, მაგრამ ორი
დღით რომ ამ ამბავს დააგვიანდეს, არაფერია,

ქვანახშირის გამოღება კი ორი წუთითაც ვერ შეჩერდება! — ბეგლარმა კვლავ დახედა მაჯის საათს, მხნედ გაიმართა, — მაშ, ამ საკითხშიაც შევთანხმდით, არა?..

— რასაკვირველია, შევთანხმდით! — სიხარულით წამოიძახა ლუკამ და ბეგლარის გამოწვდილ ხელს თავისი ხელი შეაგება.

— თუ სულ ასე შეთანხმებულად იმუშავებთ — საქმეც კარგად იქნება! მარჯვედ იყავით! — დაიძახა ბეგლარმა და შახტის უფროსის კაბინეტიდან ჩქარი ნაბიჯით გავიდა.

ყველანი მას მიჰყვნენ. მანქანა, რომელშიაც ბეგლარი ჩაჯდა, ხელისქნევით გააცილეს.

↓

როცა შატბია და სულიკო შინ დაბრუნდნენ, ახალი შებინდებული იყო. ქროდა სიო. ქედის შუა წელს ნისლი ებურა. ნისლი თანდათან მოიწევედა დაბლა, გორაკებს შორის, ვიწრო ხევებში.

მეგი შინ არ დაუხვდათ. ლელასთან ერთად კლუბში წასულიყო ახალი კინოსურათის სანახავად. ჭაბუკებმა ვახშამს არ მოუცადეს; არც ასმათს დაუტანებია ძალა. ერთი-ორჯერ თუმცა სთხოვა — დარჩითო, მაგრამ გუნებაში უფრო მათი წასვლის მომხრე იყო, ეფიქრებოდა — სტუმარს — უცხო

ქალიშვილს იმ ღამეში არაფერი შეემთხვესო. შატბიამ და სულიკომ ხელ-პირი დაიბანეს, ტანსაცმელი გამოიცვალეს, შარვლის ცალი ჯიბე ალუჩით გამოიტენეს, რომელიც ასმათს მათთვის მოეკრიფა თავის ბაღში და, კლუბისაკენ გაეშურნენ. სულიკო წამდაუწუმ მაჯის საათს წინჯავდა, თან შატბიას ეკითხებოდა — მივუსწრებთ თუ არა სეანსის დაწყებასო. ჭიშკარში რომ გავიდნენ და რამდენიმე ნაბიჯი გაიარეს, სულიკო სიბნელეში შეუმჩნეველად ჩამორჩა მასპინძელს. როცა შატბიამ მოიხედა, უკვე გვიანლა იყო. ინსტინქტურად, თითქო დაყვირებას აპირებდნო, პირი გაეღო, მაგრამ ეტყობოდა, შიშს ხმა წაერთმია მისთვის. სულიკომ, ის იყო, მოსტეხა ბროწეულის აყვავებული ტოტი, განზე მოქცეული საყელო და ჰალსტუჯი გაისწორა და გზა ისე განაგრძო, თითქო აქ არაფერიაო. მისთვის მართლაც არაფერი არ იყო ბროწეულის ერთი პატარა ტოტის მოტეხვა. შატბიას გამომეტყველებამ, ცოტა არ იყოს, გააკვირვა, მაგრამ, როცა მიზეზი შეიტყო, უდარდელად ჩაიციანა, ხელიც ჩაიქნია — „ნიკო ბიძია ალბათ მაინც არაფერს მეტყვის, ერთი ძირი ბროწეული სულაც რომ მოვთხაროო“. შატბია ერთხანს ეხვეწებოდა: „შენი ჭირიმე, არ გაამხილო! ეგ ტოტიც, ხიდზე რომ გავალთ წყალში გადააგდეო... მანამდე კი თვალი ფხიზლად გეჭიროს, მამაჩემი არ შემოგვხვდესო“. სულიკომ კიდევ უფრო მოუმატა სიცილს. მოტეხილი ტოტი ორივე ხელის სალოკი

თითით და ცერით ეჭირა, ნელა ატრიალებდა, თან შატბიას წამდაუწუმ აქეზებდა — შეხედე, რა ლამაზია! რა ხელოვნება შეედრება...

კლუბის შენობას რომ მიუახლოვდნენ, სულიკომ ბროწეულის აყვავებული ტოტი შატბიას გაუწოდა, თანაც, თითქო სხვათა შორის, მაგრამ დაფარული ცნობისმოყვარეობით ჰკითხა:

— გიყვარს ვინმე?..

შატბიამ უმაღლესი გაკვირვებულის თვალით გადახედა სტუმარს, სულ არ მოელოდა მისგან ასეთ შეკითხვას, უცებ ვერაფერი უპასუხა; უნებლიეთ, თვალი გამოწოდებულ ბროწეულის ყვავილზე შერჩა. ასევე უნებლიეთ და უანგარიშოდ ჩამოართვა იგი სულიკოს და მრავალმნიშვნელოვნად გადახედა, გაუცინა.

— ვინ იქნება ისეთი, რომ.. არ უყვარდეს, ბიჭო! — ძლივს გასაგონად ბუტბუტით წარმოსთქვა შატბიამ და ბროწეულს ყვავილს უცებ ხელი ისე მოათარა, თითქო იგი მისი სიყვარულის ლამპარი იყო და სიოს ქროლვაზე ჩაქრობისა შეეშინდაო.

— მეც სწორედ შენთვის მოვტეხე ეგ ტოტი! ვინც გიყვარს... იმას გადაეცი! — დარიგების კილოთი შენიშნა სულიკომ და ბეჭზე ხელი მოხვია. კლუბის განიერ კიბეზე მსუბუჭი, მწყობრი ნაბიჯით აირბინეს; ფოიეში, საბილეთო სალაროს წინ, ხანმოკლე ჭიდილის შემდეგ სულიკომ მოლარესათვის ფულის მიწოდება ამხანაგს დაასწრო. შატბია ცოტა ნაწყენი დარჩა ამ ამბით; სულიკოს სი-

ცილით დაემუქრა—აუცილებლად სამაგიეროს გადაგიხდით, ბილეთები თუმც სულიკოს ეჭირა, მაგრამ ხალხის მოსაცდელ დარბაზში თვითონ შეუძღვა, როგორც შინაური. სეანსი ახალი დაწყებული იყო, ჯერ ისევ ქრონიკას უჩვენებდნენ. კონტროლიორმა კაბუკებს ბილეთები გამოართვა და ეკრანის ახლოს პირველი სათადარიგო კარიდან შეუშვა ისინი ბნელ დარბაზში. სიბნელეს შეუჩვეული თვალით, დარბაზში კაბუკები, მართალია, ვერაფერს არჩევდნენ, მაგრამ რახან შატბიამ აქაურობა კარგად იცოდა, ამახანაგს წინ გაუძღვა; ერთ წუთს ისინი ბრმებსავით ხელგაწვდილი მიაბიჯებდნენ შუა დარბაზში, ბოლო რიგებისაკენ: უცებ შატბიას ვილაც უხილავის ხელი შეეხო და თავისკენ მიიზიდა, შატბიამაც უფრო დაქყიტა თვალი, ხელიც მოათათურა ფრთხილად, რიგის ნაპირიდან მეორე, თუ მესამე თავისუფალ სკამზე დაჯდა და გაკვირვებული, თან იმის ვარაუდით გულაძგერებული, რომ მიხვდა, ვინც იყო ხელის გამწოდებელი, ახლა კინო სულაც აღარ აინტერესებდა, არც უყურებდა, რა ხდებოდა ეკრანზე, თუმცა სახე იქით ჰქონდა მიბრუნებული.

შატბიას გაოცებას საზღვარი არა ჰქონდა, როცა სიბნელეს შეჩვეული თვალით იმ ქალიშვილს გაღაზნებდა, რომელმაც წელან ხელი შეაგება. შატბიამ, შეიძლება ცოტა ნაჩქარევად, თავისი გაოცების, მადლობის და თანაგრძნობის გამოსახატავად სხვა რომ ვერაფერი მოახერხა, უცებ ბროწეულის აყვან-

ვებული ტოტი გაუწოდა. თამარელა ტოტს დააკვირდა, მაგრამ ვიდრე გამოართმევდა, შატბიას ისე შეხედა, თითქო ეკითხებოდა — რას ნიშნავს ესო და ყვავილებიანი ტოტი მოწიწებით ჩამოართვა. ერთი წუთის შემდეგ ისევ შეხედა ვაჟს, უფრო გაბედულად, გამომწვევად, ალერსით, მერე თავი დახარა და აყვავებულ ტოტს დააცქერდა, თითქო ნორჩ ფურცლებში უნდოდა ამოეკითხა გარკვეული პასუხი. როცა ქრონიკა დასრულდა და დარბაზი ორიოდ წუთით გაანათეს, შემოსასვლელკართან, დაგვიანებულ მაყურებლებს თავთავიანთი ადგილი რომ მოენახათ, სულიკო უმაღლ წამოდგა, დარბაზში რიგებს თვალი გადაავლო. უცებ დაინახა შატბია, რომელიც სამი თუ ოთხი რიგით წინ იჯდა. ის იყო, დააპირა ადგილის მონაცვლება, შატბიასთან მისვლა, მაგრამ ახლა შატბიას გვერდით თამარელაც შენიშნა... თამარელას ხელში ეჭირა ბროწეულის ტოტი. ამასობაში სინათლეს ჩაქრა. კინოსურათიც დაიწყო, დარბაზში გაჩნდა ნაცნობი ჰანგი, მაგრამ ახლა სულიკოს თითქო სულაც არ ესმოდა იგი, გაშტერებულივით კვლავ ფეხზე იდგა და ისევ იქით იცქირებოდა, სადაც წელან შატბია და თამარელა შენიშნა. ის ანგარიშს არ უწევდა ხალხის შეძახილებს — „ამხანაგო!.. დაჯექით!.. რას აყუდებულა!..“ სულიკო ვერასგზით ვერ შერიგებოდა იმ ამბავს, რომ მის გეგმებს ჩაშლა მოელოდა.

შატბიამ და თამარელამ კინოდან გამოსვლა

უმალ დაინახეს, რომ მეგი, ლელა და სულიკო მათ უკვე გარეთ ელოდებოდნენ:

მეგიმ თვალი მოჰკრა თუ არა შატბიას, რატომ-ღაც ისეთი მედიდური — დამცინავი იერი მიიღო, ახლა ისეთი მიუკარებელი ჩანდა, ვაჟმა უნებლიეთ გაიფიქრა — „ეტყობა, მსახიობად დაბადებულაო“. თამარელასაც არ აკლდა შნო და ტანადობა, მაგრამ მეგი მაინც სულ სხვა იყო. მისი ისედაც მიმზიდველი სახისა და წერწეტი ტანის ყოველი ნაკვთი ისე ეხამებოდა მის ზრახვებს და სურვილებს, უნებლიეთ გოცდებოდათ. თუ მაგალითად, მეგის რამე ახარებდა, ან სწყინდა, ამ სიხარულსაც და წყენასაც მთელი თავისი არსებით, შინაგანადაც, გარეგნულადაც, ისე მარჯვედ გამოხატავდა, რომ ყველაფერს მიხვდებოდათ უსიტყვოდ, აუხსნელად; აუწერელი სანახავი იყო მეგი ისეთი გარდატეხის წუთებში, როცა სიხარულით გასხივოსნებული სახე, ნელა, თითქმის შეუმჩნევლად, თანდათანობით მოელუშებოდა და ერთი წამის წინ მისი ბავშვური უმანკო სახე ისეთ ელფერს მიიღებდა, სხვა ადამიანი გეგონებოდათ. მაგრამ როგორც უმანკო, ბავშვური, ისე პირქუში იერი ერთნაირად იყო მოსილი რაღაც გამოუცნობი მიმზიდველობის მაღლით.

თუ წელან შატბიამ თვალი შეასწრო მეგის პირქუშ იერს, ახლოს რომ მივიდნენ, მას ახლა სახეზე ღიმი მოჰფენოდა. მეგიმ არც კი შეხედა შატბიას, უმალ თამარელას შეაგება მკლავები, ცალი ხელი

წელზე მოხვია და ისე აკოცა ლოყაზე, თამარელას თითქმის არც კი უგრძვნია მისი ტუჩების შეხება.

როცა მარტო იყო და შატბიაზე ფიქრობდა, თამარელა ისე გრძნობდა, თითქო მკერდქვეშ ვეფხის გული მიცემსო, ახლა იგი თავის გულიღა ეგონა, ისე გამალებით, საცოდავად უფანცქალებდა. თუ ცალკე, თავისთავზე ლაძაწი არავინ ეგონა, ახლა მეგის გვერდით თავს მორჩილად ხრიდა დაბლა, თითქო უსიტყვოდ აღიარებდა მის უპირატესობას.

შატბია კარგად გრძნობდა ამას და თამარელასადმი თანაგრძნობა სიბრაღული მატულობდა მის გულში.

მეგი მოესიყვარულა თუ არა თამარელას, თითქო ახლა შენიშნაო, შატბიასაც მიუბრუნდა, თავისებური ღიმილით გაუშტერა თვალი ჭაბუკს.

— ნეტავი მეც წამოგყოლოდით, მართალია, შინ ცოტა დავისვენე, მაგრამ უთქვენოდაც... მომწყინდა.

შატბიამ არათფერი უთხრა, მხოლოდ გაუღიმა და დამნაშავესავით თავი დახარა.

მეგის შენიშვნაზე — „აქ რაღას ველოდებითო“, ყველანი დაიძრნენ; საუბრით და ნელი ნაბიჯით გაეშურენ შინისაკენ. წინ ხელიხელგაყრილი მეგი და თამარელა მიდიოდა, უკან შატბია, ლელა და სულიკო. სულიკო ერთთავად სულ თამარელას ზურგს მიშტერებოდა, თვალს არ აშორებდა მის

გრძელ ბოლოგაჩეჩილ მსხვილ ნაწნაეებს, რომლებიც ნაბიჯის ტაქტზე ნელა ირხეოდა ბექებს შუა.

სულიკო დღეს რატომღაც განსაკუთრებული ყურადღებით ეპყრობოდა თამარელას, ახლაც, შემთხვევას არა ჰკარგავდა, თუ კი თამარელა მათკენ მობრუნდებოდა, მისთვის თვალებში გამომწვევად შეეხედნა. თამარელამ გვიან მიაქცია ყურადღება სულიკოს ამ იდუმალ, უინიან ცქერას და თუკი მოსახერხებელი იყო, ცდილობდა მისთვის თვალიც მოერიდებინა და ყურიც.

მეგი და თამარელა ისე ახლოს იყო უკან მიმავალ ჯგუფთან, რომ შატბიას გარკვევით ესმოდა მათი ლაპარაკი.

ხილზე რომ გავიდნენ და აღმართს შეუყვინენ, სულიკო დაწინაურდა, მეგისა და თამარელას შუა თითქმის ძალით შეიჭრა, იმ მიზეზით, რომ აღმა სკლაში შეგეშველებითო, მკლავში ხელის გაყრა დაუპირა ქალიშვილებს, მაგრამ მეგიმაც, თამარელამაც უარი განაცხადეს მის ამგვარ სამსახურზე. სულიკოც იძულებული შეიქნა თავის ჯგუფს დაბრუნებოდა. ამასობაში კაკო ზიბზიბაძის ეზოსაც გაუსწორდნენ. თამარელას მცირე მანძილზე კიდევ ეწადა მეგის გაჰყოლოდა გაცილებების საბაბით, მაგრამ მეგიმ ნება არ მისცა, — გამცილებლები გვეყავსო, — სიცილით მიუგო და პირველმა ჩამოართვა ხელი თამარელას, გამომშვიდობების წინ ერთხელ კიდევ სთხოვა გვინახულეო. ლელამ, როგორც შინაურმა, ზედმეტად ჩასთვალა ხელის ჩამოართ-

მევა. შატბიამ და თამარელამ მხოლოდ ერთხელ შეხედეს ერთმანეთს და თვალის ამ ერთი შევლებით ყველაფერი გამოხატეს, აგრძნობინეს ერთმანეთს — კვლავ შეხვედრის იმედიც, შერიგების წადილიც.

როცა სულიყო თამარელას ხელს ართმევდა, უცებ ისე ჩაბუქნა, ყველას გაეცინა, ეგონათ ხუმრობსო; სანამ სხვები იცინოდნენ, თამარელამ ძლივს გაითავისუფლა სულიკოსაგან ხელი. სულიყო ჯერ მას ხეირიანად არც დალაპარაკებოდა, მაგრამ თამარელას მგრძნობიარე გულმა უკვე მოასწრო ამ ვაჟის შეძულება.

ნიკო ამ კვირა დღესაც ჩვეულებრივ, ალიონზე გაეშურა შახტისაკენ; დასვენება სამშაბათობით უწევდა. ასმათისათვის კი სულ ერთი იყო, რა დღე იქნებოდა; იგი, ჩვეულებრივ, ქმარზე ადრე დგებოდა. საქმე სულაც რომ არ ყოფილიყო ოჯახში, მაინც რაღაცას გამოიჩხრეკდა, გაიჩენდა. მუშაობაში გართულს უყვარდა ბავშვობაში ნასწავლი სიმღერების გახსენება, ღიღინი.

დღეს ნიკოს გული სხვაგვარად უძგერდა, გადაწყვიტა ახალ უბანს დაპატრონებოდა. ელიზბართან საუბრის შემდეგ საბოლოოდ დარწმუნდა, რომ ვალდებული იყო ასე მოქცეულიყო. ელიზ-

ბარის სიტყვები — ნუ გაგიტაცებს და თვალს ნუ აგჩხვევს ის ამბავი, რომ შახტში ყველაზე მოწინავე უბნის უფროსი ხარ! იფიქრე შახტის სახელზედაც... რკინის ჯაჭვში ოქროს ერთი რგოლი დანარჩენებს ოქროდ ვერ აქცევსო — ახლაც ყურში ჩაესმოდა ნიკოს და მტკიცედ გადაეწყვიტა, რომ ახალ უბან-შიაც თავი ესახელებინა.

შატბიასაც, მართალია, ჩვეულებრივ ადრე გაელვიდა, მაგრამ იმის შიშით, რომ საწოლის ჭრიალმა გუშინდელივით სტუმარს ძილი არ გაუფრთხოსო, უძრავად იწვა და მოთმინებით ელოდა სულიკოს გაღვიძებას. თავქვეშ ხელებშემოწყობილი ხან აივნის ჭერს მისჩერებოდა, ხანაც ხის ტოტებს შორის ცის ლაყვარდს გასცქეროდა ოცნებით. ლაყვარდში ქარაევანივით წაბმით მიზოზანებდნენ ათასნაირი ფორმის, ალაგ ბაცი, ალაგ მუქი ღრუბლის ქულები.

როცა სულიკომ გაიღვიდა, შატბია უმალ წამოიჭრა ზეზე, სტუმარს დილა მშვიდობისა უთხრა და სწრაფად ჩაიცვა. კიბეზე ჩასულ შატბიას აივნის მოაჯირზე გადაყუდებულმა სულიკომ გაოცებით შენიშნა:

— ფეხშიშველი დადიხარ?!..

— მერე რა იყო?... — შატბიას უნებლიეთ მოაგონდა თავისი საყვარელი ლექსიდან რამდენიმე სტრიქონი და თავმომწონედ, ხელის აქნევით ასძახა სულიკოს, — „თუ ფეხშიშველა ცვრიან მდელ-ლოზე არ გავიარე, რაა მამული?“

— ბიჭოს, შენია? — ჩამოსძახა სულიკომ. შატ-
ბიას გაეცინა.

— პოეზიასთან მწყრაღად ზომ არ ხარ?

— რაზე ამბობ? — გულუბრყვილოდ იკითხა
სულიკომ.

შატბიას პასუხს აღარ დაელოდა, ცნობისმჟყვარის
კილოზე დაუმატა ნათქვამს, — ჩემს სიცოცხ-
ლეში არ მიცდია.

— ლექსის დაწერა? — კვლავ ღიმილით იკითხა
შატბიამ.

— შენც, ერთი... რა მეღექსება. ფეხშიშველა,
მიწაზე გავლა...

— ახლა სცადე!

— მაშ, ერთი, მანდ მომიცადე!

სულიკომ სწრაფად ჩაიცვა პიყამოს ცისფერ-
ზოლიანი შარვალი და პერანგისამარა ჩავიდა
კიბეზე. თითქო მიწაზე ფეხის დაბიჯება ვერ გაუ-
ბეღდიაო, ერთხანს ასე იდგა კიბის ბოლო საფეხურ-
ზე და ყოყმანობდა. მოულოდნელად შატბიამ სტა-
ცა ხელი და ძალით ჩამოახტუნა ძირს. სულიკომ
მიწას რომ ტერფი დააბიჯა, უცებ ისე შეჰყვირა —
დაიცაო, თითქოს რამემ უჩხვლიტაო. სულიკოს
მართლაც ეგონა, რაღაც შემესოო, ისე ეუცხოვა
მის ჩვილ ტერფს კენჭებსა და მიწის ზედაპირის
ხორკლთან შეხება.

შატბიამ მკლავში ხელი ჩასჭიდა, რამდენიმე ნაბი-
ჯი ძალით გადაადგმევინა.

სულიკო რომ ჭიჭყინებდა, თან სიმწრისაგან ეცინებოდა და კიდეც იმუჭრებოდა, შატბიას ეს კიდეც უფრო ახალისებდა და ათამამებდა.

ასე დიდის წვალეებით, ახალფეხადგმულივით გაიარა სულიკომ ათიოდე ნაბიჯი და როცა შატბია მოეშვა, ისე შემოიყარა დოინჯი და ისე ამოისუნთქა, გეგონებოდათ, დიდი გმირული საქმე ჩაიდინაო. შატბია სიცილს ველარ იკავებდა. ასმათიეც ღია სამზარეულოდან უთვალთვალებდა ამ სანახაობას. თან ცდილობდა, სტუმარს არ შეენიშნა, მოსთვისაც რომ ასე სასაცილო იყო ეს ამბავი.

უცებ ჩამობნელდა. გეგონებოდათ მზე სარკმელში იცქირებოდა და ფარდა ჩამოაფარესო შატბიამ და სულიკომ სიცილი შეწყვიტეს. ასმათმაც გააფრთხილა თავისი ვაჟი და სტუმარი, — შინ შედითო. როცა შატბიამ ცას გახედა, ახალა შენიშნა, რა შეუმჩნეველად მოღრუბლულიყო. ერთი-ორი წამის შემდეგ შორეული ქუხილის ყრუ ხმაც ისე მოისმა, გეგონებოდათ ხის იატაკზე ცარიელ კასრს მიაგორებენო. შორს, ქედს ზემოთ თითქო ზეცა გაიბზარაო, ერთის წამით ტეხილ ხაზივით გამოისახა ელვა და უმალ გაქრა. კვლავ მოისმა ყრუ გრგვინვა. გრგვინვის შორეული გამოძახილი ჭერ არ მიმწყდარიყო, რომ ერთხელაც ისე დაიჭექა, კაცს ეგონებოდა, ცის თაღი გასკდა და უნდა ჩამოიქცესო. ცის გამოძახილმა თითქო მიწაც შეარყია, ყველაფერი გამოფხიზლდა, აფორიაქდა, მაგრამ იმ წამსვე ისეთი სიწყინარე ჩამოვარდა, ისე

გაყუჩდა მიდამო, იფიქრებდით, შიშმა ყველაფერს სული გააკმენდინა და ახლა ცის რისხვას უგდებს ყურსო. ღუმელში კანტიკუნტად გაისმა წვიმის წვეთების ფოთლებზე დაცემის ხმა. ქუხილს მოჰყვა წვიმა. ალაგ-ალაგ ბალახით დაუფარავი, ეზოს ხრიოკი ადგილები და შარაგზა — მოყვითალო მიწა, მსწრაფლ გაშავდა. ოღრო-ჩოღროებში წყალი ჩადგა. აივნის ქვეშ თავშეფარებული ჭაბუკები ცნობისმოყვარეობით გასცქეროდნენ ამ სანახაობას. წყლის გუბეებში წვიმის წვეთები ცეკვავდნენ. წვიმას ხის ფოთლებში ისეთი შხულილი გაუდიოდა, გეგონებოდათ, სადღაც ახლოს წყალვარდნილი გადმოსჩქევსო.

როგორც მოულოდნელად დაიწყო, ისევე მოულოდნელად მისწყდა ქუხილი, წვიმამაც თანდათან იკლო და ბოლოს გადაიღო; ცამაც თითქო გამურული პირი მოიწმინდა, გაიცრიცა მუქი ღრუბლები; აქა-იქ ლურჯად გამოანათა ცის თაღმა, მზის შუქიც ხან ერთგან გამოაჰყეცდა თვალს, ხან მეორეგან. მზის შუქზე ბალახის ღეროებმა და ხის ფოთლებმა ლაპლაპი დაიწყეს. ახლა უკვე დაწმენდილ, წვიმის წყლის გუბეების სიღრმეში თავდაყირა მოჩანდა ცა და ღრუბლების მოზოზინე ფოთლები.

აქამდე ხმაგაკმენდილმა ჩიტებმაც ფრთები შეიბერტყეს, თავშესაფრებიდან გამოფრინდნენ, ხის ტოტების კეწეწებზე თამამად ჩამოსხდნენ და ისეთი გამაყრუებელი ჟიჟივი ასტეხეს, თითქო — ეს

მათ „უკუაქციეს“ ჰეჰა-ქუხილი და ახლა გამარჯვებას ზეიმობენო.

შატბიამ ერთხელ კიდევ უყო ოინი სულიკოს. წვიმამ რომ გადაიღო, უცებ ხელი სტაცა მაჯაში, ღონივრად გასწია და გაიტაცა, ძალით გააარბენინა ეზოში სველ ბალახზე. შატბია თან ეწეოდა სულიკოს, თან ხარხარებდა, სულს არ ათქმევინებდა; სულიკოც იცინოდა და თან ყვიროდა — „დააცა, გეყოფა, დაიცა გეყოფაო, გუნებაშიაც შიშობდა — არ გავცივდეთ“. მაგრამ შატბიას არ ესმოდა მისი ხვეწნა-მუდარა, თუ მუქარა. როცა მათ მუხას მიაღწიეს და მის ტოტებს შეათარეს თავი, შატბიამ აქაც არ მოასვენა სულიკო, შეუმჩნეველად მისწვდა ტოტს და უცებ დაარხია. ფოთლებზე შერჩენილი წვიმის წვეთები ღვარად წამოვიდა; სულიკოჲ ერთი ისე შეჰყვირა, მეზობლის ეზოში მედიდურად მოსეირნე, გაფხორილი ინდაური უმაღლესე გამოეხმაურა ამ შეძახილს, თითქო წყრომით აკეთა — რა აჰზავიაო!

სულიკო თან კისერს იმშრალგბდა, სველ თმებს თითებით ივარცხნიდა, თან ცერებაბზეკილ ფეხებს დასცქეროდა. მიუჩვეველს მალე შესცივნოდა, ფეხის ფრჩხილები გალურჯებოდა. ეშინოდა, არ გაცივებულებოდა, მაგრამ ამის გამხელაც ესიტყვილებოდა; იღუმალ გული მოსდიოდა შატბიანე. შატბია სრულებით არ უწევდა ანგარიშს სულიკოს გასაჰკირს, არხეინად გამოიყურებოდა.

ბოლოს, თითქო სულიკოს საეჭვო ღუმელმა შატ-
ბია მის გასაჭირს მიახვედრაო, ხუმრობით ჰკითხა:
— ხომ არ შეგცივდა?

სტუმარმა არც ახლა გასცა ხმა.

— წამო, ჩაიცვი, — უმაღლ შესძახა შატბიამ, რა-
წამს მის ტერფებს შეაელო თვალი, — ხომ არ
მოგეშველო, შენით ივლი? — სახლისაკენაც რომ
გაიხედა უცებ შეჰყვირა, — ცისარტყელა!

ახლა სულიკომაც გაიხედა და აივანზე გამოსუ-
ლი მეგი რომ დაინახა, ეგონა შატბიამ ცისარტყე-
ლა ჩემს დას უწოდაო. მაგრამ იმავ წამს მაღალ
ხეთა კეწეწებს ზემოთ ცის სიღრმეში ცისარტყე-
ლას ირიბ რკალსაც რომ მოჰკრა თვალი, შატბიას
წყენით გადახედა, რახან სურვილს ვარაუდი არ
დაემთხვა. უცებ რაღაც მოაგონდა, სახე გაებადრა,
თვალები აუციმციმდა.

— შენ მაინც რომელი ცისარტყელა უფრო მოგ-
წონს? — იღუმალის ხმით ჰკითხა შატბიას.

შატბია ერთ წუთს გაოცებით შესცქეროდა, ვერ
მამხვდარიყო, რას ეკითხებოდა სულიკო, მაგრამ
ხელმეორედ რომ გაიხედა სახლისაკენ და ახლა
თვითონაც შენიშნა კიბის ბაქანზე გამოსული შე-
გი, სტუმარს ღიმილით გადახედა, ცალი მკლავი
კისერსა და მხარზე გადახვია, ღონიერად მოიზიდა,
მოსწურა და შეანჯღრია. სულიკოს წინააღმდეგობა
არ გაუწევია, ესიამოვნა, რის თქმაც ეწადა, რომ
მიახვედრა. ერთხანს ასე იდგნენ ხელგადახვეულნი,
მერე დინჯი ნაბიჯით გაეშურნენ სახლისაკენ.

სულიკო უკვე შეჩვეოდა ფეხშიშველა სიარულს და აქა-იქ ბალახებში მიმალულ კენჭებზე ფეხის უნებლიე დაბიჯება ისე აღარც ეუცხოვებოდა, აღარც ემწვავებოდა.

მეგიმ ღრუბლიდან გამოსულ მზესავით შემოსცინა კიბის ბაქნიდან შატბიას, უცებ ისიც შენიშნა, რომ სულიკო ფეხშიშველა იყო, წარბები მწყრალად მოზიდა, მწყრალადვე ჩამოსძახა:

— შე სულელო... რომ გაცივდე?...

თმააბურღული, ძილისაგან წარბსქვედა ბორცვებ შესივებული, ჭრელი ხალათით კიბის ბაქანზე გამოსული მეგი ისე გამოიჩურებოდა, გაგიკვირებოდათ, აგრე ყველაფერი როგორ უხდებოდა, როგორ იფერებდა. გრძელ ხალათში ის ახლა უფრო მაღალიც ჩანდა, უფრო მიმზიდველიც.

შატბიას და სულიკოს დანახვაზე, მეგიმაც მოისურვა ეზოში სველ ბალახზე გასეირნება. ტყავის ძირიანი ქოშები ჩაიცვა, უცებ მოურიდებლად გაშალა, გააფრიალა ხალათის ფართო კალთები, მაგრამ ეს ისე მოხერხებულად მოიმოქმედა, რომ ქვემოთ კიბის ძირას შეჩერებულ ვაჟებს მისი, შავ საბანაო კოსტუმში გამოკვართული სხეული არ დაუნახავთ. როცა კიბეზე ჩამოდიოდა, მხოლოდ მაშინ დააკვირდა შატბია მჭიდროდ შემოხვეულ ხალათში მის მკაფიოდ გამოკვეთილ სხეულის ნაკვთებს და უნებლიეთ ინატრა, ნეტავი ეს ქალიშვილი თიხაში გამომაქერწინაო. ხელოვანის აღლოთი

წინასწარვე ხვდებოდა შატბია, რომ მეგი მოქან-
დაკისათვის პირველხარისხოვანი „მასალა“ იყო.

თუმცა მეგის ნაწვიმარ ბალახში ხალათის კალთის
ბოლოები უსველდებოდა, მაგრამ ახლა ისე სია-
მოვნებდა ბალახზე გავლა, რომ ხალათისათვის
ყურის საგდებად თითქო აღარ ეცალა. ცალი ხე-
ლით ხალათის ბოლომდე ჩახსნილ პირს იმაგრებ-
და, მეორეთი დოინჯი შემოეყარა, ამაყად თავაწე-
ული, ამ წუთში შეიძლება უდარდელი ადამიანის
ძვალით შეჭხაროდა ცას, შორეულ მთებს, ბუნე-
ბის აუწერელ მრავალფეროვანებას, აქეთ-იქით,
შორიანსლოს, ნორჩ, თუ ბებერ ხეებს, რომელთა
ფოთლები ახლა მზეზე ხალისიანად ლაპლაპებდა,
აქა-იქ კი ფოთლების უხვ სიმწვანეში ამოწვდილ
ცის ფონზე მკაფიოდ გამოკვეთილ, ხმელ წიწვებ-
ზე, ერთმანეთის მიყოლებით ჩამწკრივებული წვი-
მის წვეთები აღმასის მარცვლებივით ციმციმებ-
დნენ. ლავაშებივით პრტყელი ფოთლების საფარ-
ქვეშ შავ ლედვს უკვე სიმწიფის ფერი გადაჰკრავ-
და, ნამგლისებურ ფოთლებიან ატმის ხეს ჭერ
ისევ მწვანე, კაკლისოდენა ნაყოფი ესხა. შავ-
ქლიაეები ისე დახუნძულიყო ნახევრად მომწვანო,
ნახევრადმოლურჯო ნაყოფით, ტოტები იზნიქე-
ბოდნენ. კატა რომ ერიდება ფეხის დასკვლებას,
მეგი ახლა სწორედ ისე დააბიჯებდა ცვრიან
ბალახში, ფოთლებს, ნაყოფს ხელს ფრთხალად
შეახებდა და იტყოდა, „რა ლამაზია“.

ამ დილით მართლაც ყველაფერი ლამაზი და

განსაკუთრებით მომხიბლავი იყო, მეგის სიხარული კი — გულწრფელი.

სულიკო და შატბია შორიახლოს მიჰყვებოდნენ მეგის. ერთიც და მეორეც სულ იმის ცდაში იყო, თუკი რომელიმე ხის ახლოს გაივლიდა, ტოტი დაერხიათ და ერთმანეთი გაეწუწათ. სულიკო ძალიან ცდილობდა შატბიასთვის წელანდელი გაწუწვის სამაგიერო გადაეხადნა, მაგრამ ყველა შემთხვევაში დაზარალებული თვითონ გამოდიოდა. მათ სიცილს და მხიარულებას საზღვარი არა ჰქონდა. ხანდახან მეგიც მოიხედავდა ხოლმე და გაკვირვებით შენიშნავდა — „რა ამბავია, ღმერთო ჩემო, ნეტავი ასე რა გიხარიათო“. — „სიცოცხლე, ქალბატონო!“, — მეგის, ყოველ შენიშვნაზე პასუხობდა სულიკო; თან ცდილობდა, შატბიას ყურადღებაც მეგისაკენ მიეპყრო და შეუმჩნეველად მახლობელ ხისკენ წაბრუნებული გაეწუწა.

მეგიმ ცვრიან ბალახზე სირბილით გული რომ იჭერა, სულიკოს და შატბიას ხელი დაუქნია და კიბისკენ გაეშურა. შატბიამაც სულიკოსთან თამაშს მალე თავი ანება და თვითონაც კიბისაკენ გაეშურა, რომლის ზედა ბაქანზე მეგი გადმომდგარიყო. გონების გადაწყვეტილებით თითქო მეგისთან ახლო მიკარებასაც ცოდვად უთვლიდა თავს შატბია, მაგრამ გული მაინც მისკენ მიუწევდა, უიმისოდ გაძლება აღარ შეეძლო, სულ ეწადა ეცქირნა, ელაციცნა; მეგი კი პირიქით, თითქო შატბია მოდიდან გასულ კაბასავით მოსწყინდაო, სულაც

ორ ინტერესებდა, იქცევდა თუ არა ვაჟი ყურადღებას, მისკენ აღარც კი იცქირებოდა. სამაგიეროდ, თავის გარეგნობის, თავის ჩაცმულობისადმი ახლა უფრო მეტ ყურადღებას იჩენდა, და, ერთ მხრივ, თავისი გულგრილობით, მეორე მხრივ, თავისი კეკლუცობით ჭაბუკს ახლა უფრო აღიზიანებდა და იმედავდა. მეგი დღეს უკვე მასპინძელივით წამამი ჩანდა, შატბია კი სტუმარივით მორცხვე და მოკრძალებული.

შატბია დანახვის პირველი წუთიდანვე მთელი არსებით, გულწრფელად და გულუბრყვილოდ გაიტაცა მისმა სილამაზემ. ახლა იგი გაშტერებული იყო ამ ქალიშვილის გულგრილობით და ფერიცვალებით. არ იცოდა, რით აეხსნა ეს ამბავი. თავისი გულისტკივილის გამხელა და გაზიარება არავისთვის შეეძლო. მეგისაც, ცხადია, განმარტებას ვერ მოსთხოვდა, რადგან არავითარი ვალდებულება მათ ერთმანეთთან არ აკავშირებდა; ასეთ დაუფიქრებელ ნაბიჯს შეეძლო შატბია უფრო სასაცილო მდგომარეობაში ჩაეგდო.

— შატბია, ხედავ?! — ჩამოსძახა ზემოდან მეგიმ კიბის ძირას შეჩერებულ ვაჟს, ცალი ხელით დონჯი შემოიყარა, მეორეთი სივრცე მოხაზა და ოცნებით განაგრძო, — რა დილა გათენდა, რა ლამაზია აქაურობა!

შატბიამ მოკრძალებით გაიღიმა, მეგის მრავალმნიშვნელოვნად მიუგო: — ბუნების სილამაზე მახინჯებისათვის ვერაფერი ნუგეშია, მაგრამ... —

სიტყვა არ დაასრულა, ქალიშვილს გაუღიმა; ხმაღ
უფრო აუწია, სახეიმო კილოთი განაგრძო, — ვინც
თავისი სილამაზით ასე ბედნიერია, მისთვის რატო
მაც არ იქნება ლამაზი ცველაფერი!..

ვიდრე შატბია ლაპარაკობდა, მეგის ცისკე
ოცნებით მიეპყრო მზერა, მერე, თითქო უცებ
საკუთარი ფიქრებიდან გამოერკვაო, ვაჟს ერთ
მომხიბლავად გადმოხედა ზემოდან და ჩქარი ნა
ბიჯით კიბეზე ჩავიდა. თითქო გაუწოდაო, წინკა
შვერილი ხელები უცებ მის მხრებს მოსჭიდა.

— რა თქვი? — თითქო ემუდარებაო, ისე ჰკითხ
ბეგიმ, — გაიმეორე!

— უკეთესს გეტყვით! — ღიმილით, ფარულ
სახარულით შენიშნა შატბიამ, მაგრამ ამ დროს
ჭიშკრის ჭრიალზე მოზრუნდა თუ არა, თვალ
მოჰკრა ეზოში შემოსულ ლელას და მეგისთ
მისი საუბარიც ამით დასრულდა.

ლელამ მეგის ერთი პატარა კალათა ნიყვი მოარ
იხვა, რომელიცამ დილით მახლობელ ტყეში დაე
კრიფა. მეგის ამის მეტად არ ენახა სოკოების მეფე
და დიდხანს ატრიალებდა ხელში ლამაზ ნაყოფს
შესაწვავად და შესაჭმელად ენანებოდა. ლელამ შე
ატყო რა, რომ ამ მცირედი ძღვენით დიდად ასია
მოვნა სტუმარი, შეჰპირდა — რახან ასე მოგეწო
ნათ, ერთი-ორჯერ კიდევ მოგიკრეფავთ და მოგა
რთმევთო.

— როცა წასვლას დააპირებ, უსათუოდ შემე
ტყობინე, მე თვითონ მინდა მოვკრიფო!.. თავის

სამფლობელოში ეგ სოკო აღბათ უფრო ლამაზი სანახავი იქნება!..

— რასაც იწვალე, იმდენს რას ისიამოვნებ, — მზრუნველის კილოთი შენიშნა ლელამ. მერე რაღაც საქმე მოიმიზეზა, იქ მყოფთ გამოემშვიდობა და ჩქარი ნაბიჯით გაეშურა ჭიშკრისაკენ.

მეგიმ ნიყვი დეიდა ასმათს მიუტანა; თან გააფრთხილა — როცა მის გაკეთებას შეუდგებით, დამიძახეთ, უნდა ვუცქიროო.

ულამაზესი მიწის დამამშვენებელ ნაყოფს მეგი ერთხელ კიდევ მოეალერსა, მისი ცქერითაც გული იჭერა.

უცებ ყველას ყურადღება ქალის კივილმა მაიქცია. ყველანი იქით გაიქცნენ, საიდანაც კივილი მოესმათ. შატბია წინ მირბოდა. მეგის სირბილში ქოში წასძვრა და ძალაუნებურად სველ ბალახზე რომ დააბიჯა შიშველი ფეხი, მსუბუქად შეჰკივლა, მის უკან მომავალმა სულიკომ უმაღლ წაჰბაძა კივილში დას, შველაზე კი ყურიც არ გაიბერტყა. მეგიმ განზე გადავარდნილი ქოში ფეხის წვერით ახლო მოსწია, ჩაიცვა და კვლავ სირბილით გაეშურა შემთხვევის ადგილისაკენ.

ასმათი, დარეჯანი, სულიკო და შატბია ახლა პატარა მარნის შორიასლოს იყენენ შეჭგუფულნი და რაღაცაზე გამალებით ბჭობდნენ, თანაც მაღლიმალ შეშფოთებით იმზირებოდნენ შენობისაკენ. მიუახლოვდა თუ არა მათ მეგი, ასმათმა სულიკოს და შატბიას ხელი წაავლო, ძალით სცადა მათი მო-

შორებდა, მეგისაც უმაღლესძახა — „ნუ მოდიხარ, სა-
წიშიაო“. თვითონ კი ისევ შენობისაკენ მიბრუნდა,
თვალთვალი განაგრძო.

სახლის უკანა მხარეს, დარეჯან-ბებია აივანზე
ლოგინებს რომ ამხეურებდა, უცებ გაუგონია და
კიდევ დაუნახავს, რომ ლობის გასწვრივ ჩიტი გა-
ძწარებით რაღაცას თავს დასჭახჭახებდა და, ასე,
ფრენით, ფრთხილ-ფრთხილად მიჰყვებოდა
შორიანს. როცა ბოლოს, დარეჯან-ბებიას თვა-
ლი მოუკრავს, ძეღყორის მხრიდან მარნისკენ
როგორ მოიკლავებოდა ქვეწარმავალი, როგორ
შეძვრა მისი კარის კუთხესთან, ხვრელში, მაშინ-
და მამხვდარა — გველს, უთუოდ, სადმე ბუჩქში
ჩიტის ბუდისათვის მიუგნია და ბარტყი გადაუსან-
სლავს. მიტომაც ასე მოსთქვამდა საბრალო დედა-
ჩიტი.

ქვეწარმავალის დანახვის უმაღლესი დარეჯანმა კივი-
ლი მორთო. ის სულ ჩიოდა ახლოს ველარაფერს ვხე-
დავ, ნემსში ძაფს ველარ ვუყრიო, მაგრამ ახლა
დარწმუნდა, რომ შორს მხედველობა სიბერეშიც
კი საჭირო ყოფილა.

ქათმის გასაფუფქი, სპილენძის ქვაბით შუა
ცეცხლზე შემოდგმული წყალი უკვე ხვარხვალე-
და, მაგრამ ასმათს ახლა ქათმისათვის აღარ ეცა-
ლა. რომ არაფერს მოეტაცნა, დაკლულ ქათამს
ხის დიდი გობი წაათარა; მერე, სადღაც, გამდნარ
გოგირდში ამოვლებული ქალაღდის გრძელი ნა-
ჭრები გამონახა, ჯამში ჩასდო და ცეცხლი მოუკი-

და. ნელა იწყო რხევა მოლურჯო ილმა. გოგირდის ჯამით ასმათი მარნისაკენ გაეშურა. კარებთან შატბია შეეგება, ჯამის გამორთმევა ეწადა, მაგრამ დედამ ხელისკვრით მოიშორა იგი და მარნის კარი ფრთხილად გააღო. სულიკო და მეგი, შიშით შეჰყრობილნი, მარანს ახლო აღარ ეკარებოდნენ, შატბია კი ასმათს უკან იდგა, დედას თავს არ ანებებდა. დედა დროდადრო, სტუმრებს რომ არ გაეგონათ, ხმადაბლა, მწყურალად უმეორებდა — „მომშორდი, ბიჭო, წადი აქედანო!“ მაგრამ შატბია ფეხს არ იცვლიდა. ასმათი ღია კარში შევიდა, თან ჯამს დაბლა სწევდა, მკრთალ ალს რომ გზა გაენათებინა. წინ, ახლომახლო არაფერი ჩანდა. ასმათმა ფრთხილად გადადგა რამდენიმე ნაბიჯი, აღმოდებული გოგირდიანი ჯამი შუა მარანში დადგა, კიდევ გაიხედ-გამოიხედა, მერე, აუჩქარებლად, თითქო აქ არაფერიაო, გამობრუნდა უკან. კარი მაგრად გამოიხურა და ახლა კი, შვებით ამოიოხრა, სულის მოთქმაზე შეეტყო, რომ არც ისე ადვილი იყო მისთვის მარანში შესვლა, როგორც მნახველს ერთი შეხედვით შეიძლება მოსჩვენებოდა.

ახლა ყველანი მარნის შორიასლოს იდგნენ და მოუთმენლად ელოდნენ უწმინდურის გამოჩენას; დრო გადიოდა, ის კი არა ჩანდა. ასმათი ფიქრობდა— „რაკი ამდენ ხანს არა ჩანს, უსათუოდ კასრში ან დაყირავებულ კურში შეძვრებოდაო“. თუ ასე

იყო, ვიდრე გოგირდის სუნი ძალიან არ შეაწუხებდა, იქაურობას არ მიატოვებდა.

პირველად მეგიმ შენიშნა იგი და თუმც ხიფათი არაფერი მოელოდა, მაინც, უნებლიეთ შეჰკივლა. უმაღლეს, სახლის უკანა აივნის კიბეს მიაშურა; სამი საფეხური ისე აირბინა, ეტყობოდა, შიშისაგან ახლა არა მარტო ხმა, მუხლებიც უკანკალებდა; გულშიც ისე უძგერდა, თვალებიც ისე გაფართოვებოდა, შატბიამ რომ შეხედა, შეშინებული მეგი სასაცილოდაც ეჩვენა და შესაბრალისადაც. უფრო საოცარი კი ის იყო, რომ მისმა შიშმა, შატბია ახლა ისე გაამხნევა და გაათამამა, ყველაფრისათვის მზად გახლდათ, რაც მეგის თვალში უშიშარი ჭაბუკის სახელს მოუხვეჭდა.

უსახო შავი გველი ამასობაში, ოდნავ მაღლა თავაწეული, ასხმულ რგოლებივით შავად მბზინავ ტანის ელასტიური ჭიმვით და კუმშვით ძვრებოდა ხვრელიდან. ჯერ ის ნელა, ფრთხილად მოიწევედა, მერე, უეჭველად, შენიშნა რა შორიანლოს ადამიანები სწრაფად გამოცურდა, თავი ჯერ მაღლა ასწია, მზერა აქეთ-იქით მიმოატარა, მერე ტანთან ერთად თავიც მიწას გააკრა, ბალახბულახში მიმალული, კვლავ იქით გასრიალდა, საიდანაც წელან ვამოვიდა.

სულიყო ახლა მეგიზე უფრო შეშინებული ჩანდა, კიბის თავიდან უთვალთვალებდა ამ სანახაობას. თუ ვინმე ჰკითხავდა — „კიბეზე რატომ

ასულხარო?“ — პასუხი მზად ჰქონდა — „აქედან უფრო უკეთესად ჩანსო“ — ეტყოდა.

ასმათმა სარს დასტაცა ხელი და გაბედულად გაეშურა უწმინდურისაკენ. შატბიამ დაინახა თუ არა დედა, სარი უმალ გამოგლიჯა ხელიდან და ძირს ფრთხილად დასდო. იცოდა, გამოცდილი იყო, ვიდრე ასმათი დაჰკრავდა, ის შეიძლება, ელვის სისწრაფით სარს შემოხვეოდა, ხელმეორედ მისი აწვევის დროს თავზე დასცემოდა კაცს და დაეგესლა. უწმინდურს ამასობაში კიდევ მიედწია ყორემდე. შატბიას ზრახვა წინასწარ არავის გამოუცვნია. როცა ის ყორისაკენ სწრაფად გაეშურა, ასმათსაც, დანარჩენებსაც შიშისა და მოულოდნელობისაგან ხმაც ჩაუწყდათ, მუხლიც მოეკვეთათ. მათ ძლივს შეასწრეს თვალი — ყორეში თავშეყოფილ გველს როგორ სწვდა კუდში შატბია... მერე რაღაც შავმა გაიელვა ჰაერში და, თავით რიყის ქვებზე დათხლესილი გველი, ახლა კუბრში ამოვლებულ ბაწრის ნაგლეჯივით ეგდო ყორესთან, ბალახებში.

გამარჯვებულმა, თუმცა ოდნავ შემკრთალმა და ფერწასულმა შატბიამ, უკან რომ მოიხედა, გაეცინა. ასმათს თმებში წავლებული ხელი კვლავ ისევ ისე ეჭირა, მეგი კიბის საფეხურზე იჯდა და გულშელონებულ ადამიანს ჰგავდა, რომელიც ეს-ეს არას მობრუნებულიყო; სულიყო კი ისე იყო წახრილი, ეტყობოდა, ერთი წუთის წინ აივნის მოაჯირს ეფარებოდა.

შატბიას მარცხენა ხელით დონიჯი შემოეყარა,

მარჯვენა ხელი ეს გასვრილივით ცოტა განზე ეწერა.

ასმათმა უცებ დარეჯანს ტარიანი, ეზოს ცოცხი გამოსტაცა, შატბიას მიაშურა... გაქცეულს რომ ვერ დაეწია, ცოცხი ფეხებში ესროლა, მაგრამ ვერ უწია. შატბია სიცილით გარბოდა, თან უკან იხედებოდა — დედაჩემი კიდევ ხომ არ მომდევსო.

წინა ეზოში გასვლის უმაღლ შატბიამ თვალი მოჰკრა მამას. ნიკო ცალი ხელით დაქანცულივით მუხას მიბჯენოდა, მეორე მკერდზე ედო, თან ისე შეშფოთებული გამოიყურებოდა, ძალაუნებურად გაოცდებოდივით. შატბიამ, მართალია, მყის გაიფიქრა, მაგრამ ძნელი დასაჯერებელი იყო — ნიკოს კიდევ რომ ეხილა — მისმა ვაჟმა როგორ სტაცა გველს ხელი და ყორეზე დასთხლიშა, ამ ამბის ხილვას რომ ასე შეეკრთო თავათ გულადი და გულადებისაც ესოდენ მოყვარული.

შატბიამ უმაღლ მამასთან მიიბრინა — რა დაგემართათ, ჰკითხა. ნიკომ არაფერი უბასუხა, შვილს თავისუფალი ხელი მხარზე გადახვია, თავისკენ ახლო მიიზიდა, მოულოდნელად საფეთქელთან აკოცა და მერე რადიოსკენ ანიშნა — ყური უგდეო. მამა-შვილმა ერთად მოისმინა მოლოტოვის განცხადების ბოლო სიტყვები — ჩვენი საქმე სამართლიანია, მტერი დამარცხებული იქნება, გამარჯვება ჩვენ დაგვრჩება.

— ომია?! — გაოცებით იკითხა შატბიამ და მამას თვლებში შეაეცქერდა.

ნიკოს შინ აღარ მოუცდია, უმაღლესი მასტისაკენ გაეშურა. ჯერ ერთი, მომხდარი ამბის დაწვრილებით შეტყობა სურდა, მეორეც, ახლა თავის სადარაჯოზე, თავისიანებთან ყოფნას საქმე ითხოვდა.

შატბიასაც ეწადა მამასთან ერთად წასვლა, მაგრამ ასმათმა არ გაუშვა—„აცალე მამაშენს, ვნახოთ, რა ამბავს ამოიტანსო“.

ღედა ისეთი თვლებით შესცქეროდა შვილს, რომ შატბიამ ძალაუნებურად დახარა თავი და უკვე შარაგზაზე გასული, ეზოში შემობრუნდა. ომის ესოდენ ვერაგული, მოულოდნელი დაწყებით განცვიფრებული სულიყო და მეგი უკვე თავიანთი ნივთების ჩალაგებას შესდგომოდნენ; თუმცა გარკვევით, საბოლოოდ ჯერ მაინც ვერაფერი გადაეწყვიტათ — წასულიყვნენ, თუ რამდენიმე დღე კიდევ მოეცადათ, ვიდრე ქალაქიდან ღედა რამეს აცნობებდათ.

ერთხელ უკვე ჩალაგებული ნივთები სულიკომ ხელახლა ამოჰყარა. მეგი ჯერ გააკვირვა მისმა საქციელმა, მაგრამ მალე მიხვდა, რაშიაც იყო საქმე და მალულად გაიღიმა. სულიკო ასე, ყველაფერს ჩალაგებულს და მომზადებულს რომ ხედავდა, ეგონა, საქმე უკვე გასაქცევად ჰქონდათ და ძალაუნებურად ღელავდა. თავი რომ დაემშვიდებინა, დაწყნარებულიყო, ამისთვის თურმე ისიც კმაროდა, რომ თავისი ნივთები, როგორც ადრე ჰქონდა დალაგებული, ისევ ისე ეხილა: ჩინჩლი-

ანა, ქათქათა პირსახოცი ოთახის იმ კუთხეში ყოფილიყო ჩამოკიდებული, რომელიც ასმათმა მიუჩინა, შარვალი სკამის საზურგეზე გადაფენილი, პიჯაკიც საზურგეზე წამოხურული, ხოლო ძვირფასი საზაფხულო პერანგები ასმათის კარადაში შენახული, სახატავი ალბომი, ორიოდ წიგნი, ფანქრები, პლასტელინი, სტეკები გაზეთგადაფარებულ პატარა მაგიდაზე დაწყობილი.

შატბია ერთ ხანს მოუსვენრად წრიალებდა ეზოში დედის თვალწინ, სამზარეულოს ახლოს. ხან რას წამოჰკრავდა ხელს, ხან რას, მაგრამ გული ვერაფრისთვის დაედო. ერთხანს მუხის ძირას იჯდა და რადიოს უგდებდა ყურს. ხანგამოშვებით კვლავ გადმოსცემდნენ დილის ცნობას. უეცრად შატბია ზეზე წამოიჭრა და თითქო ვინმე ეძახისო, სირბილით ჰიშკარს მიაშურა. ეზოდან რომ გავიდა, ერთხელ კი გაიხედა სამზარეულოსაკენ, სადაც დედა ეგულებოდა და უმალ თავქვე დაეშვა; სული კბილით ეჭირა ვიდრე შახტის ცენტრალურ უბანში მივიდოდა, ამხანაგებს შეხვდებოდა, მათ აზრს და გადაწყვეტილებას შეიტყობდა. შატბიას გუნებაში უკვე მტკიცედ გადაწყვეტა ფრონტზე წასვლა, ის დარწმუნებული იყო, რომ მისი ამხანაგებიც ამასვე ფიქრობდნენ. ღრმად სწამდა მშობლიური არმიის ძლიერება და ხალხის ერთსულოვნება. რამდენადაც უფრო მუხანათური იყო მტრის თავდასხმა, იმდენად უფრო ძლიერი იყო ჰაბუკის გულში სამშობლოს დაცვის წადილი.

ცენტრალური შახტის უბანში, კომბინატის წინ თავი მოეყარათ მეორე ცვლაში მიმავალ მეშახტეებს, მოსამსახურე პერსონალს, ახლომახლო მცხოვრებთ, დიასახლისებს, მოზარდებს. რადიოთი გადმოცემულ განცხადების მოსმენის შემდეგ, შეკრებილთ პირველი სიტყვით მიმართა მეშახტის პარტორგანიზაციის მდივანმა ცნობილადემ. შემდეგ გამოვიდნენ სტახანოველი მეშახტეები, ახალგაზრდები, ხნიერები. მათს სიტყვებში გაისმოდა უსაზღვრო ზიზღი მტრისადმი, რომელმაც მშვიდობიან შრომაში ჩაბმულ საბჭოთა ხალხს თავს მოახვია ომი. ყოველი გამოსული ორატორი პირობას სდებდა ხალხის, სტალინის წინაშე, რომ ღირსეულად, მოიხდიდა თავის წმინდა ვალს, სადაც კი მოუწევდა ყოფნა, ზურგში თუ ფრონტზე.

შატბია, თუმცა სულგანაბული უსმენდა, როგორც უფროსი ამხანაგების, ისე ტოლების მგზნებარე სიტყვებს, მაგრამ სული კბილით ეჭირა, ველარ ისვენებდა... მასაც უნდოდა ეთქვა რამე, მასაც უძგერდა გული სამშობლოსათვის, მასაც ეწადა ფიცი დაედო ხალხის წინაშე, რომ ვალს პირნათლად მოიხდიდა, ჩვენი ხალხის მტერზე გამარჯვებისათვის თავის ძალ-ლონეს არ დაიშურებდა. გუნებაში ის კიდევ მიმართავდა აღფრთოვანებით იქ მყოფთ, მაგრამ ამ კაბუკურ თავდავიწყებაში, კეთილშობილურ ფიქრებში გართული ვერც კი ამჩნევდა, როგორ გადიოდა დრო.

მიტინგი დასრულდა. მეორე ცვლა გაათქეცებუ-

ლი ენერგიით გაეშურა შახტისაკენ. შატბიამ სხვა რომ ვერაფერი ილონა, თავისი თავგანწირულებისა და ერთგულების გამოსახატავად დღეს თუმც ისვენებდა, მაგრამ საგარდერობოში სწრაფად გადაიკვა ბრეზენტის სამუშაო ტანსაცმელი, სალამფეში ქალიშვილს აკუმულიატორული ნათურა გამოსტაცა და არც კი გაუსინჯავს იგი, ისე გაეშურა ამხანაგებთან ერთად შახტისკენ.

არც ნიკო, არც შატბია ღამით შინ არ დაბრუნებულან. მათს ლოდინში ასმათი სანთელივით ჩამოდნა. ღამე ისე გაატარა, თვალი არ მოუხუჭავს; თვალი ჭიშკრისაკენ ეჭირა, ყური ტელეფონისაკენ.

დილით კი, როცა ნიკომ პირველი ცვლის გასტუმრების შემდეგ შინ ერთი წუთით შეირბინა, უძილობით თვალეზღაწითლებულ და გაფითრებულ ასმათს აუწყა, რომ წუხელ შატბიამ ღამე მასთან ერთად შახტში გაათია. ამხანაგებთან პირობა ჰქონდა დადებული, რომ ორ ცვლას ზედიზედ იმუშავებდა. როგორც პირობა, ისე გეგმა ახალგაზღვებმა პერნატლად, ორმაგად შეასრულეს, მაგრამ ამითაც არ დაკმაყოფილებულან და მესამე ცვლის გამოსვლის შემდეგ შახტიდან პირდაპირ სამხედრო კომისარიატში წასულან. ახალგაზრდების ერთ ნაწილს

დაქინებით მოუთხოვია ფრონტზე გაგზავნა, ანგარეში არ გაუწევია უფროსი ამხანაგების სიტყვისათვის — რომ ახლა ქვეყანას თავდადებული ადამიანები ისევე ესაჭიროება შახტში სამუშაოდ, როგორც უშიშარი მებრძოლები ფრონტზე, რადვან ერთნიც და მეორენიც მტერზე გამარჯვების საქმეს ემსახურებიან. შატბიაც ამ ახალგაზრდებს შორის ყოფილა.

ასმათს კრინტი არ დაუძრავს. ყურადღებით მოისმინა ქმრის სიტყვები; ერთი კი შეხედა ნიკოს უძილობისგან დაწითლებულ თვალებში, მერე სწრაფად დახარა თავი და სამზარეულოს მიაშურა. როგორც კი ნიკო ასაუზმა და გაისტუმრა, უმალ მზადებას შეუდგა. სულიკო იხმო, ორი ქათამი დააკვლევინა. პურის მოზრდილი ცომი სწრაფად მოზილა, დანაკვერჩხლებულ შუაცეცხლის პირას შემომწკრივებულ, კარგახნის მიფიცხებულ კეცებზე სწრაფად დააკრა ცომი. რამდენიმე წუთის შემდეგ ჰაერში ახალი გამომცხვარი პურის სუნის დატრიალდა.

შუადღემ მოატანა. ასმათი შატბიასათვის გზაში გასატანებელი საკმლის მზადებას მორჩა. ცეცხლში შეკეთებული, ნახევრად მომწვარი შეშის ნაპობი: ცოტა მოშორებით ბალახზე დააგდო და წყალი დაასხა. მუგუზალმა. უცებ დაიშხივლა და თეთრი კვამლი ეზოს მოედო, ხის ტოტებსა და ფოთლებში გაიბლანდა, გაიყურსა. დიდი, თეთრი ბოლქვები, სადაც კი ხის ტოტებსა და ფოთლებს შო-

რის მზის სხივი ატანდა, ნათელი, ირიბი ზოლებით იყო დასერილი. ასმათი ახლა მარტო იმაზე წუხდა, რომ შატბია ჯერ კიდევ არა ჩანდა. შინ ახლა მარტო ასმათი, დარეჯანი და სულიკოლა იყვნენ. მეგი დაზღვეული ბარათის და დეპეშის ხელმე- იარედ გასაგზავნად წავიდა ფოსტაში.

დარეჯანი ეზოს გარეთ, ლობის ძარებში ძროხას ბალახს აძოვებდა, თან ჭინჭარს ჭრიდა მოსახარ- შად, ინდაურებისათვის. სულიკო მოუსვენრად სცემდა ბოლთას აივანზე. რა ხანია ესმოდა ასმათს აივნის იატაკის გაუთავებელი, ერთფეროვანი ჭრი- ალი. ვერც ვერაფერი ეთქვა სტუმრისათვის, არა-და მოთმინება აღარ ჰყოფნიდა ამ ჭრიალის მოსასმე- ნად.

აივნის ერთ თავში წამით შეჩერებული სულიკო უკვე მტკიცედ რომ გადაწყვეტდა გუნებაში დღეს- ვე თბილისში უნდა გავემგზავროო, ვიდრე აივნის მეორე თავამდე მივიდოდა, ის მტკიცე გადაწყვე- ტილება უკვე ჰკუაში აღარ უჯდებოდა.

ახლა საქმეს რომ მორჩა და წელში გაიმართა, ასმათმა შებოლილ ეზოსა და ხეებს გახედა. უცებ მუხის ძირას წამოწოლილი კაცი შენიშნა. რახან აივნის იატაკის ჭრიალი კვლავ მოისმოდა, ას- მათი დარწმუნდა, რომ ის კაცი სულიკო არ იყო. ასმათი ჯერ შუბლზე ხელმოჩრდილებული იცქი- რებოდა მუხისაკენ, მერე ფრთხილი ნაბიჯით და ფარული გულისძგერით გაეშურა იქით.

ჭილოფზე წამოწოლილ შატბიას ხელები თავ-
ქვეშ შემოეწყო; თვალები რომ დახუჭული არ
ჰქონოდა, იფიქრებდით — ცას შესცინისო; მაგრამ
მას ახლა ისე ეძინა, არც დედის მიახლოება უგრ-
ძენია და არც განცვიფრების გამომხატველი მისი
უნებლიე ამოძახილი გაუგონია.

გუშინდელი საღამო და მთელი ღამე შატბიამ
შახტში გაატარა. მიტინგზე მოსმენილი სიტყვების
შემდეგ ისე იმუშავა, არც დალლას უთმობდა, არც
დედის მიერ ორჯერ გაგზავნილ საჭმელს დაჰკა-
რებია. შახტიდან იმ ამხანაგებთან ერთად, რომ-
ლებსაც გაწვევა არ უწევდათ, სამხედრო კომისა-
რიატისაკენ გაემართა.

საწადელმიღწეული. შინ რომ ბრუნდებოდა,
თვითონვე უკვირდა, ცხოვრებაში ასე სხვის უკი-
თხავად რომ პირველი გაბედული, ვაჟკაცური ნა-
ბიჯი გადადგა.

ახლა ჭიშკარში კი არ შევიდა, თითქო ცა ქუდად
ალარ მიაჩნიაო, სარებს მოეჭიდა, ბროწეულის
ტოტებიც თამამად განზე გადასწია და ეზოში გა-
დახტა. შორს თვალი მოჰკრა დედას, რომელიც
საქმიანობდა ღია სამზარეულოში. მუხას რომ
გაუსწორდა, სულიკოც დაინახა. აივანზე ის ისევ
ისე ბოლთის ცემით იყო გართული. შატბიას მუ-
ხის ძირას, ჩრდილში გაფენილ ჭილოფის დანახვა-
ზე გულმა ვედარ მოუთმინა, ერთი შესძახა —
„ეჰო“ და უმალ გულადმა გაიშოტა, თავქვეშ ხე-
ლები შემოიწყო. ასე ყოფნა ძალზე ეამა, ვერც-კი

მიმზვდარიყო იმ სიამოვნებას, რასაც ახლო განიცდიდა, რა უფრო გვირდა — თექვსმეტ საათს შახტში მუშაობის შემდეგ სხეულის ასე მოსვენება, თუ იმაზე ფიქრი, რომ ვინ იცის, როდის ელირსებოდა კიდევ ასე უღარდელად მუხის ძირას ჭალოფზე წამოწოლა, ფოთლების ნელ შრიალში და ჩიტების ჭიკჭიკში ჩაძინება. ახლა მამის ამოჩემებული თქმაც მოაგონდა, შახტიდან დაბრუნებისას რომ იტყოდა ხოლმე ის ხანდახან — „რა გემოზე დავიღალეო,“ — და გაუკვირდა, რომ დღეს პირველად მიხვდა, ჩაწვდა, თუ რას ნიშნავდა ეს მამისეული თქმა.

შატბიას, ჯერ ვეება ფრინველის ფრთებივით გაშლილმა, მუხის, უხვადშეფოთლილმა ტოტებმა, ფოთლებს შორის ჭუჭრუტანებში მზის სხივების ელვარებამ და ლაქვარდის უსაზღვროებამ მოსტაცა თვალი, მერე ფიქრებიც შემოუჩნდნენ, მოგონებებიც აიშალნენ და თვალთან ერთად მისი სულიც და გულიც გაიტაცეს. ვიდრე წამოწვებოდა, შატბია დაღლას არც კი გრძნობდა, კიდეც იზიტომ იფიქრა — რამდენიმე წუთს დავყოფ ასე და ხელახლა ფეხზე წამოვხტებიო. მაგრამ თექვსმეტ საათს შახტში მუშაობას, ღამის გათევას, დღევანდელ შთაბეჭდილებებსაც ისე მოექანცათ ჭაბუკი, რომ მას სწრაფად ჩაეძინა და ცხადში მისი ოცნება, ახლა სიზმარში გრძელდებოდა.

შატბიას უეცრად გაეღვიძა, დაფეთებულივით წამომჯდარმა, თვალები ჯიუტად მოიფშვნიტა და

ხელი რომ წამოსადგომად ძირს დააბჯინა, ეოცა, ახლა იგი ნოხზე იწვა, თავქვეშაც მუთაქა სდებია, ფეხზედაც ისე გაუხდიათ მისთვის, არათფერი გაუგია. წელამდე თხელი საზაფხულო საბანი ეფარა. ზურგს უკან ფეხის ხმა მოესმა, როცა მოიხედა, დაინახა: შორიახლოს მაგიდასთან ისხდნენ ნიკო, მეგი და სულიკო. მათ შორის დედა რომ ვერ შენიშნა, ეოცა, მაგრამ იმავ წამს ასმათიც მყის მის გვერდით გაჩნდა. თითქო უნდა წამოაყენოსო, მკლავში ხელი მოსჭიდა. შატბია სწრაფად წამოიჭრა ზეზე, დაკმუჭვნილი ტანსაცმელი შეისწორა, ფეხზე ჩაიცვა და შეშფოთებით იკითხა:

— რომელი საათი იქნება?

— სწორედ კარგ დროს გაიღვიძე, შვილო! გელოდებით, უშენოდ არც ჩვენ ვისადილეთ, სტუმრებიც დავამშიეთ.

— დედაჩემო, რა მესადილება, თუ იცი, ბარემ მითხარი, რომელი საათი იქნება...

თითქო ნიავმა მოჰბერაო, უცებ ზურგიდან ისე მოესმა ნაზის ხმით წარმოთქმული — ჯერ მხოლოდ ეჭვსია, შატბია!

შატბიამ უმალ იცნო ხმაზე მეგი, სწრაფად მობრუნდა. მათ უცებ ისე შეხედეს ერთმანეთს, თითქო უცნობები არიანო. ასმათმა აღარ აცალა, ორივეს შემოხვია წელზე ხელი და ფრთხილად უბიძგა. მეგიმ ისარგებლა ასმათის ბიძგით, შატბიას მკლავში ხელი გაუყარა და მაგიდისაკენ წაიყვანა.

— ნიკო ბიძია! — უცებ გადაიხარა მისკენ და წაუჩურჩულ-წაუსისინა ყურთან სულიკომ, — ხედავ, როგორ უხდებიან ერთმანეთს?!..

ეს სიტყვები განზრახ ისე წარმოსთქვა სულიკომ, შატბიას რომ გაეგონა.

მას მერე, რაც მეზობელ სოფლიდან დაბრუნდნენ, სულიკო მუდამ ეძებდა ხელსაყრელ წამს, ეს აზრი რომ შატბიასთვის ყურში ჩაეწვეთებინა და ახლა დიდად კმაყოფილი იყო, რომ ხელსაყრელი დროც იხელთა და თავისი გულის ფარული ზრახვაც ნაწილობრივ შეისრულა.

სულიკოს სიტყვების გაგონებაზე შატბია მყის გაწითლდა, სულიკოს მიერ მიწოდებულ სკამზე დაჯდომას რომ აპირებდა, უმალ გადაიფიქრა, ის სკამი თავის მხრივ მეგის შესთავაზა. როცა მეგი მიწოდებულ სკამზე წკიპად ჩამოჯდა, თვითონაც, შატბია, სულიკოსთან ერთად მაგიდის მეორე მხარეს, მეგის პირდაპირ დაჯდა. ნახევარ წუთსაც არ გაევილო, თითქო რამე მოაგონდაო, უცებ კვლავ ზეზე წამოიჭრა, ყველა გოაცებით მიაშტერდა, თვალი გააყოლა. შატბიამ ჭის წყლით ხელ-პირი დაიბანა, ნამძინარევი გამოცოცხლდა, ვიდრე ის ხელ-პირს იბანდა, მეგი სახლისაკენ გაიქცა, შატბიას პირსახოცი გამოუჩრებინა და როცა შინისკენ მიმავალი მაგიდას გაუსწორდა, მეგი უცებ გზაზე გადაუდგა და პირსახოცი შესთავაზა.

შატბია ყურებამდე გააწითლა ამ მოულოდნელობამ, მეგი მაცდურად იღიმებოდა, სულიკო კი

ტაშსა სცემდა. მეგი ახლა სწორედ მის წისკვილზე ასხამდა წყალს.

როცა სუფრაზე ყველამ კვლავ თავ-თავისი ადგილი დაიკავა, მეგიმ თითქოს სხვათაშორის იკითხა:

— შატბია, დავიჯერო, მართლა დღეს მიდიხარ?!

— დიახ, დღეს! — შატბიამ ოღნავ წამოიწია და თავაზიანად მიუგო მეგის.

— ჯერ გაწვევა არ უწევს, მაგრამ... ჰგონია რომ უმაგისოდ ომს ვერ მოვიგებთ და...

ნიკოს შენიშვნა სხვას შეიძლება დაცინვად მოსჩვენებოდა, მაგრამ მის გულში თუ ჩაიხედავდით, მიხვდებოდით, რომ შატბიათი ახლა უფრო მეტად ესახელებოდა თავი ძველ მეშახტეს, ვიდრე აქამდე.

— სამშვიდობო ხელშეკრულების შემდეგ უეცარი, მუხანათური თავდასხმა! — თავისი აღშფოთების გამოხატულება სულიკომ ჰაერში მკლავების აქნევით დაასრულა.

— მუხანათი მხოლოდ მუხანათურად დაგესხმის თავს! — დინჯად, მცოდნე კაცის კილოზე შენიშნა ძველმა მეშახტემ.

— რა ბედნიერად ვცხოვრობდით, რა სამაგალითო შრომა და ლხინი გვქონდა... — გულისტკივილით წამოიწყო სულიკომ.

— ნუ გეშინია! ბრძოლაც სამაგალითო ვიცით! — ნიკომ თავი ოღნავ უკან გადასწია, თვალები მოჭუტა და პაპიროსი ერთი-ორჯერ ნებიერად გააბოღლა. — ჩვენ ხალხს ვერავინ ასწავლის ლხინში

მოლხენას, ჰირში გაძლებას და ბრძოლაში შემართებას!

აქამდე რომ მოუსვენრობა ეტყობოდა, შატბია ნიკოს სიტყვის დასრულებისთანავე წამოდგა.

— დაჯექი, რა იყო?! — საყვედურის კილოთი გადასძახა ნიკომ.

— რა იყო და... — ყოყმანით დაიწყო შატბიამ, ჯერ მამას, შემდეგ მეგის ისე შეხედა, თითქო რამეს უსაყვედურებსო, — ჩემი წასვლის დრო დადგა! — თქვა მან ბოლოს.

მეგიმ უცებ ასწია მკლავი, მაჯაზე ორი თითით შეეხო ოქროს საათის ჩარჩოს.

— ჯერ მხოლოდ შეიღის ათი წუთია!

— რას ამბობთ, ჩემი მოცდა აღარ შეიძლება... სრულ შვიდ საათზე ამხანაგები უკვე სადგურისაკენ დაიძვრებიან... საბარგო ავტოებით მიდიან, მე ხომ არ დამელოდებიან?..

— რატომაც არ დაგელოდებიან! — გასამხნევებლად შეეკამათა სულიკო.

— დაიცა, ბიჭო! რა ამბავია?.. ამ წასვლის წინ მაინც ერთად აღარ ვისადილოთ!? — ჩაერია ნიკოც, გუნებაში კი გაიფიქრა — „ნეტავ ესმისკია სად მიდის? მაგას ხომ არ ჰგონია, როცა მოესურება, შინ შემოირბენს და ჩვენთან ერთად ლუკმას გასტეხს, ჰაში ხელადით ჩაცივებულ ღვინოს გადაჰკრავს?“

ამასობაში დედაც მოვიდა. სუფრა საგანგებო საჭმელებით გაავსო; თუმცა, საგანგებო ეს საჭმე-

ლები ახლა უფრო იმით იყო, რომ, რაც შატბიას უყვარდა, მარტო ის მოემზადებინა ასმათს.

ყველა გრძნობდა, რომ ახლა ჭამა-სმის დრო არ იყო. რა დიდებულადაც უნდა მოემზადებინა ასმათს ქათამი, თუ თიხის ქოთანში ამოზელილა წითელი ლობიო, გემოს მაინც ვერ ჩაატანდნენ; მაგრამ, რაკი სადილობის დრო იყო და შვილისთვისაც ქართულად გზა უნდა დაელოცათ, ის კეთილი სურვილები სად გამოიხატებოდა ისე მოხდენილად, როგორც ქართულ სუფრაზე.

სადილიც და სადღეგრძელოებიც უფრო მალე დასრულდა, ვიდრე შატბიას ეგონა; მაგრამ მოულოდნელად, ახალმა „დაბრკოლებამ“ იჩინა თავი. როცა თითქო ყველაფერი მზად იყო, მეგიმ განაცხადა — მეც უნდა გავაცილო შატბიას.

შატბია ახლა ისეთ გუნებაზე იყო, ლამის ყველანი მიეტოვებინა, გაცილებაზე უარი ეთქვა. წამდაუწუმ დიდი ოთახის კარისაკენ იცქირებოდა, სადაც მეგი ახლა იქნებ თავისი შიფონის კაბის ნიჟების ლამაზად დაყენებაზე უფრო მეტს ზრუნავდა, ვიდრე იმაზე, რომ შატბიას არ დაგვიანებოდა.

გორაკიდან დაბლა რომ ეშვებოდნენ, შატბიამ გაიხედა თუ არა, დაინახა, რომ შენობის წინ, სადაც

ომში მიმავალ ახალგაზრდებს უნდა მოეყარათ თავი, უზომო ხალხი ირეოდა. ცოტა გული დაუმშვიდდა, იფიქრა — ეტყობა ამხანაგებს თავი ჯერ კიდევ არ მოუყრიათო. გორაკის მიხვეულ-მოხვეულ მარაგზით მოასფალტებულ ფართო გზატკეცილზე რომ ჩავიდნენ, მოპირდაპირე მხრიდან ჯგუფ-ჯგუფად მომავალი ხალხის დანახვაზე უმაღლესი ექვემდებარება გულში. ხალხი ხმამაღლა, გატაცებით ლაპარაკობდა ომში მიმავალთა შესახებ. ნაცნობთაგან, შატბიას ზოგმა შორიანლოდან შემოსცინა, ზოგმა ხელის გამამხნეველებელი ქნევით ჩაუარა, ზოგიც გიჟივით ეცა და გადაჰკოცნა, განშორებისას ბეჭუნელაც მაგრად დაჰკრა ხელი და გზა დაულოცა. ყველა ერთი და იმავე სიტყვით ეგებებოდა, აცილებდა. მხნედ მისძახოდა მიმავალს — „ძალე გამარჯვებით დაბრუნებული გვენახეო!“ შატბიაც თავისუფალი, მარცხენა ხელის ქნევით ესალმებოდა თანამემამულეთ, მისი მხნე იერი თითქო ყველას უსიტყვოდ არწმუნებდა, რომ ეს ასეც იქნებოდა.

შატბიას იმედი, რომ ამხანაგები მას უთუოდ ელოდებოდნენ, ზოგი კი, შეიძლება ჯერაც არ იყო მოსული, გზაშივე გაუცრუვდა. მისი ახლო შეგობრები, ამხანაგები, ნაცნობები შინაურებითურთ სულ რამდენიმე წუთის წინ წასულიყვნენ სადგურისაკენ მანქანებით. გზაში შემოხვედრილი სირბილადე შატბიას ამ გამოთხოვების უამს გადასაკოცნელად რომ მოეხვია, ყურშიაც უჩურჩულა „ბიჭო, შენს გასაცილებლად თამარელაც მოსული-

ყო... სულ ბოლო მანქანაში იჯდა... ალბათ
ადის იმედი ჰქონდა, რომ იმ მანქანაში ღარ-
ჩენილ თავისუფალ ადგილებს შენ და შენი
გამცილებლები დაიკავებდით, მაგრამ... რომ
აცოდე, რა გულდაწყვეტილი იცქირებოდა, მანქა-
ნა რომ დაძრა... არაუშავს, სადგურზე ხომ შე-
ხვდები!“

შატბიამ მაგრად ჩამოართვა ხელი სირბილაძეს
და რამდენიმე ნაბიჯით გასწრებულ თავისიანებს
დაედევნა. გაოფლილი სახე სიბრაზისაგან ხან გაუ-
ფრთხილებოდა, ხან წამოუწითლდებოდა; ბოლმაც
ყელში ძვალავით გასჩხეროდა. როცა თავისიანებს
დაეწია და მათაც ფეხის ხმაზე მოიხედეს, შატბიამ
ჯერ მამას, მერე მეგის ისეთი მწყრალი თვალით
გადახედა, რომ ისინი ადვილად მიხვდნენ, რის
თქმაც ეწადა ჭაბუკს.

მეგი ცოტა ჩამორჩა სხვებს და პირველად თვი-
თონ შეეგება შატბიას, ერთი თავისებურად შესცი-
ნა, მკლავშიაც მოხდენილად გამოსდო ხელი და,
ასე ორივემ, ერთად განაგრძეს გზა. შატბიას თუმც
სიამოვნებოდა იმ ქალწულთან ახლოს ყოფნა და
ხელგაყრილი სიარული, მაგრამ თანაც დიდ უხერ-
ხულობას გრძნობდა. ისედაც წარმოსადგ და
ემსიან ჭაბუკს, ახლა მეგის წყალობით, ნაცნობიც,
უცნობიც—ყველა უცნაური ცნობისმოყვარეობით
აკვირდებოდა. ყველანი ისე იყვნენ გატაცებულნი
და გოცებულნი ამ ქალ-ვაჟის ერთად ხილვით,

რომ წელან გზად შემოხვედრილთა მსგავსად, ესენი, არც შორიდან სთავაზობდნენ სალამს, არც გამამხნეებელ ძახილით ისტუმრებდნენ ომში მიმავალს; საკოცნელად, გამოსამშვიდობებლად სხვებსავით მასთან ახლო მისვლასაც ვეღარ ბედავდნენ.

რახან შატბიამ აღრევე შეიტყო ამხანაგების დაწინაურება, სამხედრო კომისარიატის შენობასთან აღარ შეჩერებულა.

მეგიმ და მან სხვებთან ერთად გზა განაგრძეს; მარტო ნიკო გამოელაპარაკა ერთ-ორ მეშახტეს, რომლებიც თავიანთ ახლობლებს ელოდნენ და, ისიც მალე დაეწია დაწინაურებულ თავისიანებს. შატბია და მეგი ახლა ყველაზე წინ მიაბიჯებდნენ. მათ უკან მიჰყვებოდნენ ასმათი და ლელა, რომელსაც შატბიას ჩემოდანი მოჰქონდა. მისი წამოლება სახლიდანვე თვითონ ისურვა და გზაშიაც აღარავის დაანება.

ამხანაგებს რომ ჩამოარჩინეს, შატბიას გულისწყრომა შინაურების მიმართ ჯერ კიდევ არ განელეობდა, წელან გუნებაში მეგისაც თუ ისე დაუზოგავად კიცხავდა, თანდათან რწმუნდებოდა, რომ ეს კიცხვა მართებული არ იყო, სწორედ ახლა, შატბიას გაცილების უამს უნდა გამოეჩინა მეგის თავისი სიკეკლუცეც, მორთვა-მოკაზმვის დიდი ხელოვნებაც, რომ სიცოცხლის ძალა და სილამაზე უფრო მეტად ეგრძნო ომში მიმავალ ჭაბუკს და

სიციცხლისადმი ტრფიალს აემხედრებინა იგი მტერზე.

მეგი ახლა თეთრი შიფონის კაბაში მართლაც ძლიერ მიმზიდველი იყო. ულამაზეს ქალწულს, გულზე ერთი თავისი ულამაზესი სამკაულთაგანი — ბროწეულის ყვავილი დაებნია, რომლის კვირტი და ფურცლები მარჯნისა იყო, სამიოდე ფოთოლი ზურმუხტისა და ღერო ოქროსი. წედან, შინ ამ სამკაულს მეგის მკერდზე ნიკომ რომ მოჰკრა თვალი, დიდად ეოცა და უფრო მეტად ეწყინა: ეგონა — მეგიმ მის ბროწეულს დაუკითხავად მოსწყვიტა ყვავილი, მაგრამ სასაყვედუროდ მომზადებულმა ახლოდანაც რომ გასინჯა იგი, თავის უსაფუძვლო ეჭვზე უცებ თვითონვე გაეცინა და ამ აუხსნელი, უმიზეზო სიცილით შინაურების გაცეცხა გამოიწვია.

მეგი რამეს ეტყოდა თუ არა, შატბია უმაღლესი მისი კაბის გულისპირზე დაბნეულ ბროწეულის ხელოვნურ ყვავილს დააკვირდებოდა და ისე უსმენდა. მეგის ეგონა — ვაჟი ეშმაკობს, ჩემს უბეში ჩახედვას ცდილობსო. კაბის სამკუთხედივით ჩაჭრილი გულისპირი, რამდენიმე ნაოჭით კიდევ შეამკიდროვა, ბროწეულის ყვავილის ქინძისთავით დაამაგრა. ამის შემდეგ, ყოველ გადმობედვაზე მეგი, შატბიას თითქო იღუმალ, ნიშნის მოგებით გაუცინებდა ხოლმე. შატბიას ამ ღიმილის აზრი არ ესმოდა, მაგრამ თავს მოვალედ სთვლიდა ქალიშვილისათვის თვითონაც ღიმილით ეპასუხნა. ვაჟს,

რასაკვირველია, თვალს სტაცებდა მოხდენილად მზირალ ქალიშვილის სხვა სამკაულებიც, მაგრამ ახლა მის ყურადღებას მარტო ბროწეულის ხელი-
ენური ყვავილისა და თოვლივით თეთრი ქსოვილის გემოვნებით შეხამება იქცევდა.

შატბიას თითქო ეწყინა, როცა სადგურის შენობა დაინახა. გაუკვირდა, მეგისტან ერთად ასე ხელ-
ხელ ჩაკიდებულთ, რა ნეტარებაში და შეუმჩნე-
ვლად გამოუვლიათ ოთხი კილომეტრი. ახლა შატ-
ბიას ნატვრა მარტო ის კი აღარ იყო, რომ ომში მიმავალ ტოლმეგობრებისთვის მხარი დაემშვენე-
ბინა, ეს წადილი უკვე ასრულებულად მიაჩნდა; მას უნდოდა, გზა, რაც გამოიარეს, ერთი იმდენით კიდევ გაგრძელებულიყო, მეგისტან ერთად ისე ხელჩაკიდებული ევლო და ეცქირა მისი თოვლი-
ვით თეთრი კაბისა და მისი, გულისპირზე კოხტად დაბნეულ ბროწეულის ყვავილისათვის. ყოველი წუთი ელვის სისწრაფით აახლოვებდა მათი გან-
შორების ჟამს და ვაჟს სანატრელად ისლა დარჩე-
ნოდა, რომ იქ, ბრძოლაშიაც მისი ხატება ლანდად მაინც გაჰყოლოდა...

სადგურს რომ უახლოვდებოდნენ, შატბიამ შორიდანვე, ერთ ქალიშვილში თითქო თამარელა შეიცნო, ცოტა შეკრთა, აიწურა, მაგრამ მეგისა-

თვის ხელი მაინც არ გაუშვებინებია. შატბიას უმაღლეს მოაგონდა თავისი ახირებული გადაწყვეტილება— მეგის არასოდეს ახლო არ გაკარებოდა, მაგრამ რამდენადაც მკაცრი და, შეიძლება უაზროც იყო ეს აღთქმა, იმდენად ძნელი იყო მისი წმინდად შენახვა.

ბაქანი და რკინიგზის გასწვრივ ახლომახლო ადგილები სავსე იყო ხალხით. მისვლის უმაღლეს შატბიამ გულდასმით მიიძ-მოიძია თამარელა ბაქანზე მოფუსფუსე ხალხში, მაგრამ რახან თვალი ვერსად მოჰკრა, გულდაწყვეტილი და იმედდაკარგული, რომ მას ვეღარ გამოემშვიდობებოდა, წასვლის წინ სანუგეშო სიტყვას ვერ ეტყოდა, კვლავ თავისიანებთან დაბრუნდა. გულში მტკიცედ გადაწყვიტა — თამარელასთვის გზიდანვე მოეწერა ბარათი.

ახალგაზრდები ვაგონში უკვე დაბინავებულიყვნენ. ზოგს ზედასაწოლი უკვე გაემართა, წამოწოლილიყო და ფანჯარასთან მისეულ ამხანაგებთან ერთად თვითონაც თავი გარეთ გადმოეყო. მშობლები, ცოლები, დები, ძმები, ნაცნობები ვაგონის გასწვრივ ყოველ ფანჯარასთან ჯგუფ-ჯგუფად იდგნენ და თავისიანებს ხმამაღლა, თითქმის ყვირილით ელაპარაკებოდნენ, რადგან ბაქანზე მოზღვავებულ ხალხის ყაყანში ყურთასმენა აღარ იყო. ზოგი რას აბარებდა თავის შვილს, ქმარს, ძმას, თუ ნათესავს, ზოგი რას. ერთმანეთს არ

აცლიდნენ. ერთნი ერთ მხარეს იკვლევდნენ გზას ხალხში ჭიკავ-ჭიკავით, მეორენი — მეორე მხარეს. ზემოდან რომ დაგეხედათ, ხალხის ეს ვებერთელა მასა წყნარი ზღვის ნელი ტალღებივით მიირწ-მოირწეოდა.

ვიდრე მატარებელი დაიძვრებოდა, ასმათს კიდევ უნდოდა, ასე, გულში ჩაკრული ჰქონოდა შატბიას თავი, თანაც გული შიშით უძგერდა, მატარებელი არ დაიძრას და შატბიამ რამე არ მოიწიოსო, ენაც ვეღარ დაეძრა. რამდენი რამის თქმას ლამობდა გული, მაგრამ ყველაფრის გამოსათქმელად ახლა სიტყვებიც ვეღარ ეპოვნა, გამომშვიდობების წუთში ერთხელ კიდევ დაერიგებინა, დაეკოცნა. შატბია აქამდე მალიმალ უსხლტებოდა ხელიდან დედას, ალერსის ნებას არ აძლევდა. ვაგონის ფანჯრებიდან ამხანაგები უცქეროდნენ და, რცხვენოდა, არ დამცინონ, ძუძუმწოვრად არ ჩამთვალონო. როგორც ზედა, ისე ქვედა ვაგონის ფანჯრიდან შატბიას კარგა ხანია თავისკენ უხმობდნენ, ხელს უქნევდნენ ძმაბიჭები... ყველა ცდილობდა შატბიას გადაბირებას. თუ ეს ჭაბუკები აქამდე მარტო ამხანაგებად სთვლიდნენ ერთმანეთს, ახლა უკვე თავი ერთმანეთის ძმებად მიაჩნდათ და ერთმანეთის იწედი, სიახლოვე ასულდგმულეზდათ. რამდენიმე წუთით ადრე, ერთ-ერთ მათგანს — ხორხომელიძეს, შატბიამ თავისი ჩემოდანი და პალტო მიაწოდა ფანჯარაში. შემდეგ, როცა სასტვენის ხმა

განსმა, შატბია ერთხელ კიდევ ჩაიკრა გულში
ასმათმა, მაგრამ მისი თავი მოულოდნელად ნიკომ
გამოსტაცა, თავისი ვაჟკაცი აუჩქარებლად გადა-
ჰკოცნა და ბექზედაც ისე შემოჰკრა ხელი, თითქოს
ამით აგრძნობინა, გაამხნევა — ნუ გეშინიაო; გულ-
აწუყებული და თავბრუდახვეული შატბია უცებ
ლელამ მიიზიდა თავისკენ, აკოცა, თავზე ხელი გა-
დაუსვა, თვალებზე მომდგარი ცრემლი, ხედვას
რომ უშლიდა, სწრაფად ამოიმშრალა და ერთხელ
კიდევ აკოცა ძმასავით ახლობელ და საყვარელ
ჭაბუკს. მეგიმ, აქამდე რომ მოთმინებით ელოდა,
აწლა ცალბეჭზე მოჭიდებულ ხელით შატბია
თავისკენ შემოაბრუნა და თითქო სახსოვრად
ატანსო, ერთი ისე აკოცა თვალთან, ლაწვზე, რომ
შეუძლებელი იყო ეს კოცნა ვაჟს თავის სიცოცხ-
ლეში დავიწყებოდა. მერე ორივე ხელი მკლავებში
ჩასჭიდა, თვალი შეავლო, აღუთქვა, მის საბუთებს
თბილისში ჩასვლის უმაღლ სამხატვრო აკადემიაში
შეიტანდა, ვინ იცის, იქნებ სწავლის დაწყებამდე.
გამარჯვებული დაბრუნებულიყო შატბია ფრონ-
ტიდან და, მაშინ ყველაფერი მზად დახვდებოდა.
მეგიმ უცებ გაკვირვებით ჰკითხა— „შატბია, წე-
რილს არ მომწერ?“ .. — ამ სიტყვებზე უცებ გახს-
ნა მუკში მომწყვდეული პატარა საფულე, ქაღალ-
დის პაწაწინა ფურცელი ამოიღო, მაგრამ უცებ
მოაგონდა, რომ ფანქარი არა ჰქონდა და დაღონ-
და, ფანქარი არც შატბიას აღმოაჩნდა, არც

ნიკოს; თითქო გამოსავალი იპოვნაო, მეგის სახეზე უცებ იღუმალმა ღიმილმა შეითამაშა, ის კვლავ ეცა საფულეს, ოქროსფერ ნეკისტოლა ლულაში ჩასმულ პომადის ბლაგვი წვერით ძლივს გასარჩევად დაუწერა შატბიას თავისი მისამართი და ფურცელი ისე გადასცა ვაქს, როგორც მომავალ განსაცდელში მფარველი თილისმა. შატბიამ უკანასკნელად, ერთხელ კიდევ აკოცა მისკენ ხელებგაწვდილ დედას და უკვე დაძრულ ვაგონის კიბეზე მსუბუქად შეახტა. ასე, კიბეზე მწგარი, დიდხანს უქნევდა ხელს ბაქანზე დარჩენილთ. შატბიასთან ერთად, სხვებიც, კიბის საფეხურზე ჩამწკრივებულნი, თუ ვაგონების ფანჯრებში გადმოყუდებულნი, ხელის ქნევით, ძახილით ემშვიდობებოდნენ მათ, ვინც რჩებოდა. მატარებლის დაძვრასთან ერთად, ბაქანზედ ხალხიც მატარებლის მიმართულებით დაიძრა და ნელა, ტორტმანით მიიწვევდა წინ. ახლა ველარც მიმავალნი არჩევდნენ ხალხის ამ ნელა დაძრულ ვებერთელა მასაში თავისიანებს, და ვერც ხალხი არჩევდა მიმავალთა შორის საკუთარს — შვილს, ქმარს, თუ ძმას. ყველანი აცილებდნენ მიმავალთ და ყველანი ემშვიდობებოდნენ მათ, ვინც რჩებოდა. ახლა, არა მარტო იმიტომ რომ გარჩევა აღარ შეიძლებოდა, არამედ, ერთად რომ მიდიოდნენ განსაცდელთან შესაჭიდებლად, მტერთან საბრძოლველად, ყველა უკვე თავისიანი და თანაბრად ძვირფასი იყო, ხალხისათვის.

რა იღუმალის გულისძგერით ელოდა წელან
თამარელა შატბიას გამოჩენას! სწორედ იმ იმე-
დით, რომ შატბიასთან ერთად იმგზავრებდა სად-
გურამდე, სულ ბოლო მანქანაში ჩაჯდა; მანქანა
რომ დაიძრა, ერთხანს თამარელა იმედს არა
ჰკარგავდა, ერთთავად, სულ გზატკეცილს გას-
ცქეროდა — აი ახლა გამოჩნდება ის, აი ახლავ,
მაგრამ არ გამოჩნდა მისი გულის სწორი. მერე,
სადგურში ელოდებოდა. იქაც ლოდინით გული გა-
დაელია. ბოლოს, როგორც იყო, ეღირსა... მაგრამ
ჯაი იმ გამოჩენას... ის და მეგი კვლავ ერთად,
ხელიხელგაყრილნი მოაბიჯებდნენ. სახე ორივეს
ისე უცინოდა, თითქო მათზე ბედნიერი ქვეყნად
აღარავინ მოიპოვებოდა. მათს ერთად ხილვაზე
თამარელას ისე ეტკინა, ისე გაებზარა გული აღარ
ეგონა თუ იგი ოდესმე გამთელდებოდა. გუშინ
წინ შატბიას ნაჩუქარ ყვავილს აქამდე ნიავს რომ
არ აკარებდა, ახლა ბრაზმორეულმა უნებლიეთ
ერთი ფურცელი მოგლიჯა და თითებში მოსრისა.
შურისძიების უნით შეპყრობილმა ერთხელ კი-
დევ რომ დახედა ყვავილს, ხელი აუკანკალდა;
აჲლა ისე ლამაზი ეჩვენა იგი, ავად ხელის ხლება
ველარ გაბედა.

მეგისტან ერთად მომავალ შატბიას დანახვის
უმაღლ, თამარელამ შინ გაბრუნება დააპირა, მაგრამ
გაუკვირდა, განზრახვის შესასრულებლად ძალა
რომ არ ეყო. ხედავდა, რომ სხვას ეკუთვნოდა,
სხვისთვის ძგერდა შატბიას გული, მაგრამ ამის

შემდეგაც თითქო ვერ დაეთმო, ვერ გაემეტებიწა. იმ ბროწეულის ყვავილმაც რომ გაუჭირა საქმე... თითქო ამხნევებს, შემოსცინისო, ისე ეტანებოდა თეალებში მისი ხალისიანი, ნაზი მოწითალო ფერი. თამარელამ, როგორც იყო, ერთხელ კიდევ სძლია თავის ეჭვებს, გულისტკივილს, თავი ძალით ინუგეშა — ახლა ყველაფერი გაზვიადებულად მეჩვენებაო, ბროწეულის ყვავილი უცებ გულში ჩაიკრა და გადაწყვიტა — რახან ნიკოს, ასმათისა და მეგის თანდასწრებით შატბიასთან გამომშვიდობება ვერ გაბედა, შორს დახვედროდა მატარებელს. თამარელას ვარაუდით, შატბიაზე დიდ შთაბეჭდილებასაც მოახდენდა ასეთი გამოთხოვება და ვაჟის ცნობიერებაშიაც ამ, სიყვარულისათვის თავგანწირული ქალწულის სახეც უკანასკნელად აღბეჭდილი თან გაჰყვებოდა, როგორც ძვირფასი და მფარველი ხატება. შატბია რომ მატარებლიდან უეჭველად შენიშნავდა მას, ამაში თამარელა ერთი წუთითაც არ დაეჭვებულა.

საითაც მატარებელს უნდა გაეელო, ერთი კილომეტრით დაწინაურებული თამარელა ლიანდაგთან ახლოს ბორცვზე ჩამოჯდა. ლოდინში გულის გადასაყოლებლად ნელის ხმით წამოიწყო — „გინდ მეძინოს“... ამასწინათ წვეულების დროს, მათს სახლში მეგიმ რომ ისე თავდავიწყებით უმღერა შატბიას.

ჯერ კიდევ შორიდან შენიშნა თუ არა გორაკებს შორის მიხვეულ-მოხვეულ ლიანდაგის გასწვრივ

ხეების კეწეწებში გაბლანდულთ თეთრი კვამლი, თამარელას გული აუძგერდა, უნებლიეთ წამოიქახა — „მოდისო“. მატარებელი სწრაფად უახლოვდებოდა იმ ადგილს, სადაც თამარელა იდგა; ზღვებ ორთქლმავალიც გამოჩნდა მოსახვევში, შემდეგ ვაგონებიც, ერთი, მეორე... და ისევ ყველაფერი მიიმალა, მხოლოდ ჰაერში ავარდნილი კვამლის ახალ-ახალი ბოლქვები და ახლა უკვე მკათიოდ გასაგონი ბორბლების ხმა მოწმობდა, რომ მატარებელი კვლავ წინ მოჰქროდა. „მოდის“ — ისევ გაიმეორა თამარელამ, როცა ბორბლების ხმა კიდევ უფრო მკათიოდ მოესმა, შემდეგ კვლავ უეცრად გამოიჭრა მოსახვევიდან მძვინვარე მხეცივით თვალებ გაბრდლიალებული, ვებერთელა ორთქლმავალი, რომელიც სალამოს ბინდბუნდში სილუეტად ჩანდა მწვანით ალაგ-ალაგ დაფარულ კლდოვან ფერდობის ფონზე. თითქო უკან მოსდევნო, ორთქლმავალთან ერთად მოსახვევიდან ზედიზედ გამოიჭროლეს სამგზავრო ვაგონებმა. აფართქალეებულ გულის ოდნავ მაინც დასაშოშმინებლად თამარელამ სულის მოთქმაც ველარ მოასწრო, ისე სწრაფად გაუსწორდა მის ბორცვს ორთქლმავალი. თამარელას ცალი ხელით შუბლი მოეჩრდილებინა, მეორე, მალლა აწეულ ხელში კი ბროწეულის ყვავილი ეჭირა, მაგრამ სალამოს ბინდბუნდში ახლა ვერც ვერაფერს არჩევდა, ორთქლმავლის ძალუმ დგან-დგარსა, შიშინსა და ბორბლების ხმაურში, აღარც არაფერი ესმოდა.

მის წინ საოცარი სისწრაფით ჩაიქროლეს ვაგონებმა, თვალში ისე აერია ყველაფერი, გარკვევით ერთი სახეც არ დაუნახავს ფანჯრებზე მომდგარ თუ კიბეებზე შეხურხლულ მგზავრებისა; ისინი თითქო რალაც გაუგებარს გაჰყვიროდნენ და ხელსაც იქნევდნენ, მაგრამ თამარელას ვერ გაერკვია, ვის ეხებოდა, ან ეს ძახილი, ან ხელის ქნევა. ყველაფერი ერთ წუთში გაქრა თვალიდან, როგორც მოჩვენება; მიწყდა ხმაურიც. ფანჯრებში გადმოყუდებულ ადამიანების მაგივრად გარდა ნათელი და ბნელი ლაქებისა, თამარელას არაფერი დაუნახავს, ისე დაიბნა — ისე აერია გონება, ისე ღელავდა. თამარელა სახტად დარჩა, როცა მატარებლის ბოლო ვაგონის სახურავის კუთხეში მიმაგრებულ წითლად აკიაფებულ ნათურას მოჰკრა თვალი. სალამოს ბინდბუნდში ეს წითელი სინათლეც ისე გამოიყურებოდა, ისე შორდებოდა წამიწამს, როგორც უკვე მიუწვდომელი იმედი. ერთ წამში ყველაფერი გათავდა. მაგრამ თამარელა ისევ ისე უძრავად იდგა ბორცვზე და ამოდ ცდილობდა გაერკვია, რა მოხდა. ხელები უღონოდ დაეშვა ძირს; ცრემლმორეული, თვალებს კი დროდადრო უნებლიეთ კვლავ იქით მიაპყრობდა ხოლმე, საითაც მატარებელი მიჰქროდა, ხანაც ხელში შერჩენილ ბროწეულის ყვავილს დასცქეროდა საცოდავად. ბოლოს დარწმუნდა-რა აქ ყოფნა ველარაფერს უშველიდა, ყვავილი მკერდში ჩაიკ-

რა. ყელში ბოლმამობჯენილი ნელა დაეშვა ბორცვიდან დაბლა. ერთხანს ლიანდაგის გასწვრივ მიაბიჯებდა, მერე გადაუხვია, ბილიკით გორაკზე გადავიდა, გზა მოკლედ მოჭრა, ახლა ყანას ნაპირ-ნაპირ მისდევდა. გულმოკლული, თვალზე ცრემლ-მომდგარი ახლა მარტო ტირილის გუნებაზე იყო, მაგრამ ტირილსაც ველარ ახერხებდა, მდულარე ცრემლებისათვის მაინც რომ გაეტანებინა დარდი და გულზე მოწოლილი ბოლმაც შეემსუბუქებინა. მიდიოდა და სულ იმის ფიქრში იყო, რა ელონა, რა გაეკეთებინა, რომ შატბიას თვალში კვლავ აძალღებულიყო, რა საქმე უნდა ყოფილიყო ისეთი, რომ თამარელა შატბიას სახელით არ შექიდე-ბოდა, არ დაეძლია და თავი არ ესახელებინა. აღარ იცოდა, რით გამოეხატა თავისი წმინდა სიყვარული ამ ვაჟისადმი, რით დაემსახურებინა ხალხის პატივისცემა და ყურადღება, რით მოეგო ნიკოს გული, აქამდე ისე დაუმსახურებლად, აღმაცერად რომ უყურებდა ეს ძველი, დამსახურებული მე-შახტე.

თამარელა ახლა იმდენად დაღლას არ გრძნობდა, რამდენადაც შინაგანად აშლას და აფორიაქებას. ათასი ფიქრი და ზრახვა უტრიალებდა თავში. ამ ფიქრებში იხატებოდა მისი წარსული, აწმყო და მომავალიც. თვალწინაც სულ ის სახე ელანდებოდა, ძვირფასი, ახლობელი, მარადის დაუვიწყარი— შატბიას სახე.

მახტის ცენტრალურ უბანს რომ უახლოვდებოდა, ძალიან ეუცხოვა ის უჩვეულო მყუდროება, რომელიც ახლა იქ სუფევდა. არა თუ ამ დროს, სალამოხანს, ნაშუაღამევსაც ამ გზაზე ხალხი განუწყვეტლივ მიდი-მოდოდა; ლაპარაკი, მანქანების ხმაური არც დღისით წყდებოდა, არც ღამით. ამ მყუდროებაში თითქო ძახილის მსგავსი, ადამიანის შორეული ხმა რომ გაისმა, თამარელა შედგა, ყური მიუგდო, ჯერ ეგონა, სმენა მატყუებსო, მერე, რადგან დარწმუნდა, ის ხმა ნამდვილად მოისმოდა, იფიქრა, რადიოში თუ ლაპარაკობენო და გზა განაგრძო, გორაკის ძირას, რომლის სიმაღლიდან ამ მაღამოს ბელადის მონუმენტი და ტრესტის შენობა გადმოსცქეროდა, გზატკეცილიდან გადაუხვია, რახან დაღლილი იყო, იფიქრა, გზას მოკლედ მოვკრიო და შემოვლას, ბილიკით გორაკზე გადასვლა ამჯობინა: გადაღმა კლუბი იყო, კლუბთან ხიდზე გავიდოდა და ათ წუთში შინამდე მიაღწევდა. გორაკის ფერდობზე რომ ფეხი შედგა, ხმა, წელან რომ ოღნავ ისმოდა, ახლა უფრო მკაფიოდ გაიგონა, თუმცა სიტყვების გარჩევა ჯერ კიდევ ძნელი იყო. დააყურა, შემდეგ, ცნობისმოყვარეობით შეპყრობილი და ცოტა გამხნევებულიც, გორაკის ფერდობზე სწრაფად ავიდა, კიდევ გადაღმა რამდენიმე ნაბიჯი და მეორე მხარეს, ხევისაკენ რომ გადაიხედა, თვალწინ საოცარი სანახაობა გადაეშალა. კლუბის შენობიდან მოყოლებული, მთელი სასეირნო მოედანი და გორაკის ფერდობის ტერა-

სები ხალხით იყო გაჭედილი. კლუბის ორსართუ-
ლიანი შენობის მთავარი შესასვლელის წინ სამას
სანთლიანი ნათურის შუქით განათებული ზღვა
ნალხი საღამოს ბინდში ირგვლივ სილუეტებად
გამოსახულ შენობების, გორაკების, თუ ასწლოვან
ხეების გარემოცვაში მკაფიოდ ჩანდა. კლუბის
შენობაში, თალიან შესასვლელთან, კიბის ბაქანზე
რამდენიმე კაცი იდგა; ერთი მათგანი სიტყვით
მიმართავდა ხალხს. ცემენტის მოაჯირს ხან ორივე
ხელით ეყრდნობოდა, ხანაც რიგრიგობით შლიდა
ჰაერში მარჯვენა თუ მარცხენა მკლავს. მოედანზე,
კლუბის შენობის წინ თავმოყრილ და, გორაკის
ტერასებზე მჭიდროდ შეფენილ ხალხში ქალები
სჭარბობდა. მამაკაცებს აქა-იქ თუ მოჰკრავდით
თვალს, ნაწილი ცვლაში გასასვლელად ემზადებო-
და, ნაწილი თავგანწირვით იბრძოდა, რაც შეიძლე-
ბა მეტი ქვანახშირის მოსაპოვებლად და გამოსატა-
ნად.

თამარელა ისე გააოცა და მოხიბლა ამ სანახა-
ობამ, ერთი წუთით თავისი დარდიც კი გადაავი-
წყდა. ორივე ხელით მკერდში, შატბიას ნასახსო-
ვრებ ყვავილ ჩახუტებული, გაქვავებულივით იდგა
გორაკის თავზე, სულ ზედა ტერასის პირას და
სულგანაბული უსმენდა ორატორს. რამდენიმე
წუთში თამარელასათვის უკვე ყველაფერი გასა-
გები გახდა. წელან ასე დადონებული და სასო-
წარკვეთილი, ახლა აშკარად გრძნობდა ორატორის
სიტყვებზე როგორ უბრუნდებოდა ჩვეული მხნე-

ობა და იმის შეგნება, რომ თავის გამოჩენის შემ-
თხვევა ეძლეოდა, რაც განუზომელი სიხარულით
უძგერებდა გულს.

როცა ამ ორატორმაც სიტყვა დაასრულა და
ზღვა ხალხის ერთსულოვანი მოწონების გამო-
ძახილმა, გაცხარებული ტაშის ხმამ ერთბაშად
შესძრა ერთი წამის წინ მყუდროებით გარემოცუ-
ლი კლუბის მოედანი, იგივე ორატორმა, რომელიც
მხოლოდ ახლა იცნო თამარელამ, დაწყნარების ნი-
შნად ხალხს ხელი რამდენჯერმე დაუქნია. როცა
კვლავ სიჩუმე ჩამოვარდა, მყუდროებაში ისევ გა-
ისმა ორატორის დინჯი, მაგრამ ქალებისადმი მო-
წოდების პათოსით აღსავსე ძახილი:

— ამხანაგო ქალებო! ვის სურს, დაიკავოს ომში
წასულ მემხატეთა ადგილი?..

თამარელა მოუთმენლად ელოდა ამ მოწოდებას,
და გაისმა თუ არა იგი, თითქო ყველას წადილს,
გულისთქმას გამოხატავსო, უცებ ისეთის ხმით
დაიძახა: „მე წავალო“, რომ თავისი გამბედაობისა
თვითონაც გაუკვირდა და სხვებიც გააკვირვა.
მოედანზე შეკრებილმა და ტერასებზე შეფენილმა
იზოდენა ხალხმა, აქამდე ორატორს რომ მისჩერე-
ბოდა, ამ უეცარ ძახილზე უცებ იბრუნა პირი და
გორაკის თავზე გადმომდგარ ქალიშვილისაკენ
იწყო ცქერა.

თამარელა ერთ წამს კიდევ იდგა ასე. ჰაერში
ამაყად გაშლილი ხელით, ხელში კი შატბიასაგან ნა-
სახსოვრები ბროწეულის ყვავილი ეჭირა, თითქო

იმ ყვავილის სახით თავის სიყვარულს ფიცავდა, რომ მისი წადილი ისევე წრფელი და მხურვალე იყო, როგორც მისი სიყვარული შატბიასადმი. ეს ზღვა ხალხი ჯერ კიდევ გაკვირვებით შემოსცქეროდა ქალიშვილს, და ვისაც უკვე ეცნო იგი, თვალს არ უჭერებდა, რომ ის ნამდვილად თამარელა იყო, ახლობელი და შინაური, ლამაზი, თავმომწონე, ხანდახან თამამიც, მაგრამ არც ისე გაბედული, რომ ახლა შახტში მუშაობაზე პირველს გამოეთქვა სურვილი.

თამარელა ახლა ამ ზღვა ხალხის თვალში ისე აშადლებული ჩანდა, (არა იმიტომ რომ მაღლობზე იდგა) გულის სიღრმეში ყველა ნატრობდა მის ბედს, და ყველა ცდილობდა მისი მაგალითისათვის მიეზაძა.

პატრიოტულ მოწოდებაზე თამარელას მხურვალე გამოხმაურებამ ხალხზე ისე იმოქმედა, ერთმანეთს აღარ აცლიდნენ, ყველა ცდილობდა სხვაზე ადრე და უფრო ხმამაღლა გამოეთქვა თავისი წადილი. სხვებთან ერთად ნიკოც გაოცებით რომ უცქეროდა თამარელას, თვალს კიდევ არ უჭერებდა, მერე, რატომღაც, გული ბავშვივით აუჩუყდა, შემჭიდროვებულ აყაყანებულ, ამოძრავებულ ხალხში გორაკზე ტერასები ჯიკავ-ჯიკავით ავლო, თამარელას მამაშვილურად გაუღიმა თავისი აცრემლებული თვალებით, მერე ხელი მოხვია და საფეთქელთან მოწიწებით აკოცა.

(პირველი წიგნის დასასრული)

Л. АВАЛИАНИ
НОВЫЙ ГОРИЗОНТ
(На грузинском языке)

Госиздат Грузинской ССР
Тбилиси
1952

რედაქტორი ს. ჩიქოვანი
მხატვარი ნ. მანუჩიშვილი

მხატვრული რედაქტორი გ. გორდელაძე
ტექნიკური რედაქტორი ან. ლვინიაშვილი
გამომშვები შ. დოლიძე
კონტრაქტორ-კორექტორი ე. აქროპირიძე

გადაეცა წარმოებას 12-III-52 წ. ხელმოწერილია დასაბეჭდად
23 X-52 წ. ანაწყოების ზომა $4\frac{1}{2} \times 7\frac{1}{2}$. ქალაქის ზომა
70 X 92. სასტამბო ფორმათა რაოდენობა 20 წ შეკვეთის
№ 65 ტირაჟი 7000 ჟე 01099.

სტამბა „ჩუქუა“ ვოსტოკა ტბილისი, რუსთაველის, 42.

შეცდომების გასწორება

გვერდი	სტრიქონი		დაბეჭდილია	უნდა იყოს
	ხემ.	ქვემ.		
9	9		ვაგონებზე	გაგონებაზე
25		4	ამხანაგებს	ამხანაგების
28		8	გადამხედა	გადამხეხედა
55	9		მკერდს	მკერდისა
86	1		მოხიდავს	მიხიდავს
94		12	გამგრძელებული	გამგრძელებელი
173		2	დიდმანქანიან	დიდფარფლებიან
389	7		იმედავდა	იზიდავდა
299	6		მეშახტის	შახტის
318	10		შეახტა	შეხტა